

6

11-c

89



heca

. Rom.

esu

~~43~~

~~11-c 89~~

12
20

6
11-c
89



heca
Rom.
esu

~~113~~

13.6.22.
~~6-113c89~~

8 $\frac{12}{22}$



JACOBI CRUCE

SUADA DELPHICA

SIVE

ORATIONES XLV

Varii Argumenti

*Studiosæ Inventuti manu ductio
ad Artem Oratoriam.*

Bibl Sec: Coll Rom:

Sec.

Sec.




AMSTELÆDAMI,

Apud JOANNEM JANSONIUM.

MDCLVII.

60



Ornatissimis, Doctissimisque Viris,

DIONYSIO SPRANCHUSIO,

E T

DIONYSIO CRUCIO



*Illi in Ecclesia Delphensi, huic in ea, quæ
est Noriomagi, Verbi divini Mini-
stris fidelissimis,*

J. CRUCIUS dedico, confecroque.

In rebus humanis nihil esse mente,
ac ratione divinius, unanimi sem-
per consensu, Sapientissimi judica-
runt. Quis etiam Veterum nonnul-
li, cum expressam in ea Divinitatis imaginem
animadvertent, admirabilem quandam esse
humanae mentis prestantiam, neque in iis o-
mnibus quæ infra Lunam sunt, mente de ra-
tione superius quidquam posse reperiri statue-
runt. Ea genus humanum cetera quotquot sunt
animantia longè superat, quamvis in aliis, ab-
eorum plerisque superetur. Vincit enim hominem
celeritate cervus, taurus robore, lynces & aquie
visu, apri auditu, canes & vultures odoratu.
Sed mentis acrimonia, aliis longè antecellit.
Cujus ut variae sunt dotes, ita non minima ea-
rum est ELOQUENTIA, quæ conceptas ani-
mo rerum imagines, grandibus verbis, & mi-

nimè vulgari dicendi genere efferre apta est, & idonea, ornata ingenuarum artium, ac disciplinarum splendido comitatu, quibus oratio tanquam modicè adperso sale, suavissimè conditur. Hac via veteres illi quos admiramur Sapientia Proceres, vulgo se exemerunt: hac se supra ceteros mortales extulerunt; hac gradientes, non modo floruerunt inter aequales suos, sed in omnem posteritatem, nomen sibi, ac decus immortale pepererunt. **E L O Q U E N T I A** enim paces componuntur, inter remotissimas gentes constituuntur societates, fœdera feriuntur, amicitia qua condimentum vitæ est, nullo magis adminiculo, nullo ferrumine validius quàm eloquentia inter dissidentes consolidatur ac coalescit. In theatris, foro, curia, tribunali causas agere, cathedram conscendere, & ad populum verba facere, sententiam de publicis negotiis dicere, legationibus defungi, totum est **E L O Q U E N T I A E**. Nullam vitæ humanæ partem immunem fui esse patitur. In Aulis Principum locum habet, & in Castris, & ubicunque consilio res geritur, domi, foris, triumphat Eloquentia. Sagum sibi, & Togam vendicat, lauros & trabeas, sceptrum & fasces, & in rebus arduis Regni, aut Regis, militiæ aut pacis, lingua loquitur index animi, & interpres consiliorum, inter praesentes, & longè remotos, & quum armis non potest, verbis pugnat, & sine tumultu inducias aut pacem, sine sanguine victoriam, sine cade trophæa molitur. Ideo olim arctissimo inter se vinculo jungi Mercurium, & Palladem An-

tiqui-

tiquitas voluit sapientia magistra, quod sine
 ELOQUENTIA, prudentia illa rerum hu-
 manarum Regina, & Civitatum Domina, at-
 que Imperatrix, nulla sit. Non aliter de ea olim
 judicarunt Viri magni, & summi illi dicendi
 magistri, Cicero, Demosthenes, & ii qui
 Academiis, & Scholis unquam cum laude
 prae fuerunt. De me liberè, & circa jactantiam
 hoc profitebor, in pretio semper à me habitam,
 & juventuti sub disciplina mea, quà praeceptis,
 quia chriis, & orationum argumentis instilla-
 tam, ut primis istis dicendi tyrociniis animos
 ad eam excolendam accenderem & in hac vo-
 luntate perseverabo, donec usurpabo oculis
 γλυκερὰ φάσμα ἢ ἐλπίδι. Sed ut Ixion in fa-
 bulis pro Junone nubem, ita hodie multi pro
 Eloquentia amplectantur inanem, & verbosam
 loquacitatem, & omiſſis rebus verba curant.
 Ergo non fucatam eloquentiam, non phalera-
 tam, & ponderantem periodos, magni pendo,
 sed simplicem, masculam, & perspicuam in qua
 emineant sententiae, & quae sponte naturali
 pulchritudine exurgat, nullo verborum lenoci-
 nio leviter incrustata, sed penetrans succi ac
 sanguinis plena & quae gravitate sua, se ipsa
 commendat. Ut Pythagoram ajunt è modulo
 pedis, quanta mole corporis fuisset Hercules
 judicasse: sic ego ex brevi, sed nervosa oratio-
 ne, quae sublimem & floridam simul Romanae
 dictionis elegantiam spirat, de ingenii alicujus
 magnitudine, judicare didici; Cretensium
 exemplo quos Plato ait πολύνοισιν μέλλον, ἢ

πολυλογία ἀσκήσας. Nec de nihilo. Vt enim
in iis quæ possidentur, ea plurimi fiunt, quorum
exigua moles est, pretium ingens: & ut in ci-
bis ii maximè laudantur, qui plurimum succi
habent: ita maximi facienda Oratio, non je-
juna illa, diluta, famelica per humum repens,
sed quæ facunda & facunda brevitate, multa
& magna complectitur numero se dicit &
perspicuè sensa mentis evolvit, quo nullum
majus elocutionis ornamentum est. Sub vestro
vero nomine Viri ornatissimi, quod has exerci-
tationunculas oratorias in lucem prodire volui,
non est quod miremini, humanitas vestra im-
pulsit, & propensus in me animus, quem pari
affectu nisi rependam, ingritudinis merito
essem postulandus. De quo ut vobis constet
ἐνέχυρον aliquod exstare volui in hoc munere
chartaceo. Favete modo, & laborem hunc meum
nomini vestro inscriptum sereno vultu suscipite,
gratum vobis (ut spero) futurum si non pretio
suo, saltem Autoris in vos affectu, & pro-
pensa tribuentis voluntate, quæ in ratione offi-
ciorum utramque paginam facit. Valete &
longum, Viri virtute, & doctrina venerandi,
Reip. litterariæ, & Ecclesiæ bono vivite Del-
phis V. Kal. Iun. c15. 156. L.

I N D E X

O R A T I O N U M.

- I. In laudem Logicæ.
- II. In laudem Rhetoricæ.
- III. In laudem Divi Pauli.
- IV. In vituperium Regis Achabi.
- V. In laudem Linguæ Hebrææ.
- VI. In laudem Linguæ Græcæ.
- VII. Qua probatur adversus Judæos
Jesum Mariæ filium esse pro-
missum Mundi Messiam.
- VIII. Parænetica ad Studiosos, ut de-
voratis molestiis, constanter in
studiis perseverent.
- IX. In Senectutem.
- X. Pro Senectute.
- XI. De Tranquillitate Animi.
- XII. De Tranquillitate Animi.
- XIII. De Invidia.
- XIV. De Invidia.
- XV. De Ira, & de ejus effectis.
- XVI. De Causis & remediis Iræ.
- XVII. In laudem Alexandri Magni.
- XVIII. In laudem M. Scævolæ.
- XIX. Qua negatur Nobili discendas
esse literas.
- XX. Qua affirmatur Nobili discendas
esse literas.
- XXI. In vituperium Poësis

ORATIO I.

In laudem Logicæ, recitata ab

ISAACO SWANEVELDIO.



On minus graviter, quàm verè
alibi Poëta :

Ἀργύριον ἔστιν αἷμα, ἔστι ψυχὴ βροτοῖς:
*Pecunia, anima & sanguis est mortali-
bus.*

Tanta enim hodie, multorum animos cepit dementia, ne dicam infania, ut post. habitis iis quæ unicè mentem adornant, & animam nobilitant, fluxis his, & caducis anxie corradendis incumbant; ac tum demum beatos se prædicant, si scrinia sua opibus, ac pecunia redundant; cætera scientiarum omnium, ac artium rudes, adeo ut stipetes potius, ac trunci censerì debeant, quàm homines, qui à brutis animantibus, nulla alia de causa, magis dissident, quàm rationis usu. Hanc cum præ aliis artibus, ac disciplinis maxime perficiat, & informet *LOGICA*, mirari satis nequeo, quæ fiat, quod non majori eam studio amplectantur homines, in eaque unice consequenda defudent, quæ artium omnium, ac disciplinarum *Domina* est, & mentis humanæ moderatrix. Hujus grassantis erroris contagio, cum occurrere, hac mea declamatiuncula, & dignitatem, ac præstantiam *Logica*, à multorum superbo fastidio vindicare sit animus, vos rogo, Auditores, ut me de nobili hac materia, apud vos dicentem, solita vestra attentione, ac benevolentia completi haud dedignemini. Theseum ferunt Ariadnes ope, in penitissimos labyrinthi recessus olim ingressum, inde etiam exiisse feliciter. Ego pariter facile intelligo, me non nisi favoris vestri aura,

hunc amplissimum declamandi oceanum ingredi posse nec nisi vestra patientia velis adjutum, in eo progredi, nec inde regredi, nisi in vestra aequanimitate proram puppimque collocem. Adeste igitur, iterum dico adeste, animis, qui corpore praesentes estis, meque benevolentiae vestrae helice, ac cynosura, ducite, ac dirigite, ut ad portum tandem aliquando appellere liceat, & mihi, digna studio, digna nobili hac Auditorum corona, digna gymnasio hoc, & Palladia juventute, contingat Oratio.

Scio, Auditores, comparisonem omnem (ut est in veteri verbo) esse odiosam: non possum tamen quin eam cum aliis artibus, ac disciplinis componam, quae in Scholis, multorum opinione, ac sententia dignitatem suam tuentur. Certè quàm supra Grammaticam emineat, Hypsæa cæcior est qui non videt. Illa enim quid tractat? circa quæ occupatur? quæ ventilanda sibi, & excutienda proponit? Vultis dicam Auditores? Voces sunt tantum, & inania verborum. Quid Rhetorica? dicam liberè quod sentio, loquax est, garrula, ampullata & ut ii qui corpore tenues sunt, veste se dilatant: sic illa quia rerum inops, diffundit se verbis, & *crescentem tumidum inflat sermonibus utrem*. Ex pigmæo gigantem, ex musca elephantem facit, è culice aquilam, ex cicada Apollinem, & conquisito verborum blandientium apparatu, futilibus quaque adductis ratiunculis, sed fronte & pompa speciosis vilissima quæque, & abjecta si ita visum, mirificè extollit: magna contra, imo summa si lubet non minus impudenter, quàm superbè traducit, sugillat, deprimit, & cum dicendi artem sola profiteatur, plus quoque dicit, quàm facit, plus ostentat, quàm præstat. Quid aliæ artes, quid disciplina? mutilæ sunt, & imperfectæ, imo facillime concidunt, nisi splendorem suum, ac firmitatem mutuuntur à Logica. Quod ne cui vestrum mirum videatur, quæro à vobis, Auditores, num

num quid in homine præstantius sit *Ratione*? quam Poëta, summi illi sapientiæ magistri *divina particulam auram* appellare non dubitarunt, ut quæ hominem compendium illud Universi, à brutis discriminat? Bene est, assentiri vos mihi video. Igitur ars illa quæ in caligine errorum directrix est rationis, & mentis humanæ moderatrix, cæteris quoque artibus, & scientiis palmam longè præripit, tantumque se supra alias effert disciplinas.

ὅσον, ut cum poëta loquar, ὅθεν οὐκ ἔστι δὲ γαίης.

Non alia de causa, à Philosophis *ars artium*, & *scientia scientiarum* appellatur, & ὄργανον τῶν ὀργάνων καὶ χεῖρ τῆ φιλοσοφίας. Augusto me hercule, & magnifico titulo! Nam ut benè, & doctè alibi Cicero: Hæc illa est qua in omnes sapientia partes manat, ac funditur: illa quæ res definit, quæ dividit, comparat, opponit, quæ vera, & falsa judicat. Augustinus, illam, *VERITATIS scientiam* appellat, & ad omnem sapientem pertinere dicit, & alibi hujusmodi sapientiam esse proficitur, sine qua sapientia esse non possit. Non de nihilo; nam quod ille olim Polyphemus sine oculo fuit, quod navis sine gubernaculo, aut Palinuro, corpus sine anima: hoc disciplinæ omnes sine Logica, quæ una facit ut rationi cedat temeritas, luci tenebræ, mendacium veritati. Certè si artis alicujus dignitatem, materia commendat, ullane est ars, ullane disciplina, quæ latius se extendat? ulla ne scientia etiam nobilissima, quæ longius se diffundat? Nulla. Nam cum alia omnes disciplinæ qualescunque illæ sint, limites suos habeant, & fines, quibus quasi cancellis suis includuntur: Physica pomæriis naturæ: Ethica virtutum, ac vitiorum: Arithmetica de numero tantum sollicita sit; Politica de tranquillo tractet, ac prospero Reipubl. statum, & quæ ad hanc tranquillitatem sint adminicula: Oeconomica differat, quæ Parentum, & liberorum officia sint, quæ domesticorum;

quid familiam beet , quibus illa legibus stare diu possit , quid eam ab interitu vindicare , quid firmare eam , ac tueri : Logica , sui quasi juris , & mancipii nullisque inclusa terminis , per totam exspatiatur naturam , ac rerum universitatem , dictoque citius ab Auroræ thalamis ad Vesperam rapitur , & rursus à Vespera ad Auroram. Omnia perreptat , indagat , penetrat , nihil intactum relinquit : Divina contemplatur , & humana : Disputat de Deo , ejusque providentia , in Mundi hujus regimine : inquit in ejus attributa , sapientiam , justitiam , bonitatem , omnipotentiam : Disputat de Angelis , de homine , de anima , de cœlo , & vario siderum , ac stellarum cursu , de prima rerum naturalium materia , de elementis , plantis , metallis , mineralibus , de natura animalium , de virtutibus , & vitiis , de legibus , de morbis , eorumque remediis. Nihil est Auditores de quo non illa *εις εξαίτα* accuratissime , exquisitissime , & enucleato indicio differat , & sub rationis incudem revocet , tanquam sedula , ac indefessa veritatis omnis indagatrix ; nempe ut aspectus à circumfuso aëre lumen accipit : Sic mens à Logica. Quid ? Annon tota circa intellectum , nobilissimam illam animæ facultatem ita occupatur , ut illum , tanquam Magistra regat , & instruat ? Quid obsecro vos in philosophia , quid in cyclopœdia , addo , quid in tota , & universa literatura , quanta quanta est , sine hac feliciter , & cum fructu præstari potest ? Nihil. Si ad scientias quis alias contendat , hæc janua est : si recludere veritatem desideret , si abditissima disciplinarum arcana perscrutari , hæc clavis est : Sine hac scientiæ omnes ac artes tenebræ sunt , & ingeniorum tortura. Dicit *Democritus* , *veritatem in alto puteo demersam cujus non sit fundus* , hæc eruit. Dicit *Anaxagoras* , *omnia tenebris esse involuta , & densa ignorantia caligine veritatem esse circumseptam* , hæc in lucem pottrahit , & protractam

omnium

omnium oculis spectandam proponit. Dicat *Empedocles*, *angustas esse sensuum vias*, invia Logicæ nulla est via. Omnia perrumpit, omnia penetrat & suis pretiis momenta rerum ponderat; hæc cæcitatis humanæ nebulas dispellit, & solida rerum cognitione mentes imbuat. Dicat denique *Socrates* omnium mortalium, Apollinis Oraculo, sapientissimus, *se unum scire quod nihil sciret*, hæc dat scientiam. Atque ut sol ortu suo tanquam magnus ille mundi oculus, obscurissima quævis loca illustrat: Ita hæc artes omnes. Et ut viatores qui in exterarum regiones, & terras longè à patria distas tendunt, & peregrinantur, nisi ducem habeant, à via facile aberrant, & in devia feruntur & præcipitia: Sic liberalium ingeniorum lucubrationes, labores, studia à scopo suo & fine facile defleunt, nisi *Logicam* ducem habeant, tanquam filum Ariadnes, in magno illo, & inextricabili artium labyrintho. Quid multa? Nesciens Logicam, etsi scire aliquid videatur, nescit tamen cum rationem sui sciti nesciat. Hinc est, Auditores, quod Hipponensis ille Ecclesiæ olim Antistes, *Logicam* vocat *disciplinam disciplinarum*, quia hæc illa est (inquit) quæ docet docere, & quæ docet discere. In hac, se ipsam ratio demonstrat, atque aperit, quæ sit, quid velit, quid valeat. Sine hac nihil aut cogitare prudenter, aut disputari acute, aut certe definiri ac statui potest. Verbo. quod naviganti est specum, aut pharus, scribæ calamus, Geometræ circinus, & norma, infanti serperastræ: id Philosopho, Theologo, Jurisconsulto, & Medico, est LOGICA, Sine qua omnes disciplinæ, & artus velet Ariadneo filo destitutæ, *Errabunda legunt dubio vestigia gressu*.

Sed ne titulis quibusdam videar gloriari, Logicæ ponderemus utilitatem. Nulla est disciplina, quæ magis excitet, juvet, acuat ingenium hominis, *Logicâ*. Nulla ars quæ iudicium hominis, ad solidè percipiendum, quid verum, quid falsum,

quid ordinatum, quid verò confusum sit, dexterius informet. Nulla quæ de obscuris dilucide, de perturbatis disposite, de dubiis enucleate magis differat. Illa quid acutius, quid altius, quid emunctius? Per *Logicam* enim, Auditores, non solum scimus, sed etiam nos scire scimus. Hinc illa inæstimabilis in intellectu voluptas, quam nobis ingenerat *Logica*, dubitationum omnium optima medica. Hinc sublata dubitatione per *Logicæ* medicinam, constantia in veritate, ne facile ab ea seducaris. *Logica* facit; ut ordine doceas, & scribas, quæ rectè cogitasti. Hæc facit; ut benè discas, quod alter te benè docet. Hæc tibi ad omnis generis erudita colloquia, & collationes manuatio. Hæc sola facit, ut possis intimam reliquarum disciplinarum scientiam tibi acquirere. Hæc velut è tenebris in lucem, veritatem protrahit. Nam veritas non nisi abscondi erubescit, & *Logicæ* beneficio emergit tandem, & in scenam prodit quæ diu latuit. Illa est, quæ hominem reddit judiciosum, & promptum in rebus cognoscendis: quæ errantes in viam reducit, & sophistarum omnium fraudes deregat, nodos solvit, & argutias eorum, qui in disputando non veritatem quærunt, sed victoriam, eludit, ridet, elevat, imo diffiat, quasi ventus folia, & ut ut ἀπειρος sit ψεύδους, καὶ πολύρρετος, magnamque veri speciem præ se ferat, adeo ut illi qui sibi videntur Argi, haud raro decipiantur, illa nunquam decipi, & in errorem induci queat: sed sophismatum involutos, inenodabiles, & intextos laqueos non minus feliciter dissecat, quam Alexander ille magnus nodos Gordios; imò, haud aliter quàm leves araneorum telas, vespæ, crabrones, scarabei, perumpit, frangit, dissipat, magnificentiusque triumphat; quàm si victrix rediret ab Olimpico certamine, aut Pythico, aut quadrijugo curru, & albetibus equis, per sacram viam, lauro coronata, in Capitolium invehetur. Adeò ut quod Home-

rus olim de Tiresia, Cato de Scipione dixit, idem de Logica dici potest eam videlicet sapere solam, præ reliquis disciplinis.

Sed reagentes hic, mihi audire videor; Alias quoque utiles esse artes & scientias. Sunt Auditores, nec inficior, imò utilissimæ. Ut suus est stelligon, sua lux, etiam si à Solis splendore, & claritate vincuntur. Sed vestram fidem! unde illa utilitas, nisi à Logica? quæ indagine quadam invenienti argumentorum locos circumdat, & captam αἰς ἐπὶ εἰπεῖν, veritatem adducit, & in scenam omnium oculis intuendam, producit. Hæc est quæ judicandi rationem tradit, & de quavis materia disputandi modum. Distingendum est aliquid? Huc accurras oportet. Et quid, obsecro vos Auditores, præstantius, quid utilius in tota Philosophia, hac ipsa definitione inventi potest, aut excogitari, quæ rerum naturam, ita declarat, ut nihil sine hac scire, omnia vero ejus beneficio, cognoscere queas. Unde magnifica illa apud Aristotelem definitionis elogia: πάντα, inquit, ἐπιστήμη ἐστὶ θεωρητικὴ: & alibi θεωρητικὴ ὅτι τῆς ἐπὶ τῆς γνώσεως. Amplius: ἐκείνη γνῶσις ὅπου δὲ θεωρητικὴ. Ex quo facile intelligi potest, nullam dari scientiam, in quacunque etiam disciplina, quam non debeamus definitioni, quæ rebus lucem fenerat, & sine qua docti in rerum cognitione, talpæ sunt: Dividendum est aliquid? discere hinc modum oportet. Ratiocinandum est? hæc tibi Syllogismos, enthymemata, inductiones, soritas, dilemmata abunde subministrat. Declamandum? hæc tibi methodum præscribit. Resolvendus aliquis per analysin author? Hæc sola artem, quam Oratores tam studiosè regunt, detegit, & omnibus quasi levato velo conspiciendam præbet, ad imitationem eorum, qui vel in Oratoria, vel aliis olim artibus excellere. O res præclaras, ardentissimo studio, summaque animi contentione dignissimas!

Sed quo longius in altum provehor, Auditores,

tatem meam , & infantiam non invitus agnosco , fretus tamen humanitate vestra , ac benevolentia , publicum hunc dicendi locum conscendere non dubitavi , ut qualiscunque filii mei aciem stringam in eum , qui præter sceptrum , & regium diadema , nihil habuit Principe , & Rege dignum .

Ut ab origine ejus incipiam , duxit illam à gente omnium quæ unquam exstiterunt ingratiſſima , nempe Israelitica . Quot enim , quantisque eam Deus affecit beneficiis ? quantis eam cumulavit victoriis , & triumphis ? Quàm miraculoſæ ejus liberationes ? Educta enim potentiſſima Dei manu , è domo ſervitutis per mare rubrum , & ducta in deſertum ibique quadraginta annorum ſpatio , alta inter reſqus , & ſolitudines , non pane ordinario , ſed Angelorum , tandem debellatiſtiſtiſhibus , in terram Canaan , lacte & melle abundantem introducta eſt . Sed ô nefariam populi ingratiſſitudinem ! Quoties enim in Moſen magnum illum Prophetam , quoties in fratrem ejus Ahironem , inſurrexerunt , quoties in Deum ipſum rebelles , & omnium quæ ab eo acceperant beneficiorum immemores ? Si ergo ex ingrata gente , ortum eſſe , alicui dedecori eſt , certè poteſt , non niſi verti vitio , Achabo , ex ea gente hominem traxiſſe originem , quæ , protervia , incredulitate , idololatria , turpi denique deſectiōe , & apoſtaſia , nullas non longè gentes à tergo reliquit . Patrem ejus ſi conſiderare ſit animus , qui filio ſuo , bono exemplo , & vitæ ſanctimonia , morumque integritate , prælucere debuiffet , projeſtæ impietatis hominem , perditiffimiffque moribus fuiſſe , certum eſt . Fuit enim ille Homri , homo venalis animæ , & bipedum , quos ſol vidit , & terra ſuſtinuit nequiſſimus . Hic ille eſt , Auditores qui condidit urbem Samariam , eamque habitandam dedit impiis , qui nec Abraham , nec Moſis , ſed Ieroboami veſtigia ſequebantur . Quid mirum ?

componitur orbis

Regu ad exemplum; nec sic inflectere sensus

Humanos edicta valent, quam vita Regenti.

quia hæc fere est conditio Principum, ut quicquid faciant præcipere videantur.

Sub Principe aleatore, passim luditur alea: sub bellicoso, bellantur omnes; sub commessatore & prodigo, luxu diffluunt; sub libidinoso, libidinosi fiunt, in quos imperium exercet. Vitia enim quæ concipit, illicò velut per contagium, in civitatem propagat, plusque exemplo, quam peccandi licentia nocet. adeo ut in corporibus, gravissimus est morbus, qui à capite diffunditur: sic qui à Principe.

Sed pergo ad educationem: nam Alius cognoscendæ desiderio vos teneri video. Hujus quantum S. Scriptura non meminit, tamen pessimè cum educatum fuisse evincunt, imò clamant, vita, mores, & plusquam execranda ejus facinora; quæ si recensere omnia examussim; mihi esset animus,

Icaria numerum dicere coner aqua.

Ne miramini, Auditores. Tantum scilicet potest educatio, ut nulla malignitas sit, quam non assidua virtutis exercitatio corrigit, & institutio. Ab hac enim mens lumen accipit, haud secus ac visus à circumfuso aere. Et ut in semente posita spes messis est, sita totius reliquæ vitæ expectatio ab educatione pueritiæ pendet. Generosa indoles si accedat recta institutio magno bono est patriæ, sin neglecta ad vitia degeneret, ingens adfert malum, imo quid expectandum tandem ab ea aliud quam profunda vitiorum abyssus, & horrenda barbaries? Viderunt hoc olim Principes in literis viri, Plato, Plutarchus, Xenophon. Ideò nulli rei majorem impendi curam voluerunt, quam puerorum institutioni, more Matrum quæ membra infantis statim ab ipsis natalibus fingunt ut recta adolecant, non distorta. Quid? an non arbores si negligantur, in gyros eunt, & curvamina? Ager si

si cultura absit, nonne mox carduis ac tribulis in-
horrescit? At equus natura sternax, & intracta-
bilis, admissio semel fræno, nonne totum incedit,
& vel ad autum sessorisparet, & virgæ umbram?
Adeò à teneris assuescere mulcum est, naturamque
rebellem, recta educatione, velut rationis fræno
compesci. Aut minus disciplina, & labor, in for-
mandis puerorum ingeniis poterit, quàm in brutis
industria. Quod incicures bestia, cultu mansue-
scunt: sic pecoris generosi pullus ingenio huma-
nitatis docetur, exuere feritatem, &c.

*Blandis parere Magistri
Vocibus.*

Cur non teneta quoque puerorum ingenia, si li-
beraliter educantur? Sed educationem hanc ne-
glexit pater, quia filium sibi similem habere vo-
luit. *Redit nempe ad autorem genus, Stirpemque
invisam degener sanguis refert*, ut inquit Tragicus.
Hinc factum, Auditores, ut patria vestigia pre-
mens, & licentiæ omnis, ac impietati laxata fi-
bula, se omnigenis vitiis immerferit. Nam ut
primùm ætatem virilem attigit, factusque est ju-
ris sui, ac mancipii, ilicò malè agere cœpit. Patre
enim defuncto, & regio diademate, per heredita-
tem ad se devoluto, regnavit Samariæ duos, & vi-
ginti annos, totoque illo temporis spatio ita se
gessit, ut monstrum potius hominis, quàm homi-
nem fuisse dixeris. 1. Reg. 16. 30. Quid multa?
Nihil in illo animadverti potuit præter libidinem,
crudelitatem, idololatriam.

Ex his tot impiis flagitiis conflatus Achabus,
nihil unquam præstitit liberale, nihil ingenuum.
Ac ne quis ex affectu me loqui arbitretur, produ-
cam, si vultis, præfactæ ejus impietatis, non exi-
gua specimina, & documenta non obscura. Quid?
Annon eum plus nimio convincit idololatria,
quam perpetuò amplexus est? nonne cultus,
quem Baali exhibuit, cui aram exstruxit, festa, sa-
crificia,

crificia, victimas destinavit, sacerdotes constituit penè innumeros, cum tamen Deus vel centies prohibuisset, ne fictitios deos veneraretur cole-ret, adoraret; sed ut deos hujusmodi extirparet, statuasque eorum, & imagines perfringeret.

Certe si qua pietatis scintilla in eo fuisset, Baal-
lis cultum, cum videret, fictitium tantum esse nu-
men, & invocantibus se, nullam præstare opem,
ut nec sacerdotibus suis, gladiis ac cultris ad san-
guinem se lancinantibus, an non eo abundè com-
moveri debuisset, ut potius Deo creatori cœli, &
terræ, præstita obedientia, ad meliorem mentem
rediret? Adhæc si vel semunciam sapi cordis ha-
buisset, & inseriam aliquando descendisset cogi-
tationem earum poenarum, quas antecessores e-
jus ob scelera sua, justo Dei judicio in se pertraxe-
rant, aliqua saltem potuisset antea vitæ suæ
poenitudine duci: sed pervicaci & obfirmato ad
hæc fuit animo. Tantum scilicet potest effrænis
morum licentia, & extremum malorum IM-
PIETAS. Quæ ubi dominari cœpit, & leva-
to quasi velo, fractisque pudoris omnis, ac hone-
sti repagulis, ferream semel frontem induit, nul-
la amplius ratione compesci potest, aut sufflami-
nari.

Sed fertur equis auriga, nec audit currus habenas

Hic factum Auditores; & inclinatis semel in
vitium animis, nulla ruina deformis est. Sed ut
unde digressa est, redeat oratio. Convincit eum
quoque, frædus, quod cum impio Benhadad,
1. Reg. 20, 34. contra Dei mandatum inivit. Quid
mirum? *Pares cum paribus*, ut est in verbo, *facile*
congregantur; nihilque magis amicitiam etiam im-
proborum conciliat, quàm animorum, & morum si-
militudo. Crudelis fuit Benhadad, crudelis quo-
que Achab. Vultis exemplum? In quo sodes lu-
culentius, quam in Nabotho, viro innocenti si-
mo?

mo? Cum enim illi negasset vineam suam, tristitiam & animi ægritudinem simulans, lectum petiit, inque eo decumbens, à cibo abstinuit, & potu. 1. Reg. 21. 4. Quid Iesabel uxor ejus? Xanthippe dicam, an una furiarum Megæra, aut Thesiphone? Cubiculum ejus ingressa cum ita affata est: *Hocine imperare est, & regni Israelitici habenas moderare? surge, cape cibum, lato & hilari esto animo, ego tibi Nabothi vineam in manus tradam.* Dictum factum. Nam falsis subornatis testibus, Nabothum lapidibus obrui jussit, tanquam blasphemum, & reum læsæ Majestatis divinæ, & humanæ, atque ita sub specioso, & plausibili obtentu, cædem sanguinemque sitiens, vineam ejus ad se pertraxit. O facinus indignum! nam quid magis impium? quid immanius? quid belluinæ naturæ convenientius? quid crudelius & à natura humana alienius fingi aut excogitari possit non video. Siccine Regem se decet gerere ergà subditum, siccine patronum ergà clientem? minimè gentium. Ille enim cum esset Rex, & in throno, regioque solio collocatus, nonne miseris, & afflictis asylum esse, & oppressam innocentiam defendere ac tueri debuisset? Quid enim jura, quid leges, quid Regina illa virtutum **J U S T I T I A** nisi exerceatur? sine qua vivere inter nos, id est, in Societate non licet: nam vinculi est, & ut sic loquar coagulum: solve, dissipamur, & ut feræ solitariae vagamur. Imo ea remota quid regna sunt, quid principatus, nisi magna latrocinia? & conclamata nequitiæ latibula? Quæ nequissimorum hominum in iis audacia? quæ scelerum omnium impunitas? qui furor, quæ ferri flammæque sævities, quæ cædes, quæ laniæ? Suavior contra dari non potest, in Republicæ harmonia, quàm si lex Regi succinat, & Rex legi. Ab eo enim ita prorsus omnia judicari oportet, ut lex ipsa, si loqui posset judicaret, atque ita legem & Regem, inter se conspirare, ut sit lex quasi anima Regis,

Regis, & Rex quasi vox legis. Quæ honestarum actionum & virtutum omnium meta est, & quæ per universum Naturæ corpus diffusa, gentes, ac populos regit, & sine qua, nec humana societas, nec ipse mundus stare potest. Sed ut agro capite, omnia corporis membra laborant, & per *αμάρτυρας* in mali trahuntur consensum: sic sub vitioso principe, vitari, & corrumpi necesse est eos in quos dominatur: ut vel exemplo ejus deteriores fiant, aut sub violento ejus imperio gemant, suspirent, pereant. Videris, Auditores, ne longius abeam in Achabo. Sed ne in istius solum vita, orationem meam occupari existimetis, ad conjugem ejus me converto. Uxorem duxit non ex gente Israelitica, non honesti alicujus, piique Regis filiam: sed ô dedecus! Jezabelem gente, patreque impio, planeque ethnico, Ethbaale videlicet Sidoniorum Rege natam. 1. Reg. 16. 31. Quæ meritum suum ad quævis scelera audenda, & perpetranda acuit, accendit, impulit. Odio internecino persecuta est Dei Prophetas, vitæque eorum non semel insidias struxit, & multos ex iis crudelissimè necari jussit, ipsique Eliæ magno illi & incomparabili Propheta, qui vates Baalis occiderat, perniciem machinata est. O benè, si unquam compositum par! Voluit maritus, & optavit Perire Nabothum: sed fecit ut perierit uxor; inhæavit vineæ ejus; occupavit eam uxor: impius fuit maritus, sed non minus impia uxor. Idololatra fuit, & illa fuit. Prophetarum, & servorum Dei, hostis capitalis: fuit & illa. Crudelitate nulli secundus: paria cum eo fecit uxor, libidine sua, ac licentia pro legibus utens. Sceleratus fuit Nero, in ipsa enim Matris suæ, ut testantur historia, viscera sævit: sed monstrum hoc hominis quàm longè à tergo reliquit? Ignorantia enim Neronis aliquam excusationem mereri videtur: hic vero, cum non solum habuerit expressum Dei verbum, verum etiam à Propheta Eliâ sapissimè

admo-

admonitus fuerit , ut ad meliorem frugem se reciperet , nec tamen id fecerit , nulla ratione excusari , aut defendi potest.

Non audeo illum conferre cum Ieroboamo , cum illi Levitas tantum , & Sacerdotes Dei , munere suo sacerdotali abdicaverit. Hic verò Prophetas , ac Sacerdotes Iehovæ occidi iusserit , ac trucidari. Quanto ergo crudelius est occidere Prophetas , & Sacerdotes Iehovæ , quàm abdicare sacerdotio , tanta crudelitate Achabus Ieroboamum superat. Imò ,

*Savior est tui Busriride , savior illa
Qui falsum lento torruit igne bovem.*

Hæc fuit , Auditores , ejus vita , hi mores. Sed quis tam impiæ vitæ tandem finis ? Quæ flagitiorum ejus , ac scelerum poena ? dicam. Deus. Deus qui severissimus est criminum vindex , potentum hoc hominis , justissimis suppliciis effecit. Inito enim apud Ramoth in Gilead : cum Iosaphato , contra Syros prælio , ictus sagitta , tragica morte periit. 1. Reg. 22. 34. Ita est Auditores ut quisquæ sementem fecit , ita & suo tempore metet. Nulla scelere quasita potentia , diuturna est ; &

*—Improba nunquam
Spes latata diu est.*

Alta fulminibus obnoxia sunt , nec ulla in re plus aut lussit Fortuna , aut sævit quàm in summis : & qui exdes oculis haurire assuerunt , avideque contemplari , sub gladio carnificum , tremulas innocentium cervices , sentiunt & illi tandem , quid sit *Θεομαχέειν , καὶ πρὸς κέντρα λακτίζειν* , sensit Achabus , sensit & uxor ejus Iesabel , quæ non minus horrendum , & tragicum , quàm maritus sortita est exitum. Hanc enim Rex Iehu , justa indignatione accensus , è fenestra præcipitari iussit , quæ pedibus equorum conculcata , & dilaniata
à cani-

Themidi Minerva, ut in Republicâ, cum Iustitiâ
 sedeat eloquentia quæ cœlo possit deducere Lu-
 nam, & Regum flectere supercilia. Magistratum
 auctoritate præditum esse; & imperio, magnum
 est, sed longè majus si eloquentia. Hac Periclem
 illum, cujus in labris persuadendi Deam sessitasse
 dictum est fulminare, tonare, permiscere Græ-
 ciam Comici veteres tradiderunt. Hac Cicero fre-
 tus, Catilinæ conspirationem in patriam repressit,
 & furores ejus, ac nefariè in Rempublicam inita
 consilia dissipavit. Hac, togatus superavit arma-
 tos, ut vel inimicorum confessione, omnibus tri-
 umphis majorem adeptus gloriam videretur. Sic
 dum bellis asserenda fuit Græcia, prolatandi fines,
 arcendi Macedones & Persæ, viguère Oratores
 maximi. Scilicet dicendi splendide, acriter, &
 acute necessitatem ipsis imposuit, defendendi
 imperii necessitas. Sed pergo. Quis in foro, quis
 pro tribunali, quis in curiâ, legum tuebitur au-
 thoritatem, quis clientium, quis pupillorum; quis
 oppressorum causam, quis innocentiam defendet?
 aut apud externos, in terris longè remotis, prin-
 cipis voluntatem, legatus aperiet, si eloquentia,
 aut RHETORICÆ præsidio destitutus sit?
 Ac ne Imperatores ipsos hîc præteream, & belli
 duces, quomodo illi consiliis, & armis res ma-
 gnas moliri, moderari, exequi poterunt, nisi
 hac arte polleant? cum acri ac vehementi Impera-
 toris concione erecti, & accensi militum animi,
 ardua quæque tentare, & summa experiri non de-
 trecent; & in præsentissima vitæ discrimina præ-
 cipites se dare, parati sint. Non sic tubarum clan-
 gores, equorum hinnitus, armorum micantium,
 & rutilantium splendor, non sic litui, non tympa-
 na, masculum militis animum ad pugnam acuunt,
 quemadmodum hortatrix ad virtutem, & gloriam
 oratio, diserte, & *μαλὰ ῥητορικῶς*, intrepidas, &
 martiales animas ad adversa pericula erigit. & ac-
 cendit. Illa strages, generose solatur, vulneribus
 medi-

medicinam addit, cicatricibus callum obducit,
 pulverem non indecorum ostentat, sudores de-
 tergit, vires reparat, instillat, alit. Adeo admira-
 bilis quædam, ac prope divina vis est eloquentiæ,
 meritoque sapientissimus poëta scripsit Euripides,
 nihil esse quod ferro, quin idem Oratione confici
 possit. Viderunt hoc omni ævo strenui belli duces.
 Non alia de causa Cæsar, territos Germanorum
 adpectu Romanos, trepidantes, non solum ora-
 tione sua erexit, sed tantos, eis sola voce addi-
 dit animos, ut victores tandem existerint. Quid
 Alexander nomine & re vere Magnus, cum reli-
 cta Macedonia trajecisset in Asiam, exigua mili-
 tum manu bellum illaturus, potentissimo Persa-
 rum regi Dario? nunquam pene prælium iniisse
 memoriæ proditum est, quin ante ad suos verba
 fecerit, mucronibus acumen, gladiis aciem, cor-
 poribus robur, animis vitam addendo: unde ar-
 dorem milites, à concione, inter bellorum furo-
 res, & tubarum strepitus, gladiis elatis, ac radi-
 antibus significabant. vultis exemplum Audito-
 res? Primam illam, obsecro vos, Alexandri cum
 Dario primum pugnaturi ad milites orationem,
 mecum expendite. Quid illa gravius, quid acrius
 esse potest, ad concitandos militum animos? quid
 efficacius, quid validius ad perrumpendas acies,
 & phalanges hostium. *Ante prima* ut fere moris
 ejus erat (Historici verba sunt) *Signa ibat, identi-*
dem manu suos inhibens, ne suspensi, acrius ob ni-
miam festinationem concitato spiritu capesserent bel-
lum. Cumque agmen obequitaret varia oratione ut cu-
jusque animus aptum erat, milites allocutus est. Ma-
cedones tot bellorum in Europa victores ad subiendam
Asiam, atque ultima Orientis, non ipsius magis quam
suo ductu profectos inveterata virtute admonuit. Illos
terrarum orbis liberatores, emensosque olim Herculis,
& Liberi patris terminos, non Persis modo, sed etiam
omnibus gentibus imposituros jugum. Macedonum Ba-
ctra, & Indos fore: minima esse qua nunc intueretur;
 sed

sed omnia victoria parari. Non praeceptis petris Illyricorum, & Tracia saxis, sterilem laborem fore, spolia totius Orientis offerri. Vix gladio futurum opus. Totam aciem suo pavore fluctuantem, umbonibus posse propelli. Victor ad hac Atheniensium Philippus pater invocabatur, domitaeque nuper Boetia, & urbis in ea nobilissima, ad solum diruta species representabatur animis: jam Granicum amnem, jam tot urbes aut expugnatas, aut in fidem acceptas, annia quae post tergum erant strata, & pedibus ipsorum subiecta memorabat. Et hæc ad Macedones. Græcos adiens, in memoriam revocabat, ab iis gentibus illata Græcia bella, Darii prius, deinde Xerxis insolentia, aquam ipsam terramque populantium, ut neque fontium haustum, nec solitos cibos relinquerent. Dein Deum Tempia ruinis & ignibus esse delata: Urbes eorum expugnatas, fœdera humani divinique juris violata referebat. Illyricos vero, & Trachas raptò vivere assuetos, aciem hostium, auro purpuraque fulgentem, intueri jubebat, prædam, non arma gestantem. Irent & imbellibus fœminis aurum, vi eriperent. Aspera montium suorum iuga, nudosque colles, & perpetuo rigentes gelu, diis Persarum campis, agrisque mutarent. Quis huius tam acris, tam generosæ, tam magnanimæ Orationis ad milites tandem eventus? Non me Auditores, sed historiam audite, aut potius Curtium in sua nunquam satis laudata historia. Quid ille? Qui Darium, inquit, vehabant equi confossi hastis, & dolore esserati jugum quatere, & Regem curru excutere cœperant: cum ille veritus ne vivus veniret in hostium potestatem, disiluit, & in equum qui ad hoc sequebatur, imponitur, insignibus quoque Imperii ne fugam proderent indecore abjectis. Tum vero ceteri dissipantur metu, & quæ cuique patebat ad fugam via erumpunt, arma facientes, quæ paulè ante ad tutelam corporum sumpserant: Sed omnium oculos, animosque in semet converterant captiva mater, conjunxque Darii. Illa non majestate solum, sed etiam ætate venerabilis: hæc forma pulchritudine.

rudine. Quia & in gremio anus avia jacebant adulta virgines dua, non suo tantum, sed illius mœrore etiam confecta. Ingens circa eam nobilium fœminarum turba, laceratis crinibus abscissaque veste pristini decoris immemores Reginas, dominasque veris quondam, tunc alienis nominibus vocabant. Ac ne totius exercitus, sortem quis meliorem fuisse credat quam Darii, in acie cesa sunt, Persarum peditum centum millia, decem verò millia interfecta equitum. Tanta vis eloquentiæ Auditores, ut arte suâ, Martem ipsum acuat, stimulet, fascinet, & pugnanti lauream imponat.

Sed ne attentione vestrâ, & patientiâ longius abuti videar, hic anchoram figo, & ut finiam ad vos me converto Commilitones. Audivistis quid **RHETORICA** eximia illa dicendi magistra possit, in animis principum: quid in societate humanâ, ad tutelam Rerum publicarum, gentium, populorum: quantos eloquentiâ suâ aculeos figat, quam acriter illa percellat pectora etiam adamantina, & obfirmatos hominum animos, ut qui armis domari nequeant, domentur eloquentiâ, & in gyrum rationis, quo vis ferro potentius compellantur. Audivistis magnos in eâ olim consequendâ defudasse viros, & non aliâ magis compendiariâ viâ quemquam grassari ad honores, & dignitatum apices. Quæ quò illustriora sunt, eò diligentius excolenda, nec committendum ut sordidia vestra in neglectum veniant, aut contemptum Regina illa, & domina disciplinarum. Alio vos ætas vocat, aliò parentum vota, aliò **PATRIA**, cui nati. Quid enim istis turpius, aut abjectius, qui torporem ac desidiam amplexi vitam blandiente inertia transigunt, quique ut Phæaces illi Homerici posthabitis nobilioribus studiis, mensam & cithara strepitum dulcesque choreas Stragulaque, & molles curant post balnea lectos: Hæc Eloquentiæ nunquam satis laudandæ documenta non solum vobis contemplanda sunt ut ea memoriz

moriæ mandetis, & scientia comprehendatis ad
 pompam, atque ostentationem: quemadmodum
 nummis utimur ad numerandum: sed assidua me-
 ditatione perficiendum est, ut inolescant animo,
 ut permanent ad imos sensus, ut vertantur in
 succum & in sanguinem, ut in actum educantur,
 & ad Patriæ decus atque ornamentum proficiant.
 Olim trophæa Miltiadis excitabant è somno, ma-
 gnum illum Græciæ ducem Themistoclem: vos
 eloquentiæ studium & amor. Ἀλῶλα γίνεται ἐπι-
 μελεία & πόνος ἀπαιτά. Nec satis esse putate,
 Nasci, & cæcam hanc naturam in tenebris suis
 torpere. Ἀ' εἰωτοῦ & πᾶν θανάτου ὁμοῖον existi-
 mo esse eam vitam, quæ absque ingenii cultu tra-
 ducitur. Quid quod, ut fructus, ut plurimum agre-
 stes, & feros gignit arbor, citra insitionis curam:
 & agri si non colantur, carduos proferunt & ve-
 pres, culti verò omnis generis frumenta: sic ho-
 mo nisi naturam, nobile illud Dei depositum de-
 tersa linguæ scabritie, doctrina excolat, tanquam
 rudis, & indigesta moles, & informis massa, in
 magno hoc Mundi palatio versatur, dum hominis
 usurpat nomen, conditionem negligit. Nemo dif-
 ficultatem mihi hic regerat. Quid enim usquam
 terrarum pulchrum exitit, quod citra laborem
 comparatur? Quidquid obvium, & promptum
 est evilescit, ac mox contemnitur. Ardua in ho-
 nore sunt, ac pretio. Arduum quoque ad Musas,
 & asperum est iter non rosis, non violis constra-
 tum. Sudandum hic Commilitones, & certan-
 dum strenue in hac palæstra, & quæ se offerunt
 adamantino proposito, & forti animo, devorandæ
 molestiæ. Demosthenem, summum illum dicendi
 magistrum, & Oratorum principem, quo nemo
 unquam laboriosius, nemo per plura reluctantis
 naturæ obstacula, ad culmen reptavit eloquentiæ,
 plus olei, quam vini consumpsisse ferunt, om-
 nesque artifices Ἀεγῆς antelucana longe indu-
 stria superasse. Quid? mentem illam vobis à com-
 muni



muni omnium parente D E O datam , multo quolibet veste pretiosiore , situ ac sordibus obsolescere , & quasi rubigine obduci patiemini ? Reipublicæ vos ingenium debere , cogitate : nec prodesse posse , nisi exerceatur . Et quando opportunius quam hoc ætatis vere ? In quo omne perit tempus , quod studiis non impenditur . Nemo non ignarus , qui ignavus : quia otiosam mentem , bonæ omnes artes fugiunt . Nihil contra feracius ingenii ad studia natis , cum gnaviter excutuntur : Καὶ ἀμείλιτ' ὅτιν ἢ πρὸς τὰς καλὰς πράξεις ὄρμη . In iis vitæ vestræ præsidium ponite , & decus . Divitias alii anxie conquirant : vos eruditionem , vos eloquentiam rerum omnium reginam : quam si possideris habetis quod vis , aut casus , non eripiat . Ἀναπαύρετον γὰρ κτήμ' ὅτι παιδεία βροτοῖς .

ORATIO III.

Habita à

JOB O STEINWYCKIO

in laudem Divi Pauli.

V Erè Satyricus,

*Tota licet veteres exornent undique cera
Atria , NOBILITAS sola est , atque unica
VIRTUS.*

Atque adeo , soli etiam vere Nobiles illi qui eam , colunt , sectantur , amant . Inter quos cum primum mihi semper tenere locum præ aliis visus est , magnus ille Gentium Doctor Paulus , in hujus jam nunc laudes ire constitui . non quidem ostentandæ alicujus vel eruditionis , vel eloquentiæ gratia , quam perexiguam , imò nullam in me esse sentio : Sed quod ingenui , & ad majora adspirantis studiosi adolescentis esse officium duco

duco id sequi, quod est in veteri verbo ut, *si media tenere cupimus, ad rerum fastigia enitamur*. Etenim si nihil supra ingenii vires tentandum est, nec prodeundum unquam ex umbratili hoc pulvere, in doctissimorum coronam, nemo opinor, ad ullam dicendi copiam, ullam artis Oratoriae, non dico perfectionem, sed ne mediocritatem quidem asurrecturus esset: Itaque in temeritatis, & audaciae crimen illi minimè vocandi, qui generosos animi sui, ingeniique conatus, ad res laude dignas aggrediendas protrudunt: imo illorum qui id non audent ignavia, atque desidia summopere reprehendenda est. Prius vero quam ulterius in alium provehar, & Orationi meae vela dare incipiam; quamquam Auditores de vestro in me favore, ac benevolentia nullus dubitem, tamen tum demum memoriam tanti viri, quem laudandum suscepi sacrosanctam vobis esse intelligam, si attentionem in me audiendo, silentio vestro comproberis.

Certe si gentem ex quo ortus est virille incomparabilis, intueri sit animus, tanta ejus dignitas fuit, tanta praestantia, ut neminem non rapiat in sui non dico amorem, sed & admirationem. Quae enim gens unquam fuit splendidior, & nobilior, quae celebrior gente Israëlitica? quae Deo gratior unquam, & carior? in quem plura contulit beneficia? foedus enim inierunt non cum mundano aliquo rege, aut principe non cum homine mortali, sed cum ipso Deo, cujus nutu maria ac terrae contremiscunt. Legislatorem habuerunt, non Romulum, non Lycurgum, non Saleucum, non Solonem, sed ipsum Iehovam qui legem quam populo suo tulit in monte Sinai, digitio suo in tabulis lapideis consignavit. Quod nulli gentium contigit, quae alienae à Deo, ejusque foedere, & cimmeriis ignorantiae tenebris immersae *χωρίς χρίσθαι, ἀπὸ πολλοῦ πεινωμέναι τὴν πολιτείαν τοῦ Ἰσραὴλ ἐν τῇ διαθικῇ τῇ ἐπαγγελίᾳ, καὶ ἄθιοι ἐν τῷ κόσμῳ, μητὲρ λαζαὶ τῇ ἀλήθειᾳ τοῦ Θεοῦ ἐν τῇ ψαλμῷ, ἐν ἱε-*
βλάδι

βάδυσαν ἐ ἰλα' τρύσαν, τῇ κτίσιν παρὰ τὸν κτί-
 στοντα. Aliter, longe aliter inquam cum gente hac
 Israëlita comparatum. Huic enim ut bene rex &
 Propheta David Psal. 147.

*Ostendit suam per signa illustria mentem ,
 Legesque Abrami tradidit nepotibus.*

Ex tali gente ortus hic heros, majoribus nempe Abrahamo, Isaac & Jacobo: Viris pietate, & morum vitæ sanctimonia conspicuis, & nunquam sine honore, ac summa veneratione nominandis. Inter quos veluti gemma supereminet ille omnium credentium pater Abrahamus, cujus in immolando filio obedientia satis deprædicari nequit. His oriundus, mirum non est, si eorum exemplo, & vestigiis insistentes, tantos in virtute progressus fecerit. Clara etenim majorum vita generosam imitandi necessitatem posteris, scripsitque nepotibus imponere creditur.

Hoc animo Athenienses, & Romani rerum Domini, statuas publicas egregiis viris erexerunt, ut incitamenta essent aliis ad ea æmulanda, propter quæ essent collocatæ. Patria illi fuit Tarsus, quæ prima nascentem gremio in sinu excepit, sic appellata (si Josepho fides) à Tarso nepote Japhet. Urbs Ciliciæ clarissima, & regionis totius caput quæ ad amœnissimam Cydni ripam sita, omnibusque naturæ deliciis, omni jucunditate & copia cunctarum rerum affluens, longe tum Atticam, tum Alexandrinam scholam, quæ ad Nili ostia in populosissimis mœnibus constituta erat, iis rebus superavit. Hujus conditorem esse volunt Strabo, & alii, Perseum Jovis, & Danaës filium. De quâ, ut de re non prorsus dissimili nobilissimus Historicorum, *satiùs est tacere, quàm pauca dicere.* Quantum vero faciat ad indolem, & ingenium, natale solum, nemo credo negabit qui Platonis illud legerit, qui moriturus, dicitur Diis immortalibus egisse gratias; quod Græcus natus, & non Barbarus: quod Athenis, & non Thebis.

Nascen-

Nascentibus, siquidem locus, nescio quos impetus, viresque inspirat, quibus apti redduntur homines, ad res præclaras capeffendas, nonnunquam inepti. Haud aliter & fructus, qui pro rerum varietate, nunc exuta feritate dulcescunt, nunc vero amarescunt. Ægyptii & Afri callidi quidem, & subtiles habentur: at imbelles, quod de Asiaticis quoque prodidit Philosophus in Politicis. Schytæ contra bellicosi & strenui, sed hebetes, & obtusa gestantes pectora: unde quasi-tum à Medicorum principe, cur Græcia infinitos philosophos produxerit? Schytia verò unum Anacharsin? Quid? quod Themistocles summus imperator, ac belli dux, patriam ad nobilitatem quoque plurimum facere crediderit. Cum paululum adolevisset, Tarso à parentibus Hierosolymam missus, sub Gamalielis viri prudentissimi disciplina fuit, ut ab ipsis ætatis incunabulis, litterarum studiis imbueretur. Pio mehercule, ac laudabili parentum instituto! Nam ut speculum, sic ingenium est: & ut argilla, ita juvenus, quam capit imaginem, reddit; & dum ætas hæc mollis, & quasi cerea, signa melioris doctrinæ, & monitorum facile admittit. Quare ut membra infantis statim ab ipsis natalibus fingenda sunt, ut recta adolescant, non distorta; ita etiam, jam inde ab initio indoles ejus formanda est, principiisque ipsis invigilandum, à quibus tanquam à fundamentis, universa educationis fabrica pendet. Factum in Paulo, Auditores. Nam natus juvenæ suæ formatorem egregium, & in studiis Doctorem indefessum, quantos in iis progressus fecerit, testantur passim ipsius scripta, ingenique monumenta.

————— *qua nec ventura fitebunt*

Lustra, nec ignota rapiet sub nube Vetustas

Sedulo enim, ac seriò trivisse eum Poetas, vel ex eo apparet, quod non rarò eorum meminit, & data occasione scriptis suis inspergit. Nam in

B

episto-

epistola ad Titum, versum Epimenidis citat: in Actis Apostolicis, Arati hemistichium: in priori ad Corinthios Menandri jambum. Sciebat enim vir altæ mentis, ex Poësi quam disciplinarum omnium interpretem, ducem, reginam esse docta olim judicavit Antiquitas, penitioris sapientiæ arcana copiosè depromi. Adeò ut hanc odisse oporteat qui ignorat reliquas, aut qui ignorat hanc, nescire omnes. Quam enim aliam fuisse causam arbitramur cur cum de singulis disciplinis agat, paganæ sapientiæ fons Plato, poësin τὸ ὄλον vocat? quàm quod reliqua ad eam se habeant, ut singula ad omnia, & partes ad totum. Sed ut ad mores ejus veniam, consideremus, qualem sese gesserit: an vita doctrinæ ejus, ac eruditioni responderit? Quid enim præclara illa multarum rerum scientia, si non ad gloriam Dei, sed ejus contumeliam, non ad suam & proximi salutem, sed ad perniciem, illam convertat? nihil sanè. Quid ergo? Verbi Dei fuit observantissimus, numinis divini cultor assiduus. Adhæc quanta illi θεὸς γὰρ τὸ ἀληθὲν λέγειν, in animo probitas! quanta in sermone majestas, quanta in ore eloquentia ut ex tribus illis Augustini votis unum hoc fuerit, ut Paulum è cathedra publicè docentem audire potuisset. Quanta quoque in actionibus ejus supra quam dici potest, integritas & candor, in alloquio comitas, in moribus suavitas? quanta in vita pietatis cura, quantus veritatis Evangelicæ propagandæ zelus, puritatis conservandæ ardor? Religiosis asserendæ fides? Quanta in maximis Ecclesiæ negotiis administrandis, altitudo animi, prudentia, dexteritas, in convertendis gentilibus μακροθυμία, lenitas, mansuetudo?

Sed regerentes hîc mihi audire videor, vix ac ne vix laudem ullam mereri, qui tanto animi affectu, tanto odio Ecclesiam Christi persecutus est, & in eam sævit haud aliter, quàm lupo in oves. Nam spirans (Sacra Scripturæ verba sunt) mi-

nas ac cadem adversus discipulos Domini, petiit à Pontifice epistolas perferendas Damascum ad Synagogas, ut si quos invenisset hujus sectæ tum viros tum mulieres, vinctas abduceret Hierosolymam. Esto. nemo enim id ibit inficias, Sed errori id tribuendum, & ignorantix. Quæ si crimen non tollit, saltem mollit. Unde etiam Deus pro inmensa sua misericordia, ejus misertus est, eumque in gratiam recepit, καὶ ὑπερεπλεόνασε ἡ χάρις τοῦ Κυρίου, ὁπὲρ ἀγνοῶν ἐποίησεν ἐν ἀπιστίᾳ, cum calitus, & δὲ μηχανῆς ei Christus apparuisse in via Damasci. Repetite quæso mecum & si placet expendite quàm se obsequiosum, & docilem, quàm se morigerum præbuerit. Non reluctatus est, non restitit, non latebras quæsit, non effugia, non pertinaciter, non mordicus errorem suum defendit, ut olim Scribæ & Pharisei, & etiamnum hodie nonnulli, qui aures veritati tam protervè obthurant, & mentem erroribus obsessam, rationi præcludunt, ut citius clavam de manu Herculis extorseris, quàm eos redigas in veritatis semitam, & officii gyrum. Talis certè non fuit. Sed illo divinæ vocis Oraculo, tanquam penetrabili quodam jactu usque ad ipsam animæ medullam transfixus ac transverberatus totus ad Christum & corpore & animo transiens, cessit veritati, tantoque arsit desiderio Deo serviendi, ut illicò paruerit: Quid vis inquit faciam? quasi diceret, dic quid à me fieri velis, & da mihi quæ jubes, & jube quæ vis. O obedientiam admirabilem? ô promptitudinem animi, omnium literis, & linguis prædicandam! Laudabile est vincere alios, sed multò laudabilius seipsum. Vicit autem seipsum Paulus, Christo Servatori suo morem gerendo, adeoque mores suos immutavit, ut ex lupo repente factus sit ovvis, ex filio iræ, filius Dei, ex persecutore Ecclesiæ, acerrimus ejusdem defensor, ac propugnator.

Sistite hic paululum, Auditores, tela donorum ingenii ejus nondum pertextæ est. Quantus fuerit

in ipso Apostolatu, qualemque se in eo præbuerit, nondum intellexistis. Si dixerò in iis, paria eum potuisse facere, cum primis ac summis Christi Apostolis, rem non auxero. Cujus enim tantum est flumen ingenii, cui tanta dicendi vis, tantaque copia, quæ pietatem, candorem, fidelitatem, in obeundo munere constantiam, amorem erga proximum, & patientiam illius in omnibus ærumnis, non dicam exornare, sed dicendo complecti possit? Dignæ sane virtutes tanto Dei legato! Quò enim aliquis in digniore munere constitutus est, eò magis anniti debet, ut virtutibus munus suum adornet & subinde illud ore tritum expendat; *Σπάρτιν ὡς ἔλαχες ταύτην κόσμη. Spartam quam natus es, hanc orna.* Factum. Quanta enim cura, quanta vigilantia, adhuc quanta eloquentia, veritatem sibi concreditam asseruerit & vindicarit, vel duæ ejus solummodò Epistolæ luculenter demonstrant: quarum alteram Romanis, Galais alteram inscripsit. Cum enim talem in his epistolis causam ipse defendat, quæ victoriam per sese meretur, eisi ornatus nullus accedat, qui tamen in oratione ejus tori, qui lacerti? quàm concludit acutè, quàm solidè, quàm nervosè refutat? quàm argutè crassos quorundam errores perstringit? Fulminare, tonare, permiscere Graciam pro concione, Periculum solitum fuisse legimus. Magna perfectio laus oratoris illius temporis eloquentissimi. Id enim significare opinor voluerunt, tanta cum gravitate Periculum dixisse, ut summa cum delectatione, & voluptate etiam aculeos in animis Auditorum relinqueret. Vitamque virtutem etiam Divi Pauli in scriptis animadvertere licet. Quàm enim, Deum immortalem! coram Agrippa, Festo, Felice causam suam egit præclare? Quàm graviter, quam acriter hanc quam profiteretur doctrinam asserit! nec Evangelium aliud esse ullum, etiam si de cælo Angelus aliquis descenderet, asseverat? Quàm splendide

& ma-

& magnificè, sed ostentatione omnî remota, Pseudapostolorum fraudes detegit, suam ipsius auctoritatem tuetur, nec ab homine ullo, nec per hominè, vetum à Christo ipso vocatum se esse contendit! Quanta cum *παρρησία* orationisque acrimonia iram Dei delinquentibus denunciât, ut Elymæ mago, Hymenæo, Phileto, Demæ; & pœnas iis imminentes comminatur. Quanta libertate Antiochiæ collegam suum, Petrum Apostolum, non recto pede incedentem reprehendit! Quanta animi mansuetudine, promissiones de Christo ejusque regno, de delectorum venia, de vitæ æternæ, & animorum beatitudine proponit, fractos consternatosque erigit, aberrantes & huc illuc incertis opinionum fluctibus agitados, reducit, torpentes excitat, currenibus calcar addit, ignorantibus scripturam enodat, non privatim in angulo aliquo Judææ, aut urbis Hierosolymæ, sed nusquam fere non gentium. Docuit enim in Macedonia, Pamphylia, Syria, Cilicia, Achaja, Galatia, Phrygia, & in locis aliis quamplurimis. Quo tempore, cum Æschine pugnavit Demosthenes, ad iudicium istud, concursus est tota Græcia factus esse dicitur. Nihil enim tam aut visendum, aut audiendum esse iudicabatur, quàm duorum summorum Oratorum contentio. At quis, cum Augustino non optare accurrere, ut hunc summum Oratorem, non de re levicula, utpote corona aurea, de qua cum Demosthene Æschini iis fuit, sed longè gravissimis, ac salutem nostram spectantibus rebus, dicentem audiret?

Mirari vos video Auditores, magni hujus viri, ac Herois in munere suo obeundo, diligentiam, curam, fidelitatem, benè est. Sed miramini quoque ejus frugalitatem, ac temperantiam. Egrege, & verè Patrum quidam Cl. Alexandrinus, *ὁ απαρδαιῶν ὁ λιγυρῆς*. Vir bonus, & honestus paucus indiget. Exemplum in Paulo, nam ne cuiquam oneri esset, nulli etiam ostendiculo, arte sua ma-

nuaria parcè , ac duriter vixit , & in hac rerum augustia , quàm augustò fuit animo , quàm generoso ? veram magnitudinem metiens non spatiis , & latifundiis terrarum , ac regionum , sed horum omnium contemptu : quia dirior est qui divitias spernit quàm qui possidet , & verè ille magnus , quem nulla res minorem facit. Miramini ejus sobrietatem ? sed magis vitæ ejus (quod rara sed magnæ laudis) sanctimoniam , quæ tanta fuit ut pares forte habere potuerit , at non superiores. Neque enim satis esse putavit veritatem sibi demandatam tueri , quâ voce , quâ calamo , nisi vitæ suæ exemplo , & morum probitate & modestia , eam quoque adversus impostores , omnes , ac sycophantas stabiliret. Τότε γὰρ αὐτὸς διδασκαλῶν καὶ μεθύων λίγων , ὅταν ἀφ' αὐτῶν περὶ τῆς πίστεως διδάσκειν. Alioquin , quid nisi cithara similes sunt , quæ sonos edit , nec ipsa eos audit ? sic illi egregia monita , & doctrinæ , ipsi ab iis expertes. At propterea idem illis vitio verti possit , quod olim objectum est Atheniensibus , eos scire quæ recta sunt , sed non facere , & fortia loqui malle , quàm factis exequi. Imò quid aliud est docere pietatem , squam tamen ipse non colas , quam eandem Auditoribus suspectam reddere , aut propriis verbis fidem adimere. Non ita Paulus. Ecclesiam enim Christi dies noctesque docuit , quâ publicè quâ privatim , hortando , increpando , instando διδάσκειν , ἀκρίβως non doctrina solum , sed morum integritate , & vitæ innocentia. Sciebat quippe *longum esse iter per præcepta. breve & efficax per exempla.* Iam quid de patientia ejus in adversis ? quid de constantia dicam ? ullus enim unquam Apostolorum graviora certamina sustipuit ? tetriora monstra expugnavit ? majores victorias reportavit , periculiora itinera confecit noctu , diu , per nemora , per silvas , resqua solitudines , frigora , nives ? In periculis enim fuit in mari , in periculis inter latrones , in periculis inter falsos fratres , in pericu-

lisinter Ecclesiæ Christi persecutores, quorum plures quam octoginta in necem ejus conjuraverant. Habitus fuit seditiosus, turbulentus, sacrilegus, furiosus, lapidatus, cæsus, bestiis obiectus fuit. Multa commemoro, sed plura omitto, Omitto enim eum ab hostibus veritatis circumventum per sportam de muro urbis Damasci, demissum, periculum subterfugisse. Omitto eum fame, siti, frigore, rerum omnium inopia, vigiliisque fuisse confectum, aliaque quam plurima quæ vobis Auditores cogitanda relinquo: adeo ut *Herculi* levius fuerit certamen cum *Caco*, *Cerbero*, *Leone*, & *Hydra lerna*. At quo animo quæ so ista omnia pertulit? Magno sanè, & infracto: quia nihil illi prius fuit, nihil antiquius quàm pro Christo, & doctrina ejus evangelica contumeliis affici, plagis contundi, vulnerari, morte multari. Nam doctrinæ cælestis veritatem sanguine suo obsignare tandem non dubitavit. Decimo enim quarto anno Neronis à Leone illo immanissimo, & tyrannorum quos terra sustinuit crudelissimo obtruncatus, in Christo beatissimè obiit, qui Christo vixerat. Καὶ τὸν ἀγῶνα καλὸν ἠγῶνισται, ὃ δρόμον τετέλεικα, πρὶν πρὶν τετήρηκα: λοιπὸν, ὑποκείμεταί μοι ὁ τῆς δικαιοσύνης στίβος, ὃν ὑποδάσσει αὐτὸς ὁ κύριος, ὃς ἐπέειπεν τῇ ἡμέρᾳ ὁ δίκαιος κρείττης. Beata vita quæ tali morte finiit: beata mors quæ tali vitæ principium dedit!

Sed ne attentione vestra Auditores, & benevolentia abuti videar Orationis meæ vela contraho, & hic anchoram figo. Audivistis viri gentem, parentes, patriam. Audivistis educationem, vitam, mores, quot & quænia in obeundo munere sustinuerit pericula, quàm strenuus fuerit veritatis assertor, quàm infracto animo mortem obierit, & fidei Evangelicæ doctrinam sanguine suo obsignavit. Quid restat nisi ut quisque nostrum, Christi martyrem, & non satis laudandum veritatis ancistitem, sibi imitandum proponat quæ fide, quæ moribus.

arte belli , ac vivi , cum senio expallescent : sic ingenia illa præcocia , quibus cerebrum omne est in lingua , tandem exsiccantur , ac deficiunt . Et ut qui fontem in origine sui secat , flumina exhaurit , & quidquid à fonte fecunditatis affluit agris , quos macie sua paulatim emori senties , ac quasi fatiscere : ita qui ab hoc studiorum scopo aberrant , sublimiorem quam intendunt doctrinam emacerant , sterilitatem inducunt , speratam in semine suo messem suffocant , atque adeo à radice succidunt : cum omnis solidioris literaturæ adeptus , ac melior succus , à studio Logicæ , tanquam à matutino rore , & imbre defluat . Molestiæ hic omnes , & quæ se offerunt devorandæ . In via virtuti nulla est via : sic nulla diligentia , & labori , qui omnia vincit improbus . Vestra res agitur : vobis ut ille ait Comicus senex , *seritis , vobis occatis , vobis eisdem metitis , vobis denique iste pariet latitiam labos* . Hæc videlicet aurea ista vellera , hi thesauri ab ingenua omni Juventute petendi , hæc opes , hæc gemmæ , quæ omnibus aliis facultatibus , & possessionibus anteferendæ . Dignissimæ quarum gratia sudetur . Eruditionem autem amare vos scio , quod ipsa in se philtrum habeat efficacissimum . Sed ut natura gemmas altissime recondidit , tanquam subtrahat : vilia passim obvia sunt : ita quæ optima , non nisi summo studio eruuntur . Non alia . Studiosi , ad doctrinam via est , non alia ad honores . Hanc institere , quotquot in excelsio illo famæ Theatro , unquam collocati . Philosophorum Principem *Aristotelem* , quo dubito rerum scientia , an scriptorum copia , clarius quis unquam extiterit , ita in studiis desudasse testatur *Antiquitas* , ut quotiescunque decumberet , in manus cœperit , globum æneum , pelvi supposita , ut cadentis in pelvim , globi sono excitaretur . *Cleanthem* quæstu hauriendæ aquæ , nocturno tempore , inopia sua sustentata , diurno *Chrisippi* præceptis audiendis , & percipiendis , operam dedisse . Navigasse in

plo Herculis, Alexandri Magni imagine, ingemuisse dicitur : & quasi pertasus ignaviam suam, quod ea ætate (agebat autem trigessimum annum) qua jam Alexander Magnus totum pene orbem terrarum subegisset, nihil laude dignum, laudis tamen avarus, præstitisset, missionem continuo efflagitasse, ad captandas quamprimum majorum rerum occasiones. Ita ego, cum oculos in eos converto, qui antehac, nec ita pridem in frequentissima hac doctissimorum corona verba facere, & in palæstram hanc oratoriam descendere non dubitarunt, in qua profectus sui in eloquentia, specimina darent non contemnenda, non possum quin ad conspectum pene eorum erubescam, quod illistam eximia, tam præclara tentantibus, ego hætenus latuerim, nec dignum, quidquam præstiterim, quod aures doctorum, & publica hæc subsellia mereatur: sed nec propterea animum despondeo. Contrà subdit mihi stimulum & calcar hæc commilitonum meorum parresia, & laudabilis audacia, ut Julii Caesaris exemplum imitatus, ad eam quoque quam consecuti sunt laudem, pari passu contendam. Cogitanti autem mihi, de quo potissimum argumento declamarem, occurrit inter alia, artium, ac disciplinarum nobilissima R H E T O R I C A; in cujus laudes nunc ire in animum induxi. Marcum ajunt Antonium Peripatetico Phormioni gravem imprudentiæ notam inussisse, quod rei militaris scientiam explicaret, audiente Annibale : & Iulius Cæsar admirati solebat eorum ora qui in scena gestum agerent, spectante Roscio. Quod si videbor & ego fortasse minus aut prudens, aut pudens, qui cum tot hic adsint viri doctrina insignes, tot in eloquentiæ studio Demosthenes, Cicerones, Roscii, tenuitatem meam experiri hic audeam; cum tamen indubitati favoris vestri aura ad dicendum impellar, inconcinna profecto hæc orationis meæ structura, in mora mihi non erit,

ut ab instituto dimoveat. Ad vestram enim benevolentiam, tanquam ad sacram aliquam arcem supplex accurro, ut sub Achillæo benignitatis vestræ clypeo intrepidè lateam: Quod si me favore completi haud dedignemini, nullo temporis spatium, nulla loci interapedine, hujus unquam in me beneficii vestri gratia, animo meo exolefcet.

Certè si artis, si disciplinæ, alicujus pretium, si dignitas, si præstantia, qua inter alias eminet, metienda est, quis adeo ab omni ratione, & ab omni sensu est derelictus, qui hanc longè aliis palmam præripere non videat, & tantum inter nobiliores scientias efferre caput,

Quantum lenta solent inter viburna cupressi.

Eximiè olim summus ille dicendi magister Tullius: *Pudeat, inquit, illos qui ita se in litteris abiderunt, ut nihil habeant quod in communem usum proferant.* Docti hodie multi audiunt, pauci disert, ac eloquentes. Sine qua eloquentia, quid eruditio nostra, quid litteratura? nisi inerudita loquacitas, imo mera balbuties, mera infantia. Puerilis quippe illa est, & muta rerum cognitio, quæ eloquentia destituta, pauca vix commata, sine titubatione, fœdaque stribilagine, profari potest. Ita est Auditores. Totam ætatem nisi exerceas, balbuties occupat: & nisi loqui puer orsus sit, etiam in senectute puer erit. Irrito voto scientias discimus, priusquam linguas, & animi exuimus squallorem quàm oris. Ut sermonis iste thyrsus, sine prudentia non penetrat: sic absque sermone, prudentia, illa rerum humanarum magistra, illa civitatum domina. atque imperatrix obmutescit, & torpet. Non alia de causa, inviolabili, & sacro quasi nexu in unum velut numen coalescere *Mercurium, Minervamque*, Antiquitas voluit: rata sine facundia, sapientiam, prudentiamque nullam esse. Ambrosiam hanc, regina RHETORICA, candidatis suis benigne, ac copiose subministrat. Quam qui semel degustavit subactioris judicii palato,

lato, saturari ea nequit: sed ejus dulcedine quasi delibutus, curis omnibus aliis, se submovet, solus in hac cura. Ut enim ferrum trahitur à magne-
te, heliotropium à sole: sic ab illa, ingenia dis-
cendi cupida. Crescit eruditio? crescit & ejus au-
genda magis ardor; ut vel hoc ipso, Palladia hæc
Suada fercula ab aliis differant, quæ ventris &
gulæ propria sunt, quod illorum nos capiat, non
satietas solum, sed nausea interdum, & fastidium.
Hæc desiderium sui, quo magis fueris, acunt,
novamque semper inducunt famem, nunquam
satiatatem. Adeo ut quod alibi de Eresichtone
olim fabulatus est ingeniosissimus vates, verius
huc flecti possit, qui pleno querens jejuniâ ven-
tre, epulas quæsit in epulis: nos eloquentiam
in eloquentiâ. In cujus penetrare adyta ut voti
magis est, quam spei, ita mentis nostræ famem,
intrata magis acuit, & irritat. Quæ tamen quo
longius progredimur, eo impensius placet, &
minus molesta est,

Studio fallente laborem.

Viderunt hoc olim Romani, qui cum artes
omnes summe excolerent, nihil se egisse admo-
dum existimabant, nisi de re qualibet ornatè &
apte dicere didicissent. Aristoteles Philosophorum
ille princeps, eam horis pomeridianis docuit in
Peripato. Cicero eloquentiæ illud miraculum,
licet proprietatem Romanæ linguæ, simul cum
lacte materno, purissimo seculo, ex ipso latinita-
tis penu hauserit, aliunde tamen, divinum illum
suum sermonem, posteris omnibustam admirabi-
lem deprompsit, & alia longe quam larina exer-
citatione auxit, & aluit. Ille enim quo inter alios
excelluit sermo, non in Italia natus, sed è Græ-
corum scholis, in Italiam translatus, fecit ut sola
Ciceronis Oratio, præ reliquis omnibus Roma-
nis, qui illo ætate aut superiores, aut pares fuere,
sub Regibus, & Decemviris, non colore solum
nativo pure tincta, sed magnifico verborum orna-
tu,

tu, Atticarum venerum succu plenè imbuta & librata sententiarum pondere, tantum emineret, inter summos, illius temporis Oratores, quantum

inter ignes

Luna minores.

Sed quid Ciceronem loquor? Tantus artis Oratoriæ, tantus consequendæ eloquentiæ ardor doctissimorum virorum animos incescit, ut non paucas eos lustrasse provincias, novos adisse populos, maria transfretasse neminem latere possit, qui vel à limine tantum historias salutavit, ut eos qui nobilem hanc artem profitebantur, & quos ex libris noverant, coram quoque audirent. Sic Pythagoras Memphyticos vates adiit, Plato Ægyptum, eamque Italiæ partem, quæ quondam magna Græcia dicebatur, laboriosissimè peragravit: ut, qui Athenis summa cum laude sapientiam profitebatur, & cujus eruditionem publica subsellia personabant, foris, à peregrinis disceret, quæ domi sibi deesse credebat. Ad Titum Livium, eloquentissimum illum virum, & historicorum latinorum facile principem, ex ultimis Hispaniæ, & Galliæ finibus, quosdam venisse memoriæ proditum est: & quos ad sui contemplationem Roma non traxerat, unius hominis eloquentia pertraxit. Apollonius philosophorum non è minimis, intravit Persas, Albanos, Schytas, Massagetas, pertransiit Caucasam, florentissima Indiæ regna perlustravit, & tandem trajecto amne Phison, Brachmanas adiit, ut Hiarcham ibi, virum disertissimum de motu Cœli, ac siderum, inter paucos discipulos docentem, ac facunde disserentem audiret. Inde per Elamitas, Babylonios, Chaldaeos, Medos, Assyrios, Parthos, Syros, Arabes, Palæstinos, reversus Alexandriam, recepit se in Æthiopiam, & ad Gymnosophistas. Tanto nempe flagrabat desiderio vir altæ mentis, adeundi, & audiendi eos, à quibus & disertior redire posset, & melior. Videris Auditores, quid illa artium

Domina

Domina RHETORICA possit (quæ unica sermonem nostrum à barbarie, & vocum stribigine, tanquam à ferrugine ferrum vindicat) ut etiam longè diffitos, ut jam audivistis, potenter ad se trahat, non è trivio solum homines, sed & sapientissimos, quocumque illi, terrarum, gentium, & locorum vixerint unquam, aut fuerint. Nec mehercule injuria. Vultis enim RHETORICÆ utilitatem, in Republica producam? Agite fiat. Sed quantus se mihi dicenti aperit campus, quanta eam deprædicandi copia. Hæc illa est Auditores quæ omnium studia allicit, aures tenet, animos mulcet; à qua si quis abhorrere se dicat, parum absit, quin ipse se ne hominem quidem esse fateatur. Hæc illa est quæ vagos initio homines, & ferarum more in montibus, tesquis, antris, silvis, latitantes, sine lege, sine Rege, sine Deo, & nives, grandines, ventos, cœlique inclementiam, bestiarum pellibus non tam arcentes, quàm tolerantes, hujusmodi inquam homines, blanda olim Orationis suæ suada, demulsit, conciliavit, & ad meliores vitæ cultum Cimmeriis quasi tenebris erutos, & barbariæ squaloribus exutos, traduxit. Religionem erga Deum, pietatem erga parentes, erga omnes justitiam, & humanitatem invexit: illa quæ domos primum, & familias, postea pagos, & vicos, mox etiam urbes, postremo regna ipsa, & imperia, arctissimis animorum vinculis, & concordia stabilivit. Hoc Tragœdi, Comœdi, Satirici, hoc historiarum monumenta, hoc Poëtarum, & Philosophorum scripta uno ore testantur. Tua hæc laus est, *Eloquentia*. Tu quamlibet in partem arbitratu tuo flectis audientium animos, eosque pulchritudinis tuæ splendore obstupefactos quibusdam velut habenis numerosæ orationis regis, consolaris mœrentes, afflictos excitas, jacentes erigis, sceleratis exitio es, innocentibus præsidio, improbis terrori, probis ornamento. Nihil tibi de ista laude

dine, Cyclopico denique Numinis contemptu, in eum insurgant, cui sceptrā sua debent & imperii fasceis, ne quas ille in se iustissimas pertraxit poenas, in eas quoque tandem incurrant. Nam *lento quidem & plumbeo pede Divina vindicta procedit, sed tarditatem supplicii gravitate compensat.* Dixi.

O R A T I O . V.

In laudem linguæ Hebrææ, recitata à

J O H A N N E B E K I O,

CUm omnes mihi singulari quadam ac eximia laude digni videntur, qui in capessendis artibus, & disciplinis operam, & industriam suam collocant; tum ii præcipuè, qui cæteris omnibus posthabitis, ad divinarum rerum intelligentiam, studia sua, & labores convertunt. Nam si eorum omnium quæ in hoc Universo cernuntur, unum quodque naturali perficiendi sui desiderio tenetur; & animus noster ad similitudinem divinitatis efficitur, tantò perfectior est, quantò propius, ad illud ex quo ducit originem, exemplar accedit: dubitari profectò non potest, quin illa sit omnium præstantissima facultas, quæ quoad fieri potest, mortalitatem nostram, quantum illius imbecillitas patitur, divinæ naturæ, arctissimo vinculo, & Herculeo quasi nodo devincit. Ad illius facultatis cognitionem hodie nemo non aspirat. Sed pauci illam (audebo dicere) ea qua par est soliditate consequuntur, dum neglecta tutissima ad eam perveniendi via, nescio quo superbo fastidio, eam contemnunt, & aspernantur, sine quibus in sacro hoc, & nobili studio, nec *ὁρῶν ποθεῖν*, nec versari feliciter, & cum fructu queunt. Inter quæ linguam Hebræam omnium linguarum principem, omniam

omnium judicem, omnium maximam, omnium antiquissimam, omnium matrem, de principatu contendere, neminem credo esse qui ambigat. Quæ causa est cur de illius laudibus, hodierno die dicere demandatum mihi est, ab eo, cujus apud me plurimum valet, & valere debet auctoritas, non ut eas sigillatim percenserem, & orationis meæ tela pertexerem (quod & iniperare mihi iniquum esset, & suscipere temerarium) sed ut ex earum multitudine, pauca quædam se- ligerem, de quibus, ex publico hoc loco, vobis audientibus verba facerem. Qua de re, cum mecum initio ageretur, cogitavi sæpenumero, animique incertus, non semel mecum expendi, an suscipi hæc Provincia à me debuerit, cui sustinen- dæ imparem me esse haud invitus agnosco; eam- que refugere in animo non semel habui, veritus ne idem mihi contingeret, quod olim non è ple- be Sophistæ apud Annibalem de rebus bellicis, longa oratione differenti, contigisse dicitur, si puer adhuc in tam docta Auditorum corona, sanctæ hujus linguæ causam contra contemptores ejus agere, pro virili tentarem.

Sed cum exploratissimum haberem, quo vos animi affectu publicè ex hoc loco dicentes prose- quamini, subdidit mihi animum hujus humani- tatis vestræ recordatio qua nixus, à vobis, qua possum animi demissione contendo, ut tenuita- tem meam vestro favore, ac silentio sublevare dignemini, quò mea oratio his veluti secundis subvecta ventis, quem sibi proposuit portum fa- cilius consequatur.

Solet verò inprimis, de rerum si quas laudan- das suscepimus origine, & antiquitate quæri, ut tanto in majore pretio sit quod laudamus, quò plura retrò secula numeret. Equidem si vetustas rei, dignitatem commendet, nihil dignius lingua Hebræa sit, oportet, ut quæ neque à Mercurio, neque à Cadmo, neque à Phœnicibus, aut Ægy- ptiis,

pius, neque à Simonide; sed vel à Mose quod tradit Eusebius, vel ab Abrahamo ut visum est Philoni (vel ut altius ascendam) à liberis Sethi, si Iosepho fides, originem suam trahit. Adeò ut vel hinc collegi possit, quàm planè ἀσύντακτος sit, & à veritate alienum, quod quidam somniant, Efram invenisse Hebræas literas. Nec ab hac sententia longè abest Plinius, literas has Syris reparatoribus vendicans. Quamvis verò differat, si quis Syriacè loquatur, aut Iudaicè, neminem puto vel semi-doctorum esse qui ambigat. Ferunt Enochum, scriptum opus reliquisse ante diluvium, & ea opinio firmatur gravi inter alios elogio Tertulliani. Si igitur scripsit Enoch, his procul dubio literis scripsit, quæ postea ab Heber abnepote Sem, filia Noë, Hebrææ appellatae sunt. Eat nunc qui volet, & Græcas literas Hebræis, antiquitatis prærogativa præferat, ut multos hodie videre est ineptè sciolos, qui non verentur eas, ceu barbaras non sugillare tantum, sed & petulanter rejicere: atque ut sibi non videntur ineruditi, ita cæco ac præpostero Græcarum litterarum studio, Herodoti, Euripidis, & Homeri lectionem, scriptis Prophetis longè anteponunt. Certè Iosephus quem non immeritò, ob stili cum gravitatem, tum elegantiam, Græcum Livium appellant, negat Græcas literas, ante Homeri ætatem extitisse. At quid horum ætas est, ad Sethi, Enochi, & Abraham ætatem comparata? Iam quò antiquior est Hebræa, hoc & præ aliis palmarum obtinere, & digniorem longè esse constat.

Dei enim Optimi Maximi oracula hujus linguæ adminiculo, ad humanas olim aures pervernerunt, eo etiam tempore, quo neque Græcum, neque Latinum nomen in orbe esset, nec ulla aliarum linguarum initia, nulla vestigia, ita ut Antiquitatis laude celebritatem & gloriam suam abundè commendes. Admirari ea solent homines, quæ

quæ ex præstantium artificum officinis prodire ,
 Commendavit Verustas , quod à Lyſippo ſcul-
 ptum , ab Apelle pictum , à Praxitele fictum , à Pe-
 ricle , aut Demosthene dictum eſſet. Et non ſubi-
 eat nos , non dicam admirationo ſolùm , ſed &
 amor , ac deſiderium ejuslinguæ , quæ linguarum
 omnium mater eſt ? & quæ nervoſa ſua brevitate
 dicendi cupidos allicit , invitat , trahit. Nam ut in
 iis quæ poſſidentur ea plurimè ſunt , quorum exi-
 gua moles eſt , pretium ingens , ut aurum , ut gem-
 mæ : & ut in cibis ii maximè laudantur , qui mi-
 nimum detrimenti habent , plurimum ſucci : ita
 maximi faciendæ oratio , quæ pauciſſimis verbis
 plurima complectitur. Talis præ aliis linguis om-
 nibus Hebræa. Cujus ſi dignitatem ſpectes , ſi
 neceſſitatem , ſi uſum , omnia ut in ea ſumma ſunt ,
 ita ſummè nos moveant oportet. Dignitas certè
 ejus linguæ , quæ poteſt eſſe major , quàm quod
 ab iſſis Mundi primordiis originem ducat , & na-
 ta ſit cum orbe nato ? Quod prima generis huma-
 ni lingua , quod lingua Dei , lingua Angelorum ,
 lingua Prophetarum ? Neceſſitatem pono , in ma-
 gnitudine , & amplitudine hujus doni , uſum in
 materiæ , quæ ſi aliquid ad linguæ hujus præſtan-
 tiam confert , quid præſtantius cenſeri poteſt eo ,
 quod in ipſius Dei cognitionem nos adducit ?
 quod æternæ ſalutis conſequendæ rationem præ-
 monſtrat ? Quod Deo ſummo omnium bonorum
 fonti , & autori nos conciliat ? ô ſtudium verè
 dignum ! ô induſtriam omni laude , & prædica-
 tione majorem ! qua homo id conſequitur , ut ſine
 interprete , eadem lingua cum Deo , cum Angelis ,
 cum Patriarchis , cum Prophetis , diſertè poſſit
 colloqui , & Dei mentem ex lingua Dei , & præſentis
 hominibus interpretari. Quiſquam ne eſt , qui a-
 lias omnes ſi in unum conferantur , ſcientias cum
 hac , quia iſta tam eximia , tam ſublimia , tam divi-
 na traduntur ullo modo comparandas putet ?

Viderunt hoc Majorum ſeculo , & noſtro , Viri
 magni ;

magni; nec aliam fuisse causam arbitror, cur tanto labore, ac industria in linguæ hujus studio defudarint, inque ea ita excelluerint, ut vel hujus solius nomine doctorum omnium meruerint suffragia. Conrado enim illo Pellicano quid doctius, & Hebræa supellectile instructius? hujus discipulus Munsterus, vir indefessilaboris bone Deus? qualis & quantus fuit? Quid ille rerum hebræarum non evolvit, excussit, penetravit? ut vel ad nomina librorum, eorumque encomia recensenda, libro pene sit opus. Victurum unquam speramus, qui melius de sacro hoc studio mereri, & strenuè magis harum literarum gloriam, tutari queat? Ita sacrarium quoddam hujus linguæ mihi esse videtur, & scientiæ exoticæ quoddam pelagus. Quales quoque olim fuisse viri illi æterna memoria dignissimi, Reuchlini, Merceri, Vatabli, Pagnini, Montani, & non ita pridem, Mornzi, Junii, Marnixii, Drusii, Buxtorffii, quorum hodiè nomina in albo æternitatis sunt: Nec non magnus ille Scaliger, quem ultimum in scenam produco, quod tanquam aquila in nobilibus, & orbis literati Imperator, ac eruditionis princeps, reliquis palmam præripere, videatur, ita in hebræis non ad stuporem, sed miraculum doctus. His præfidiis instructis, quid subit mirari, si tam feliciter, tam solide, tam docte Scripturam enodarint? si Spiritus Sancti mentem, si Prophetarum stilum, si phrasin tanta judicii acutè & sint interpretati? eoque Patribus ipsis (verbo absit invidia) longè hac in parte sint præferendi, qui linguæ hebrææ peritia destituti (Hieronimum hic trilinguem, & Epiphanium *πεντάλωτον* excipio) solœcismis haud levibus, in sacrarum litterarum explicatione, commissis, in errores se, & alios, dedere. In quos incidere, & omnes eos necesse est, quos hodie supina ignavia, & superbum linguæ fastidium sacro hoc studio prohibet: adeò ut quidvis ignorare malint, quàm huic discendæ

scendæ horulas aliquot elargiri, atque intermori-
 entes literas refugere. Cani Æsopico similes qui
 imagines rerum captant neglecta re. Næ illi qui
 hodie sacra stola ambulant, & triarii audiunt in
 Papatu, doctrinæque laudem sibi propriam esse
 volunt, longè multos nostri ordinis homines, (ô
 pudor, & profundum hic agnosco Sathanæ stra-
 tagema!) à tergo relinquunt, majoremque illi
 operam conferunt, ad prolatandos errores, quàm
 hi ad propagandam veritatem. Malè mehercule.
 Et ô utinam serio nostra hic saperet Inventus!
 Quam tum demum ego profecisse multum judi-
 co, cum illi studium hujus linguæ placere cœpit.
 Ut enim cœlum, & micantia ista astra cum intue-
 mur, ab iis ad putam, & inaccessam lucem duci-
 mur: sic à nativæ & facili hujus linguæ simplicitate,
 ad authorem illius, fontem, Deum. Et quemad-
 modum sine luce cerni, multò minus discerni ne-
 queunt colores: ita nisi in Sacris, faciem præferat
 hæc lingua, quæ foeta mysteriis, & arcanis Sapien-
 tiæ, quid solidi, ne dicam certi, statui potest, in
 reconditis illis divinæ Sapientiæ adytis? Quis ge-
 nium Prophetarum, quis Spiritus Sancti stilum,
 dictionem, phrasin capiet? quis mentem? Quis
 verè, & ex intimo sensu, Scripturam interpretari
 quis rimari? si illi barbara est, nec eam suis lu-
 strat oculis, sed alienis, velut per transfennam,
 humanæ versionis? ô lynceos & sagaces sacra-
 rum litterarum interpretes! ô egregios populi
 mystas! ne dicamifucos ad aliena pabula, & vete-
 ri hebræo verbo : *יֵן דְּבַר דְּבַר*

Itane in Divinis, ignorantia nostræ temeritas
 ludere audeat? Non alia nobis salutaris illius
 veritatis indagandæ cura, non alia animarum?
 Siccine ut urfos & bubalos, annulo in nares immis-
 so, circumduci nos patimur? Nam si illi qui in
 terras longè remotas cogitant, pègrini i sermo-
 nis ignari, alienas regiones malè possint sine duce
 pera-

peragrarè. Quæ sodes Deum immortalem ! illorum est incogitantia (ne quid gravius dicam) qui dum ad Canaan illam caelestem tendunt ipsi , & alios ducunt, hujus tamen linguam ignorant, ejusque discendæ tædia , & labores defugiunt ?

Sine qua (iterum dico) friget lectio omnis Sacrae Scripturae , nec plus mihi sapere videntur iis , qui aut alienis maxillis edunt, aut contemptis fontibus , turbidas rivulorum aquas hauriunt avidè , ac bibunt. Amplius. Sine his adminiculis Scripturam explicare, & pro dignitate sensum ejus eloqui , juxta puto , ac sine alis volare. Hæc enim sunt futuro Theologo fundamenta ad altioris facultatis cognitionem omnino necessaria : hæc remigia , atque alæ , sine quibus ad majora divinis illius Sapientiae cacumina evolare perquam difficile est. Vidistis cæcos istos qui in triviis , aut ostiis , cum stipem petunt , alienis oculis aut fide oberrant , nec tam eunt , quàm sequuntur : Simillimos existimate , qui ex interpretatione sapiunt. Si qui vident , aliorum hoc debent oculis , & quæ ipsi non habent , ab iis emendicare coguntur qui quidquid etiam agant , nativam Scripturae in stylo elegantiam , & rerum in ea sublimitatem , *καὶ θεϊότητα* crasso versionis suæ penicillo , non satis adumbrant . sed puræ ejus simplicitati , nubem obducunt.

Excusatius longè peccant , & venia digniores sunt , qui literas nesciunt quia nunquam eas discendi se obtulit occasio. Habent enim perflugium ad ignorantiae suæ patrocinium, quod alieno remigio rem gerant. Sed in tanta luce temporum , tanto linguarum splendore , quæ passim in Academiis, & Scholis docentur, cæcui adhuc homines , totque in his litteris proficiendi adminiculis, sacrum hoc studium torpere, imò à plerisque contemni , qui fidei sacramento , se Ecclesiis devinxerunt , non desidia solum , sed & perfidia crimen est , nulla alia ratione expiandum , quàm si non
ante

ante Theologiæ (quæ summa Academiæ, & simul Religionis doctrina est) nec sacris concionibus interitientur, quàm in contempta, aut neglecta hac litteratura, laudabilis sui progressus dederint specimina. Nam ut plantam plebeii cum vident, nihil præter colorem ejus aspiciunt, nullo autem modo penetrant, aut capiunt essentiam: Ita Sacræ Scripturæ authenticam veritatem hi tales quidem agnoscunt, at inimum ejus sensum non assequuntur, quia ut herbæ quædam non adoptivæ, sed innatæ sunt: ita hæc dogmata, & arcana, in versione verba; hæc fructus, sed magnam partem imperceptibiles illis qui Hebræam ignorant, Spiritus Sanctus enim, qui non solum materiam, sed & verba suis amanuensibus inspiravit, ejusmodi characteres majestatis, gravitatis, & *έρπυσίας*, huic authentico textui impressit, quos nulla interpretatio satis valeat exprimere. Quid, quod aquæ in fonte suo aliter, aliter in rivis sapiunt: & metalla illa opulentissima sunt, quorum in alto latet vena, assidue plenius responsura fodienti.

Vos itaque Academiæ, & Theologiæ Candidati sacrata Deo pectora, dicata Ecclesiæ juventus, vos inquam ut finem dicendi faciam, appello, qui ad altiora nunc studia contenditis: insistite quæso viam quam vobis præmonstro, & linguam hanc cujus præstantiam audivistis, ambabus (quod adjunt) ulnis amplectimini; in eam incumbite, hanc vobis familiarem reddite. Auctorem ejus vidistis bonorum nempe omnium fontem Deum: vidistis antiquitatem longissima multarum ætatum intercapedine, insignem, audivistis necessitatem: utilitatem tot doctissimorum studia, lucubrationes, consilia, monita, luculenter demonstrant. Horum virorum premere vestigia non minima profectò laus est. Hos vobis imitandos proponite, his utamini magistris, in sacro hoc, & laudabili studio; huc animos, huc curas convertite; jungite noctes diebus, noctibus dies, & eruditionis desiderio

rio incensi, omnes voluptatum illecebras, omnem laboris asperitatem præ sacra hac literatura contemnite. Et si venatores in nivibus sub love frigido pernoctant, famem, sitim, vigiliæ ferunt, cum apris, ursis, aliisque indomitæ feritatis animalibus de vita sæpenumero decernunt ac dimicant. Vos si quanto illi ad prædam, tanto ad doctrinam ardore feramini, nullam vobis ne ad eam perveniretis difficultatem obstare patiamini: sed tanquam avidi bonarum rerum negotiatores, per omnia sacre hujus literaturæ spacia peregrinemini: Nullum enim studium honestius, nullum utilius, nullum jucundius, & in quo meliores horas potiori jure collocetis. Quare agite, & si vos ipsi amatis, ex limpidis his rivis Israëlitis restringite sitim vestram, & diem vobis periisse putate, qui sine sacre hujus literaturæ meditatione vobis effluerit. Facebat hic ignorantie mater desidia, facebat diffidentia. Nihil deterreat, nihil avertat: *δυσκολα γὰρ τὰ κεραιά*. Et fundamentis semel jactis, quod non annos, non menses, sed septimanas tantum aliquot exigit, à diligenti, & discendi cupido, crescet indies nobilis hujus studii amor, cum amore delectatio, cum delectatione proficiendi ardor, & *φιλομαθία*, cum *φιλομαθία* progressus, & cum pogrèssu solida, & enucleata Scripturarum interpretatio, quæ quàm Theologo necessaria sit, notius est, quàm ut super hac re prolixius dissertare sit opus.

O R A T I O VI.

In laudem linguæ Græcæ, habita ab

ESAIA COERTENIO.

A Gesilaum illustrissimum illum Spartanorum Regem, dixisse ferunt, tunc cum ex cursu rerum strenuè gestatum in Asiâ,
C
domum

domum à legatis revocatus esset, omnibus se triumphis meritò, antepone obedièntiam Patriæ debitam: & in gravissimâ deliberatione apud Thucididem, Archidamus inquit hanc esse Patriæ disciplinam, ut cives studeant non subterfugere, aut eludere leges, sed his sine ullâ tergiversatione morem gerere. Ita & mihi arbitrò esse honestum, ut D. Rectoris, qui mihi hanc dicendi provinciam imposuit, voluntati non invitus obtemperem, & juxta laudabilem Scholæ nostræ morem, ex publico hoc loco ad vos verba faciam. Multa fateor me ab hoc instituto deterrere potuerunt, inprimis tenuitatis meæ conscientia, & quod rudis adhuc, parumque in dicendo exercitatus, nihil quod auribus vestris dignum sit, & expectationi vestræ respondeat, à me adferri possit: tamen cum certò mihi persuadeam, vos majorem ponere in obedièntiâ laudem, quàm in eloquentiâ, haud gravatè, hac quoque in parte, Gymnasii hujus legibus, & ordini me, quo par est animi affectu, subjicere decrevi. Veniam tamen mihi dari peto, obnixèque à vobis contendo, ut de linguæ Græcæ laudibus in ornatissimâ hac Auditorum coronâ, me balbutientem magis, quàm orantem, pro solitâ vestrâ benevolentia, audire, & Orationis meæ cursum aurâ lenitatis, ac facilitatis vestræ adjuvare haud dedignemini.

Ut qui fontem in origine sui secat, flumina exhaurit, & quidquid à fonte fecunditatis affluit agris, quos macie suâ paulatim emori cernimus, ac quasi fatiscere: ita mihi longè à studiorum suorum scopo aberrare videntur, & sublimiori quam intendunt doctrinæ sterilitatem inducere, speratamque in semine suo messem suffocare, atque adèò à radice succidere, qui linguam hanc quam laudandam suscepi superbè fastidiunt, & aspernantur: cum omnis solidioris literaturæ adeps, ac melior succus, ab ejus studio, tanquam à matutino rore, & imbre defluat. Nam si linguæ hujus præ-

præstantiam recto iudicii oculo æstimemus, quid hæc unâ splendidius? quidve ad disciplinas capeſſendas utilius, ac magis neceſſarium? nempe quâ velut Delphico gladio ad omnia, & ubique uti conveniat. Latina enim eruditio, citrà Græciſmum manca eſt, nec illam recipit ſolis conceſſam Atticis venerem. Apud Latinos rivuli vix quidam ſunt, & lacunæ lutulentæ: apud Græcos fontes puriſſimi, & flumina aurum volventia. Nam Græca, ut nullo diſtinctionis exoticæ fūco inquinata eſt: ita erudita eſt admodum, & locuples, & multa de naturâ rerum, de moribus, de Philoſophiâ, de legibus, de Medicinâ, de pietate, græcis literis ſunt conſignata, quæ ex iſtis fontibus, & facilius hauriuntur, & purius. Quid quod, quemadmodum Latina, alias copiâ ſua, atque elegantiam ditat: ſic græca (linguæ enim ut auri divitiæ quædam ſunt) tum Latinam ipſam, tum alias quoque auget, & adornat, liquidumque rerum ſenſum fecundè, & facundè repræſentat. Quæ enim vis illi, & quæ diſtictio? quantum etiam inferit? Neminem certè unquam jejunam dimittit, nunquam gratiarum, & leporum expertem. Illam qui ſeribere colunt, non in Patria ſua, ſed in ipſa Græciâ, cum magnis illis viris, quorum ſapientiam, ac eruditione non minus, quàm virtute ſua, Populus Romanus incrementum cepit, quotidie verſari videntur. Pugnant cum Homero, ruſticantur cum Heſiodo, amant cum Anacreonte, plorant cum Euripide, cum Ariſtophane rident, in cælum aſſurgunt cum Pindaro. In Theocrito autem, Moſcho, & Bione, verbis nullis dici, nullâ exprimi oratione poteſt, quantum ruſticè procacem illam Muſam, cum ſimplicitate, & ſuavitate linguæ maximâ conjunctam, depereant. Donec tandem more Romanorum, ad privatum in ſcribendo uſum, atque ad imitationem, quidquid ibi legunt, conferant, & uberrima tum rerum, tum verborum fruge, paſcere, ac imbuere ſermonem ſuum incipiant.

piant. Quid mirum? cum omnis doctrinæ elegantia, omnis cognitio digna hominis ingenui studio, verbo, quicquid usquam est politiorum disciplinarum nullis aliis quam Græcorum libris, ac literis contineatur. Viderunt hoc olim Poëtæ, magni illi sapientiæ magistri. Vidit Maro qui non aliâ de causâ, ex Homero magnam Æneidos suæ partem transsumpsit: quàm verò feliciter Georgica sua, ad Hesiodi imitationem composuerit, Bucolica pari successu ad Theocriti expresserit facilitatem, Critici omnes uno ore testantur. Vidit & hoc, eloquentiæ illud miraculum C I C E R O, qui licet proprietatem Romanæ linguæ, simul cum lacte materno purissimo seculo, ex ipso Latinitatis penu hauserit, aliunde tamen divinum illum suum sermonem majoribus incognitum, posteris omnibus tam admirabilem, deprompsit, & aliâ longè quàm latinâ exercitatione, & auxit, & aluit. Ille enim quo inter alios excelluit sermo, non in Italiâ natus, sed è Græcorum subactiore disciplinâ, in Italiam traductus, fecit, ut sola Ciceronis oratio, præ reliquis omnibus Romanis, qui illo ætate aut superiores, aut pares fuere, sub Regibus, Decemviris, Principibus, non colore solum nativo purè tincta, sed & Atticarum venerum succo, plenè imbuta, & Græcorum eruditione corroborata, tantum emereret, inter summos illius temporis Oratores.

quantum lenta solent inter viburna Cupressi.

Quis enim sententiis, illo aut acutior, aut crebrior? quis verbis aut ornatior, aut elegantior? quis invictivis acrior? Docere vis? non alius Cicerone probat vel efficacius, vel apertius. Fletere? nemo illo facundior, nemo qui Auditorum animos rapiat magis, aut stimulet. Copiam amas? nusquam supellex uberior: tori hic, ac quasi verrens lacinia dictionum. Sublimitatem? nusquam sublimior, nusquam altior. Insigni omnibus, qui literas amœniores amant, documento, ne unquam

quam committant , ut græci illi sapientiz fontes , unquam apud se , in despectum veniant , quorum maximè interest , his Musis græcanicis instrui. Nam si ipsa Latinitas , florentissima suâ ætate in ipso puræ , id est Romanæ locutionis centro R O M A , domicilio Imperii , in ipso Cicerone , omnium suffragiis uberrimo , & inexhausto facundiz fonte , ad summum perfectionis apicem , sine græcâ linguâ non assurrexit , quæ illa sodes dementia est , in solâ latinâ quærere , quod Cicero ipse facundissimus ille Romuli nepotum , qui victurus quàm diu ulla nominis Romani exstabit memoria , absque græcâ non invenit ? cur temere quis speret consequi , quod ille non potuit ? cur imprudenter contendat , eam inire viam , quam ipse insistere noluit ? cur ejus consilium detrectet , quem solum aut potissimum , ea in parte , & arte , tanquam summum ducem , sequendum esse , nemo non statuit ? Quas igitur Cicero tam græcè quam latine declamare solitus , linguas sibi re ipsa utiliter , aliis exemplo prudentissimè conjunxit , & filio jungendas injunxit , non in Philosophiâ solum , sed & in ipsâ etiam dicendi exercitatione , absit ut earum studium , & amor nostris unquam animis exolescat , aut aliquà in contemptum veniant , quæ summam laudem merentur. Sacra enim lura , & quæcunque altioris notæ studia sunt , his fulcris nituntur , his deliciis ornantur. Quæ enim , obsecro vos , lingua plures vel scientias , vel bene videndi præcepta tradidit , & ad posteritatem transmisit ? Amplius : Quotæquæque plures , eosque clarissimos , in omni disciplinarum genere Scriptores exhibuit ? non in Græciâ tantum , sed & in Italiâ ipsâ , & mediâ Româ , reginâ orbis , domicilio Legum , & gymnasio literarum. Ubi Græcorum lingua , ipsa propemodum Latinâ vulgarior fuit : & in eâ viri magni , & celeberrimi græcè scripserunt : ut Ælianus cujus , quamquam Italiam nunquam egressus sit , græcæ exstant histo-

riæ : item Plutarchus , Strabo , Dionysius , Appianus , Diodorus , & innumeri alii , qui Romæ vixerunt , illicque scripta sua . græco sermone ediderunt : quemadmodum in Syriâ , & Ægypto Iosephus , & Philo Iudæi , græco quàm nativo uti maluerunt . Et ut rem verbo complectar , quæ tandem lingua est , quæ disciplina , quæ huic Colonias non duxerit ? & indidem ceu è publico quodam mercatu doctrinæ , scientiæque , suppellectilem non compararit ? aut potius tanquam ex uberrimo omnis Sapientiæ fonte , rivos non diduxerit ? Hic enim elegantia , hic literarum promptuarium , musæum Orbis , eruditionis emporium , & Musarum ac Gratiarum omnium augustissimum quoddam Sacrarium fuit . Et ut Homerus ille doctrinæ paganæ fons , de Oceano canit .

ἰξῆ (inquit) ποταμοὶ , καὶ πᾶσα θαλάσση
καὶ πᾶσαι κρῖναι , καὶ φρεῖα πάντα ναῖσι :

Ita ex hac linguâ , veluti quodam bonorum omnium mari , disciplinæ , artes , scientiæ atque ad eò ipsa elementa manarunt . Hinc Rhetorica , Dialectica , Grammatica , Poëtica ; hinc Mathematica , Politica , Ethica , Physica , Methaphysica , & ut verbo absolvam , universa Philosophia , disciplinarumque omnium Cyclopædia , & orbis . Quæ omnes artes , Græcos etiam nunc fontes redolent . ut ne omnia quidem alia quàm nativa , & Græca admittant . Eximia meli Hercule , cum utilitatis huius linguæ , tum necessitatis documenta ! Nam ut alias præteream disciplinas , & ad Iurisprudentiam veniam , sacram illam Reip. humanæque societatis , ac pacis tuendæ magistrâ , quis sanæ mentis non videt , J U R I S nostri originem , & Reipublicæ constituendæ formas , Romanos à Græcis petitas , instituisse ? Quis diffiteri potest , Romanis linguam græcam ad eò familiarem fuisse , & in deliciis habitam , ut nihil apud eos differret Græcenè , an Latine , vel scriberent , vel loquerentur ; & vel maxime olim Iurisconsulti , cum utriusque lin-

linguæ peritissimi essent, non existimarent quemquam fore tam impudentem, aut ob omni ratione alienum, qui ad hanc facultatem animum adjungeret, nisi & ipse græcâ literaturâ instructus esset. Unde non rarò è Græcorum thesauris, *αμύλια* proferunt, quibus in legum interpretatione utuntur. Adhæc sententias Græcorum Philosophorum, Poëtarum, Oratorum, tanquam gemmas, & Orationis lumina, ad res significantius exprimendas, subinde inferunt. Animadverterunt enim non modò verborum lenociniis, sed & sententiarum gravitate, scatere literas humaniores, quæ etiam testimoniorum, & judicati, non rarò vicem obtineant, & vim. Sic Solon, magnus ille νομοθέτης, & è septem Græciæ sapientibus unus, Homeri versibus, sententiâ suam Iudicibus approbasse fertur, ut videlicet Salamina insula, à Megarensibus occupata, adjudicaretur Atheniensibus, abdicatis Megaræis.

Sed doleo ex intimo animi mei sensu; imò indignor, cum ævum hoc video (sive hæc pœna sit, seu vicissitudo rerum fatalis) paulatim inclinare ad barbariem. Hodie enim, quàm multos videre est hoc tam erudito seculo, in tanta luce ac splendore disciplinarum, quibus nihil proclivius est, quàm dulcia hæc antiquioris literaturæ mella aspernari, & purioris sapientiæ favos? qui cum loqui nesciant, hoc unum Afini rudunt, Græcâ esse, legi ideò non posse, non debere: φύσις ἀνδρία ut scribit Platoniorum mellitissimus, καὶ ἀκακομυκτηρίζοντες, graculi, non græculi, τὰ μὴ δυνάμει χερσίζεσθαι. Quia labores, qui ad ea ducunt, aut detrectant aut horrent: superbè respuentes, nobiliores hæc Musas, ut honestè nesciant, rati jura tractari posse sine his adminiculis, & sufficere si vel leviter libatâ Latinitate, per Sacra Themidis statim, & primo pedatu ad honores profiliant, & ad Rempublicam vocati, nihil præter barbam, & togam adferant. Scilicet inertia jam

enim remigia sunt, atque alæ sine quibus ad majora illa scientiarum cacumina evolare perquam difficile est. Quid? non tanti vobis est Plato, non Aristoteles, quo homine Græcorum nemo plura novit, non ipsa denique Sapientia, ut illius linguam addiscatis? Plurisne vobis erunt Interpretes? Pluris vobis, desidia, eruditionis omnis, ac doctrinæ profligatrix? Aut eruditionem, esse creditis verba, & voces; ut ligna lucum? Catonem imitamini, qui esse maluit, quàm videri. Doctrinam amatis? non oscitando, & pandiculando; sed agendo, sudando, vigilando, acquiritur. Non de nihilo, Musas poëtæ in arduo montis, sedem suam habere fabulati sunt, & labores, sudores, vigiliæ, ad earum artium excubare voluit Antiquitas sapientiæ magistra. Sciebant enim viri prudentissimi, non alia lege, & conditione obtineri. Hac viâ Veteres illi quos admiramur ac suspicimus sapientiæ procures, vulgo sese exemerunt: hac se supra ceteros mortales extulerunt; hac gradientes non modo floruerunt inter æquales suos, sed in omnem posteritatem nomen sibi ac decus immortale pepererunt. Græci enim quâ aliâ ratione evaserunt toto Orbe tam laudabiles, quam quod cæteras quas illi barbaras vocabant, nationes omnes doctrinâ, & ingenio anteirent? Unde tantum nomen, *Qua sidus currit utrumque sortitæ* sunt Athenæ? nempe quod haberent eximios literaturâ ac sapientiâ viros. Vos viam hanc insistite, & quæ summus ille naturæ Parens, doctrinæ semina, in vos contulit, fovete, colite, mature. nihil enim est, quod non assidua meditatio facillimum reddat. Quò emenso tandem feliciter studiorum cursu, operam vestram Patriæ, ac Reipublicæ, cui crescitis, devotum eatis, & communi amicorum applausu, parentum gratulatione, bonorum denique omnium voto, non civium solum partes sustineatis, sed & boni Magistratus. Nam & vos ex eo ligno estis, unde tales fabricantur

vobis exploratissimum est. Adolescentem denique me, apud vos dicere, idèd me minus sollicitum habet, quod sciam non solum, non invideri solere huic ætati: sed etiam faveri, & videam à vobis Iuventutem hujus Scholæ, ad optima, & præstantissima quæque, honorificâ præsentia vestrâ, & applausu, haud parum concitari. Quamobrem consuetudine magis, quàm quod ita necessarium judicem, Auditores humanissimi, à vobis quâ possum animi demissione contendo, ut mihi causam Christi, contra Iudæos agenti, & salutarem nobis tot jam retrò seculis adventum, qualicunque Oratione asserenti, exigui temporis usuram, & attentionem largiri ne dedignemini. Et ut sine longis verborum ambagibus, in arcem causæ penetrem, & liberè id quod sentio eloquar, posthabitis Iudæorum deliriis, qui Messiam promissum olim Patribus, exspectant adhuc, & desiderii penè rædio contabescunt: nos Christiani in meliori longè Scholâ edocti, advenisse cum jam pridem credimus, & palam profitemur, Scripturarum quæ apud utrosque valere debet, auctoritate nixi. Quæ ut nobilis hujus controversiæ, arbitræ sunt: ita adventus ejus signa ἀναμνησθῆναι, nec non tempus, locum, modum, aliasque circumstantias, non obscure commonstrant. Insignis locus est apud Mosem capite 49. Genesios, ubi inter egyptias illas voces, quas Iacobus Patriarcha edidit, paulò post moriturus, has quoque Dei spiritu afflatus, protulit: *Non recedet sceptrum à Iuda, & Legislatores medio pedum ejus, donec venerit Siloh.* Genes. 49. 10. Hanc prophetiam, quis sanæ mentis non videt impletam esse, in Christo? qui in ea nasciturus incidit tempora, quæ si unquam ablatum à Iudæis est sceptrum. Romani enim redactâ sub potestatem suam Iudæâ, Herodem Antipatri Idumæi, id est exteri filium, Regem constituunt. qui ut facilius rerum potiretur, splendidiores quosque, ex tribu Iuda enecat, Ar-

chiva, & Genealogias confundit, aut comburit : adeò ut nemo hodie Iudæus (ipsorum conscientiam testor) genealogiam suam proferre certò possit : Sacerdotes pro arbitrio, nullo legis, nullo tribuum discrimine creat : Sanhedrin denique, id est septuaginta & duos Senatores, ex domo Iuda, Regibus assidere solitos, è medio tollit, inque eorum locum exteros substituit : imò quod monstruosum planè, & prodigiosum, ne proprio quidem filio parcit, ut Messiaë adventum intercludat. Ac ne quis forte hanc aliquot dierum, aut annorum eclipsin, ac deliquium fuisse arbitretur, ab eo tempore, quod suprà mille & sexcentos annos excurrit, nullum apud Iudæos, Iudæum extitisse docent Annales, docet experientia, qui vel in minimo Orbis terrarum angulo, ullum exercuit imperium : adeò ut vel in hunc diem adhuc, sine Lege, Republicâ, Sacerdote, Iudice, nullis genealogiis, turbatis ac disiectis tabulis, incertisque tribubus vivant, contemti apud omnes, & exosi. Addamus, quod ab eo tempore, apud Iudæos, nulli Prophetæ extiterint, nullæ à Deo consolationes, nulla dona extraordinaria, nulla tribuum ipsarum cognitio. Nempe quia prophetiæ, quæ Messiam præcipuè spectabant, impletæ erant ; & quia natus ille, cujus causâ genealogias certas esse oportebat. En igitur Auditores, tempus adventus Messiaë, prædictum quidem olim, sed in Christo impletum, quatenus eo nato, regnum in exterorum manus devenit, & Senatus Iudaicus planè exterminatus est, quod non antea evenisse testantur historiæ. Sed pergo. Scimus Hierosolymæ, duo Tempia fuisse, primum à Salomone extructum, destructum à Nebucadnesare : secundum annuentibus Cyro, & Dario Persarum regibus, à Zorobabele ædificatum, eversum deinde à Tito Romanorum Imperatore. Iam de secundo Templo Aggæus propheta, sic loquitur : *Qui est ex vobis reliquus, qui viderit domum istam in gloriâ sua*

priore

priore, & qualem videtis eam nunc? Agg. 2. 3. Nempe quia ad prioris splendorem, & magnificentiam, non accedebat. Attamen dicit idem Propheta vers. 9; major erit gloria domus hujus posterioris, gloria prioris; & alibi, commovebo, inquit, omnes gentes, & veniet desiderium omnium gentium, ac replebo domum istam gloria, dixit Iehova Deus exercituum. Hoc verò omnium gentium desiderium, quodnam sit, quis sodes nostrum, non intelligit? Christus nimirum, qui aliàs *expectatio gentium* dicitur: Is in quo omnes gentes, benedictionem consequuntur; quique Arcam, Urim & Thummim, & Prophetiam, & quicquid in primo Templo refulsit, non modò abundè compensaret, sed & longè superaret.

Sed ne solis temporis circumstantiis, & huiusmodi signis, immorari videamur, quæ externa sunt, Oracula ipsa, & Vaticinia prophetica expendamus, quæ unanimi consensu, quotquot sunt, digritum quasi in Christum intendunt. Prophetæ Messiam nasciturum ex Virgine dixerunt. Inter alios Esaias: *Ecce, inquit, Virga concipiet, & pariet filium, & vocabunt nomen ejus* *עֲמָנָדָב*. Esai. 7. 14. Euangelium, Mariam matrem ejus, virginem asserit. Prædixerunt nasciturum, in oppido Bethleem, & quidem inopinatò. Factum. Aliquot à nativitate diebus, narrant Euangelistæ, Iesum in Templum allatum fuisse, Luc. 2. 25. Deo secundum legem offerendum, atque ibi Simeonem virum pietate, ac vitæ innocentiam infiguem, à Spiritu Sancto admonitum, non visurum mortem, antequam Messiam Domini vidisset, Iesum adhuc infantulum ulnis amplexum, erupisse in has voces: *Oculi mei viderunt salutem tuam.* Iam antequam sese patefaceret Messias, præcursores pollicentur Prophetæ. Inter alios Malachias: *Ecce, inquit, ego mitto legatum meum, & verret viam ante faciem meam, & statim veniet ad Templum suum Dominator, quem vos quaritis.* Malach. 3. 1. Hæc Prophetia

phetia in nullo alio impleta , quàm in Christo. Nam paulò antequam prodiret in publicum Iesus, Præcursoris munus obiit Iohannes Baptista , tanto cum populi applausu , tanto concursu , ut Procerum omnium odia , & invidiam in se pertraheret. Sed quod admiratione dignum, non ita multò post , hic qui populi vota , & studia in se unum converterat , Iesu adveniente , & quidem ignotò, cedit ultrò , & fasceis submittit digniori : adeò ut magni illius Magistri ; prodeunte Iesu , nusquam discipuli compareant , omnibus ad Iesum , instinctu ejus, & horratu , certatim confluentibus : quia non sibi illos instituerat , sed Christo. Cujus si vitam consideremus , quid nisi umbrarum Veteris Testamenti est corpus , & eorum omnium , quæ de Messia prædicta sunt olim , substantia vera , & effectus ? Expendite quæso mecum, quis adventus Messia finis ? certè non alius , quàm humani generis salus. Quæ regni ejus natura ? non aliud quodque quàm sanctum , & spiritale. Hæc si ad Iesum referas , in quem melius convenient , & de quo verius dici ; aut credi queunt ? Conciones enim ejus quò spectant, nisi ad remissionem peccatorum, ad regnum cœleste ? Discipuli quidem importunè, *Domine quando restituturus es regnum Israelis*, Luc. 17. 20. imaginantes sibi imperium aliquod Cyri, aut Alexandri, & in eo honores, dignitates, triumphos, spolia. Sed ad hæc quid Iesus? de Regno cœlorum respondet. Imò , inquit , *minimus erit , qui maximus esse voluerit , ducemini ante magistratus : ubi jam imperia ? vexabimini , ligabimini , crucifigemini*. Lucæ 12. 11. ubi jam triumphi ? *faciam ut intelligatis quot & quanta meo nomine , pati oporteat*. Actor. 9. 16. ubi jam spolia ? ubi dividundæ bello subactæ provinciæ ? *interim beati eritis , qui hac omnia meo nomine patiemini , & qui perseverabit usque ad finem servabitur*. Matth. 10. 22. Hæc doctrina ejus Auditores : & quis sibi ab eâ splendidum quid ? quid augustum polliceatur ? Cujus prima lex est ,

est , abnegare se ipsum , odisse patrem , matrem , consanguineos , benedicere iis , qui nobis maledicunt , bona , fortunas , opes , contemnere , vitam denique non periclitari solum , sed perdere Christi causâ. Quid dissentaneum magis rationi humanâ ? quid à sensu communi (ἡ γὰρ σέβω λέγειν τι μικρότερον) quid à naturâ magis alienum ? & tamen doctrinæ hujus adedò despecta , atque odiosa tanta fuit vis , tanta efficacia , ut viginti plus minus annorum spatio , Orbem universum Christianis repleverit. Quin & ipsa Imperia , quæ de venturo Christo , nihil audiverant , ad obsequium Iesu convertuntur , & prædicationi Evangelii obsecundant , antequam nomen , saltem nominis causam intelligant. Illi ipsi denique Imperatores , sub quibus dira omnia passus est , convitia , sarcasmos , torturas , verbera , mortem denique ipsam , eamque maximè ignominiosam , honores ei divinos , & templa , sacella , aras meditantur. Hic quid dicam Auditores ? Certè divina hæc esse omnia , & suprâ sortem humanam longè assurgere , quæ in Scripturis de Christo prædicantur.

Nam ut altius provehar , in altum hoc Sapientiz. Promiserunt Scripturæ Messiam , Deum & hominem , qui à spiritali servitute , genus humanum liberaret : sed quia sine lytro , seu pretio nos redimere non debuit ; pretium autem Redemptionis nostræ , quia infinitum , non nisi Deus & homo persolvere potuit ; Homo quidem ut pateretur , Deus & vinceret , sequitur duas illas in Christo naturas , necessariò requiri. Et quid clarius , quid manifestius , de Messia testantur Prophetæ. Psal. 45. *Solum tuum Deus in seculum : diligi justitiam , & odio habes impietatem , propterea unxit te Deus , Deus tuus oleo latitia , suprâ consortes tuos.* Psal. 110. *Dixit Dominus Domino meo , sede à dextris meis , donec ponam inimicos tuos , scabellum pedum tuorum :* & paulò post , *Tu es Sacerdos in æternum , secundum ordinem Melchisedech.* Sedere ad dextram Dei , Sacerdotem æter-

æternum esse, Deum appellari, ejusmodi sunt ut nemini homini tribui possint. De naturâ autem ejus humanâ, quàm luculenta passim in Scripturis testimonia? Genes. 3. 15. *Semen mulieris conteret caput serpentis.* Esaiæ 7. *Virgo pariet filium, & vocabitur nomen ejus Emanuel.* Esaiæ 9. *Puer nobis natus, filius nobis datus est.* Quæ omnia Christo convenire, quis non videt? & ut hoc cuique vestrum, luce meridianâ clarius appareat, aciem quaso mentis vestræ intendite, in verba Angeli, ad Mariam: Luc. 1. 35. *quod, inquit, ex te nascetur, vocabitur filius Dei.* Quod gentium ille doctor, clarius exprimit, dicens: *misi Deus filium suum, natum ex muliere.* Galat. 4. 4. Ut autem videatis, quàm pulchrè sibi constet, audite quàm disertè alibi; *Christus, inquit, ex Patribus secundum carnem, qui est Deus super omnia, benedictus in secula.* Rom. 9. 5. Quam filii Dei incarnationem in epistolâ priori ad Timotheum, *magnum pietatis mysterium* appellare non dubitavit, ubi ita exclamat; *Magnum pietatis mysterium, Deus manifestatus est in carne:* 1 Tim. 3. 16. quem & in ætis Apostolicis Ecclesiam suo sanguine redemisse affirmat, Act. 20. 28. O cœcam ergo, & plus quàm cœcam, & impiam ludæorum gentem! O pertinacem! quæ in tam clarolumine, Solem justitiæ D N. J E S U M C H R I S T U M, pro verò olim promisso sibi Messia, non agnoscit. Ille enim est, semen illud mulieris, promissum in Paradiso: ille semen illud Abrahæ, in quo omnes gentes benedictum iri prædixerat: ille filius Davidis, ut affirmat, Apostolus in epistolâ ad Romanos. Rom. 1. 1. Qui ut nasci, sic mori, & pari etiam pro nobis voluit. Et de passione ejus, ac morte, quàm præclare, quàm eximie propheta Esaias, adeò ut Evangelista potius, quàm Propheta esse videatur, ita ad amussim omnia commemorat, non tanquam futura, sed præsentia. Nam de Christo loquens: *Non forma ei neque decor, despectus fuit, & contemptus inter viros:* verè

verè languores nostros ipse tulit , & vulneratus est propter pravificationes nostras : omnes nos sicut oves erravimus , sed I E H O V A coniecit in eum iniquitates omnium nostrarum , quamvis iniquitatem non fecerit , nec dolus fuerit in ore ejus. Quis in hoc textu , non videt carcerem , dolores , vulnera , & mortem *I E S V* ? Quis non humilitatem ejus , & innocentiam ? carceres inquam , nobis in libertatem versus ? dolores , in gaudium ? vulnera , in clementiam , & medicinam animæ ? mortem , in vitam ? justitiam denique , in justificationem ? Supplicium in remissionem ?

Scio hîc multa nobis à Iudæis regeri , quibus testimonia , & loca Scripturæ tam peremptoria eludant , & fucum faciant veritati. Sed inter aliis , nihil est , quo magis offendi solent , quàm humiliatione Christi , carneis hisce oculis despicabili. Equis verò , inquirunt , *I E S V* M eo habitu , Christum aut Messiam esse , unquam suspicatus esset ? Imò ejus , qui humiliandus veniebat , qui crucifigendus expectabatur , quis aptior , quis convenientior habitus esse debuit dum major homine Devinitatis opera per carnem edidit ? Expectarunt magnificum ; promittebatur pauper. Prælia meditantem , & pugnas , victoriis , ac triumphis insignem : prædixerant Prophetæ convitiis , plagis , & verberibus excipiendum. Math. 26. 27. Magno comitatu ; asino vectus Hierosolimam ingreditur. Luxu , & opibus diffluentem : panis vero ejus aceto maceratus , calix amaritudine permixtus. Finxerunt sibi aut pacem Salomonis , aut Alexandri victorias : Sed venit ut iram Dei placaret , nosque ei reconciliaret ; ut Sathanam armis exueret , & Iudæos cum gentibus sociaret. Horum adventuum uter quæso , tum ad gloriam Dei , tum ad Messiae decus , facit magis ? Mundum certè Messias imperio suo subicere debuit. Sed utrum gloriosius erit , utrum divinam ejus Majestatem , & potentiam patefaciet magis , si imperio accinctus , an si omni

si omni ope humanâ destitutus, manus suum per-
 fecerit? Si pœnarum, si suppliciorum metu, an
 sola Verbi sui prædicatione, homines sibi tributa-
 rios fecerit! Splendidus, triumphabundus, an
 cruci affixus? vivus an mortuus? hostes cædens,
 an ultrò cedens? Res ipsa loquitur Auditores, &
 quid opus lucernâ Diogenis, ubi sol meridianus?
 Dicamus igitur, non potuisse Divinitatem suam
 splendidiorem reddere, quàm in adventu suo vili,
 & contemibili: virtutem, quàm in infirmitate
 suâ, & ἀπὸσσία: potentiam, quàm in debilitate:
 gloriam, quàm in contemptu: æternitatem, quàm
 in morte? resurrectionem, quàm in sepulchro:
 omnipræsentiam, quàm in absentiâ. Et si aliter
 ad nos venisset, gloriæ partem, homo sibi vendi-
 casset, & quò potentior, eò levior victoria foret,
 & quò in oculis hominum splendidior, eò Divi-
 nitas ejus minus emicuisset: ac eò etiam tum Ju-
 dæi, tum Ethnici & remotiores à culpâ, & propio-
 res veniæ, & excusationi fuissent. Eant nunc, &
 humilitatem ejus quantum lubet, obtendant, hanc
 unam traducant, fugillent, rodant: nos nos Chri-
 stiani eam colimus, veneramur, amplectimur, &
 in hac summâ Christi humiliatione, Majestatem
 ejus suspicimus, Divinitatem adoramus. Nam si
 natus eo die, loco, modo, stirpe, parentibus, qui-
 bus dilucidè, disertè, præcisè, multis ante seculis,
 multis ante seculorum decadibus, à Prophetis erat
 designatum, quæ nec homo per se nosse poterat,
 nec ulla creatura aut docere, aut addiscere, quis
 quæso dubitare jure potest, aut debet, quin illi
 præcones fuerint verè θεόπωδες qui Regem mun-
 di, in Mundum adventantem, prænuñciarint? Et
 C H R I S T V M, non alium, verum illum esse
 Messiam, qui prophetias illas, suo adventu imple-
 verit? Cujus quidem ortus, & nativitas ut ut pri-
 mâ fronte alicui obscura, & ignobilis videri pos-
 sit, si matrem pauperulam famâ obscuram, opi-
 bus tenuem, fabro nuptam. si præsepe, si fascias,
 si lo-

si locum & occasionem nascendi consideres : at non item, quin longè aliter videbitur, si eundem qui sic natus est, Deum fuisse cogites, natum ex virgine, loco & tempore jam ante designatis à Prophetis, eundemque ab Angelis Pastoribus euangelisatum, tum à Magis ut Regem Iudæorum adoratum, atque ob id ab Herode, martyrio destinatum, & Angelo monitore in Ægyptum ablegatum, moxque à morte Regis inde revocatum quo omnes de se & in se typos adimpleret. Nam si natus ex Virgine ; si natus in stabulo, depositus in præsepi, vilibus pannis, & fasciis involutus, ut infans vagiit : Angelos habuit Nativitatis suæ præcones, & nuncios. Si esuriit : millia aliquot hominum paucis panibus, ac pisciculis saturavit. Si sitiit : aquas vivas siti restringendæ propinavit. Si defessus à viâ : defessos mole, ac pondere peccatorum ad se vocavit, & refecturum promisit. Si vestigal solvit : didrachma pisci imperavit. Si obmutuit ut agnus : libertatem loquendi nobis dedit, apud Patrem. Si spinis coronatus ; Regis, & Imperatores ad genua sua, prostratos habet, & ad ipsius pedes diademata ultro abjicientes, dæmonas ipsos victos, & revinctos, frangatos, & obmutefactos. Quæ hic Auditores elucet in singulis Majestas, quæ Sapientia, & quam omnia Mysteriis foeta ? Si denique obiit, & spiritum emisit : potestatem resumendi habuit. Si morte ignominiosa : at quot & quanta in ea Divinitatis signa se prodidère, ruptura Aula, inaudita ante, & invisa Solis obscuratio, & terræ motus ? Totidem in summâ humiliatione, Majestatis ejus argumenta. Vnde enim illa ? nisi à virtute plus quàm humanâ, plus quàm Angelicâ, plus quàm quæ in creaturam ullam, in creaturas simul omnes cadere possit.

Hunc ergo, ut finem dicendi faciam Auditores, tanquam unicum MESSIAM amplectamur, omnemque in eo fiduciam repositam habeamus.

Nihil

Nihil nos ab ejus professione defleat, nihil deterreat.

Non si terra mari miscbitur, & mare Calo.

Quid enim Christi cognitione dignius? quid salutaris? Dignius? in eo enim absconditi sunt omnes thesauri sapientia. Salutaris? Hac enim vita aeterna, ut te cognoscant esse illum solum verum Deum, & quem misisti IESUM CHRISTUM. Hæc cura igitur, curis omnibus longè antistat, Christum cognoscere, cognitum amplecti, amplexum venerari: Huic soli vivere, huic mori. Humana enim hæc quid sunt, nisi jactationes, & fluctus? in quibus nihil firmum est nisi ad anchoram ea alliges Veræ Pietatis, quæ magis corde quam ore; factisque magis exerceri debet, quam verbis. Donec tandem emenso vitæ curriculo, nos æternæ illius beatitudinis consortes faciat, quæ nullis temporum spatiis circumscribi, & quam nemo mente assequi, nemo cogitatione complecti potest. Dixi.

ORATIO VIII.

Parænetica ad Studiosos, ut in studiis,
devoratis omnibus molestiis, constanter perseverent, *habita à*

JACOBONIS A.

MIdam ajunt, illum Phrygiæ Regem pecuniosissimum, quod Bacchum hospitio excepisset, à Diis immortalibus impetrasse, ut quidquid vellet optaret, optatumque referret, quod peteret. Optasse autem illum, quæ erat πλεονεξία, & immensâ auri cupidine, ut quidquid attigisset, in aurum illicò verteretur. Stultum mehercule votum, & eâ quæ secuta est, poenâ dignissimum! Nam cum cibis, & potus manibus attrectatus, ut ori ingestus, in aurum protinus converteretur, sensit tandem homo fatuus,

tuus , medias inter opes inops , quàm impru-
denter optasset , petitque à Libero patre , ut
munus illud quantumvis speciosum , sibi adime-
ret. Istud verò Caligulæ quale est , quem iden-
tidem cædes , famem , pestem , incendia , terræ
motus , inundationes optasse , queri etiam soli-
tum fuisse , memoriæ proditum est , quod non
calamitate aliquâ inauditiâ , tempora sua insigni-
rentur. Quanto laudabiliora Augusti , & Tiberii
Impp. vota extiterunt ? quorum ille Scipionis for-
titudinem , & Cæsaris fortunam à Diis conten-
dit : hinc tantisper ut viveret , optavit , dum Reip.
ac Patriæ suæ prodesse posset. Verum hos post se
omnes , longo intervallo relinquere mihi viden-
tur illi , qui vota sua aliò convertunt , quibusque
nihil adeò cordi est , & curæ , quàm ut in studio-
rum suorum cursu , ad doctrinæ , & eruditionis
fastigium enitantur.

Quo nihil ego , in rebus humanis dignius esse
censeo , nihil præclarior. Illa enim est , quæ men-
tem perficit , iudicium format , ingenium acuit , &
quandò brutis longè præstat , animalium nobilif-
simum , homo : tantò hominem , homine ipso Præ-
stantiorem facit. Illa est , & quidem sola , quæ ado-
lescentiam alit , senectutem oblectat , secundas res
ornat , adversis perfugium , ac solatium præbet , de-
lectat domi , non impedit foris , ubi vis terrarum
nos comitatur , & vel cum naufragio enatat. Sed
quia multos cottidie video , studiorum difficulta-
te , à laudabili illo consequendæ eruditionis pro-
posito , deterreri , haud abs re me facturum putavi ,
si qualicunque hac mea Oratiunculâ , manum cun-
ctantibus porrigerem , & multorum hac in parte
tarditatem , stimulare. Vos interim Auditores ,
quâ possum animi submissione , obnixè rogatos
volo , ut favore vestro , & solita in eos qui ex hoc
loco declamare solent benevolentia , dicentem
complecti , dignemini , ut si forte in obvias navi-
cula mea Syrtes , minus secundis Euris impulsâ ,
illi.

illiferit, æquitatis vestræ remigio, & cynosurâ, naufragii periculo integra emergat.

Aristoteles Philosophorum ille princeps, crasso cuidam, & obesæ naris homini percontanti: *quid esse discrimini inter doctos, & indoctos*, non inscitò respondit *quod inter viuentes, & mortuos*, haud obscure innuens, qui corporum modò vitâ fruerentur, quàm habemus cum pecudum genere communem, & externis tantum oculis Solem intuerentur, quem acutius longè cernunt aquilæ: animis verò quibus lucem, ac vitam donat literatura, nihil cernerent, eos ne hominis quidem appellatione dignos, & mortuos esse verius, quàm vivos, minimoque intervallo à lapideis differre signis: hoc nomine etiam inferiores quod statutz sic delectant oculos, ut nemini noceant. At illi si vivunt, vivunt tantum, & aurâ omnis doctrinæ vacui, æthereâ solum vescuntur, qua & asini, tantumque à doctis differunt, quantum à videntibus, cœci. Præclare olim Poëta:

ὁ γράμμάτων ἀπειρὸς ἔβλεπε βλεπών :

Διπλὴν ὀρᾷσιν, οἱ μάλιστα γράμματα.

Ita profectò est. Nulla enim via ad veram prudentiam acquirendam compendiosior est, nulla ad Reip. moderandæ rationem assequendam expeditior, nulla ad laudis, ad dignitatis, ad honoris ad gloriæ immortalitatem adipiscendam planior: nihil denique in vitâ humanâ dulcius, nihil jucundius, nihil suavius. Sed vitanda hic si usquam improba *Siren* defidia: qualis eorum qui titulo, non re studiosi sunt, & præclari nominis appellatione abutuntur: qui inter grassationes, & pocula, atque in lustris, ganeis popinis magis, quàm inter libros ætatem agunt. Ponite vobis ante oculos omnes ætatis humanæ partes; omnem publicorum temporum varietatem; omnes instituendæ vitæ rationes, & vias animo, & cogitatione percurrite, nullam omnino reperietis, quæ non ita litterarum auxillio indigeat, ut eas si quis sustulerit Solem ipsum

ipsum de Mundo sustulisse videatur. Eæ enim non tantum bene dicendi, verum etiam bene vivendi commonstrant vias: excitant in animis nostris igniculos gloriæ & quantus sit in virtute splendor, quanta in vitiis deformitas, edocent. Contra vana, vana sunt quæ miramur, in hoc fluxu, & refluxu rerum humanarum, & alimenta vitiorum sunt, non remedia, nisi mentem humanam naturâ cœcam, Sapientia eruditione commitata, regat, & moderetur. Quam qui possidet, verè sunt divites. Quod enim proprium divitiarum, contenti rebus suis, externa ista, levi, & spernente oculo delibant: sati esse putant, quod est, nulla re egent, nihil sibi deesse sentiunt, nihil requirunt. Quin & cum Biante, in Urbis patriæ capturâ, & excidio, inter micantes ubique gladios, & militarem in rapinam, tumultum, nihil de rebus suis asportantes, omnia tamen sua secum portant: ludibria hæc fortunæ has Mundi phaleras ne sua quidem putantes, quæ vulgus etiam bona appellat. Quia si abeunt, nihil auferunt, nisi semet ipsa. O prudentem verè juvenutem, si hic prudens! & si vitæ hujus vicissitudines, opumque instabilitatem seriò expendens, nihilque quidquam ad se pertinere, quæcunque à fortunâ vel dari possunt, vel eripi, animum ad doctrinam adjunxerit, & eruditionem. Cujus quotiescunque animo meo obversari solet præstantia, & quoties in seriam ejus cogitationem descendendo, mirum, quantos illa mihi addat stimulos ut in cursu studiorum, intrepidè, ac constanter, perseverem. Quid? Homines, ut rem agant, & augeant, nullos subire detrectant labores, nullas molestias, Mundum omnem pererrant etiam extra Anni, Solisque vias, nullis itinerum interval-
lis, se patiuntur intercludi, nullis jugis, ac montibus sejungi, nullis fluminibus separari, nulla temporis, ac tempestatis injuria retardari, ut ea lucrentur, quæ fluxa sunt, vana; in casu posita, & puerilibus consentanea crepundiis? Et nos in pa-
randâ

randâ eruditione , segnes erimus ? cujus opes perennant, & possidentem nunquam distituunt ? Has qui tenet.

Intactis opulentior

Thesaurus Arabum , & divitiu India .

ab alto

Infrâ se cernens , hominum genus ,

Latus regnat ,

Literariâ hac instructus supellectile , & Palladio
hoc insignis diademate ,

Quam si Lybiam remotis

Gadibus jungat , vel uterque Pœnus

Serviat uni .

Sed regerentes hîc mihi audire videor , molles quosdam , ac delicatulos , arduam esse viam , & salebrosam , quæ ad literaturam ducit. Esto Auditores : neque enim illud eo inficias. Sed rebus maximis difficultatem proposuit Deus , nec alia ad doctrinam via est. Quid ? Eruditionem citrà laborem parari , quis censet ? disciplinas oscitantibus in ora delabi ? venire in sinum dormientibus ?

Errat. Laudis Herculeæ fundamentum , labor fuit. Nec alio fine prudentissimis Lycurgi consiliis , ac legibus olim instituta Spartanorum gymnica certamina , palæstræ , saltationes Pyrrhicæ , currus Achæici , labores Isthmici. Nulla quoque re magis Ulysses , quàm labore cognoscitur , quantalibet prudentia fingatur. Si otiosus fuisset , latuisset. Labor Romuleos duces , Scipiadas , Camillos , Fabios , Curios , Fabricios , Metellos , aliaque periculis nota nomina , in excelsum Famæ theatrum , extulit.

Labori cuncta venalia sunt ; &

Ἰσοπρά. θεοὶ προμάχου ἐβανον

Ἀδύνατοι.

Opes istas vulgares aurum , gemmas , argentum nonnunquam largiuntur ignavis , & immerentibus ; sed quæ veræ sunt Opes voluerunt parari laboribus. Ut gemmas Natura altissimè recondidit :

sic

sic quæ sunt optima , non nisi summo studio eruntur : & ut una hirundo non facit ver : sic nec una dies eruditionem. Latissimum est scientiæ spaciū , latius ignorantia. Nulli præclusa doctrina via est, omnibus patet, omnes invitat. Sed sudandum hîc si usquam , & certandum strenuè in hac palæstra. Ingenium, ut ferrum est, splendet, si utaris : rubiginem contrahet, si recondas. Fatetur quidem ad doctrinam capeßendam , plurimum momenti naturam habere : Sed ingenium sæpe labor vicit : & naturam industria : hæderæ hac in parte imitatrix, quæ cum imbecillior sit, quam ut suis se viribus erigere & sustentare possit , altioribus sese pampinis , & ulmis involvit , involuta arctius se astringit , atque hoc modo per amplexum ab infimis ad suprema arripit. Soli natura, si cultura deficiat , sterilefcit : quantoque melior terra , tanto deterior sit neglectu. Contrà solum quod per duritiem, ligones vix admittit , aut aratri dentem, subactum jam, illicò fructuum ubertate luxuriat. Exempla vultis adducam? Intuemini mihi Ciceronem, Demosthenem, Platonem, Aristotelem , & alios penè innumeros , quorum mentionem facit Antiquitas : quos non illi labores, quas non vigilias, lucubrationes, incommoda perpessi sunt ? quas non devorarunt molestias ? quas denique non susceperunt peregrinationes : alii in Græciam, alii in Ægyptum, alii in Italiam , ut doctiores tandem redirent ? Ita est Auditores Ambrosiam hanc qui vel tantillum delibavit , satiari ea nequit : quia mentis nostræ famem gustata semel, magis acuit , & irritat , & quò altius in nos descendit, eò (ita me Musæ ament) impensius placet, & minus molesta est. Quod si cui hoc fortè mirum videtur , prodeat in medium Chrysippus , seculi sui decus , qui studiis intentus , tanta sæpe voluptate perfruebatur , ut extrà se raptum, & velut extaticum , cibi cum , & potus caperet oblivio. Prodeat Mathematicorum Coryphæus ,

& solertissimus ille Orbium cœlestium scrutator, Archimedes, qui in Urbis suæ Syracusanæ direptione, ita affixus erat libris, ita defixus in studiis, ut prius hostilis gladii cuspidem corpore exceperit, quàm urbem in hostium potestatem venisse sentiret. O animum literarum amantem! O industriam hominis indefessam! O factum omni laude, prædicatione, monumentisq; decorandum! diripiebatur Urbs ea tempestate opulentissima, effusi per vias milites, ut in quemque inciderant, sine ullo ætatis, sexus, ordinis discrimine, obvios contrucidabant: undique gladiatorum radiantium fulgor perstringebat oculos: undique armorum sonitus, tubarum clangor, equorum fremitus, cadentium tectorum fragor, audiebatur: puerorum ejulatibus, mulierum lamentis, morientium singultibus, ac suspiriis, militum clamoribus, privata publica que omnia, circumsonabant: ipsa Vrbs penè dimota, & convulsa sedibus suis, suorum civium in cæde ac sanguine natabat: cum unius hominis mens, in media civitate, dulci literarum illicio, ne patriam quidem Urbem captam esse, nec hostem stricto gladio, effractis musæi foribus, cervici suæ imminere sentiret. Prodeat denique Solon, ex septem Græciæ sapientibus unus, qui cum in lectulo, morti proximus decumberet, inaudissetque affidentes amicos, de re quapiam submissem, ne ipsi molestiam pararent, disputantes, ille caput sustulit, & flexit ad audiendum; Interrogatusque. Quo fine tunc, aut fructu? nobilem illam vocem edidit, *Ut, cum istud sciero, doctior moriar.*

O discendi cupiditas! quid non efficis, ubi semel generosa ingenia occupasti? & quid in vita, aut ejus flore faciendum, cum ille hæc in morte? tenebatur homo sapientissimus, gravissima vi morbi, dejectus pene, & attritus jam vicinitate mortis, ab omnibus pene corporis partibus sensus abscesserat, egregius ille animus, mox liber ab

angu-

angusto corporis tugurio, exilire cupiebat, cum quidquid supererat virium eò contulit, ut deficiente fere lingua, vocibusque interruptis, suum doctrinæ, cognitionisque desiderium indicaret, Quid mirum? Nam ut apes ad mellificium, aves ad volatum, aranei ad texendas telas formicæ ad grana frumenti, congerenda tacito quodam naturæ instinctu ducuntur. Ita homines quasi genio quodam, atque animi impetu ad rerum scientiam propendere, & ad eam tanquam ad Jæsonis prædam, & ad Colchicum thesaurum ferri videmus.

Sed ut alius provehar, nec literarum deliciis solum, & amœnitati immorari videar. Quid? compendiosiore nullam existimamus esse viam, ad honores, quàm per literaturam? Non arbitror, Illa enim est, quæ homines etiam obscurissimos, umbraticos, tenebriones ante, & humili loco natos, nobilitat, & in famæ theatrum producit. Illa quæ contemptos antè & abjectos, ad summas dignitates evectos, in Augusto honoris folio collocat, & favorem Regum, ac Principum, benevolentiam populi & applausum, vel ringente invidia, demeretur. Exempli obvia sunt, Auditores, & in omni ævo. Socratem Sophronisco patre marmorario, & matre obstetrice natum, commemorant. Hic tamen admiranda sua in divinis & humanis scientia, ad tantum famæ & laudis fastigium assurrexit, ut nullus unquam extiterit, non solum hominis consensu, sed & Apollinis Oraculo, hoc viro sapientior. Euripidem quis ignorat, non generis quidem splendore (matrem enim habuit olera venditantem) sed doctrinæ præstantia, & ingenii monumentis, ita inclaruisset, ut nominis sui famam æternitati consecraret? Demosthenis verò patrem cultorum venditorem extitisse, memoriæ proditum est. Et quis hoc Oratore tamen disertior? quis eloquentior? ut vel hinc facile intelligi possit, veram gloriam non in opibus, & spoliis Pluti patris: sed in doctrina, sed

in eruditione positam esse. Quid Æschinem tympanistrix filium? quid Epictetum, moris philosophiæ principem, quondam servum? quid Pindarum tibicinis filium? quid Anacharsin gente Barbarum, & crasso Schytarum aëre, atque ex vervecum patria oriundum? quid Demadem, olim piscatorem? quid denique Lucianum lapicidam? quid innumerabiles alios, in scenam producam? quorum ignorata nunc essent nomina, & æterno oblivionis tumultu recondita, nisi pennato hoc litterarum curru, eVecti se ostendissent per ævum, & scriptis suis famam ab interitu vendicassent.

Hæc igitur, hæc inquam exempla, quorum pleni omnes sunt libri, plenæ Sapientium voces, plena Scriptorum vetustas, Juventuti Musarum Sacris initiatæ, & virtutis purpura tinctæ, æmulandæ, nec committendum, ut minor nunc quàm olim Majorum, in literis proficiendi sit ardor. Sed nimis multa fortassis de re minimè dubia. Quis enim nescit, nihile esse tam excelsum, tam splendendum, tantaque laude dignum, quod cum doctrina comparari possit? Itaque ut portum subeam, & vela Orationis meæ contraham, monet me Auditor, insignis vestra humanitas, & patientia, qua ne diutius abutar, hîc pedem figo: illud prius à vobis commilitones mei, quo possum animi affectu contendens, ut mea non in aures tantum vestras, sed in animos descendat Oratio: cumque vos ad omnem laudis cumulum natura genuerit, ratio formarit, voluntas & studium accenderit, ne patiamini tantas dotes ulla negligentia labe deformari. Expendite quæso mecum, quid valeat Eruditio, quem præbeat usum. Et si quæ vos cepit unquam gloriæ, atque æterni nominis cupiditas, si studium virtutis, ac honoris, si clarissimorum virorum exempla vos movent, si doctrinæ vos præmia alliciunt, si honores, si purpura, si trabeca, si infula, date, date quæso animum ad studia
litteras

litteras colite , eruditionem sectamini. Alios vulgaris atque obsoleta delectent , vos recondita hæc Sacra Musarum : illos humilia , vos sublimia : illos vilia , & abjecta , vos ardua : illos deterreat difficultas , vos acuatur , vos extimulet : illos frangat , vos reficiat labor. Videtis Athletas ? oculi semper illis in metam : sic vobis mens in eruditionem , & in eum censum , quem ex Patriæ ruinis , secum asportavit , magnanimus Bias : non aliam querite studiorum vestrorum , & laborum palmam. Cætera enim quæ fortunæ arbitrio , tum dantur , tum eripiuntur , fluxa omnia sunt , & lubrica ; nec tam egregium existimo , illa habere , quàm contemnere , ad quæ non rarò generis humani , cæca cupiditas obstupescit. Quid enim stirps , Patria , genus ? quid forma , ætas , ingenium , quid honores ? quid aurum illud quod tantopere admiramur ? aut aurea ista Colchorum vellera quæ laboriosissima veterum Græcorum navigatione olim quæsitæ ? Quid collessi , quid marmora , quid Mausolæa ? Fumus sane , & funus sunt rerum mortalium omnia , & in anticipi hac mutatione temporum , abeunt , abeunt inquam , nec eximere nos queunt , aut nostra , mortalitatis lege. Sola hic fama perennat , virtutis , & bonarum artium studiis comparata. Et hæc propriæ hominis sunt opes quæ non furto eripi , non incendio absumi , non naufragio absorberi possunt ; quæ in pectore , & animi scrinio struuntur , non in arca : quippe quæ usu augeri solent , non minui , meliores fieri , non deteri , non senescere , non contingere malis ut opes : non ignavis , & immeritis ut honores ; non etiam avocare homines à virtute : sed instruere : imò parata semper esse præsidia , & compendia : quæ nos tandem vita hac gloriosè defunctos , ad vitam meliorem comitantur , quam vobis omnibus , & mihi adprecor , opto , voveo. Dixi.

ORATIO IX.

In Senectutem,

Habita à

PETRO DUSSENIO.

Cum multa præclarè, summaque omnium cum laude, ab *Heracleito* dicta, factaque sunt, tum haud scio quicquam ne sit præclarior eo, quod in seriam descendens contemplationem miseriæ humanæ, in lachrymâs indefinenter erupisse dicitur. Nec mehercule injuria. Et enim cum nihil in hoc Universo firmum sit ac perpetuum, nihil quod non crebris fortunæ mutationibus obnoxium sit, quis tam natura ferus, ferreusque inveniri potest, qui si cogitare de his incipiat, à lachrymis temperare sibi queat, animumque non itentidem tristitia, atque ægritudine conficiat? Non mihi Auditores, in præsentiarum omnes ad amussim miseras, ac calamitates recensere decretum, quæ hominem aut circumstant, aut incurrunt, Senum tantum in mentem conditio veniat. Ecquid obsecro vos, in ea ætate non ingratum, triste, luctuosum? quæ Sapientium judicio, morborum omnium & ægritudinum sentina est, & vitiorum officina? quam ut omnes optant, ita nemo consecutus, ea gaudet. Optima cum expectatur, onerosa sibi, aliis molesta est. Adcò ut qui olim omnibus eam votis expetebat, jam imago sui tantum, aut cadaver vivum, inter homines oberret. Ut enim ex amphora primum, quod est sincerissimum effluit, gravissimum quodque, turbidumque subsidet: sic in ætate illa decrepita, meliora prætervolant, deteriora succedunt. Ea quid tristius excogitari possit, non video, quæ hominem à rebus strenuè gerendis avocet. Et quem mihi dabitis Auditores, cui vel minima tantum inest

inest virtutis militaris strictura (eos enim hic *quem lava in parte mamilla nil salis*, missos facio) qui eam non merito exhorrescat, si quam semper reformidavit, imminentem sibi sentiat? aut aliqua tantum ejus subeat cogitatio, fore ut per eam præclara ejus oblitterentur facinora, & perpetuo involuta silentio, in oblivionem veniant? Quemadmodum iis, quibus angina præcluduntur fauces, cum alios edentes conspiciunt, accenditur in iis cibi fumendi appetitus, sed frustra: sic Senibus, cum aliorum res gestas audiunt; simulque quid in adolescentia ipsi, quid in adulta ætate præclari gesserint, recordantur, *subit quidem ira cadentem ulcisci patriam, & sceleratas sumere pœnas*: sed vetat senilis imbecillitas, & querula valetudo, verant tremulæ manus, ægritudines, morbi, deliquia animi, vetat corporis senio attriti languor & *μαλαξία*: ut verè in senes ad unum omnes, quadret illud Hecubæ ad maritum Priamum, in enervi & decrepita senecta, Trojam captam, irritò conatu, & frustra defendere volentem:

Non tali auxilio, nec defensoribus istis

Tempus eget.

Quod si forte cuiquam dubium videri posset, res ipsa palam clamitat, audiat enim *Entellum* jam senem, apud *Virgilium* profligatæ ætatis suæ deplorantem, incommoda. Quid ille?

— gelidus, inquit, tardante senecta

Sanguis habet, frigentque effæta in corpore vires.

Si mihi qua quondam fuerat, quaque improbus illa

Exultat fidens, si nunc foret illa juventa,

Haud equidem pretio inductus, pulchroque juvenco

Venissem.

At in Juvenibus contrà,

— integer ævi

Sanguis adest, solidaque suo stant corpore vires.

Magna spirare, audere, moliri, integræ ætatis est, non attritæ, non fractæ: sublimia, & ardua suscipere, vegeti corporis est, non decrepiti,

non humo affixi, & vel minimo impulsu nutantis, ut illud in capularibus illis seniculis, & silicerniis videre est. Vno atque altero exemplo Auditores res fiat illustrior. Intuemini mihi magnum illum belli ducem *Alexandrum*, qui nescio, an quemquam rei militaris peritia, an vigilantia, & animi fortitudine unquam parem, ne dicam superiorem habuerit. Quo vitæ suæ tempore, expeditionem in *Asiam* confecit? Orientem pene totum sub potestatem suam redegit? ingentes regionum tractus, immensa terrarum latè patentium spatia, flumina, montes, insulas, quæ interventu suo maria distinguunt, Imperio suo adjecit? Hæc tam splendida, & pene stupenda, in senio nè aggressus est, misera valetudine, evitato corpusculo, & ætate decrepita? minimè gentium. Alia longè tot tantæque facinora exigunt vitæ tempora, aliam animi fortitudinem, alium mentis vigorem, aliam manuum, aliam pedum agilitatem. Specimina si vultis eorum quæ dico. En vobis in hoc ipso *Alexandro*. Qui cum collatis signis (ut reliqua præteream) & exercitu haud numeroso, prælium cum *Dario* iniisset, in quo cæsa feruntur *Persarum* peditum centum millia, decem verò millia interfecta equitum; at ex parte *Alexandri* quatuor solum, & quinquaginta saucii fuere, triginta omninò, & duo expeditibus desiderati sunt, equitum centum quinquaginta interfecti, tantulo impendio, eam consecutus est victoriam, qua non tantum totius Orientis terror existit, sed potentissimum Monarcham eò adiegit, ut filiam suam in conjugem, & Imperii partem in dotem illi offerre non dubitaverit. *Scipiones* hîc, aut *Camillos*, *Marcellos*, *Æmilios*, *Coriolanos*, aliaque non ingloria nomina, ordine hîc in theatrum inducere, si mihi esset animus, quis tandem foret dicendi finis? Vnus, unus Auditores, in medium prodeat: *Cæsar*, qui nobis erit instar omnium,

omnium, ingenii ejus promptitudinem, & acrimoniā quis satis unquam depradicet? scribere & legere simul, dictare, & audire, Epistolas magnarum rerum quaternas pariter Amanuensibus dictare, aut si nihil ageret, septemas, solitum accipimus. Idem signis collatis quinquagies dimicavit: solus *Marcum Marcellum* transgressus, qui undequadragies, prælium cum hoste inierat. *Cæsari* propria fuit & peculiaris, Clementia: Idem & magnanimitatis se præbuit exemplum, cui comparari non possit aliud. Illa vero fuit vera & incomparabilis invicti animi sublimitas quod capitis apud *Pharsaliam*, *Pompeji Magni* scriniis epistolarum, iterumque apud *Thapsum*, *Scipionis*, concremasse ea optima fide, atque non legisse dicitur. Cujus virtutes cum ob oculos pono, liberè fateor. & dicam quod sentio Auditores, nullas Imperatorum, quotquot unquam fuerunt, nullas clarissimorum Regum res gestas, cum hoc Principe, nec contentionum magnitudine, nec numero præliorum, nec varietate Regionum, nec celeritate conficiendi, nec dissimilitudine bellorum, posse conferri; imò nec disjunctissimas terras, citius cujusquam passibus potuisse peragrari, quàm ejus non dicam cursibus, sed victoriis illustratæ sunt. Domuit enim gentes immanitate barbaras, multitudine innumerabiles, locis infinitas, omni copiarum genere abundanteis: ita ut nullius tantum sit flamen ingenii, tanta dicendi vis, tantaque copia, quæ non dicam exornare, sed enarrare res ejus gestas possit. At qua ætate, tot tantaque ab eo edita facinora, tot pugnata bella, tot reportatæ victoriæ? non senili certè, non decrepita, sed vegeta, integra, illibata, quæ montium cacumina, perpetuis obstita nivibus superare, vias adire invias, & squalentia solitudine loca, tesqua, nemora penetrare potuit, nec Ducis solum, sed & militis officio fungi. In utrumque enim paratus, seu imperare, seu manum si opus, conferere, certæque

potius occumbere morti, quàm à proposita sibi victoria, frustrari.

Sed ut à profanis ad Sacra mea transeat Orationis. *David* fratrum suorum natu minimus, puer adhuc & inberbis, magnum illum & formidabilem *Goliathum* adoriri sustinuit, non gladio instructus, aut hasta, sed lapillis tantum aliquot & funda. Impar certè congressus, si gigantem cum nano, *Polyphemum* cum homuncione, militem exercitatum cum Adolescentulo compares. Sed quanta animi fortitudine, quanta fiducia *μωρομάρτυρα* illam subiit? quanto successu, portentum illud hominis, viribus suis, plus nimio fidentis, deiecit, factum compescuit, & in uno *Philistaeo* debellato, multa hominum millia profligavit? 1 Sam. 17. adeò ut non minus in eum, quam in Romanum illum Imperatorem, quadrarit, Caesareum illud Apophthegma; *Veni, vidi, vici*. Ac ne forte viribus eum solum eminuisse putetis, tanto in eo fuit ab ineunte ætate prudentia, tanta doctrinæ & scientiæ præstantia, ut doctores omnes suos, & quidem Senes longè à tergo reliquerit Psal. 119. 99. 100. Exhaustire coner Oceanum, si exemplorum quæram in sacra pagina finem. Turmatim enim nobis hic occurrunt rariores illi Sapientiæ Principes, & magni diviniore doctrinæ, qua excelluerunt, *Atlantes*: quorum laudibus recensendis si immorer, tempus me citius, quam materia deficeret. Quis enim *Salomone* adhuc adolescente, qui exercitatissimos etiam senes consilii maturitate superavit, sapientior? apparuit inter alia, in ea quam tulit sententia, de filiolo mortuo, duarum matrum, inter se litigantium? 1 Reg. 3. 12. Quis *Danièle* Propheta, in explicandis formidinis sagacior? Quis *Paulo*, magno illo Doctore gentium, eloquentior? quis eo potentius movere Auditorum animos? quis strenuius veritatem afferere potuit? quis errores convellere? Quis denique *Timotheo*, à puero sacris litteris imbuto,

salu-

salutis mysteria, & cœlestis doctrinæ oracula enucleare aptior? & qua sodes ætate? non decrepita, & vergente ad occasum, sed vegeta & juvenili. Tantus, tantus est, Auditores, hujus ætatis vigor, solertia, sagacitas, quæ collata cum senio

τοὺν διαπέφ
 ἔσθ' ἐξ ἐν ὧ ἐς' ὀπί γαίης,

tantoque se hæc integra & florida effert, supra decrepitam illam & attritam, quanto supra imas, maximeque depressas convalles, editissimorum, cœloque, ut poëtæ loquuntur, minantium montium cacumina.

Expendite quæso mecum senectutis incommoda. Animi dotes, mentis acies, ingenium, memoria, judicium, quæ in ætate juvenili omnia vigent, in senio claudicant, torpent, languent, & inveterata, in dies contabescunt. In animo non ea generositas, prudentia, fortitudo, quæ ante fuit: in mente caligo mera & amentia, ingenium delirio proximum, & rebus arduis aggrediendis ineptum: memoria fluxa & labilis, quæ audita, lecta, meditata transmittit, ut cribrum aquas, ut ex ampe Lethæo senes longa bibisse videantur. Oblivia: adhæc judicium hebetatum, fractum, iners. Quo fit ut nec sibi senex, nec aliis utilis esse queat. Quia in hoc fatiscentis ætatis deliquio lucro vivit, & (ut verba Comici meæ faciam)

Terra odium ambulat, animal semireptile,

Et nil sapiens, tanti est, quanti fungus putridus.

Quæ causa, credo Romanos impulit, cur leges annarias tulerint in senes & decrepitos, eosque omnibus muneribus publicis abdicarint tanquam emeritos: quia videbant obesse magis, quam prodesse Reipublicæ, nec magni quidquam sperari posse ab iis, quorum virtutes in vitia degenerarunt. Quid enim senibus magis est querulum, morosum, suspicax? quid iis importunius, aut imperiosius? quis supra quam sat est tenacior, sordidior, & ad rem attentior? *Eresichtones* esse

dixeris, & totidem *Euclyones*: quis iracundior, quis animi impotentior, & vindictæ cupidior? αἰμὴ ἀσφαλέως ἢ χαλεθέντες, si diceres fas. Similes navi, quæ sine clavo medio mari, huc illucque jactata fertur, ventis, & nudis ludibrium: sic illi affectibus suis violenter abrepti, nihil circumspicere agunt, nihil considerate. quia in iis imbecillitas judicii, & in sensibus Euripus. Septies in die mutant. Raro altum aut honestum spirant; sunt in vanis aut vilibus curis. Jam quæ corporis, in senibus habitudo? non me Auditores sed Poëtam audite, graphicè & suis coloribus depingentem senectam; ut nullus eam melius Apelles.

— Quam, inquit, continuus, & quantis longa senectus (tum

*Plena malis: deformem & tetrum ante omnia vul-
Disimilemque sui, deformem pro cute pellem,
Pendenteisque genas, & taleis aspice rugas,
Quales umbriferos, ubi pandit Tabraca saltus.
In vetula scalpit jam mater simia bucca.
Plurima sunt luvenum discrimina, pulchrior illi
Hoc, atque ille alio: multum hic robustior illo,
Una senum facies, cum voce trementia membra,
Et jam lave caput, madidique infantia nasi:
Frangendus misero gingiva panis inermi:
Usque adeo gravis uxor, gnatisque sibi que,
Ut captatori moveat fastidia Cossa.
Non eadem vini, atque cibi, torpente palato
Gaudia.*

*Præterea minimus gelido jam in corpore sanguis
Febre calet sola: circumfilit agmine facto
Morborum omne genus: quorum si nomina quaras,
Promptius expediam, quot amaverit Oppia mæcher,
Quot Themiso agros Autumnus occiderit uno,
Quot Bassus socios, quot circumscripserit Hirrus
Pupillos.*

*Ille humero, hic lumbis, hic coxa debili, ambo,
Perdidit ille oculos, & luscis invidet: hujus
Pallida labra cibum accipiunt; digitis alienis.*

*Ipse ad conspectum cana diducere victum
 Suetus hiat tantum, ceu pullus hirundinis, ad quem
 Ore volat pleno mater jejuna: sed omni
 Membrorum damno major dementia: qua nec
 Nomina servorum, nec vultum agnoscit amioi,
 Cum quo praterita canavit nocte, nec illos
 Quos genuit, quos eduxit.*

Ita est Auditores. Repuerascunt senes, cum ætate crescit delirium, & gravitate, ac prudentia virili posita, ad viri redeunt, & mores puerorum quibus omne Judicium in pretio est, pueros amant, puerorum consortio delectantur, pueris per omnia similes victu, imbecillitate, morum inconstantia: inconspæti denique, improvidi, degeneres Mundi incolæ, & in medio Orbe cum sint, quæ in eodem gerantur, quæ gesta sint, non perspiciunt, non intelligunt, libenter miseri, quò sint minus miseri, sed levia hæc sunt. Senectam si consideres, quid nisi morborum omnium, & ægritudinum sentina est? imò ipsa, si Comicos fides: *senectus morbus*. quis dies in ea latus, aut hora, cui non denæ alia succedunt tristitiæ plenæ, ac doloris? Sicut in mari etiam extrà tempestates, & procellas, fluctus, semper & undæ: Ita in tristi hoc vitæ senilis salo, turbæ semper, & motus; semper alia ex aliis mala, gravedo capitis, aut hemicrania, oculorum rubor, & lippitudo, aurium surditas haud absimilis eorum qui de *Nisi* cataractas habitant, capillorum defluvium, linguæ balbuties, & titubantia, manuum tremor, cordis palpitatio, lienteria carnifex calculus, morbus colicus, podagra, virium dejectio, tota denique corporis *κακία*. Quis mortalium, si recto iudicii oculo, rem æstimet, tales beatos judicet qui afflictum, ægrum, mutilam morbis corpusculum trahunt, sarcinam, & vehiculum imbecillitatis? quis non contra miseros, qui tot tantisque indies miseriis consistantur? Accedit malorum omnium pessimum, quod morti proximi sint, & tanquam viva

gada-

cadavera, macie & squallore confecta, alterum pedem habeant in cymba *Charontis*. Philosophum interrogatum quid esset vita? cubiculum ingressum ajunt, & ilicò egressum, hoc actu tanquam penicillo egregiè depingentem humanæ vitæ non fragilitatem solum, sed & *deitatem*. Certe si hæc omnium mortalium fors est, quantò magis eorum qui tanquam mortis victimæ, diem illum quo vivunt, quid ajo? imò punctum illud temporis, in quo versantur, cum morte dividunt. Nam ut adolescentibus mors in insidiis est, sic senibus in januis: quia similes igni qui sua sponte, nulla vi adhibitâ, consumptus extinguitur, & pomis quæ ex arboribus natura decidunt. Quid enim vita eorum aliud, quàm continuum mori, dum magnis passibus, & concitato gradu, ad metam tendunt, & vitæ finem? qui longè abesse non potest tam afflicta valetudine, tam attrito, & dejecto corpusculo. Similes iis, qui damnati capitis, singulis pene horis, lictores expectant, rapiendi ad supplicium. nec aliud habet ætas illa, quo se fulciat, niû adsit vitæ innocenter actæ recordatio, ac spes vitæ melioris.

Scio, Auditores, non omnes hanc ætatem contingere, sed ut in agris fruges satas, alias crescere, florere, maturescere, meti videmus: alias in herbam surgere, aut in aristam, & in eaperire: alias vix natas atque è terræ sinu prodeuntes concidere: sic homines. In quoscunque tamen senectûa incurrit, monitos volo, ut patienter eam ferant. Optimum enim malorum antidotum est Patientia, &

Levius, ut inquit Poëta, fit patientia.

Quidquid corrigere est nefas.

Vos itaque Adolescentes, & Juvènes, ut finem dicendi faciam. Senectam in via illa vernantis ævi. lubrica, vobis meditandam proponite, ut si non effugere, protollere saltem eam, & remorari possitis. Et fiet, si sobrietatem ametis, si tempe-

rantiam; Luxuriosa enim Juventus, effœctum corpus tradit senectuti, & plures occidit gula, quàm gladius. Et hanc Studioſi peſtem velis equiſque, quod ajunt, non fugeretiſ, hanc non deteſtaremini, quæ voſ ab omniſ ſocietatiſ humanæ officiis excludit, libertate exuit, & mancipia reddit tot dominorum, quot vitiorum? In promptu exempla ſunt. *Alexandrum* tot prælia, tot itinera, tot hiemeſ, tot flumina ex ignoto cadentiâ, tot maria tutum dimiſerunt: ſed intemperantiâ bibendi, & ille *Herculanuſ* ſcyphuſ concidit. *Hannibaleſ* indomitum illum nivibuſ atque *Alpibuſ* virum enervarunt vina, & fomenta *Campania*, & qui armis vinci non potuit, à vitiis victuſ in poteſtatem fortunæ venit. *Marcuſ Antoniuſ*, magnuſ viruſ, & ingenii nobiliſ, quæ alia reſ perdidit, quàm ebrietâ? qui ſi ſobrii fuiſſent, non diutiſ ſolum vivere, ſed & proſpera frui valetudine potuiſſent, vel in extremâ ſenectâ. Vetiſtaſ, curvaſ quaſdam eſſe animâſ, memoriæ prodidit, quæ in cœlum nunquam ſuſpiciunt, ſed in terram ſemper cogitationeſ deſigunt. Mittamuſ fabulaſ. Intemperanteſ, curvæ iſtæ ſunt animæ. quæ in corporiſ voluptateſ demerſæ, nec Sôlem unquam vident, nec Lunam. Quid mirum? nihil illi altuſ, nihil magnificuſ, ac divinuſ ſuſcipere poſſunt, qui pecuduſ ritu ſuaſ omneſ cogitationeſ abjecerunt, in rem tam humileſ, tam contemptâ, Voluptateſ. Et hoc credo, quod *Valerio Maximo*, memorabile illud expreſſit dictuſ, quo docuit luxuriæ, & libidiniſ vitiis, nihil ſædiuſ, nihil damnoſiuſ eſſe: quippe quibuſ virtuſ atteritur, actioneſ honeſtæ languſcunt, ſopita gloria in infamiâ converſitur, animique pariter, & corporiſ vires expugnantur, aded ut neſciâſ ab hoſtibuſ ne, an ab illiſ capi, pernicioſiuſ habendâ ſit. Dixi.

ORATIO X.

PRO SENECTUTE,

Habita à

JOHANNES COSTERO.

Sapientis Hebræi, aurea verè sententia est :
 Prov. 25. 11.

תפוחי זהב במשכיליך כסף
 דבר דבר על-אפני :

Velut mala aurea in figuris argenteis, est verbum dictum commode. Et Plutarchi in Thocione laudata similitudo est: ὅς ἢ τῷ νομίσματι ἀξία πλείω ἐστὶν ὀγκῶ βαρυνάτω δύναμιν ἔχει, ἢ τῷ λόγῳ δεινότης πολλὰ σημεινεῖν ἀπ' ὀλίγων. Quemadmodum numismatis præstantia tantò major, quantum in minore massa, plus valoris continet: Sic orationis illius vis, & acumen majus est, quàm plurima paucis significat. Optassem Antagonistæ meo, hæc venissent in mentem verba, tanta profecto dicendi licentia, filii sui dentem stringere non sustinuisset in Senectutem. Quia nihil ego unquam majori honore dignum esse censeo, si pietate, & prudentia, si eruditione comitata sit. Sed abripuit Adolescentem, juvenilis ardor, & incogitantia. Cui ut nunc adversari in animum induxi, partesque Senum in præsentiarum defendere: ita mihi in dicendo addit animum, argumenti suscepti veritas, quæ amicitiae omni, necessitudini, & studiorum commilitio longè antistat. Nam ut Aristotelis verba mea faciam: Ἀμις Πλάτων, Ἀμις Σωκράτης, sed magis Ἀμις VERITAS. Ingenuè fateor, non contradicendi studio, hanc Cathedram conscendi, non etiam altercari mihi propositum, & λογμαχεῖν, sed quòd æquum, quòd verum est tueri, & quantum mea quidem feret tenuitas, strictim, ac breviter

viter illis respondere conabor, quæ in hoc publico confesso, ad venerabilem illam Senum canitiem traducendam, in medium allata sunt. Quæ cum ita se habeant, mihi quæ ipsa per se ad dicendum materię dignitas, magnam satis audientiam factura videatur, consuetudine tamen magis, quàm quod ita necessarium iudicem, petam à vobis, ut mihi causam Senum (quales non paucos inter vos esse video) brevi oratione defendere meditati, exigui temporis attentionem ne denegetis. *Senectus* inquit

*Expectata diu, votisque optata malignis,
Obicit innumeris corpus lacrabile morbis.*

Et vel hoc nomine odiosam esse volunt, ac formidabilem. Sed ô hominum dementiam! quasi ulla dari posset ætas, quæ malorum immunis sit. Agite si libet Auditores, intuemini mecum, & oculis mentis vestræ, omnes hominum ætates percurrite, factoque ab ipsis incunabulis, & erepundiis puerilibus initio, videamus, an aliqua vitæ humanæ pars sit, quæ hanc sibi audeat immunitatem polliceri. Primum se nobis offert, hominis in lucem prodeuntis, infantia. At illa quid? liberam necam dicemus ab omni malo? & doloris expertem? Immane quantum discrepat! Summa quidem fateor in hac ætatula est simplicitas, & innocentia: sed quanta interim laborat ignorantia? quanta ejus est imbecillitas, & *adiveta* cum fasciis involvitur, in cunis rotatur, & mater garrula lallare, & pappare eum docet? Quanta corporis, quanta membrorum omnium teneritudo? nec mirum. nam ————— *Ut saxo*
projectus ab unda

*Navita, nudus humi jacet infans, indigus omni
Vitali auxilio, cum primum in luminis oras,
Nixibus ex alve matris, natura profundis;
Vagituque locum lugubri complect.*

Ut longè deterior, ac infelicior infantis videatur esse conditio, quam animalculorum quorundam, quæ

quæ simulac ex ovo prodierunt, aut in lucem edita sunt, non incedere solum, sed & victum quaritare sponte sua possunt, tanta cum industria, ac sedulitate, ut vix matrum opera indigere, ulla in re amplius videantur.

Infantes vero, qui sese nesciunt, fame & inedia perituri essent, nisi parentes ipsis irent suppetias & præmanfis buccellis visitarent: ab aqua se nec ab igni tueri, imò ne muscam quidem, aut culicem se pungentem, abigere queunt. Vt vero infirmam illam incuntis ætutulæ temeritatem, robur Adolescentiæ excepit, molles, ætate fluxi, pullis equinis similes, ephippio, & habenis carentes, huc illuc discurrent, & laxata intemperantiæ fibula, abripiuntur in freto illo adolescentiæ, libero nimis pede, quocunque eos cœcus libidinum impetus trahit, nulla modestiæ, aut honestatis habitatione. Lenonum, ganeonum, aleatorum, & id genus hominum consortio pudoris atque opum prodigi, delectantur, conviviis, choreis, & tripudiis indulgent, cuticulam, curare, molliter, ac luxuriosè vivere, certare poculis, hilarescere vino, tædia temporis discutere, mimis ac histrionibus, una indies eorum cura, una sollicitudo: de virtutis sectandæ studio, & artibus liberalibus capessendis, altum inter eos silentium; aut si quid forte bonæ mentis habent popinis & commestationibus deteritur. Adhæc cui tanta, Auditores, dicendi vis, tanta copia, ut pericula, casus, vitæ discrimina, in quæ temeritate sua, primæ lanuginis annis, incauti se præcipitant, enumerare queat? Quis prodigiosos sumptus? quis pecunias luxuriosè delectas? rem patrum turpiter oblimatam? quis morum proterviam, quis vitia & luxum in quæ se effundunt, ferocientibus equis non ab similes? quis denique infamiæ notam, quam familiis sui æternum inurunt? cum ob flagitia sua interdum ad supplicium rapti, vitæ antea actæ poenas dare, & tremulam cervicem, gladio carnificis submittere coguntur?

guntur? Adolescentiæ succedit ætas virilis, quæ tantum abest ut malorum immunis sit, ut contra innumeris curis, & laboribus nos opprimat. De Sisyphio saxa multa commenti sunt præsci vates: hoc illud est quod adulti in vita volvunt. Privatis curanda sunt domestica, rei familiaris gerendæ cura, educandi liberi, famuli in officio continendi. Quæ levia certè non sunt munia. Sed longè graviora sustinent qui publicis muneribus præsunt, ut Reges, Principes, Magistratus. Nam ut universi populi cura iis concredita est: ita quò majorum sunt Regna, imperia, ditiones, eò majoribus implicantur curis. Tenentur enim curare primum, ut Deus piè ac purè ab omnibus colatur, & tanquam utriusque tabulæ custodes, ut Religionem sanctam testam tueantur ac defendant, benè institutam conservent, justitiam fideliter administrent, *περὶ πολλῆς & σωφραγίας* capitales Reip. pestes, sanguine viperino cautius fugiant, ditionis suæ limites firmis præsidiiis muniant, militibus stipendia solvant, confœderatorum amicitias foveant, bonos defendant, malos puniant, omnibus denique virtutis ac pietatis exemplar se præbeant. Hæc aliaque Regum ac Principum munia, quæ nunc prætereo, quàm onerosa, quàm gravia, & curarum plena sint, nemo est qui non videat, & quàm vel maximis ingeniis occupandis & distinendis sufficiant.

Ite nunc vos *μυζήεσσι* quotquot estis, & in hanc ætatem, quidquid malorum est, curarum, & sollicitudinum petulante conjicite, hanc sugillate, hanc disteriis, & convitiis proscindite, quò omnibus in frontem odiosa reddatur, & invisa, cum nulla hominum ætas, nulla conditio mortalium, nulla denique vitæ pars, malorum experta sit & libera. At vero si rem accuratius indagemus, manifestum evadet, nihil senectute tranquillius esse, nihil jucundius, si studiis juventutis stipata sit, ut inquit Romani pater eloquii M. Tullius.

Inter-

Interroganti cuidam :

Cur tibi tam levis est, cur tam jucunda senectus ?

Haud incitè respondet Poëta :

Libera quod vitium juventa fuit,

Bona Conscientia, dulcis nutricula est Senectutis, & candida virtutum nostrarum, ac innocentiae trutinatrix. Quamvis corporis vigor, Senes non raro destituant, animo nihilominus suæ constant vires, & ut cygni quo seniores, eò suaviores. Quod si fortassis alicui dubium videatur, prodeat in medium *Fabius Maximus*, hic & bella gerebat, ut adolescens cum planè grandævus esset, & Annibalem juveniliter exultantem, non Lybico telo, non *Achillis* hasta, non *Herculi* clava, non *Cophali* jaculo, sed consilio, patientia, & cunctatione domuit, vicit, attrivit. *Tarentum* verò quo consilio, qua vigilantia, qua animi fortitudine recepit ? Cum *Salinatori*, qui amisso oppido fugerat in arcem glorianti : Mea quidem opera *Fabi* *Tarentum* recepisti. Certè inquit ridens : Nam nisi tu amisisses, ego nunquam recepissem. Nec verò ille in luce modò atque in oculis civium, magnus fuit, sed & intus, domique præstantior. Qui sermo ? Quæ præcepta ? quæ notitia Antiquitatis, quæ rerum scientia ? quæ Juris, quæ Augurii ? Omnia memoria tenebat, non domestica solum, sed etiam externa bella, adeo ut cum ætate ipsa luctari videretur. Quid *Masanissa* nonaginta annos natus ? Notant historiarum in eo incredibilem, & inauditam corporis *Βεξίαν*, etiam supra ætatem. Nam iter pedibus ingressus, in equum non ascendit; cum equo ex equo non descendit : nullo imbre, nullo frigore adduci potuit, ut laborum omnium longè tolerantissimus, & frigoris ac æstus juxta patiens, annosum suum caput operiret. Et quorsum hæc tam multa de *Fabio*, *Masanissa* & aliis ? quia profecto miseram, & formidabilem fuisse talem senectutem, nefas esse dictu, luce hac quam spectamus, manifestius apparet. Rara hæc quidem esse fateor.

Non

Non enim omnes *Scipiones* esse possunt, aut *Fabii*, aut *Masaniſſa*, ut urbium expugnationes, ut pedestres, navalesque pugnas, ut bella à se fortiter gesta, ut expeditiones in exteras gentes, ut denique triumphos, & reportatas ab hostibus victorias recordentur. Sed non uno modo, se commendabilem reddit Senectus. Ea etiam laudanda est, quæ studiis delectatur, & *Musarum* commercio, quæque eruditionis canitie venerabilis est. Qualem fuisse accepimus Senectutem *Platonius*, qui uno & octogesimo anno scribens, mortalitatem explevit. Qualem *Iſocratis*, qui cum librum qui *Panathenæicus* inscribitur, quarto & nonagesimo anno scripsisse dicitur, & vixisse quinquennium postea. Cujus Magister *Gorgias Leontinus*, centum & septem complevit annos, neque unquam in studiis cessavit: Qui cum ex eo quæreretur, *cui tam diu esse vellet in vita? nihil* (inquit) *habeo, quod accusam Senectutem.* Præclarum mehercule responsum, & docto ac sapiente homine dignum! Sed regentem hîc audio, memoriam Senibus, & judicium minui, & quæ aliæ naturæ dotes, in alia ætate crescunt, in hac decreſcere, adeò ut delirare potius, quàm serios sermones cædere, & pueris propiores, quàm adultis esse videantur. De delirio nihil judico: nam qui maxime delirant, sibi maxime interdum sapere videntur. Sed si delirant senes, maxime delirabat *D. Hieronimus* qui major annis octoginta aut nonaginta, ut quibusdam placeret, plurima scripsit, eaque multò absolutiora iis quæ scripsit florenti ætate. Credo Auditores, memoriam, & alia naturæ dona, nisi colantur, in senio, ut in alia ætate minui. At si eam exerceas, in omni ætate firma est, & sibi constans. *Themistocles* ipsa senecta venerabilis, jam omnia Civium perceperat nomina, tantaque in eo viguit vis consilii, ut sententia ejus de rebus gerendis difficillimis etiam, ac periculosissimis temporibus, in Oraculi propemodum loco, ac munero habita fuerit. Nunquam

quam (ait *Cicero*) audiui senem oblitum, quo loco thesaurum recondidisset. Omnia quæ curant, meminerunt, vadimonia constituta, qui sibi, cui ipsi debeant. Manent ingenia Senibus, modò permaneat studium & industria: nec ea solum in claris & honoratis viris, sed in vita etiam privata: si corpus annis infirmum, ingenium sapientia validum est: & ut bene *Comicus*, *atque Sapientia condimentum*. *Sophocles* ad summam usque Senectutem, Tragedias fecit, qui in libris & studiis assiduus, cum rem familiarem negligenter habere videretur, à filiis in judicium vocatus est, ut quemadmodum olim malè rem gerentes Patres, à bonis arceri solebant; sic illum quasi delirantem, à re familiari, removerent Judices. Tum Senex dicitur eam fabulam quam in manibus habebat, & proximè scripserat recitasse Judicibus, quæsisseque num illud carmen delirantis videretur? Quo recitato, sententiis Judicum est liberatus.

Cicero summus ille dicendi magister, in eximio illo quem de Senectute conscripsit dialogo, inter alias causas, ob quas vulgò male audiat, & multis misera videatur, hanc unam notat, quod homines à rebus gerendis avocet. At quibus? An iis quæ in juventute geruntur? Nullane igitur res sunt seniles? Nullæ occupationes, nulla negotia, quæ vel infirmis corporibus, animis tamen administrantur? Nihil ergo agebat *Quintus Maximus*? Nihil *L. Paulus*? Nihil ceteri Senes, *Fabricii*, *Curii*, *Coruncani* consecrata ad omnem posteritatis memoriam nomina, cum Rempublicam consilio & autoritate defendebant? Nihil *Licurgus* inter Lacedæmonios, aut inter Athenienses *Solon*, aut inter Locrenses *Zaleucus*, aut eorum quisquam qui civibus suis leges tulisse memorantur? qui quantum viribus corporis inter suos non excelluerint, vi tamen mentis ac consilii illam sibi tantam auctoritatem, potentiamque pepererunt. Ut *Appii Claudii*, *Masanißæ*, *Catonis*, *Phocionis* exempla

in præsens nunc præteream, quæro num *Mosēs* & *Iosua* anno ætatis centesimo, num *David* in extrema senectâ, rerum curam, & administrationem deposuerint? *Atheniensibus* olim ad electionem ducis convocatis, cum Oratores *Charetem* quendam juvenem & robustum, *Iphicrati* valde seni præferrent. *Timothem* ex Principibus viris unus, Talem, inquit, non ducem eligite, sed qui duci suas stragulas portet: Significans, rebus gerundis non lumbos fortes, non validos lacertos sufficere, sed magis requiri iudicium atque experientiam: Ut idcirco tutius Senibus, quàm aliis earum administratio committatur, ut qui plerunque sapientia, & peritia juvenes longe superent. Nihil igitur asserunt, qui in re gerunda, versari senectutem negant, similesque sunt, ut si quis gubernatorem, in navigando, nihil agere dicat, cum alii malos scandant, alii per foros cursitent, alii sentinam exhaustiant, ille autem clavum tenens, quietus sedeat in puppi: Non facit ea quæ juvenes, at vero multo maiora & meliora. Non viribus aut velocitate corporis, non clypeo solum, non hasta, non gladio, res magnæ geruntur, sed consilio, auctoritate, sententia, quibus non modò non orbari, sed muniri Senectus solet. Quæ nisi essent in Senibus, non summum Reip. consilium, Majores nostri appellavissent S E N A T U M, nec Romani qui semper Senes, quibus corpus annis infirmum, Ingenium vero sapientia validum erat, Reipublicæ clavo admovissent. Apud *Lacedæmonios*, qui summo fungebantur Magistratu, morum & annorum canitiæ venerabiles erant. Nempe quod prudentia Respublicas gubernare, & periclitantes tueri consilio, non juvenum sit, sed eorum qui longo pollent rerum usu. Quod si cui legere, aut audire externa sit animus, maximas Respublicas, à junioribus in ruinam actas: sed à Senibus ab interitu vindicatas, & conservatas reperiet.

Vultis Exempla? Intuemini *Agessilaum* Patriæ
suz

sua præsidium, & decus. Solus ille prudentia sua cavet, ne post Leuſtricam pugnam, Sparta à Thebanis capta direperetur. Intuemini Q. Flaminium, Scipiones, & alios quibus viribus Pyrrhum, quibus Philippum Macedoniæ regem, quibus Amilcarem, & Syphacem, quibus Nabidem tyrannum, quibus Antiochum, aliosque quam plurimos Romanorum potentissimos hostes profigarunt? vultis dicam Auditores? plus bonis consiliis, quam armis. Quid igitur miramur in Poëtarum fabulis lupum victum à vulpecula? & immani illa vastitate, atque incredibili robore gigantem ab Ulyſſe domitum, ac oculo privatum Cyclopem? Prudentia est, quæ fortunam ac virtutem moderatur qua insuperabiles munitiones expugnat; sine qua quid armatæ legiones? quid phalanges? quid innumeræ cohortes? quid nisi consilio, & prudentia sustentetur, vis etiam maxima? Nihil. At ubi illa, nisi in Senibus? Principum enim negotia, consilio suo regunt: Ut illud in Nestore videre est, cujus consilium Agamemnon, in decennali illa obsidione Troja pluris fecit, quàm belli ducum, & militum quotquot habere, fortitudinem. Nec mehercule injuria.

Σοφόν γὰρ ἐν βελούμα, τὰς πόλλας χεῖρας νικᾷ.

— Ne semper viribus aequum

Fidore, sæpe acri potior Prudentia dextra est.

Qua nisi magnorum Principum æstuentes impetus, & calorem juvenilem, quo nonnunquam abripiuntur, consilii sui moderamine temperarent, & intra rationis, & bonæ mentis repagula coercerent, levissimas sæpe ob causas, maxima pessum irent Imperia, & florentissimæ funditus interirent Respublicæ. Ut olim Riboamo contigit, qui maximam Regni sui partem, juvenili temeritate, brevissimo temporis spatio amisit. Minutius, exercitus Romani ductor in quantum exitium rem Romanam præcipitavit, cum Fabii Maximi consiliis, quæ per invidiam, atque odium cupidationes ap-
pel-

pellabat, obstreperet, cum libidinem suam, & remerarium pugnandi æstum sequeretur? Quæ clades? quæ strages? quæ populi calamitas? quæ lachrymæ, quæ per Deum immortalem, auditæ quærelæ? cum jam nimis ille quidem serò sese respiceret, & quantum semel neglectum consilium, unicusque in acie admissus error mali trahe-
ret, cum summo Reip. suæ discrimine cognosce-
ret, atque cum magna suorum clade addisceret,
plus in consiliis quam in armis momenti & po-
tentix esse constitutum. *Ludovicus* ejus nominis
undecimus *Galliarum* quondam Rex, similem ob
causam, Regno suo pene excidit, & ipse moritu-
rus, id coram filio non dissimulavit, jubens, ut
quos senes relinquebat consiliarios, in consilium
adhiberet, & illorum sententiam sequeretur, sce-
ptri sui pene dispendio, ac jactura doctus, quid
sit cæco voluntatis suæ arbitrio regi, & eorum
aspernari consilia, qui emundæ naris, exactique
judicii sunt, & longo rerum usu, ingruentis mali
pericula longè prospiciunt, & prudentia sua, ea-
dem aut præveniunt, aut declinant. Quid plura?
Nonne Patrum nostrorum memoria, *Rex Un-
garia*, juvenis cujusdam Episcopi inductu, cui de
Regni administratione planè fidebat, bellum ad-
versus *Turcas*, nec viribus par, nec satis munitus.
& veteribus ducibus, ac consiliariis dehortantibus
suscepit. Unde factum est, ut mortuo Rege, flo-
rentissimum illud Regnum, quod totius Orbis
Christiani propugnaculum erat, in *Turcarum* po-
testatem venerit.

Sed formidabilem esse Senectam calamitant,
quod morti proxima sit.

Quasi vero quenquam ulla ætas mortis immu-
nem faciat: Homines ex quo nati sumus carpi-
mur; singuli dies aliquid subtrahunt viribus, &
non dicam mori possumus, sed morimur: & o-
mnis hora, omne momentum ad metam illam du-
cit, & cui nasci contigit, restat mori.

E

Omnes

sua præsidium, & decus. Solus ille prudentia sua cavuit, ne post Leuſtricam pugnam, Sparta à *Thebanis* capta direperetur. Intuemini *Q. Flaminium*, *Scipiones*, & alios quibus viribus *Pyrrhum*, quibus *Philippum* Macedoniæ regem, quibus *Amilcarem*, & *Syphacem*, quibus *Nabidem* tyrannum, quibus *Antiochum*, aliosque quam plurimos Romanorum potentissimos hostes proſtigarunt? vultis dicam Auditores? plus bonis consiliis, quam armis. Quid igitur miramur in *Poëtarum* fabulis lupum victum à vulpecula? & immani illa vastitate, atque incredibili robore gigantem ab *Ulyſſe* domitum, ac oculo privatum *Cyclopem*? Prudentia est, quæ fortunam ac virtutem moderatur qua insuperabiles munitiones expugnat; sine qua quid armatæ legiones? quid phalanges? quid innumeræ cohortes? quid nisi consilio, & prudentia sustentetur, vis etiam maxima? Nihil. At ubi illa, nisi in Senibus? Principum enim negotia, consilio suo regunt: Ut illud in *Nestore* videre est, cujus consilium *Agamemnon*, in decennali illa obsidione *Troja* pluris fecit, quàm belli ducum, & militum quotquot habere, fortitudinem. Nec mehercule injuria.

Σοφὸν γὰρ ἐν βέλῳ μα, τὰς πόλλας χεῖρας νικᾷ.

— *Ne semper viribus aequum*

Fidere, saepe acri potior Prudentia dextra est.

Qua nisi magnorum Principum æstuentes impetus, & calorem juvenilem, quo nonnunquam abripiuntur, consilii sui moderamine temperarent, & intra rationis, & bonæ mentis repagula coercerent, levissimas saepe ob causas, maxima pessum irent Imperia, & florentissimæ funditus interirent Respublicæ. Ut olim *Ribbamo* contigit, qui maximam Regni sui partem, juvenili temeritate, brevissimo temporis spatio amisit. Minutius, exercitus *Romani* ductor in quantum exitium rem Romanam præcipitavit, cum *Fabii Maximi* consiliis, quæ per invidiam, atque odium cunctationes ap-

pel-

pellabat, obstreperet, cum libidinem suam, & temerarium pugnandi æstum sequeretur? Quæ clades? quæ strages? quæ populi calamitas? quæ lachrymæ, quæ per Deum immortalem, auditæ quærelæ? cum jam nimis ille quidem serò sese respiceret, & quantum semel neglectum consilium, unusquisque in acie admissus error mali trahe-
ret, cum summo Reip. suæ discrimine cognosce-
ret, atque cum magna suorum clade addisceret, plus in consiliis quam in armis momenti & potentia esse constitutum. *Ludovicus* ejus nominis undecimus *Galliarum* quondam Rex, similem ob causam, Regno suo pene excidit, & ipse moriturus, id coram filio non dissimulavit, jubens, ut quos senes relinquebat consiliarios, in consilium adhiberet, & illorum sententiam sequeretur, sceptri sui pene dispendio, ac jactura doctus, quid sit cæco voluntatis suæ arbitrio regi, & eorum aspernari consilia, qui emundæ naris, exactique judicii sunt, & longo rerum usu, ingruentis mali pericula longè prospiciunt, & prudentia sua, eadem aut præveniunt, aut declinant. Quid plura? Nonne Patrum nostrorum memoria, *Rex Ungaria*, juvenis cujusdam Episcopi inductu, cui de Regni administratione planè fidebat, bellum adversus *Turcas*, nec viribus par, nec satis munitus, & veteribus ducibus, ac consiliariis dehortantibus suscepit. Unde factum est, ut mortuo Rege, florentissimum illud Regnum, quod totius Orbis Christiani propugnaculum erat, in *Turcarum* potestatem venerit.

Sed formidabilem esse Senectam calamitant, quod morti proxima sit.

Quasi vero quenquam ulla ætas mortis immunem faciat: Homines ex quo nati sumus carpi-
mur; singuli dies aliquid subtrahunt viribus, & non dicam mori possumus, sed morimur: & omnis hora, omne momentum ad metam illam ducit, & cui nasci contigit, restat mori.

E

Omnes

*Omnes eodem cogimur, omnium
Versatur urna, serius, ocys
Sors exitura, & nos in aeternum
Exilium impositura cymba.*

*Cottidie, ut eximiè Romanus ille Sapiens & op-
timus Dux si quisquam Veterum, ad bonam
Mentem, morimur, cottidie pars aliqua vita demitur
& dum crescimus, vita decrescit: nempe*

Οἷν περὺλλων ἄνθρωποι, πένθ' ἐκ καὶ ἀνδ' ἑῶν.

— *Vt folia nascuntur & cadunt: sic homines. Nec
frustra, cum iis comparavit maximus Poëtarum.
Videmus arbores, quæ primo Vere, foliis, & fron-
dibus pulchræ virent, & gratam sui umbram præ-
bent. At quàm levia hæc & caduca! illas nebu-
la una, ventus, cruca, æstus, æmano conspectu
spoliant: Nos pituita, catarrhus, febricula, tabes.
Atque ita*

— Suafunera secum

*Circumferi moriturus homo: Suspiria, tusses,
Et luctus, fomenta malis, & pravia præbent
Instantis documenta rogi;*

*Suntque τῷ θανάτῳ πανκράτος, & veredarii In-
caveâ quis se claudat, ferro, & ære condatur: Mors ta-
men inclusum protrahet inde caput. Quæ enim tam
munita, & in altum subducta vitæ quies, quàm non
terrilet? quæ latebra quam non perumpat?*

*Ite nunc Iuvenes, ætati fidite, & longam vobis
vitam pollicemini, cras morituri. Quid enim hic
certi? & quid hæc vita, nisi velut è stramine
flamma in qua omnes dies, omnis hora, quàm ni-
hil sumus ostendit? Quid nisi mare, in quo sem-
per aliqui alicunde fluctus, sæpe tempestates, &
tandem ad mortis scopulum inevitabilem, cym-
bulæ nostræ, in qua sumus, naufragium? Sed pro
brevis ista turbida, impacata vita, æterna nos ma-
net, curarum omnium & turbarum erpers. Bea-
ti ergo Senes qui saturi hujus scenæ post tot e-
mentes humanarum calamitatum fluctus, ad ea lo-
ca eunt, ubi eadem semper erit, nec mutabilis cœ-
lestis*

lestis Scenæ facies : Ubi opes caducas & fluxas æternitate, vitam fragilem immortalitate, famam civis boni divinis honoribus, discessum ex hac vita secessu ad Deum, obitum abitu ad immortalitatem, amissionem præmissione in veram patriam commutant. Beati inquam quia portui huic propiores, quàm adolescentes, quàm juvenes. In quem si quis citò delatus est, non magis queri debet, quàm qui citò navigavit. Nam ut fruges aliæ in herba pereunt, aliæ in culmo, aut in arista, aliæ denique maturescunt, & metuntur. Ita homines. Quidam in ortu, alii in pueritia, alii in juventute, alii in virilis ætatis ἀκμῇ, alii denique in ipsa Senectâ cadunt, & decedunt è vita, quemadmodum fessus viator, è semita, vel convivor satur, ab epulo. Ita profectò est. Nemo sapiens ex hac ætate repuerascere, in cunis vagire, & quasi decurso spatio à calce ad carceres revocari optet. Quid enim habet hæc vita commodi? quid non potius laboris? Sed non habeat sanè, habet certe tamen aut satietatem, aut molestiam, & commorandi natura diversorium nobis, non habitandi dedit. Quare si Agricola, cum messis appropinquat, latantur, quod fruges brevi decerpenda sint, & in horrea condenda: Quid causæ est, cur tristitia afficiamur, inminente nobis Senectâ, quæ molestiarum omnium, & laborum clausula est, & tempus spei, quam in Deo collocavimus perfruenda? Nemo enim eo animo navigat, ut semper naviget; nemo militat, ut nunquam militare desinat, nemo ea mente laborem suscipit, ut alios ex aliis labores perpetuo excipiat: Sed & qui navigat portum, & qui militat victoriam, & qui laborat quietem ac otium spectat quo qui pervenere, gratulari eis amici, non dolere illorum vicem solent.



Sed ut faciam quod illi qui ex alto portum suum vident, vela Orationis meæ contraho. &, vos Adolescentes, vos inquam tandem compello. Senectâ.

neſtutem pietate, & doctrinâ venerabilem amate, colite, canos & rugas eo, quo par eſt honore, proſequimini, *Romanorum & Lacedamonum* exemplo, quos vel eo nomine laudant hiſtoriæ uſque adeo ut in proverbium abierit, ἐν Σπάρτῃ μὲν λυσιτελεῖ μετρίσκει. Vos talium premite veſtigia, nec unquam committite, ut Gentiles, ſolo naturæ lumine duſti, ea in parte vos ſuperent, qui in meliore longè Scholâ edoſti, jam pridem didiciſtis quid lex Dei, quid æquitas, quid ratio, quid natura ipſa, à vobis poſtulet. Non alia certior incundi à Deo gratiam via, qui longam vitam pollicetur, non iis tantum qui parentes colunt: ſed & iis qui parentum loco habendos, & omni reverentiâ, ac veneratione dignos, debito honore, & affectu complectuntur. Dixi.

O R A T I O X I.

De Tranquillitate Animi,

habitat à

PETRO ALBERTI MESTIO.

QVanquam jam pridem omnium ore tritum ſit. *Quot capit a tot ſenſus, & ſuum cuique pulchrum*, iſtud tamen obſervare eſt, omnes quantumvis ingeniis, moribuſque diſpariſſimis, in hoc conſpitare, ut vitam tranquillam, ac beatam ſibi exoptent, nec alium in actionibus ſuis finem ſibi proponant. Quantacunque enim ſit iudiciorum diverſitas, morum diſcrepantia, cupiditatum pugna, in hoc tamen cardine omnis tam variuſ ſtudiorum orbis vertitur, in hoc tam diſcors turba conſentit, ut qui omnem hominum vitam, diſcordem concordiam appellarit, mea quidem ſententia à vero nequaquam aberrarit. Quod ut clariuſ appareat, agite intuemini mihi, velea ipſa huma-

humanae vitae genera, quæ ab ocio, & tranquillitate maxime aliena sunt, quæque adeò ipsam inquietudinem velis remisque, quod ajunt, consecrari videntur. Ecquod enim vitae genus tumultuosum magis, quàm per mare furente Boreâ, volitantium? Ferum, inquam, istud ac barbarum elementum, semper inquietum ac turbidum, tum insito sibi æstu, tum ventorum turbinibus, ac procellis. Cui tot subsunt vada, brevia, syrtes, arenæ, scopuli, tot immania innatant monstra, quæ naves ipsas vastissimas tanquam pilas habent, & quas cauda vel per ludum disjiciunt, ac diffringunt: ipsos autem homines quasi milium, aut lentes deglutunt. Hæc inquam aliaque pericula, atque incommoda pene innumera, cum ultrò ambient, sectentur, incurrant, qui illicis lucris spe, & auri insana cupidine, maria sulcant, & profectiones suscipiunt; in terras longè distitas à patrio solo, sive nautæ ii sint, sive mercatores, *dolato confisi ligno, digitisque à morte remoti, quatuor aut septem si sit*, ut bene alibi Poëta, *latissima rada*, quis non arbitretur, si qui uspiam, hos certe tranquillæ vitae juratos esse hostes. At hi ipsi si forte in *Ægeo* subita aliqua tempestate intercepti, decumanos inter fluctus & immensa viarum spatia, pelagi minas, ventorum rabiem & infames naufragiis scopulos, pecuniæ avari, vitae prodigi, summo cum vitae discrimine agitentur, & jam malus crepet, antennæ gemant, vela funesque disrumpantur, latera laxentur, nescii qua cœli religione, & quò ferantur: nec Solem interdiu, neque Lunam noctu conspiciant, aut sidera ullâ ad quæ cursum teneant; nulla denique salutis spes affulgeat, sed *presentem intentent omnia mortem*, hi, inquam, tum quod intimis animi fibris latuit, ocyus expriment, tumultuarium illud, ac turbidum vitae genus certatim execrando, otiumque deos flagitando, dum modo vel pane atro liceat in terris vesci, & salem, quod ajunt lingere. Sed ne de solis navigantibus loqui videamur qui

dem omnem felicitatis suæ spem pelago ac ventis credunt, avaritiam paupertate ac ignominia mul-
 tant, relicto mari ad terram redeamus. Ecqua
 obsecro vos Auditores in terris hominum fex tur-
 bida magis, ac inquieta, quàm militum, quo-
 rum vita semper sub ictu est, atque in acie ferri
 versatur? Et militum, qui tandem, in bello furi-
 bundi magis, ac truculenti, quàm aut in Europa
 Thraces, aut in Asia Parthi? quos tanquam Martis
 pullos ad prælia natos dicas, ita cum arcu, & pha-
 retta conveniunt, quasi natura addidisset. Utri-
 que tamen quamvis in armis, & ad arma educati,
 bella tantum & pugnas meditari, spirare, expete-
 re videantur, quoties bonæ mentis intervalla na-
 sti, serio in se descendunt, otium summa animi,
 vocisque contentione à Diis suis efflagitant. Hinc
 est quod vel in medio bellorum æstu, cum pacem
 non possunt, inducias subinde contrahunt, unum-
 que id sibi in bellis omnibus propositum esse pro-
 fidentur, ut hostibus debellatis, spoliisque ditati,
 securo tandem ocio perfruantur, & detestata ma-
 tribus bella, cautu. alea, *Thaide* solentur. Quæ cum
 ita se habeant, quid de reliquis vitæ generibus ju-
 dicandum censemus, quæ quanta quanta sint non
 nisi ocio ac pace constant? Si enim in ipso turba-
 rum regno ocii laus, atque amor in eum modum
 obtinent, quanto igitur magis in vitæ civilis tran-
 quillitate, & placida agrorum cultura? Quare ut
 mentem meam, paucis circumscribam, jure meri-
 to unus hic omnium finis, unus scopus censi po-
 test, imò debet, ad quem universa quæqua patet
 hominum gens, certatim collimat, unum ope-
 ræ pretium, quod votis suis, imò tantis labo-
 ribus omneis confectantur, portus denique unus
 ad quem in procelloso hoc, ac dubio vitæ pelago,
 omnes contendunt, aut ut Philosophicè magis lo-
 quar, summum illud Bonum tantopere à Sapien-
 tibus decantatum, finis ultimus, & architectoni-
 cus ut vocant, cui reliqui omnes actionum hu-
 mana-

manarum succenturiati fines inserviunt.

Sed vero utinam quàm commune id omnibus votum est , tam expedita quoque via , & ratio id consequendi. Certè non tam sudarent plerique frustra, oleumque , quod ajunt, & operam perderent, dum quod spirant & sperant *Bonum*, non modo non assequuntur, sed ne tantillum quidem propius accedunt. Accedunt? imo ut in devio qui sunt quo magis properant, eo longius aberrant: ita prorsus isti dum præposteras Boni ejus consequendi incunt rationes, quò studiosius id faciunt, eò gravius hallucinantur, & à regia via defleunt. Et plerique quidem ex divitiis, tranquillitatem hanc sibi pollicentes, dies noctesque iis quo jure qua injuria corradendis incumbunt, & *patulus rimantur faucibus aurum*, rati ubi opes opibus cumularent, tum demum in ocio se victuros, atque extra omnem incommodi, & periculi aleam, genio indulturos. Callidi profecto homines! Si in foro aut mercatu uspiam prostaret hæc tranquillitas tanquam publica merx, pecunia emptori parabilis. Sed obsecro vos ubi illa est gentium, aut terrarum venalis? aut quis fando de ea quicquam accepit. Fateor quidem *Reginam pecuniam*, & genus & formam hominibus elargiri, conferre quoque purpuram, torques, monilia, gemmas, quæ spectantibus aciem oculorum perstringunt, exquisitissimis etiam epulis, ac bellariis divitum instruere mensas & palatia extruere, marmore & auro radiantia, quæ incolant Satrapasque agant, & *Lucullos*: Verum ut animo tranquillitatem ista afferant, & vitam faciunt beatiorem, immane quantum discrepat! Quantiscunque enim restagnent opibus vel supra *Crassos* aut *Crasos*, & deliciarum copia supra *Apicios* istud animo meo persuasissimum sedet, æternumque sedebit, ut maximis laboribus curisque comparantur, ita nec minoribus conservari, prorsus ut feras quas capitis periculo captas, ferreis includiclathris necesse est,

ne erumpant, pauperiem patiantur. Quis adeo rerum ignarus, qui nesciat quot quantisque insidiis furum, latronumque expositi sint, ut non divitiarum solum, sed nec vitæ quidem suæ satis sint in diem certi. Quare non abs re *Anacreon*, cum à *Polycrate* Samiorum Tyranno, quinque talentis donatus esset, dies noctesque juxta anxias habuit, neque cibum interdiu, neque somnum noctu capiens: aut si brevis sopor fesso obrepisset, subito evigilans, ob talenta ista jugulum jam jam peti sibi ratus: Et biduum quidem ista toleravit, sed curis istis tandem cum diutius non esset ferendis, illico summam omnem ad *Polycratem* retulit, inquiens tuas tibi ò Rex ærumnosas pecunias habe: me enim hoc biduo plus cruciarunt, quam delectare deinceps omni vitâ queant. Quid quod ut ferrum facile ad rixas, aut pugnam irritat, sic ad vitia opes. Impediunt etiam, & velut sarcinæ, aut lacinix sunt ituris ad bonam mentem. *Socrates*, olim & bene: Ἀλλὰ πόθ' ἔστιν ἐν δ' ἡντις τὰ σώματα, αἱ δὲ ὑπὲρ μισθῶν περισσὴν τὰς ψυχὰς ἐμποδίζονται, vepres sunt, spinæ, rubi, nati ad delendam aut prohibendam omnem bonam frugem.

Sed quid externa opum incommoda, quid pericula recenseo, cum intus, curis, & sollicitudinibus tranquillitatis tyrannis, obsita pene sint infinitis? Quid enim? An leve vobis tormentum videtur, perpetua sibi enecari? Iam quid aliud est, insatiabilis illa opum cupiditas, quàm effera quædam animi sitis quæ hydropici instar, quo plus bibit, eo minus expletur: aut vehementis cujusdam flammæ, cui quo majorem lignorum vim ingeras eo ferocius exardescit, visque ejus acrior est quo ex majore incendio emicuit. Ut non immerito Aviani cum sepulchris comparari queant, quæ quidquid in ea conjicies absument. Quidquid enim uterque *Indus*, *Tagus*, *Nilus*, *Tiberis*, *Danubius*, *Rhenus*, divite producit sinu, quidquid Oceano toto, insulisque omnibus natum, non minori ardo-

re,

re, quam periculo conquirunt, aut saltem avidè conantur. *Cleanthes* philosophus rogatus, qui dives evadere posset, cordate respondit, si cupiditatum fuerit inops. Infinitum enim est quod petit, qui plus petit quam quod deest: & inter magna vota inopes sunt qui dum Orientem pariter ac Occidentem animo devorant, eam beatitudinem sibi fingunt, quam assequuntur nunquam. Dicam quod res est Auditores. Proxus, ut qui amant, ipsi sibi somnia fingunt, ita somniant hæc Plurimantia, ubi, quam sperare primum ausi sunt, pecuniarum summam, nacti fuerint, tum abunde saturos futuros nec vel obulum desideraturos amplius: sed proh dolor! miseros ne dicam an demones, qui tam vanis somniis se pascunt? Istud enim vero verius est,

Crescere amorem nummi, quantum ipsa pecunia crescit.

Minusque hanc optare, qui non habet; imo quot tenuiores ante sestertia, tot ditiores facti postmodum, sestertiorum millia expetent, non minori, minori autem? imo flagrantiori quam ante cupiditate. Exemplum vultis adducam? En vobis (ut innumeros nunc alios præteream) in *Alexandro Magno*, qui cum universo pene terrarum orbe sub potestatem redacto, majorem pecuniæ vim possideret, quam cui vel numerandæ esset, imo regna plura, quàm alius peragraret, tamen cum *Anaxagoram* audiet differentem plures esse mundos, à lacrymis temperare non potuit, magna omnium admiratione, quippe tam subiti doloris causam ignorantium; quarentibusque familiaribus, nunquid illi accidisset lacrymis dignum? etiam rogatis inquit? An non videor merito flere, quæ, quum mundi sint innumerabiles, nondum unius Domini facti sumus. Age vero infortunata ljuvenis, etiam atque etiam lacrymare, ingemisce, plora. Me quod attinet ego sane ad satietatem te flere jubeam, cum dignus mihi videre quem

ferio deplorent omnes. Etenim qui Rex visus est omnium, & Rex opulentissimus, idem reapse omnium eras egentissimus, & vel satellibus tuis pauperior. Nam omnes non dicam unico hoc Orbe qui tibi soli satis non erat, sed pauculis quæ quisque possidebat jugeribus abundè beati sibi videbantur. Nec injuria cum non qui plurimum habet, sed qui minimum desiderat, ditissimus censerī debeat: nec pauper qui minus habet, sed qui nimis cupiat. Dives enim sat est qui, cum vel omnia desint, sibi non deest.

Quis vero Auditores tam misere lacrymantem, & querentem audiens, non judicasset hominem ad summam rerum angustiam redactum, neque habere quo latrantem stomachum placeret? Dura enim profecto necessitas sit oportet, quæ vel mendico veras lacrymas extorqueat. Veras inquam; quia fictas plus nimio frequentes, nihil hic moror. Enimvero si gregarius aliquis fuisset, aut è plebe, *Alexander* mediocribus instructus facultatibus, nonne arbitramini delirantem hunc *Anaxagoram* risurum fuisse potius, quam ut insipienti huic Sapientiæ aures præheret, & ad lacrymas usque his somniis se commoveri pateretur? Profecto si tantum in eum hæc vana cerebri humani commenta potuere, quid facturum putatis, si de pluribus illis mundis (quis enim modum ponat nunquam fatiscenti in vota cupidini) paulò certior fuisset, taceo si conspexisset? Aliis hic recensendis exemplis supersedeo, cum nullum queat esse illustrius. Si enim quisquam brevi dextro *Hercule*, rem fecit, is certe præ omnibus est *Alexander*, ut qui vix annorum triginta, totum penè terrarum orbem, certe potissimè ejus regna, imperio suo adjecit, terminosque sibi potentia fecit Orientem & Occasum. Quare & aliquot post seculis magnitudinis ejus inter Romanos, æmulus *Iulius Cæsar*, cum *Quæstor* in *Hispania* apud *Cades* in templo *Herculi* vidisset *Alexandri* stat-

tuam,

tuam, non tenuit lacrymas, atque ad amicos conversus: Hoc, inquit. ætatis quâ nunc sum, *Alexander* devicit potentissimum illum Monarcham *Darium*: mihi vero ad hunc usque diem (agebat autem trigesimum annum) nihil præclari facinoris gestum est. Neque est quod quisquam id idoli *Alexandri* tribuat quasi supra alios avari. Nam si liberalis quisquam, imo prodigus exitit, omnium retro memoria Principum, is certe *Alexander* fuit, non talenta solum, sed prædia, agros, castella, urbes, provincias, imo integra regna in amicos passim distribuendo. Quare unus hic merito erit nobis instar omnium, in quo luce meridianâ clarius appareat, quantum absit, ut vesana illa opum cupiditas, quantiscunque etiam possessionibus, exsaturetur unquam, nedum ut speratum beatitudinis scopum assequatur. Atque hoc primum esto erroris humani in Beatitudine constandâ divortium, sive anfractus potius inextricabilis labyrinthi. Promptum esset deinceps & alios subicere, sed longissimam non modo Orationem, sed ingentem iliadem postularer. Quare ne solus sapere velle videar, & dicendi vices ceteris præripere, finem hic faciam, & quod in cursu solet lampada tradam sequenti. Dixi.

O R A T I O XII.

De Animi tranquillitate,

recitante

B R V N O N E R V Y V E N I O.

Quemadmodum rectum, unum est, & simplex: obliquum vero varium, atque multiplex; & jaculantibus scopus quidem unus, recessus autem à scopo multi: Ita & ab uno vero veræ tranquillitatis, & beatitudinis scopo,

dum aberrant homines, non uno id faciunt modo, sed perquam variis, ac pene infinitis. Et quidem errorem maximè vulgarem, ac communem demonstravit hætenus, qui me dicendo antecessit. Ego vero nunc face ab eo accepta deinceps alterum illustrabo, illi affinem potius, quam cognatum. Est enim haud paulo generosior, sed pariter tamen infelix, atque operam ludens: imo infelicior quia impetu id facit, & conatu, addo & periculo longè majori. Quando igitur pecuniaria via parum ex voto, rem ultro procedere multi animadvertunt, aliam sibi ineundam esse arbitrantur, ductumque naturæ sequentes, cum stimulos nescio quos ambitionis in se sentiunt, & in alios dominandi cupidinem, tum demum beatos se fore credunt, si imperiis, atque honoribus potiantur. Ergo dies noctesque huic curæ incumbunt, hoc unum agunt, & nullum non movent lapidem, ut magnos pecuniarum thesauros, redimendis corrupendisque suffragiis ultro profundant: vim etiam si opus est intentent, leonis instar, aut efferatæ tigridis, sanguine, ac cædibus grassando, aut ubi leonina non prodest, vulpinam assuendo, hoc est fraudibus, & perjuriis in consilium adhibitis, adeo ut nihil tam fœdum sit, nihil tam sanctum, aut religiosum, quod violare non audeant exemplo *Cæsaris*, aut *Lysandri*, quos artem hanc non puduit profiteri. Sed ambitiosis his, ut cadit fere hæc alea? Equidem Auditores quanquam isti *Phærontis*, aut *Titanum* æmuli, nihil non moliantur, ut ad honores, quos intendunt, perveniant, magnis tamen suis conatibus, haud raro excidunt, & quo plus operæ impendunt, hoc se magis impediunt. Sed esto: fiant tandem voti sui compotes, quid tum postea? videlicet, jam Dynastæ, sunt & Satrapæ, satellitibus muniuntur, qui palatia eorum obsident, & latera stipant, turbam submovent, concurrentem undique, & ad tantam gloriam obstupentem, alicubi etiam in terram pronam, & quasi Deos in terris adorantem. Pal-

marium

marium certè hoc quidem alicui videri posset, sed quantò præclarius, si perinde ut domos & corpora, ita & animos, satellites isti tuerentur ac custodirent, hoc est lethiferos animi dolores depellerent, furaces tranquillitatis curas arcerent, miseroque mentis tumultu composito, omnem concitatorum affectuum turbam summoherent. Quid ergo? Præstare id possunt? perinde imo multo minus, quam ventum sistere. Ferunt *Africanos* quosdam ita olim insaniisse, ut damna multa ab Euro passi, in aciem contra eum prodierint: hi non multo sanius, ista stipatorum vi, ac pompâ, laniationes, & morsus conscientiæ, anxietates animi, mentisque ægritudines averruncare satagunt, & amoliri, atque inoffensæ beatitudinis sibi arcem munire. Quod si ventus ita tenuis est, ut ferro lædi non possit, ita subtilis ut oculorum aciem perstringat, & tamen effugiat, interim penetrans omnia, & validas quercus, celsasque turres dejiciens: certè curæ, ac sollicitudines utroque superant, adeo ut nulla eas tela assequantur, nulla cuspis feriat, nullæ excubiæ quamvis densissimæ arceant. Sed quid ego cum ventis eas compono? istos enim certè effugere domi licet, septisque ac parietibus excludere. At hæc furia durissima marmora perumpunt, imo nusquam æquè nidulari, sedemque suam figere amant, quam in superbis Principum aulis, & laqueatis Magnatum palatiis, ubi famulorum, satellitum, pedisequorum innumeris pene agminibus, & importuno purpuratorum comitatu, atria, cœnacula, conclavia, penetralia denique omnia, & adyta perstrepunt. Atque ut delicatis Magnatum carnibus semel inescatæ sunt, appetere eas deinceps non cessant, à fronte & à tergo, nocte, die, publicè, privatim, quacunque occasione, & nusquam non, adoratum illum Dynastam aureis ambulationis suæ compedibus vitatum, & servum tot dominorum, quot vitiorum, obsidentes, involantes, vellicantes, laciniantes,

MOL-

mordentes, arrodentes, indignis denique modis vexantes, excarnificantesque: prorsus, ut equos æstra, aut scarabei, tantâ pertinaciâ infestant, ut neque noctu, neque interdiu respirare patiantur: dum casas rusticorum, & pauperum ruguriola prætervolant, quasi angusta nimis, & fuliginem ac fumum redolentia.

Sed verò unde hæ lacrymæ dicat aliquis? & quæ tantarum sollicitudinum, curarum, anxietatum causæ? Vultis mali hujus fontem vobis aperiam, Auditores, & sine ambagibus, ac verborum involucris, quod res est dicam? cum per scelera fere ad eam dignitatem grassati sint, sit ubi furiosè tandem, quod consectabantur nati sunt, ut subsidat paulatim iste ardor, & sedatiore jam animo, ante acta facinora ruminentur, evigilante ex profunda ambitionis, quasi crapula, conscientia: quæ ubi semel tribunal conscendit, causam agit, & crimina intentat accusatore quovis acrius, fortiusque convincit, quam vel mille testes. Ad hæc & Indicis sibi partes vendicat, & convictos damnar *Rhadamante* severius, denique & carnificem agit ipsa, & quod mirere equuleus quoque, & supplicium est,

Occultum quatiente animo tortore flagellum.

Quod vel tantum *Phalaridis* superat, aut si quid alibi crudelius *Massageta*, aut *Scytharum* gens excogitavit. Quæ autem est hæc potestas, quæ sollicitudinum morsus, formidinumque aucleos vitare nequit? & ubi malorum occurrentium nec modus est, nec finis. Accedit & alterum, quod cum sibi conscii sint per vim se & tyrannidem in alios sævisse, libertate erepta, quæ viris fortibus vita potior est, & vel ipsa morte capitisque periculo redimenda, metuunt videlicet, ne oppressi, & ad incitas redacti cives, patientia in furorem versa, in illos insurgant; & regno exturbent. Verus enim & verum verbum est Stoici Romani: Multos timeat necesse est, quem multi timent. Contra

Prin-

Principem in aperto tutum præstat clementia: Hæc arx inaccessa, hoc inexpugnabile munimentum, munimento non egere, & caritate ac benevolentia Civium septum esse, non armis. Jam verò ne *Hercules* quidem contra duos, nedum contra tam multos, ne dicam omnes, quantiscunque præfidiis muniti sint, & numerofo custodum satellitio cincti. Quo pertinet illud in *Maximum* Imperatorem (qui ob vastitatem & robur corporis, immortalẽ se credebat) ab histrionibus decantatum.

Elephas quidem grandis est, & occiditur,

Tigru acerrima est, & occiditur,

Leo fortis est, & tamen occiditur:

Cave multos, si singulos non times.

Et de plebe adhuc loquimur. Quid enim conjurationes Principum in medium adducam, cum vel gregarius aliquis de rivio, ne dicam muliercula aut puer, plus satis nonnunquam valeant, ac folio pariter & vita privandos? Priscorum quæso temporum memoriam replicare, pleni sunt omnes libri, plena omnium gentium, ac seculorum monumenta, quæ tragicos tyrannorum exitus, inopinitas, & cruenas Magnatum mortes, non minus verè, quam prolixè nobis commemorant, & fortunæ talium instabilitatem, in tam ancipiti alea rerum humanarum. In altam enim illam fortunam quot nimbi, procellæ, fulmina incidunt, aut incurunt? Etenim habet has vices conditio mortalium ut adversa ex secundis nascantur. Si quis latioris *Fortuna* radius æssulget, ecce minantis & novercantis simul umbra adest, & vestigia premit, aut excipit. Vultis exempla: *Iugurtham* in carcere, *Perseum* in custodia obiisse quis nescit? Intuemini quoque mecum, & ad animum revocate *Tarquinius*, *Philippus*, *Alexandros*, *Iulios*, *Caligulas*, *Nerones*, *Domitianos*, aliaque Regum clarissimorum, ac Imperatorum nomina pene innumera. Quid? annon cum ad summum fortunæ fastigium pervenissent, ab uno

ab uno, aut paucissimis subditorum, vita pariter & regno exuti sunt? Non quod Regicidia ista probem. Absit: sed pericula tantum ostendo, quibus isti regnorum Candidati passim obnoxii sunt. Sed verò id ipsi omnium norunt optimè. Hinc enim ita perpetuò solliciti sunt, ita anxii ut nulli se committere audeant, ne uxori quidem & liberis: nam & ab iis ipsis non raro proditi sunt, & obtruncati.

Longum esset hinc *Ninos, Sanheribos, Candaules*, & nostra etiam ætate Reges, Principesque non obscuros, in Theatrum producere, qui ab uxoribus, liberis, fratribus, consanguineis miserè circumventi perierunt. Non possum tamen quin unum hic producam, ceteris omnibus, ut putabat, cautiozem, *Dionysium* videlicet illum nobilem *Sicilia* tyrannum, qui ut omnium periculis ansam præcideret, ne à tonsoribus quidem tonderi voluit, sed tondere filias suas docuit, ita sordido ancillarique artificio regię virgines, ut tonstriculæ rondebant, barbam, & capillum patris; imo ne his quidem cum jam adultæ essent, forficis, aut novaculam commisit, sed novam quandam artem, tradidit à se inventam, voluitque ut candentibus juglandium putaminibus barbam sibi & capillum adurerent. Sed nequaquam profuere illi istæ artes & curæ, quin haud multo post à sceptro ad ferulam sit devolutus, hoc est ex Rege potentissimo, pauperculus ludimagistellus *Corinthi* factus, in eo vitæ genere summo cum dedecore, & contemptu vitam finierit. O inopiam rerum humanarum catastrophén!

———— quam nescit eodem

Stare diu fortuna loco? quam quidquid in alto est

Labitur, ingentemque trahit fors magna ruinam?

Nempe, Auditores, hæc illa est purpuræ personata felicitas, post tot tantasque imperii curas, tot pugnata bella, & rerum sursum ac deorsum cunctium vicissitudines. In quarum meditatione cum

Sala-

Saladinus, qui *Syriam*, *Aegyptum*, & magnam *Africa* partem subegerat, vicinus jam morti serio descendisset, suprema voluntate, pro omni pompa funebri, tunicam tantum interiorem in hasta sublimem circumferri iussisse, memorix proditum est, cum publica hac acclamatione: *Unum hoc ex amplissimis Regni opibus domitori Orientis restare, quod secum auferet.* At verò quia in mentionem istius Tyranni incidimus, operæ pretium est sanè, referre ludum memorabilem, qui inter eum, Regem adhuc, & *Damoclem* parasitorum coryphaum intercessit, quo tyrannus ipse, miseram sui ordinis beatitudinem expressit quovis *Apelle* efficacius. Cum ex assentatoribus *Dionysii*, *Damocles* commemoraret in sermone copias *Dionysii*, opes, majestatem, dominatus, rerum abundantiam, magnificentiam ædium regiarum, negaretque unquam beatiorum quemquam fuisse. Visne igitur, inquit ô *Damocle*, quoniam hæc te vita delectat, ipse eandem degustare, & fortunam experiri meam? Cum se ille cupere dixisset, collocari jussit hominem in aureo lecto, strato pulcherrimè textili stragulo, magnificis operibus picto, abacosque complures ornavit argento, auroque cœlato: tum ad mensam eximiâ formâ pueros delectos jussit consistere, eosque ad nutum illius intuentes diligenter ministrare. Aderant unguenta, coronæ, incendebantur odores, mensæ exquisitissimis epulis instruebantur. Fortunatus sibi *Damocles* videbatur. Sed in medio hoc apparatu, fulgentem gladium è lacunari, setâ equinâ appensum demitti jussit, ut impenderet illius beati cervicibus. Quid ille? nec pulchros illos administratores aspiciebat, nec plenum artis argentum, nec manum porrigebat in mensam: sed qua animi demissione petuit exoravit tyrannum, ut abire liceret, quod jam beatus diutius esse nollet. Didicerat quippe suo experimento Parasitus, sceptrorum instabilitatem, quæ foris nitent, introrsus misera sunt, & in lubrico for-

fortunæ fastigio, fragili stare loco, Regum felicitatem, subitoque, ac non prævisis turbine quassari & everti. Nec mehercules injuria, nam ut Solem hunc quem videmus, assidue vel nubes aliqua subducit, vel nox condit: talis omnis hic purpuræ aut Pluti splendor, cadit aut evanescit, imo omnia illa vitrea, aut si quid vitro fragilius, & si res dicenda somnium, umbra, nihil, si cum æternitate comparentur, quid enim nisi jactationes & fluctus, in quibus nihil firmum, nisi ad anchoram ea alliges veræ Pietatis? De me dicam, quod sentio, Auditores:

Stat quicunque volet potens

Aula culmine lubrico,

Me dulcis saturet quies

Obscuro positus loco,

Lani perfruar ocio.

Nam Majestatis ille apex & sceptrorum splendor, quid nisi superbè exstructi carceres, atque aureæ compedes, quæ latentis animi torturas ce-
lant, & surda carnificis conscientiæ flagella, aculeos, fidiculas, uncos, sub nitido mentis felicitatis mantili? Et ut is qui spinas habet in pedibus, ubique spinas calcet: ita isti animum noxium, ac inquietum secum circumferunt, eumque differunt quidem, non tamen auferunt. Ideo,

Qua videntur fronte prima suavia

Eadem intueri propius, & intelliges

Condita sellæ acris amaritudine.

Fortuna nulli sic refulsit prospera

Aversa ut illam lance non penset pari.

Tristitia secundū, & secunda tristibus

Vicissitudo acerba sortis temperat.

Si, ut mendici vulnera sua, & cicatrices detegunt, ad eliciendam populo misericordiam, Principes palam oculis hominum exponerent curas, & sollicitudines, quibus perpetuò inquietantur, non abundè miserari eos possent, quos tantopere mirari non desinunt? Sed quid est? cæci plerique sumus,

sumus, & caliginem amamus. Placent vanitatis, & ambitionis aucupia, placent tiaræ, coronæ, sceptræ quæ per mille discrimina, & pericula quæri debent, & majori cum periculo possideri. Opes etiam supra omnium Crassorum, nisi virtute partæ sint, & huic innixæ, quid nisi levi momento dissipantur ac pereunt? & si abeunt, quid auferunt nisi semetipsas? Fulciri debent, ornari debent. & quo alio fulcro, quo ornamento, quam Sapientiæ? quæ non in auro, non in argento, vanitatis aut avaritiæ elementis, sed in animo consistit. Sine qua, opes qui habent, non tamen eas possident, quam ab iis possidentur. Quæritis Auditores, qui Sapientiæ hæc? Paucis expediam. Examinare seipsum, & circumspicere, recessus omnes, & latebras conscientiæ excutere, severa cogitatione omnem libidinis impetum coercere, vitiis suis irasci, & cottidie aliquid ex iis demere, non efferri prosperis, non deijci adversis, in utraque sorte, utriusque esse memorem. Numinis munificentiam acceptum ferre, quicquid obtingit in hac vita felicitatis, conditionis humanæ fragilitatem meditari, quam qui per totam vitam imbibit, huic optimè constat temporis, & impensæ ratio. Quid amplius? de aliis sentire honestè, de se modestè, neminem videre, cum quo se commutatum velit, denique id esse quod Doctrina suadet, Religio jubet. Quibus ducibus qui se regendum permittit, is vere sapit, & ut cum Plauto loquar *in vitiorum lucta, victor victorum cluet*, quicumque etiam eum terrarum angulus habeat. Neque enim Sapiens ille, & tranquillo animo esse potest, qui intemperanter, qui sumtuose, qui insolenter, qui ambitiosè vivit testis laqueatis, veste superba, famulis decem, supellectile ad invidiam exquisita: aut liber quisquis vitiorum servus est. Sed ille mihi veræ tranquillitatis metam attingisse videtur, qui vitæ morumque innocentia inculpatum se præstat sibi & aliis, eamque insistit viam, quæ recta ducit ad summam illam

lam beatitudinem omni humana cogitatione sublimiorem; qua ut æternum fruamur, faxit ille
ÆTERNUS. Dixit.

ORATIO XIII.

De Invidia,

Habita à

MICHAELE BOGARDO.

CUm multa præclarè, ac prope divinitus tradita ab iis reperiantur, qui à Sapientia olim nomen acceperunt, tum haud scio quidquam vel utilius, vel necessarium magis exstet monito illo *Digenis*, qui cuidam sibi invideri querenti, suavit ut ultionis loco tanto studiosius virtuti operam daret. Salutare mehercule consilium, & tanto Philosopho dignum! Nulla enim certior compescendi invidiam ratio, nulla brevior rabiem ejus retundendi via, quam virtutum inire viam, & vitæ inculpatæ sanctimonia, tanquam clypeo, & scuto Achillæo invidorum quotquot sunt tincta veneno tela repellere. Sed cum sterili hoc virtutum sæculo, unius fere, (quod sane deplorandum) præ aliis sævat, ac dominetur invidia, & Bonorum, qui vel opum, & dignitatum, vel doctrinæ, aut virtutis nomine, alios longe supereminent, turpissima sit insectatrix, nihilque ea sordidius excogitari possit, in eam nunc declamare constitui. Vos Auditores, qua possum animi demissione rogatos volo, ut mihi de ea in præsentiarum differenti aures, & auram benignissimæ voluntatis præbere, & qua alios antehac benevolentia, ex hoc loco dicentes audivistis, ea me quoque nunc audire, haud dedignemini.

Cum omnes animi perturbationes vehementer homines commoveant, deque gradu, quod
ajunt,

ajunt, sæpe deiciant, tum omnium gravissima illa mihi esse videtur, quæ ex aliorum rebus secundis & prosperis mærorem, ex adversis latitiam & voluptatem capit. Nam licet aliquam cum irâ (quæ certe perturbationum minima non est) affinitatem habere videatur, Invidiam tamen longè illa deteriorem esse neminem sanæ mentis credo esse qui ambigat. Justum enim aliquando se præbet irascendi argumentum, ut cum Majestatem Dei convitiis protervè impeti, gloriam ejus proscindi, ac sugillari videmus, opera ejus traduci, veritatem Evangelicam pedibus conculcari, innocentes opprimi, Justitiam violari, leges contemni, juventutem corrumpi, virtutem supplantari, hæc & id genus alia intueri nemo potest, citra iram, animique perturbationem. Quid Invidia? Nulla ei justa irascendi causa. Invidus enim aut virtuti tantum alienæ, aut felicitati invidet, parique dolore damna sua, & aliena commoda metitur. Quo profectò nihil turpius, & homine indignius excogitari potest, hæcque in parte brutis ipsis longe deterior est: nam si tarditatem, & ignaviam communem habeat cum asino, maledicam mordacitatem cum cane, ingluviem cum porco, superbiam cum pavone, ridiculas ineptasque gestificationes cum simia, garrulitatem cum pica, contentionis studium cum hirco, cum aliis alia, nullum tamen brutorum invenire est quicum invidiam communem habeat. Est quidem, quod non inficior, est inquam inter ea quoque odium interdum capitale, ad galli enim gallinacci *Leo* tantum exhorrescit: *Elephas* vastum illud, & monstrosum in natura animal, conspectis formicis, & muribus vilissimis illis animalculis, totus quantus quantus est trepidat, adeoque illi exosi sunt, ut ab eo etiam pabulo abhorreat, in quo murem deprehenderit. Est & inter *Ichneumonem* & *Crocodilum* pugna, & dissidium haud exiguum: & inter equum & aprum. *Panthera* (si naturæ speculatoribus

bus fides) adeò terretur ab *Hyena*, ut ne congregi quidem cum ea sustineat. Hinc narrant si quis secum ferat de corio *Hyena*, à *Panthera* non appeti, tam sagax est naturæ sensus; addunt & illud si pelles utriusque belluæ suspendas invicem ex adverso, *Pantheræ* pilos defluere. At non hoc inter homines fieri consuevit, unius ejusdemque generis animantes, odio sese invicem persequuntur, sed constantem inter se amicitiam, & concordiam colunt, invidia nulla vexantur. Armentatim vivunt Elephanti, gregatim pascunt oves, turmatim volant grues, mutuis officiis tuentur se *Delphini*: & nota est apum, & formicarum arcana inter se amicitia, & concors politia. Sed quid de his verba facio? cum & in ipsis quoque plantis amicitia vim quandam *Dei* voluerit elucescere: steriles enim sunt quædam nisi maritum adjungas. Vitis ulmum amplectitur; oleæ si inferatur, non solum vegeta stat, & incolumis, sed novas etiam vires capit. Usque adeò Auditores illa quæ nihil sentiunt, occulto tamen amicitia vinculo inter se conjunguntur. Quid æque brutum dari aut excogitari potest atque saxum? Dicās tamen & huic inesse aliquid amoris, & amicitia colendæ studium. Magnes enim ferrum ad se trahit, attractum tenet, ejusque scobe quasi pascitur. Quid? quod & inter immanissimas feras quoque convenit. Leonum inter se nulla est pugna: aper in aprum non vibrat dentem, draco non sedit in draconem, & luporum concordia adeo celebratur, ut in proverbium abierit.

Solus, solus inquam homo, ab homine, pettinaci interdum odio, & invidia dissidet: cum tamen solus præ cæteris animantibus, ad imaginem Dei conditus sit, solus erecto capite incedat, solus hilari fronte, oculis amicis præditus, solus denique ratione, & oratione, amoris, ac benevolentia utraque conciliatrice optima instructus, adeoque multis quod ajunt parasangis hæc ipsa superet. At
qualis

qualis interim? Invidus ex miseriis, & calamitatibus lætitiā, ex bonis mœrorem capit. Et quorum obsecro? non aliorum animalium, sed hominum. Neque enim Leoni fortitudinem, & magnanimitatem, non velocitatem cervis, impetum tauris, ætatis spatium corvis; non oculorum aciem aquilis, non sagacitatem canibus, non alii alia invidet: hominis æquā ferre mente commodā nequit. Fratri frater, affinis affini, vicinus vicino, figulus figulo, cantor cantori, faber fabro invidet, verumque illudprehenditur;

Τὸ συζήνεις καὶ φθονεῖν ὅτις αὐτοῦ.

Consuetudinem Sapientes alteram naturam non immerito dixere: nam tanta ejus vis est, ut non hominem tantum mutet *συνήκειας*, sed & in bruta animantia efficaciter agat. Est implacabile fere dissidium inter canes, & feles, ejusdem tamen domus *συνοικία* tandem ita consuescunt, ut naturam quasi exuisse videantur. Tigrim Roma mansuefactum *Augustus aluit*, ursam *Pythagoras*. Verum nulla familiaritate, nullo convictu, nullo contubernio invidus melior redditur. Quid mirum Auditores? Reliquæ enim omnes animi perturbationes à naturæ fere infirmitate promanant, hæc vero à perversa hominis voluntate, & praefractâ malitiâ. Quos enim obsecro vos (ut rem dicam) nisi bonos ac honestos incessit? quid nisi virtutem odio persequitur? & quam quæso mœroris sui causam prætexit? nisi quod nimia Dei sit liberalitas, nempe quod illum tot honoribus, hunc tot tantisque opibus cūmulet, alium tanta sapientia. At contra si dissidia, si contentiones inter amicos, aut propinquos animadvertat, si amulationes inter conjuges, factiones in Republica, si domum vicini ruere, aut conflagrare, liberos corrumpi, bona ejus subhastari, aut furto, inundatione, bello, rapina, familiam ejus ad summam egestatem, & inediam redactam videat, hæc unica lætitiæ ejus, & hilaritatis argumenta sunt.

Quod

Quod ut luce meridianâ clarius appareat, & vos in rem quasi præsentem deducam, Auditores, intuemini mihi primum illum parricidam *Cainum*. Quid causæ fuit, cur manûs suas sanguine fraterno cruentarit? non alia quam fratris pietas, & quod ejus nomine, in flagranti apud *Deum* esset gratiâ. Cur optimè de se meritum *Davidem*, *Saul* Rex perdere conatus est? in causa fuerunt præclara ejus facinora, victoriæ, trophæa. Quæ causâ cur *Alexander Perdiccam* tanto persecutus est odio? præclaræ res bello gestæ. Cur *Lyfimachum*? rei militaris scientia: Cur *Ptolomaum*? admiranda ejus in bellis gerendis felicitas. Quid *Caligulam*, monstrum illud hominis impulit, ut *Homeri* Poëtarum principis aureum illud opus abolere, *Virgilii* & *Livii* scripta perire voluerit? invidia. Quid *Commodum* illum optimi parentis *Marci Aurelii* pessimum filium eò adegit, ut optimum virum *Julium Proculum*, Asiæ præfectum, veneno necari jussit? Invidia. Longum esset *Scipiones*, *Epaminondas*, *Phociones*, *Catonem*, aliosque hîc commemorare viros magnos, qui invidiam experti sunt. Longum *Themistoclem* in *Persia*, *Canonem* in *Cypro*, *Timotheum* in *Lesbo*, non aliam ob causam, quàm invidiam à patria exulare coactos. Longum denique hîc commemorare, non civitates solum, sed provincias, sed regna, & imperia in summum discrimen adducta, ab hac una furiarum, invidia. Quis enim ita veteris memoriæ ignarus, ita in superiorum temporum historiis peregrinus atque hospes, qui non Invidiæ tragicos eventus, si minus è scriptorum monumentis didicerit, at auditione certe aliqua acceperit? Exempla tamen quadam si vultis producam. Prodeat in medium, & me tacente loquatur florentissima olim *Atheniensium* Resp. quæ *Pericli* & *Cimonis*, *Themistocli* & *Aristidis*, crebris æmulationibus haud parum periclitata est. Prodeat *Roma*, illa terrarum, & gentium domina, quàm miserè, bellis civilibus *Mari* & *Sylla*, *Pompeji*.

peji & Casari jactata fuit, & concussa. Prodeat *Carthaginensis*, illa imperii Romani æmula, nonne factionibus, dissidiis, odiis *Hamilcarum*, & *Hannonis*, in ruinam penè acta? Prodeat denique *Italia à Guelphis*, & *Gybellinis* sub *Frederico* secundo diu multumque vexata. Exemplis his tam luculentis, tam memorandis, etsi vos commoveri haud parum videam, Auditores, non possum tamen quin unum adhuc adducam Servatoris nostri I. C. Quæ obsecro vos, causa fuit, cur tanta eum invidia, tanto odio sint persecuti, non de plebe, aut de trivio homines, sed *Scriba*, *Pharisæi*, *Seniores Sacerdotes*? quid commiserat, quod eos tantopere irritaret? quæ illius culpa, quod delictum, quod crimen, quod eos ad eum offendere potuit? ideone quod vitæ suæ innocentia aliis præluxerit, veritatem evangelicam non minus sincerè, quàm liberè prædicaverit, tot tantæque potentia suæ & *φιλανθρωπίας* dederit specimina, cæcos, surdos, claudos, paralyticos sanando, dæmonia ejiciendo, mortuos suscitando, errantes in viam salutis reduciendo, fractos & sensu suorum peccatorum consternatos consolando, lapsos erigendo, & poenitentibus gratiam suam benignè offerendo. Illæne justæ fuerunt tantæ indignationis, & invidiæ causæ? hæccine illa fuere delicta? hæccine crimina, quæ tam acerbo, tamque internecino odio persecuti sunt?

Belli profecto homines! Nempe ut latioribus agris, rosisque maximè odoriferis cantharides innasci solent & meliori frugi lolium: ita agris oculis alienam felicitatem intuetur, & optimos quosque, sanctissimosque fere insectatur invidia: & ut ex feris, & brutis animantibus alia gravi odore, alia veneno, alia esca cadaverum malè olentium pasci, ac impendiò delectari solent: Ita invidus sordibus simultatum suarum, ac æmulationum. Sed & invidos etiam ipsos, pestilens hæc luos conficit, non aliter quàm rubigo ferrum ex-

edit, caries & teredo ligna, tineæ vestes : & ut signis suis non obscuris se produnt morbi, cum corporis tum animi : sic Invidia qua nullum tormentum gravius dari potest ; nullus morbus qui hominem magis vexet, maceret, devenustet : totidem nempe canes qui *Altionem* suum comedunt.

Cum pallor (ut inquit Poëta) in ore sedet, macies in corpore toto,

Nusquam certa acies livent rubigine dentes :

Pectora felle virent, lingua est suffusa veneno.

Risus abest nisi quem visi movere dolores :

Nec fruitur somno vigilantibus excita curis,

Et videt ingratos intabescitque videndo

Successus hominum, carpitque, & carpitur una,

Suppliciumque suum est.

Polyo non absimilis qui post devoratos alios pisces, sua quoque brachia tandem depascitur, maximamque partem veneni sui bibit. Hæc cum ita sint. Auditores, ut tandem Orationi meæ finem imponam, valeat, valeat inquam, & facessat longè à nobis illa animarum pestis, ac contentionum, & dissidiorum mater invidia. Cogitetur nihil ea turpius esse, nihil honesto, nihil liberali homine indignius, hoc vitio brutis ipsis deteriorem reddi, & natura à nullo alio magis vitio abhorriere, quam Invidia, quasi laboret, nunquam tamen eam agnosceret. Quia tanta ejus est enormitas, tanta turpitudine, ut eam fateri hominem etiam maximè impudentem pudeat. Aliter longè cum aliis vitiis comparatum esse, quis non videt ? quæ virtutis sæpe nomen induunt, & non veniam tantum, sed laudem merentur apud multos. Sunt enim qui ambitionem, generositatem vocant : avaritiam parsimoniam : audaciam fortitudinem : luxuriam, & bonorum profusionem, liberalitatem : dissimulationem, prudentiam : crapulam, hilaritatem. Nonnullis quoque vitiis affectos, aliquo modo ferimus : quibusdam ignoscimus ; quibusdam non nimis

mis offendimur, quibusdam in hac vitæ & morum
licentia etiam oblectamur: prodigos multi amant:
avaros tolerant; multos aliena intemperantia non
offendit: qui voluptates nimis refugiunt, etiam
castimoniam, & severitatis laudem referunt: auda-
cium in bello interdum aliquis usus est, timidus &
nimis cupidus vitæ ignoscitur. Sed quid invidus?
communi omnium mortalium odio flagrat, suis,
alienis, civibus, peregrinis, notis, ignotis juxta o-
mnibus invisus, exosus, intolerandus est. Quid in-
vidia illa ærugo animæ, & nigra succus loliginis?
nullo colore, nullo fūco incrustari potest, nullo
mangonio interpolari, ut si non grata, saltem o-
diofa minus appareat. Hanc igitur sanguine vipe-
rino cautius fugiamus, omnique studio ac cura in
id incumbamus, ne vel leviter saltem impressa in-
vidiæ in nobis vestigia conspiciantur. Sed si ab hac
liberi, cum aliorum invidia nobis colluctandum
esse videamus, cogiterur bonos fere ad invidiam,
& obrectationem natos, videri, horumque opti-
mas actiones rapi in deteriorem partem ad eò fa-
cile est apud eam in speciem culpæ venire, si non
in culpam; & vetus id mihi credite in Rep. malum.
Nam ut in sole non sumus sine umbra: sic nec in
famâ, sine livoris aliqua nebula. Cuivis in procli-
vi est lædere: & ut vitæ, ita famæ alienæ dominus
est, qui suæ contemptor est. Nunquam tamen tan-
tum malevolorum poterit conspiratio in Bonos
ut à studio honestatis recedant, & invidiam pla-
care velint virtute relicta, aut temerata conscien-
tia. Invident, pallent, fremunt ut fere solent qui
emergunt è sterquilinio? Criminationem eos ma-
chinis volenter concutiunt, aut suspicionum cu-
niculis callidè subvertunt? ita nunc vivitur. At
vero si judicio examinas quantula ista sunt? Ut
in via si canis aut equus luto me aspergat, non
quod Plautus ait lapidem percutio, non excande-
sco statim, & vicissim in illum regeto, sed eluo po-
tius hoc lutum, quam ut respergam: ita hic fa-

ciendum, & omnes isti pro caniculis & equuleis habendi, qui non iudicio, sed impetu & convicio ludent. quo meliorem me agnosco, & nec in nominis mei fama magis labem relinquunt, quam in flumine vestigium, cymba. Aurum etiam in sterquilinio aurum est; & adamas in cœno non mutat naturam. Gemant Invidi, & infœlicem linguam, Bonorum convitio exerceant. Instent, mordeant, multo citius frangent dentem, quam impriment. Imo ut picturæ lucem nihil tam commendat, quam umbra: sic non melius quam petulantis linguæ obtreptioni creditur, quales, quantique sint viri in Republica magni: quorum dignitas, & amplitudo quia freti innocentiae fiducia, quæ *non eget Mauri jaculis nec arcu*, eò clarius enitescit, quo magis obnoxii sunt telis invidorum, qui similitudinem eorum affectant, quorum similitudinem desperant. Dixi.

O R A T I O XIV.

de Invidia, habita à

J O H A N N E ab O Y B N.

Quanquam conspectus vester multo jucundissimus, me excitare, animare locus ad dicendum ornatissimus debeat, tamen in mentem nonnulla veniunt, quæ ita me anxium sollicitumque reddunt, ut nisi singulari vestra humanitate niterer, tacendum potius, quam dicendum mihi esse judicarem. Exploratum enim perspectumque habeo, quanti sit laboris, quanti-que periculi, apud viros prudentia, eruditione, ac pietate graves verba facere. Et experientia non semel didici, eloquentissimos, disertissimosque viros, cum ad dicendum venissent, ita fuisse conturbatos, ut obmutuerint. Quæ si in viros & quidem

dem præstantissimos cadant, quid mihi tandem animi esse oportet, qui cum illis comparandus non sum. Forsitan ergo mirabimini cur in tanta doctissimorum virorum corona, locum hunc publicum conscendere non dubitarim, quem tot ante me studiosi, quibus longè inferior sum, haud parum reformidarunt. Sed causam si placet dabo.

Agessilaum Spartanorum Regem dixisse ferunt, tunc cum ex medio cursu rerum fortiter gestarum in Asia, ab Ephoris revocatus esset, omnibus se victoriis, ac triumphis longe antepone obedi-
tiam Patriæ debitam. Aurea, profecto vox, & tanto Principe digna! Quam ut non satis laudare ac de-
prædicare possum: Ita mihi, Auditores, arbitror esse honestum si eorum voluntati, hac quoque in parte, haud invitus obtemperem, quorum obsequio me totum jam pridem devovi, & quos æquos esse scio studiorum juventutis Scholæ suæ, æstimatores. In qua non ad ostentationem, & jactantiam, instituta sunt publica hæc exercitia, sed ad stili-
lum, & oratoriam in dicendo libertatem. Accedit quod commilitonis mei declamatiuncula, quam benevolis auribus audire dignati estis, non parum excitatus fuerim, ut pro ingenii mei modulo, aliquid etiam in simili palæstra tentarem: quia vero, ut est in veteri verbo, *nunquam satis dicitur, quod nunquam satis dicitur*, delegi mihi quidem hoc ipsum argumentum, de quo jam unum ex vestris feliciter satis dissertantem audivistis. Sed ne ego, actum (quod ajunt) agere, falcemque in alienam segetem immittere videar, duo mihi nunc potissimum tractando proposui. I. Qui illi sint in quos invidia cadit. 2. Quæ huic malo adhibenda sint remedia. Ad primum quod attinet, certum est viros in summa dignitate constitutos, rarò hoc vitio laborare, & ut nullis invident, sic à nullis ipsis invideri solet. Quia magnitudini virtutis cedit invidia, cujus splendore fugatur, non aliter, quam solis radiis, cum altissimus est, umbra. Quis

enim invidiat *Cyro*, quis *Casari*, quis *Pompejo*? quod positi videantur extra metam ad quam mortalibus progredi licet. Multo minus invideri solet iis qui longe infra nos positi sunt. Quæ enim invidiæ causa esse potest, si quem in eo rerum statu esse videamus, & ea forte natum, quam nemo si ei contingere posset, unquam appeteret? Ita afflictis gravissimeque ab infelicitate fati multatis, nemo invidet, quia commiseratione digni magis, quam invidia. Sed inter pares non raro moveri solet invidia. Æqualitas enim inter æquales (ut benè alibi *Cicero*) gratiam offendit, & amicitiam quæ animorum, & benevolentiz conciliatrix est, lædit & exulcerat. Sic figulus figulo invidet, vicinus vicino, olitor olitori. Invidet etiam qui alium se inferiorem fortunis. mutato ilicò rerum statu, ad honores evectum videt: aut cujus utilitas, suum est detrimentum, & gloria dedecus: aut si alium ea habere animadvertat, quæ sibi magis quam alii convenirent, aut quæ aliquando sua fuerunt. Quo spectans illud *Virgilii*;

*Impius hac tam culta novalia miles habebit,
Barbarus has segetes?*

Itaque non injuria, suspicio olim erat *Fabium* invidere *Scipioni*, quod ægrè ferret crescentem indies ob *Italiæ* defensionem, fortissimi juvenis gloriam, tota enim illa laus antea *Fabii* fuerat, quæ jam senem se exui, ac spoliari videbat: Et *Pompejum Casari*. Hinc *Lucanus*?

——— *Stimulos dedit amula virtus:*

*Tu nova ne veteres obscurant acta triumphos
Magne times, te jam series, ususque laborum
Erigit, impatiensque loci fortuna secundi.*

*Nec quemquam jam ferre pnest. Casar ve priorem
Pompejusve parem.*

Sic *Dadalus Thalo* puero ob summam fabrilis artis peritiam, tantopere invidisse dicitur, ut eum alta de turri præcipitaverit *Dionysius Syracusanus* abominanda invidia, Poëtam *Philoxenum* ad lap-

lapidicinas damnavit, quod tragœdiam à tyranno compositam corrigere jussus recusasset, sed perpetua litura induxisset, nihil in ea probans. *Adrianus* eximiis condecoratus fuit virtutibus, nullique Imperatorum eruditione secundus: sed insignes hæc animi dotes obscuravit invidia, quæ præstantissimos quosque viros tanta prosequebatur, ut præter libros suos, nullos *Roma* legi permitteret, nullumque Artificem, pictorem præsertim aut sculptorem se meliorem haberi vellet; & propterea *Favorinum*, & *Dionysium Melosium* exilio multaverit, quod ipsi præferrentur, & pingendi peritia principes haberentur. Exempla hæc Auditores, & alia quæ passim in historiis occurrunt, luce meridiana clarius ostendunt (& nemo non videt cui sunt oculi) in ambitiosos dominari hunc affectum: qui ut innatam habent cæteris antecellendi cupidinem; ita quod aliis tribuitur, sibi ademptum putant. Sunt quoque ad invidiam proclives, qui angustum, pusillumque trahunt animum, quod illis omnia appareant magna: Invidia verò ad magna fertur. de quibus egregiè iugeniosissimus vates:

Fertilior seges est alieno semper in agro,

Vicinumque pecus, grandius uber habet.

Certè *Anacharsis* interrogatus, cur homines tristitia subinde, ac mœrore conficiantur & pari dolore aliena commoda, ac suas injurias metiantur, respondit id fieri, quia non solum propria iis mala molesta sunt, sed etiam aliena bona. Et *Bion* cum conspexisset invidum tristi vultu *ἐν οἷδᾳ ἔφη πρὸ τέρου σοι κακὸν γέγενεν ἄλλω ἀγαθόν*. In hanc sententiam *Agis* Lacedæmoniorum rex, cum illi à quibusdam nunciaretur, esse nonnullos *Sparta*, magni nominis Viros, qui ipsi inviderent: *Geminam igitur*, inquit, *habebunt molestiam, quod & sua ipsorum mala discruciantur, atque insuper tum meum, tum amicorum meorum bonis torquebuntur* innuens eos, quos invidia occupavit, commiseratione di-

gnos magis esse, quam ira, quod abunde sibi ipsis pœnarum darent, etiamsi nemo ulciscatur. Nam invidi ut bene olim à Veteribus observatum, non eatenus solum cum viperis comparandi sunt, quod ut illæ, semper in pectore venenum servant, sed quod ut illæ partu suo enecentur. Hoc solo discrimine, quod viperæ statim moriantur, & expirent, ut à fœtu erumpente, dilaniatæ sunt. Invidi verò paulatim, à sua perturbatione, quam venis, & intimis visceribus, animæque fibris pertinaciter alunt, ita conficiuntur, ut ii qui tabe aut lentâ feбри laborant: nempe ut cruciarii olim Romano ritu crucem suam ferebant, ipsi ab ea mox ferendi: sic invidis omnibus, animi crucem *Deus* imposuit, in qua pœnas luunt, priusquam luant.

Quid sit Invidia, Auditores, quæ ejus sint causæ, in quos maxime cadat hæcenus audivistis, superest, ut quæ sint ejus sanandæ remedia videamus. Solent qui boni sunt, & frugi œconomi, ea, quæ ad alendam familiam requiri videntur, in æstate non hieme comparare. Naucleri de necessariis ad futuram navigationem ante solent esse solliciti, quam in altum provehantur. Fortes & strenui belli duces, non de militum tantum numero, verum etiam de pabulo, & comætu cum parando, tum condendo, curam ac cogitationes suscipere illudque observare quod de re militari *Vegētius* scribit: *in omni expeditione maximum istud esse ut nobis victus sufficiat, hostes frangat inopia.* Etiam valetudinis suæ rationem qui habent non tam quo pacto morbi jam orti profligentur, quam qua ratione metuendi avertantur, serio cogitare consueverunt: Quidni ergo & illa maturè comparentur, quæ ad vehementiores animi perturbationes coercendas, & averruncandas conducunt, & quidem antequam altas radices egerint? At inter animi ægritudines, & perturbationes, quæ fædior, quæ nocentior, quæ inhumanior dari potest Invidia? Quamvis enim omnia varia bonis viris odiosa ac
invi-

invisa sunt; Invidia tamen præcipuè alienat, ab iis
 in quibus est, aliorum animos: omniumque sibi
 odia conflatur, conciliat, colligit. Cæteris vitiis af-
 fectos aliquo modo ferimus: quibusdam ignosci-
 mus: quibusdam non nimis offendimur, quibus-
 dam in hac vitæ ac morum corruptela etiam oble-
 scimur: prodigos multi amant: avaros tolerant:
 multos aliena intemperantia non offendit: qui vo-
 luptates nimis refugiunt, etiam severitatis, ac ca-
 stimoniam laudem ferunt: audacium in bello in-
 terdum aliquis usus est: timidis, & nimis vitæ cu-
 pidis ignoscitur: Invidia communi omnium mor-
 talium odio flagrat, suis, alienis civibus, pere-
 grinis, notis, ignotis juxta omnibus invisa, exo-
 la, intoleranda est. Ex hac enim æmulationes, ex
 æmulationibus simultates, ex simultatibus odia,
 ex odiis factiones, ex factionibus seditiones ex
 seditionibus cædes, ac bella funestissima oriuntur,
 quæ bonorum crudelissimam lanienam, populo-
 rum excidia, Regnorum ac Rerumpub. vastatio-
 nes, & tristissimam tandem (ut verbo dicam) re-
 rum omnium faciem inducunt. Gravia hæc sunt,
 Auditores, verum illud omnium gravissimum,
 quod magni illius Dei (in cuius manus incidere
 horrendum est) ira & vindicta in se concitata,
 non in temporarias solum penas, sed & æternas
 se præcipitent, nisi seria ad Deum penitentia con-
 vertantur. Quum igitur tam perniciosum, fune-
 stem, enorme sit hoc vitium, quanto studio, quan-
 ta sedulitate id à nobis amoliri debemus, & he-
 roicam eorum generositatem imitari, qui quan-
 quam se aliis virtute sua admirabiles reddiderint
 in precio tamen & honore quorumcunque homi-
 num virtutem habuerunt. Vultis exempla? In-
 promptu sunt. Cum *Eldad* & *Medad* in castris
 Israëlitis prophetarent, *Iosua* juvenili quadam æ-
 mulatione abreptus, metuens nequid famæ ac di-
 gnitati Domini sui decederet, ab eo petiit, ut ju-
 beret illos compesci Cui *Moses*, *An invidēs*, inquit,

in mea causa? Atqui utinam universus Dei populus essent Propheta! Numer. II. 27. Innuens tum demum beatam illam esse Rempublicam, beatum illum populum, in quo non unus, aut pauci, sed ad unum omnes cognitione Dei imbuti, eam propagare, & ubique Dei laudes prædicare stude-
rent. *Iohannes Baptista* præcursor ille *Christi*, referentibus ipsi Discipulis, *Christum* baptizare, & quam plurimos ipsius Doctrinæ audiendæ gratia, eum sequi, tantum abest ut ægrè id tulerit, aut iniquè ut contra inde occasionem arripuerit laudandi *Christum*, publicèque profitendi eum esse agnum illum Dei qui tollit peccata mundi, se paranympum esse, *Christum* vero sponsum: Baptizare eum Spiritu sancto & igni, se aqua, & indignum qui solearum ejus corrigias solveret, se decrescere, eum crescere oportere. *Padaretus* ex *Spartanorum* nobilissimis unus & meritorum suorum securus interpret, cum petiisset se adscribi in trecentorum virorum ordinem, qui honore apud *Spartanos* primam dignitatem obtinebat, repulsam passus, discessit hilaris, ac ridens. revocantibus eum *Ephorus*, quidque rideret percontantibus (ratum se ab eo derideri ac contènni) gratulor, inquit, huic *Reipublica* qua trecentos habeat cives, multo me meliores, indicans se plus voluptatis capere ex publico *Reipublicæ* bono, quam percepturus erat ex honore impetrato, & maxima lætitia perfundi, quod intelligeret se virtute, & honore tot viris inferiorem esse. *Cato* à terrarum victore populo repulsus, pila dicitur lusisse, & *Vatinio* postpositus, nunquam esse se minoris ideo putavit. *Aristides* cum iret in exilium, sublatis in cælum manibus, Deos comprecatus est, ut *Atheniensibus* omnia sic prosperè succederent, ut illis *Aristides* nunquam veniret in mentem. *Alexander Magnus* cum præstantissimo cursore certans, quum eum animadvertisset de industria remissè currere ut ipsi cederet, illi succensus (inquit) se non esse ex
eorum

eorum numero qui præ invidia dolent, si qua in re ab aliis superentur: se intelligere Deos immortales, qui liberaliter quibus volunt, bona sua largiuntur, non omnia in unum conferre, sed alia in alios, idque pro admirabili sua sapientia, ne homines natura superbi se mutuo contemnant, sed ut alter alterius auxilio egens. concordiam ament, societatem conservent, mutuo se complectantur affectu à potentioribus tenuiores accersantur, & à tenuioribus vicissim potentiores observentur. Hæc pauca quæ nunc produximus exempla, seridè nobis imitanda proponamus Cogitemus quanta sit opum, & honorum, aliorumque quibus invideri solet fragilitas. Quanta ista fortunæ ludibria, constent, quanto labore, sollicitudine, molestia, nec non vitæ periculo comparentur, ut ea possidentium misereri potius, quam adeo brevem molestamque felicitatem, iis invidere debeamus. *Dionysio* è regno expulso, & *Corinthis* inter Philosophos sese oblectanti, occurrens *Diogenes*; lepide pro more inquit, se illi novam hanc felicitatem propemodum invidere, tacitè innuens huiusmodi paupertatem quæ sua sorte contenta est, feliciorē esse omnibus *Persarum* gazis, *Arabumque* thesauris, ac proinde magis invidendam, quam omnes fortunæ delicias, quæ, ut fulgura nihil quam oculos intuentium perstringunt. At si alicui tamen contingat esse in re lauta, & alios invideri sibi animadvertat, invidiam hoc modo subterfugiet, si facilem, humanum & affabilem se præbeat. Raro enim invidetur eorum honoribus, quos æquos esse novimus, & modestos. Contra quo altius ad honores evecti, magis se demittunt, eo magis extolli solent & amari à populo, qui non tam homini, quam bonis quæ eum circumstant, invidet. Optimum quoque est beneficentiæ genus invitæ ac repugnantibus prodesse, quod non nisi summarum mentium est. Cogitemus & illud, nos invidiæ morsu in officio contineri, & à

fastu malorum omnium extremo, advocari. Deus enim ut Medicus est omnium sapientissimus; ita non uno modo homines curare solet. Invidorum stimulos, aculeos, vexationes tanquam salutaria quædam *φάρμακα* præscribit, invidiamque felicitati quasi comitem addit, ne alius quàm par est effertamur, sed ut ab ea lancinati intra modestiæ limites consistamus. Quo spectans *Themistocles*, doluit aliquando quod *ἐξ ὧν τῷ φθόνῳ βέλων* in tuto consistens, in nullius esset invidia. *Thucydides* eam appellavit *necessarium potentia comitem*. *Pittacus* tam diu se fortunatum credidit, quamdiu sibi invideretur. Comitatur enim illa incedentes per gloriæ callem, ut umbra eos qui per solem iter faciunt. Sic *Pericles* *Simmiam* æmulum expertus est, *Themistocles* *Alcmeonem*, *Epaminondas* *Meneclidem*, *Cicero* *Catilinam*, *Clodium*, & alios.

Cogiteatur denique cum alios opibus, alios honoribus, alios eruditione, & nominis fama præ multis, eminere videmus, omnium horum autorem, & largitorem esse Deum, qui ut non uni dat cuncta regioni, sed facit ut *hic segetes*, *illic veniant felicius uva*: sic non in unum omnia, sed in alios alia, atque alia transfert Deus, ne scilicet sibi solis natos esse homines opinentur, sed mutuis auxiliis, vitæ humanæ societatem conservandam esse intelligant. Quin & illud haud exiguo solatio *Beni* hac in parte esse consuevit, quod ita fere natura comparatum sit, ut quæ durius in hoc vitæ curriculo vivos premit, ac vexat invidia; gratos. Post obitum reddat, & acceptos.

Pascitur (enim) in vivu livor, post fata quiescit,

Tum suus ex merito quemque tuetur honos.

Et hi sunt (ut ille ait) invidia mores.

Præferat antiquos, semper ut illa novis,

Neque *Atheniensibus* suis *Socrates* dum esset in vivis, placuit, etsi *Apollinis* oraculo *Gracia* sapientissimus judicatus esset, sed cicutam idem innocentissimus bibere coactus fuit. At quem vivum
ode

oderant , defunctum poſtea coluerunt , erecta ſtatua , & in tanto apud eos pretio fuit , ut accuſatorum illius quosdam damnarint ad laqueum , quosdam exilio multaverint. Hæc quæ dixi quicumque ad animum ſerio revocaverit ſuſque deque aliorum habebit invidiam , nec quiequam de ſtudio aliis opitulandi , nec non publica Reipublicæ commoda promovendi remittit , ſed iudicio bonorum , & rectæ voluntatis conſcientia fretus , res ſuas optimo eſſe loco tum ſtatuet , cum aliorum invidiam experiri neceſſe habet. Ut enim mala conſcientia ſibi ipſi ſupplicium eſt , facitque ut domesticum tortorem circumferens , ad folii cadentis ſtrepitum animus exhorreſcat : ita contra vel frementibus omnibus invidis . murus æheneus eſt , & vitæ ante actæ recordationem parit jucundiſſimam. Et ut apud *Homerum* herba , *Nepenthes* dicta , celebratur , quod addita poculis , omnem illico animi triſtitiam in conviviis expellat , mœſtosque exhilaret : ita mens humana , bonæ conſcientiæ præſidio nixa , licet invidia nonnumquam prematur , nunquam tamen opprimitur : Sed *Palmæ* inſtar ſe erigit , viresque laceſſita capiens , ſtrenuis , laudandis , & heroicis *creſcit audacia cæptis*. Dixi.

O R A T I O XV.

de Ira , & ejus effectis , recitatis à

CORNELIO van den BROECK.

CVM oculis intueor frequentiſſimam hanc doctiſſimorum virorū coronam , & mecum deſuto , quam ſolida , & ſubacta ſit eorum eruditio , quorum oculos undecunque in me converſos eſſe animadverto , non poſſum dum oneris ſuſcepti magnitudinem , cum viribus meis ſollicite comparo , non infantia , & tenuita-

pellunt animos : ira præcipitat. Vnde enim turbæ , unde seditiones , tumultus , bella , nonne ab ira ? Quas illa *Lerna* prodiciones , quas insidias non inceptat ? quæ consilia hosti non aperit ? quas technas oppugnandis urbibus non suppeditat ? quas non superbas ædes evertit , urbes florentissimas solo æquat , regiones fertilissimas devastat ? quæ non multorum annorum pertinaci bello defensiva moenia patefacit , & contumacissimos jugumque recusantes in alienum agit arbitrium ? Quæ eò perniciosior esse consuevit , quò eos magis invadit , qui potentia instructi , in alios dominantur , & sæviunt.

*Ira Thyesten exitio gravi
Strâvere , & celsis urbibus ultima
Stetere causa , cur perirent funditus.*

*Ira est qua procudit enses ,
Et miseras inimicat urbes.*

Vbi hæc *Thesiphone* cui pro consilio est furor , pro ratione impetus , ubi inquam hæc dominatur.

*Non Hospes , ab hospite tutus ;
Non socer à genero : fratrum quoq; gratia rara est
Imminet exitio vir conjuga , illa mariti.
Lurida terribiles miscent aconita noverca , &
Filius ante diem patrios inquit in annos.*

Vultis exempla Auditores ? nonne *Theodosius* clementissimus alias natura princeps , ita percirus , ad septem hominum millia *Theffalonica* immisso milite contrucidari , & tanquam si ageretur de capite papaverum , aut cucurbitarum , nullo discrimine fontes , & insontes indicta causa necari jussit ? Hæc inflammatus *Alexander* *Lysimachum* Iconi objecit , hasta *Clytum* carissimum sibi , & una educatum , inter epulas transfodit , *Betim* trajectis per talos loris , religatumque ad currum equis raptari jussit , & horrendo supplicio , vita privari , aliosque sanctitate morum , & sapientiæ studiis insignes viros per tormenta fœde trucidari. Sunt

Alexan

Alexandria, *Caracalla* jussu, omnes ii crudeliter interfecti, qui gestus illius rediculè per jocum expresserant. Iræ suæ monumenta plurima *Periander*, *Sylla*, *Lysander*, *Cassius*, *Cambyses*, *Totilas* & alii reliquerunt. Quid *Caligula* monstrum illud hominis, & naturæ propudium, quo nihil tetrius & funestius Infernus exhalare potuit? ad tantam, eum crudelitatem compulit, ut nobilissimos Senatores Romanos sibi invisos, crebris mucronum acutissimorum fodicationibus necari, & lenta morte, è medio tolli jussit: nec mirum, quia Tyranni nec lege coërcentur, nec metu: multos etiam honesti ordinis viros, fligmate prius inustos, ad metallorum fodinas damnaverit, aut bestiis dilaniandos objecerit, aut medios ferra secuerit. Equitum denique Romanum, feris expositum, cum se innocentem proclamasset, amputata lingua rursus induxerit. Quid Nero portentum illud, & fatale malum generis humani, terræ æternum odium, Homo mille mortibus dignus, vestigia *Caligula* premens, nonne *Attium Vestinum* Consulem, ut conjuge ejus *Statilia* potiretur, trucidavit? *Antoniam* filiam *Claudii* recusantem post *Poppeæ* mortem nuptias suas, crudeliter interemit? privignum *Rufinum Crispum* *Poppeæ* natum, impuberem adhuc, mergendum mari dum piscaretur, servis ipsius demandavit? *Tuscum* nutricis filium relegavit: *Senecam* Præceptorum omni egregiæ virtutis laude cumulatisimum, & sapientiæ admirabile exemplum incisis venis quasi per ludum aliquem & jocum, ad necem compulit? *Cassio Longino* jurisconsulto oculos effodit? *Romam* denique urbem patriam, veterum adificiorum deformitate offensus incendit? & incendium omnis humani divinique juris oblitus, lætis oculis, & hilari vultu è turri Mæcenatica prospexit? Turpe profecto facinus, & furiarum ultricibus poënis multandum! Sed ut à profanis, ad Sacra transcam. *Simeon*, & *Levi*, vehementi ira percitū,

gnos magis esse, quam ira, quod abunde sibi ipsis panarum darent, etiamsi nemo ulciscatur. Nam invidi ut bene olim à Veteribus observatum, non eatenus solum cum viperis comparandi sunt, quod ut illæ, semper in pectore venenum servant, sed quod ut illæ partu suo enecentur. Hoc solo discrimine, quod viperæ statim moriantur, & expirent, ut à fortu erumpente, dilaniatæ sunt. Invidi verò paulatim, à sua perturbatione, quam venis, & intimis visceribus, animæque fibris pertinaciter alunt, ita conficiuntur, ut ii qui tabe aut lenta febris laborant: nempe ut cruciarii olim Romano ritu crucem suam ferebant, ipsi ab ea mox ferendi: sic invidis omnibus, animi crucem *Deus* imposuit, in qua penas luunt, priusquam luant.

Quid sit Invidia, Auditores, quæ ejus sint causæ, in quos maxime cadat hæcenus audivistis, superest, ut quæ sint ejus sanandæ remedia videamus. Solent qui boni sunt, & frugi æconomi, ea, quæ ad alendam familiam requiri videntur, in æstate non hieme comparare. Naucleri de necessariis ad futuram navigationem ante solent esse solliciti, quam in altum provehantur. Fortes & strenui belli duces, non de militum tantum numero, verum etiam de pabulo, & comeatu cum parando, tum condendo, curam ac cogitationes suscipere illudque observare quod de re militari *Vegetius* scribit: *in omni expeditione maximum istud esse ut nobis victus sufficiat, hostes frangat inopia.* Etiam valetudinis suæ rationem qui habent non tam quo pacto morbi jam orti profligentur, quam qua ratione metuendi avertantur, serio cogitare consueverunt: Quidni ergo & illa maturè comparentur, quæ ad vehementiores animi perturbationes coercendas, & averruncandas conducunt, & quidem antequam altas radices egerint? At inter animi ægritudines, & perturbationes, quæ fædior, quæ nocentior, quæ inhumanior dari potest Invidia? Quamvis enim omnia varia bonis viris odiosa ac
invi-

invisa sunt: Invidia tamen præcipuè alienat, ab iis
 in quibus est, aliorum animos: omniumque sibi
 odia conflât, conciliat, colligit. Cæteris vitiis af-
 fectos aliquo modo ferimus: quibusdam ignosci-
 mus: quibusdam non nimis offendimur, quibus-
 dam in hac vitæ ac morum corruptela etiam oble-
 ctamur: prodigos multi amant: avaros tolerant:
 multos aliena intemperantia non offendit: qui vo-
 luptates nimis refugiunt, etiam severitatis, ac ca-
 stimoniam laudem ferunt: audacium in bello in-
 terdum aliquis usus est: timidis, & nimis vitæ cu-
 pidis ignoscitur: Invidia communi omnium mor-
 talium odio flagrat, suis, alienis civibus, pere-
 grinis, notis, ignotis juxta omnibus invisâ, exo-
 la, intoleranda est. Ex hac enim æmulationes, ex
 æmulationibus simultates, ex simultatibus odia,
 ex odiis factiones, ex factionibus seditiones ex
 seditionibus cædes, ac bella funestissima oriumur,
 quæ bonorum crudelissimam lanienam, populo-
 rum excidia, Regnorum ac Rerumpub. vastatio-
 nes, & tristissimam tandem (ut verbo dicam) re-
 rum omnium faciem inducunt. Gravia hæc sunt,
 Auditores, verum illud omnium gravissimum,
 quod magni illius Dei (in cujus manus incidere
 horrendum est) ira & vindicta in se concitata,
 non in temporarias solum penas, sed & æternas
 se præcipitent, nisi seria ad *Deum* pœnitentia con-
 vertantur. Quum igitur tam perniciosum, func-
 tum, enorme sit hoc vitium, quanto studio, quan-
 ta sedulitate id à nobis amoliri debemus, & he-
 roicam eorum generositatem imitari, qui quan-
 quam se aliis virtute sua admirabiles reddiderint
 in precio tamen & honore quorumcunque homi-
 num virtutem habuerunt. Vultis exempla? In-
 promptu sunt. Cum *Eldad* & *Medad* in castris
 Israëlitis prophetarent, *Iosua* juvenili quadam æ-
 mulatione abreptus, metuens nequid famæ ac di-
 gnitati Domini sui decederet, ab eo petiit, ut ju-
 beret illos compesci Cui *Moses*, *An invides*, inquit,

in mea causa? Atqui utinam universus Dei populus essent Propheta! Numer. 11. 27. Innuens tum demum beatam illam esse Rempublicam, beatum illum populum, in quo non unus, aut pauci, sed ad unum omnes cognitione Dei imbuti, eam propagare, & ubique Dei laudes prædicare stude-
rent. *Iohannes Baptista* præcursor ille *Christi*, refe-
rentibus ipsi Discipulis, *Christum* baptizare, &
quam plurimos ipsius Doctrinæ audiendæ gratia,
eum sequi, tantum abest ut ægrè id tulerit, aut
iniquè ut contra inde occasionem arripuerit lau-
dandi *Christum*, publicèque profitendi eum esse
agnum illum Dei qui tollit peccata mundi, se pa-
ranymphum esse, *Christum* vero sponsum: Bapti-
zare eum Spiritu sancto & igni, se aqua, & indi-
gnum qui solearum ejus corrigias solveret, se de-
crescere, eum crescere oportere. *Padaretus* ex
Spartanorum nobilissimis unus & meritorum suo-
rum securus interpret, cum petiisset se adscribi in
trecentorum virorum ordinem, qui honore apud
Spartanos primam dignitatem obtinebat, repulsam
passus, discessit hilaris, ac ridens. revocantibus
eum *Ephorus*, quidque rideret percontantibus (ra-
tis se ab eo derideri ac contènni) gratulor, inquit,
*huic Reipublica qua trecentos habeat cives, multo me
meliores*, indicans se plus voluptatis capere ex pu-
blico Reipublicæ bono, quam petcepturus erat ex
honore impetrato, & maxima lætitia perfundi,
quod intelligeret se virtute, & honore tot viris
inferiorem esse. *Cato* à terrarum victore populo
repulsus, pila dicitur lussisse, & *Vatinio* postposi-
tus, nunquam esse se minoris ideo putavit. *Ari-
stides* cum iret in exilium, sublati in cælum ma-
nibus, Deos comprecatus est, ut *Atheniensibus* o-
mnia sic prosperè succederent, ut illis *Aristides*
nunquam veniret in mentem. *Alexander Magnus*
cum præstantissimo cursore certans, quum cum
animadvertisset de industria remissè currere ut
ipsi cederet, illi succensus (inquit) se non esse ex
eorum

eorum numero qui præ invidia dolent, si qua in re ab aliis superentur: se intelligere Deos immortales, qui liberaliter quibus volunt, bona sua largiuntur, non omnia in unum conferre, sed alia in alios, idque pro admirabili sua sapientia, ne homines natura superbi se mutuo contemnant, sed ut alter alterius auxilio egens. concordiam ament, societatem conservent, mutuo se complementur affectu à potentioribus tenuiores accersantur, & à tenuioribus vicissim potentiores observentur. Hæc pauca quæ nunc produximus exempla, seriò nobis imitanda proponamus Cogitemus quanta sit opum, & honorum, aliorumque quibus invideri solet fragilitas. Quanta ista fortunæ ludibria, constent, quanto labore, sollicitudine, molestia, nec non vitæ periculo comparentur, ut ea possidentium misereri potius, quam adeo brevem molestamque felicitatem, iis invidere debeamus. *Dionysio* è regno expulso, & *Corinthi* inter Philosophos sese oblectanti, occurrens *Diogenes*; lepide pro more inquit, se illi novam hanc felicitatem propemodum invidere, tacitè innuens huiusmodi paupertatem quæ sua sorte contenta est, feliciorum esse omnibus *Persarum* gazis, *Arabumque* thesauris, ac proinde magis invidendam, quam omnes fortunæ delicias, quæ ut fulgura nihil quam oculos intuentium perstringunt. At si alicui tamen contingat esse in re lauta, & alios invideri sibi animadvertat, invidiam hoc modo subterfugiet, si facilem, humanum & affabilem se præbeat. Raro enim invidetur eorum honoribus, quos æquos esse novimus, & modestos. Contra quo altius ad honores erecti, magis se demittunt, eo magis extolli solent & amari à populo, qui non tam homini, quam bonis quæ eum circumstant, invidet. Optimum quoque est beneficentiæ genus invitis ac repugnantibus prodesse, quod non nisi summarum mentium est. Cogitemus & illud, nos invidiæ morsu in officio contineri, & à

fastu malorum omnium extremo, advocari. Deus enim ut Medicus est omnium sapientissimus; ita non uno modo homines curare solet. Invidorum stimulos, aculeos, vexationes tanquam salutaria quædam φάρμακα præscribit, invidiamque felicitati quasi comitem addit, ne alius quàm par est efferamur, sed ut ab ea lancinati intra modestiæ limites consistamus. Quo spectans *Themistocles*, doluit aliquando quod ἐξω τῆ φθόνου βελῶν in tuto consistens, in nullius esset invidia. *Thucydides* eam appellavit *necessarium potentia comitem*. *Pittacus* tam diu se fortunatum credidit, quamdiu sibi invideretur. Comitatur enim illa incedentes per gloriæ callem, ut umbra eos qui per solem iter faciunt. Sic *Pericles* *Simmiæ* æmulum expertus est, *Themistocles* *Alcmeonem*, *Epaminondas* *Meneolidem*, *Cicero* *Catilinam*, *Clodium*, & alios.

Cogiteatur denique cum alios opibus, alios honoribus, alios eruditione, & nominis fama præ multis, eminere videmus, omnium horum autorem, & largitorem esse Deum, qui ut non uni dat cuncta regioni, sed facit ut *hic segetes*, *illic veniant felicius uva*: sic non in unum omnia, sed in alios alia, atque alia transfert Deus, ne scilicet sibi solis natos esse homines opinentur, sed mutuis auxiliis, vitæ humanæ societatem conservandam esse intelligant. Quin & illud haud exiguo solatio *Beni* hac in parte esse consuevit, quod ita fere natura comparatum sit, ut quæ durius in hoc vitæ curriculo vivos premit, ac vexat invidia; gratos. Post obitum reddat, & acceptos.

Pascitur (enim) in vivis livor, post fata quiescit,

Tum suus ex merito quemque tuetur honos.

Et hi sunt (ut ille ait) invidia mores.

Præferat antiquos, semper ut illa novis.

Neque *Atheniensibus* suis *Socrates* dum esset in vivis, placuit, etsi *Apollinis* oraculo *Gracia* sapientissimus judicatus esset, sed cicutam idem innocentissimus bibere coactus fuit. At quem vivum o de-

oderant , defunctum poſtea coluerunt , erecta ſtatua , & in tanto apud eos pretio fuit , ut accuſatorum illius quosdam damnarint ad laqueum , quosdam exilio multaverint. Hæc quæ dixi quicumque ad animum ſerio revocaverit ſuſque deque aliorum habebit invidiam , nec quiequam de ſtudio aliis opitulandi , nec non publica Reipublicæ commoda promovendi remittit , ſed judicio bonorum , & rectæ voluntatis conſcientiæ fretus , res ſuas optimo eſſe loco tum ſtatuet , cum aliorum invidiam experiri neceſſe habet. Vt enim mala conſcientia ſibi ipſi ſupplicium eſt , facitque ut domeſticum tortorem circumferens , ad folii cadentis ſtrepitum animus exhorreſcat : ita contra vel frementibus omnibus invidis , murus æheneus eſt , & vitæ ante actæ recordationem parit jucundiſſimam. Et ut apud *Homerum* herba , *Nepenthes* dicta , celebratur , quod addita poculis , omnem illico animi triſtitiā in conviviiſ expellat , mœſtoſque exhilaret : ita mens humana , bonæ conſcientiæ præſidio nixa , licet invidia nonnunquam prematur , nunquam tamen opprimitur : Sed Palmæ inſtar ſe erigit , viresque laceſſita capiens , ſtrenuis , laudandis , & heroicis *creſcit audacia capti*. Dixi.

O R A T I O XV.

de Ira , & ejus effectis , recitatis à

CORNELIO van den BROECK.

Cum oculis intueor frequentiſſimam hanc doctiſſimorum virorū coronam , & mecum deſputo , quam ſolida , & ſubacta ſit eorum eruditio , quorum oculos undecunque in me converſos eſſe animadverto , non poſſum dum oneris ſuſcepti magnitudinem , cum viribus meis ſollicite comparo , non infantia , & tenuita-

tenuitatis meæ sensu , ac conscientia vehementer commoveri. Nam dicendo consequi id neutiquam confido , quod hic locus , & nobilis ornatissimorum virorum confessus , non polliceri sibi tantum , sed & exigere videtur. Tamen cum amplissimorum Curatorum , & rectoris autoritas , laudabilisque hujus Scholæ multis jam retrò annis consuetudo , & officii mei ratio , hanc mihi provinciam imponant , ex hoc loco , de argumento aliquo declamandi , morem iis gerere non dubitavi , & de ea animi perturbatione impræsentiarum apud vos verba facere , quam I R A M appellamus , quæ tantum abest ut ulli affectuum cedat , ut omnium contra , vel ipsa experientia rerum magistra , violentissimus haberi , & dici possit. Nam quid illa aliud , quam *furor* , ut ille ait , *brevis*. Hac qui abripiuntur nihilo insanis saniores sunt , ut benè olim observatum à Poëta *μαγνόμεθα πάντες ὁπότεν ὀργιζόμεθα* ; & ab alio , qui interrogatus , in quo ira à furore differret , haud inscitè mihi respondisse videtur ; *ὀργιζόμενον τῷ μνημονεύει. μόνος χρόνος διαφέρειν*. Adimit enim illa rationem , Tyranno similis quæ in nos , quàm ceteræ animi perturbationes , crudelius sævit , fascesque arripens , arcem invadit , & mentem de sua sede contra jus fasque deturbat , inimica consilio & sanæ rationi. Nempe ut in præceps lapsis corporibus ; nullum sui arbitrium est , rapiuntur : sic animus in iram projectus , non sistit se ubi vult , aut cum vult , sed quo non vult , fertur. Nulla quippe vox , nullum consilium , nulla facultas animæ , nulla pars nostri , quæ non ab illa quasi compedibus , & numellis constringitur , ut suis cupiditatibus servire cogat : ut non immerito cum violenta quadam tempestate comparari queat. Quia ut illa , in navi , malum , antennas , rudentes , anchoras : sic hæc clavum vitæ frangit , nulla ejus rectè gubernandæ ratione relicta. Torrenti quoque haud absimilis , & ingenti aquarum diluvio , quo obvia quæque abripiuntur

tur, armenta, stabula, fata læta, boumq; labores. Et ut fumus aciem oculorum mordicante vi præstringens, non permittit ea intueri quæ ante pedes sunt: ita hæc tollit consilium, pervertit iudicium, planeque hominem, sui dissimilem reddit, nec rationis lumen obnubilat solum, sed extinguit. Eximia est, & verè aurea magni illius Episcopi Hipponensis sententia: *quemadmodum, inquit, acetum in quo asservatur aescit, & corrumpitur: ita homines ab ira*: & ut eos crapula in porcos, sic hæc qua nulla celerior ad insaniam via, in leones transmutat. Quod ut luce meridiana clarius appareat, intuemini quæso, Auditores, hominem ira plus nimio abreptum. Bone Deus! quot eum mala, & incommoda, conferto velut agmine comitantur, quæ dignitatem ejus deventustant, & ad bestias prope dejiciunt. Iræ stimulis accensum cor palpitât, tremunt genua, & manus ardent & micant oculi, frontem corrugat, supercilia attollit, labra mordet, pallet, dentibus frendet, fremit, blaterat, in spumam ruboremve effervescit, caput plenus minarum identidem movet, manu gesticulatur, lingua titubat, barbam sibi, & capillos evellit, vestem impatienter trahit, pileum versat modo in hanc, modo in illam partem, progreditur, regreditur, pede terram instar equi ferocientis pulsat, & quatit, & quid non? non *Euripus* ipse tot æstibus reciprocatur, quot hujus animus; ne *Orestes* furiis agitatus fureret impotentius. A feris propter cornua, ungues, & dentes natura abhorremus, quibus obvia sibi quævis dejiciunt, dilaniant, discerpunt. Nulla tamen est homine irato formidabilior, nulla ferocior, cum thoracem induit, aut galeam, gladio se accingit, jaculum aut hastam manu vibrat, nihilque aliud quam sanguinem, & eadem spirare videtur: si talis nasceretur, nullum profecto horribilius monstrum, ac portentum dari posset, aut excogitari, nulla *Scylla* tam rabiosa, nulla procella tam calamitosa. Cætera vitia impellunt

pellunt animos : ira præcipitat. Vnde enim turbæ , unde seditiones , tumultus , bella , nonne ab ira ? Quas illa *Lerna* proditioes , quas insidias non inceptat ? quæ consilia hosti non aperit ? quas technas oppugnandis urbibus non suppeditat ? quas non superbas ædes evertit , urbes florentissimas solo æquat , regiones fertilissimas devastat ? quæ non multorum annorum pertinaci bello defensa mœnia patefacit , & contumacissimos jugumque recusantes in alienum agit arbitrium ? Quæ eò perniciosior esse consuevit , quò eos magis invadit , qui potentia instructi , in alios dominantur , & sæviunt.

Ira Thyesten exitio gravē

Sirāvere , & calsis urbibus ūltima

Stetere causa , cur perirent funditus.

Ira est qua procudit enses ,

Et miseras inimicas urbes.

Vbi hæc *Theſſiphone* cui pro consilio est furor , pro ratione impetus , ubi inquam hæc dominatur.

——— *Non Hospes , ab hospite tutus ;*

Non socer à genero : fratrum quoq; gratiarum est

Imminet exitio vir conjugis , illa mariti.

Lurida terribiles miscent aconita noverca , &

Filius ante diem patrios inquit in annos.

Vultis exempla Auditores ? nonne *Theodosius* clementissimus alias natura princeps , ira percitus , ad septem hominum millia *Theſſalonica* immisso milite contrucidari , & tanquam si ageretur de capite papaverum , aut cucurbitarum , nullo discrimine fontes , & insontes indicta causa necari iussit ? Hæc inflammatus *Alexander* *Lysimachum* leoni objecit , hasta *Clytum* carissimum sibi , & una educatum , inter epulas transfodit , *Betim* trajectis per talos loris , religatumque ad currum equis rapari iussit , & horrendo supplicio , vita privari , aliosque sanctitate morum , & sapientiæ studiis insignes viros per tormenta fœde trucidari. Sunt

Alexan-

Alexandria, *Caracalla* jussu, omnes ii crudeliter interfecti, qui gestus illius rediculè per jocum expresserant. Iræ suæ monumenta plurima *Periander*, *Sylla*, *Lysander*, *Cassius*, *Cambyses*, *Toislas* & alii reliquerunt. Quid *Caligula* monstrum illud hominis, & naturæ propudium, quo nihil tetrius & funestius Infernus exhalare potuit? ad tantam, eum crudelitatem compulit, ut nobilissimos Senatores Romanos sibi invisos, crebris mucronum acutissimorum fodicationibus necari, & lenta morte, è medio tolli jussit: nec mirum, quia Tyranni nec lege coërcentur, nec metu: multos etiam honesti ordinis viros, fligmate prius inustos, ad metallorum fodinas damnaverit, aut bestiis dilaniandos objecerit, aut medios ferra secuerit. Equitum denique Romanum, feris expositum, cum se innocentem proclamasset, amputata lingua rursus induxerit. Quid Nero portentum illud, & fatale malum generis humani, terræ æternum odium, Homo mille mortibus dignus, vestigia *Caligula* premens, nonne *Attium Vestinum* Consulem, ut conjuge ejus *Statilia* potiretur, trucidavit? *Antoniam* filiam *Claudii* recusantem post *Poppææ* mortem nuptias suas, crudeliter interemit? privignum *Rufinum Crispum* *Poppææ* natum, impuberem adhuc, mergendum mari dum piscaretur, servis ipsius demandavit? *Tuscum* nutricis filium relegavit: *Senecam* Præceptorum omni egregiæ virtutis laude cumulatifimum, & sapientiæ admirabile exemplum incisus venis quasi per ludum aliquem & jocum, ad necem compulit? *Cassio Longino* jurisconsulto oculos effodit? *Romam* denique urbem patriam, veterum ædificiorum deformitate offensus incendit? & incendium omnis humani divinique juris oblitus, latis oculis, & hilari vultu è turri Mæcenatica prospexit? Turpe profecto facinus, & furiarum ultricibus pœnis multandum! Sed ut à profanis, ad Sacra transcam. *Simeon*, & *Levi*, vehementi ira perciti,

citi, ob *Dina* Sororis suæ raptum, statuerunt quid-
 quid futurum esset, *Sichemitas* omnes interficere,
 nulla nec periculi sui, & parentis, ac fratrum suo-
 rum, nec innocentia eorum qui ex *Sichemitis* in-
 fontes erant, habita ratione. *David* qui stationem
 tuebatur Regis nec seculo poenitendi, nec animo
 dejectissimi, cum audiret se à *Nabale* qui omnem
 humanitatis sensum à se penitus abdicaverat, re-
 pulsum, è vestigio ira accensus, sese ad illum, &
 quidquid ejus erat perdendum accinxit, præter
 naturam suam. Fuit enim ille si quis unquam,
 Princeps clementissimus, & in ferendis injuriis
 moderatissimus. Sed nullam non vincit, & domat
 virtutem hæc perturbatio, ubi in animo pedem
 fixit. *Abimelech* Iudex populi Israelitici devictis
Sichemitis, & oppido *Thebes* obsessio, & expugna-
 to, oppidanis in turrim confugientibus, adhuc fu-
 rore ardens, cum ad eam obsidendam properaret,
 dejecto fragmine molæ in ejus caput, à muliere
 vitam finiit, & Libitinæ vota sua exsolvit. Qui si
 iræ suæ moderatus esset, mortem non solum de-
 clinari, sed & hostes ad deditionem cogere potu-
 isset. *Eleazar* Iudæ Machabei frater, in pugna cum
Antiocho, cum vidisset elephantum inter alios, mo-
 le corporis eminentem, & loricis regiis instru-
 ctum, credens illo vehi Regem per medios hostes
 in illum irruit, & interfecit. Verum fera super ip-
 sum cadentis pondere suffocatus est: ejusque præ-
 cipitantia, insignis victoria *Judais* de manibus ex-
 cidit. Et quis tandem, Auditores, exemplorum
 esset finis, si omnia quæ huc faciunt recensere esset
 animus, me, & certè vos fatigem, non possum ta-
 men quin unum hic in medium producam, non
 minus horrendum, quàm memorabile, quod de
 Majoracensi quodam cive, ejusque servo Historici
 referunt. Cum enim servum ille suum indignis
 modis, levem quandam ob culpam, excepisset, ira
 hinc & vindictæ cupiditate accensus, hero peregre
 profecto, domum artissimè clausit, & matrefami-
 lias

lias vineta, filios heri tres in sublimiorem domus partem, secum adduxit. Qui domum reversus, servo de culmine sese ostendenti & ulcisci certo, minari coepit, quo facto, illico duos hic filios è tecto præcipites jecit, hoc casu consternatus Pater, cum etiam tertio timeret, facti veniam, & libertatem servo pollicitus est. At nihil hic inquit efficies: nares oportet tibi præcidas, si tertium filium servatum velis. Accipit conditionem Pater, sed naso jam mutilato tertium cum matre, è tecto servus dejecit: tandem & se ipsum inde præcipitem dat, ne & ille dare pœnas cogeretur. O facinus horrendum! ô immunitatem barbaram! ô lanienam vere belluinam! non solum visu, sed & auditu relatuque foedam! O monstrum lustru piari dignum, vel in ultimas terrarum oras deportari! potuitne quid in Cadmæis olim pugnis inhumanus, in Centaureis præliis luctuosius, in *Lapitharum* ferocia, in sævissima denique veterum *Cyclopum* familia immanius excogitari? Et quæ tragœdia vel *Medea* aut *Thyestes* cum hac collata, Comœdia videri non possit?

Videtis Auditores funestissima iræ affecta, ubi immissis semel furoris habenis, celsiores omnes modestiæ calles supergressa, impotenter dominatur, & furit. Harpiis similis quæ contactu, & unguibus omnia diripiunt, & foedant. *Marius* egregius ille belli dux, cuidam ipsum reprehendenti, quod multa contra leges, & mores Reip. committeret, non audio inquit, quid dicas propter armorum strepitum: de ira idem mihi nunc dicere licet cum qua nihil rectè, nihil consideratè fieri potest, quamdiu enim illa fuerit, æstuat, debacchatur, nullus rationi locus est, nullus æquitati: Silent sub turbulento ejus imperio, jura, statuta, leges, & si quid salutare suggeris, operam ludis, & surdo narras fabulam. Hanc ergo perniciosam animi pestem, ut orationi meæ finem imponam, sanguine viperino cautius fugite, &
aditus

aditus illi omnes tanquam hosti capitali præcludite : nam cum intravit , & portis semel se intulit , modum à captivis non capit .

Sed fertur equis auriga , nec audit currus habenas.

Cogitate facilitate nihil homini melius nihilque laudabilius , nihil quoque magno & præclaro viro dignus placabilitate & clementia. Illam esse quæ Regnis pacem , quæ concordiam populis , tranquillitatem Rebuspubl. fortunis & opibus incrementum , oppidis florem , difficillimis temporibus serenitatem , & gaudium largitur. Contra iram perturbationum omnium esse violentissimam , terribissimam , homineque indignam , cadum causam , calamitatis sociam , & nullam pestem generi humano pluris unquam stetit : iram agere hominem in perniciem , sermones ejicere impudicos , amarulentos , scurriles. Ponite vobis ob oculos tragicos eorum exitus , qui huic affectui plus nimio indulserunt. *C. Flaminium* , & *Marcum Marcellum* , Consules bello intrepidus , & strenuos , victos tamen ab *Annibale* , quod natura prompti , & præcipitis iræ , fortunam , Marsisque aleam sæpius tentarent. *Annibalem* oculos Romanorum sanguine avidè quidem pascentem , sed ad voluntariam tandem mortem compulsam. *Mithridatem* Regem qui una epistola octoginta millia civium Romanorum in *Asia* interemit , verum mortem tandem ipse suam bibere fuit coactus. Crudelissimum *Neronem* in suo ipsius sanguine se volutantem : parricidam denique *Caracallam* centurionis gladio confossum. Et quorsum hæc omnia , Auditores , quorsum ? Huc nempe spectant , ut inferioris ordinis homines exosculentur , mansuetudinem , clementiam Superiores amplectentur , quæ *Cæsarem* Deum fecit , quæ *Augustum* consecravit , quæ *Antonium* in primis *Pii* nomine ornavit, Dixi.

ORA-

O R A T I O XVI.

de Causis, & remediis Iræ, habita ab

HENRICO SPIERINCHOUCK.

Qui corporis humani valetudinem sibi curandam proponunt, si ad ægrum eos evocari contingat, hoc illis in primis curæ esse solet, ut ægrotantis vultum intentius contemplantur, manu carpi arteriam contrectent, motum explorent, eum denique spirantem, ac loquentem observent, unde morbum latentem deprehendant, & deprehensum remediis præsentissimis expellant: Idem in cura animæ nobis faciendum esse arbitramur, ut scilicet expensis, & consideratis iracundiæ malis, quæ tum privatim, tum publicè generi humano infert, de tanti mali remediis seriò nunc à nobis cogitetur. Quod ut fiat, impetrata à vobis, Auditores, venia, Medicorum exemplum imitati, causas hujus perturbationis primum inquiremus, & unde originem suam trahat, hæc animi pestis, deinde quæ adhibenda ei sunt remedia, & qua potissimum ratione tam violentus in nobis effectus compesci, & coerceri possit, ordine videbimus. Gravis quidem est factor, & ardua provincia, quam in me suscepi, sed illud non parum me extimulat, quod quamquam humeris meis impar hoc onus esse videatur, vos omnes tamen habeo susceptæ hujus provinciae meæ non solum suffragatores, verum etiam æquissimos tenuitatis meæ æstimatores, & me apud eos dicere video, quorum mihi perspecta est benevolentia, quæque illud plus satis exploratum est: *qui non præstat quod vult, præstat quod potest.*

Ut igitur ad rem ipsam accedam, audivistis inter alias animi perturbationes; iram belluam illam feram,

feram, immanem, intolerandam, principem obtinere locum, & nullum dari affectum qui impotentius agat, & abripiat homines, nullum qui perniciosior sit, præsertim si Regum, & magnatum animos invadat, & occupet: qui quò magis auctoritate, & imperio pollent, eò gravius, & formidabilius excandescunt. Quis enim superba palatia funditus everfa, expugnatas arces, agros exustos, urbes florentissimas solo æquatas, regna potentissima devastata penitus, & exhausta, ad amissim commemoret? cui tantum est flumen ingenii, tanta dicendi vis, tantaque copia, qui seditiones, bella, latrocinia, sacrilegia, bonorum oppressiones, cædes, rapinas quibus mundus perpetuo laborat, recensere aut oratione complecti queat? quis amicitias quas sanctas, ac immortales esse oportet, ab ira non dissutas modo, sed violatas enumerare possit? certe ne is quidem cui Pericla esset, aut Tulliana eloquentia. Lernæ enim hæc *Hydra* est, cui conficiendæ vix par sit *Hercules* quæ recisa multoties semper repullulat fœcunda in stragem. atque ut compendio, dicam vera malorum *Ilias*. At hujus mali dicat aliquis quæ causa? & à quo fonte potissimum manat, ac fluit perturbationum illa omnium deterrima? Prima certe ejus mihi causa videtur esse superbia: neque enim ullum superbum videas, non impatientem, non morosum, non irritatu facilem, si quid in ullum peccetur, & se sperni ab aliquo, aut non reverenter satis haberi, in animum inducat. Vultis exempla? quid quæso *Ajacem* in tantum furorem, & rabiem conjecit, nisi quod se contemni putaret, ab iis qui plus præsidii in prudentum consiliis, quam pugnantium viribus statuebant: *Ajacem* quidem ad arma promptum esse, sed temerarium; contra vero *Vlysses* in rebus gerendis prudentem, illum corpore prodesse, hunc animo. *Vlysses* denique quantum gubernator navis remigi, & dux militi gregario præstat, tantum *Ajacem* antecelle-

re,

re, ideoque *Achillis* arma *Vlyssi* adjudicari justum, & æquum esse, judicarunt. Quod illum tam malè habuit, ut laxata iræ fibula, manus sibi violentas inferre nullus dubitaverit. Quæ causa fuit cur *Nebucadnezar*, ira abreptus, tres illos juvenes qui statuam ipsius adorare noluerant, repente in fornacem ardentem conjici juberet, nisi superbus, & crudelis ipsius animus, qui gloriam humana forte majorem, & soli divinæ majestati convenientem, ferre non poterat, eam quacunque etiam de causa Idolo suo denegari. Et ut Veterum exemplis, hoc novum attexam. *Philippus Commaus* inter alias causas quæ *Ducem Burgundia*, in ruinam præcipitem egerunt, hanc notat non ex micimis, nempe ambitionem, & ad antiquorum Principum gloriam assurgendi cupidinem, quæ illum iracundum reddebat, & promptum ad bellum vicinis omnibus, quorum aliqui eo longè prudentiores erant, temerè, & sine causa inferendum.

Quum igitur ira ex superbia nascatur, nulla ejus compescendæ brevior est via, quam te tuaque quisquis es omnia ad humilitatem componere, & cum omnibus mansuerè, modestèque versari. Modestiam, & humilitatem hîc intelligo, non quæ sub demissis oculorum palpebris, aut sub depeza, & obsoleta delitescit lacerna, sed quæ in animo residet. Hæc mansuetudinem, perpetuam sibi comitem adjungit: & ut iracundia & superbia; sic plerunque fieri solet ut sub uno eodemque recto, & in eadem sede morentur mansuetudo, & modestia. Hæc unicè colenda & tanquam fundamentum ceteris virtutibus subternenda. Ab hac nihil est, quod te avocare possit, aut debeat. Divitiæ tibi sunt & opes? In bonis fortuna summa laus est, non extulisse se, non insolentem esse in rebus prosperis, non se aliis præferre propter abundantiam fortuna. Sapientem te esse dicis, & doctum? nunquam si esses, diceres. Sapiens enim quantum sibi desit, intelligit, nec gloriatur unquam, sed suspirat.

pirat. Superbis ob honores, & illi te morosum reddunt, & iracundum? *Ima permutat brevis hora summis: Quem dies vidit veniens superbum, hunc dies vidit fugiens jacentem.* Et ut bene alibi *Hecuba: Quicumque Regno fidit, & magna potens dominatur aula, nec leves metuit Deos, animumque rebus credulum latis dedit, me videat, & te Troja non unquam tulit documenta fors majora, quam fragili loco flarent superbi.* O prudentem, qui hic prudens & cum vitæ hujus fragilitatem secum expenderit, non superbiam tantum, sed morositatem, & iram facile deponet, & exuet.

Altera iracundiæ causa est, agnata illa nobis *φιλαυρία*, & amor nostri, cum delicata nimis, & molli, feminea penè dixeram curiositate conjunctus: ut videre est in iis qui de cultu corporis, concinna vestium forma, tanquam si ex arcula proderent, nec non de exquisito ciborum apparatu, plus nimio solliciti sunt. Illi enim si mensa non satis splendide strata, & in pompam, & si quæ inferantur, non satis ad ipsorum palatum, si repente fumus aliquis oboriatur in conclavi, si focus non satis sit luculentus, sal in mensa neglectus, panis solito durior, candela non dextrè satis emuncta, pileum aut pallium malè purgatum, calcei parum extersi, musca parum curiose fugata, aut clavis negligentius manibus elapsa, levi de causa, modò uxori, modò liberis, modo servis succensent, non satis suo pretio æstimari. Nihil tam minutum est, nihil tam leviculum, quod iracundos illos, & moriosè delicatulos non offendat, articulari morbo laborantibus non absimiles, quorum exemplo sæpe antequam tanguntur, exclamant. Sed curiositatis hujus, & iracundiæ ex ea nascentis, corrigendæ ratio, non aliunde quàm à fragilitate petenda est, & ea tantum experenda, quæ ad vitæ sustentationem sunt necessaria. *Socrates* virtutum viva imago, quum die quodam in mercatu, alios aliud ementes videret, fertur *Deo* gra-

gratias egisse, quod illis omnibus facile careret. Et magnus ille dolii habitator *Diogenes*, cum forte pueros aquam manu haurientes videret, patinam ligneam abjecisse memoriæ proditum est, addita hac ratione, *nesciebam inquit homini tam bene à naturâ prospectum*. Exemplâ hæc imitati eam vitæ rationem teneamus, ut corpori tantum indulgeatur, quantum satis. Cibus famen sedet, potio sitim restinguat, & cultus corporis ad honestatem compositus sit, non ad curiositatem, non ad pompam. Est & alia iracundiæ causa Auditores, nimia scilicet credulitas, temeraria, aures quibuscumque delationibus aperiendi facilitas, & propensio; quâ fit ut teneris adeò sint auribus, ut qualibet pro veris arripiant, & levissimo rumusculo irritentur. Malè. Dandum semper est tempus; veritatem dies aperit: quæ inviti audimus, libenter credimus, & antequam judicemus, irascimur. Sic pauperes, & tenuioris fortunæ homines, ut & illi qui aliquo corporis vitio laborant, quavis de causa facile excandescunt, quod scilicet malè suspicaces, sibi persuadeant se ab aliis contemni, ut senes, ægri, claudi, lippi, linci, vari, valgi, gibbosi, & id genus alii. Ita humiles illi animi, *queis lava in parta mamilla nil salit*, ab iræ impetu (ut exulcerata, & ægra corpora ad idus levissimos genuunt) concutiuntur magis; ut pueri, feminæ, frigidaque temperaturæ homines. At fortes magnamini, etsi ab innato calore ad iram proniores esse videantur, tardius nihilominus succensent, quod vilia putant, quæ grandia pusillanimis apparent: sic biliosi facilius irritantur, frigidi iram servant diutius, sanguinei eam citò concipiunt, quia calidi, sed cito eam deponunt, quia himidi. Nihil quoque magis facit iracundos, quàm educatio mollis, & blanda. Est & victus ratio aliqua quæ bilem augeat, ut cibi calidiores. Idem præstat inedia quæ cerebrum iudiciumque vehementer debilitat. Unde qui semel tantum die vescuntur,

& cibum capiunt, ad iram sunt promptissimi.

Sed violentæ huic animæ perturbationi, tempestivè occurrendum Auditores, ne quæ nos infestat, in naturam abeat. Quod ut fiat, menti primò fixum sit, & immotum, non sequi iracundiæ stimulos, perpetuoque in eam curam excubet, ne unquam de solio deturbetur. Nam ut navis quæ inter fluctus sine clavo jactatur, ventis ludibrium debet, & mari: Sic mens quæ in hac vita sine Sapientiæ gubernaculo. Arduum quidem hoc esse fateor, & homini penè desperatum. Quis enim in tanta rerum gerundarum varietate, quasi è speculâ in id perpetuè evigilet, ne à domestico illo hoste opprimatur. Sed quò gravior est homini lucta cum hoc affectu, eò plus laudis referet, si fræno iræ injecto, totus feratur adverso veluti flumine, ad seriam animi moderationem, vimque ejus frangat, ac debilitet. Ut enim illi qui ligna distorta dirigunt, non satis habent ea flexisse, ad statum in quo consistere volunt, sed adhuc ultra nituntur in partem adversam, quo spacium naçta recurrendi, in medio commodius illa subsidant. Sic ab ira quam longissimè nos abduci oportet, ut nitente in oppositum naturâ, medium teneamus. Quod elegantissima & vel aureis litteris signanda similitudine docuit divus *Chrysostomus*: *Vt ignem inquit, si vehementius aggressus fueris, extinguēs, si modicè, & cunctanter invadas, ureris: sic in vitiis coercendū, si paulatim coneris, eorum vi abripere; sin totū viribus oppugnes, quàm facillimè frøgeris.* Spartani minutis præliis, ac velita tiunculis, Thebanos infestando, eos de ignavis strenuos fecère bellatores, nec ante animadverterunt errorem, quam insigni ab iis accepta clade non libertatis modò, sed patriæ jacturam fecissent. Satiùs longe profectò fuisset, intio, imbellēs omni conatu opprimere, quam lento, & segni prælio Remp. periclitari: Ita Auditores, inquam cum iracuna-

iracundiâ agendum nobis esse , in animum inducamus : memores illius Poëtæ :

Animum rege qui nisi paret

Imperat .

Atque adedò in ortu opprimenda , opprimenda inquam , ne dato spatio vires recolligat , & incautos dejiciet. Si autem accidat nos facto alicujus offendi , ut culicem aut muscam molestè circumstrepentem levi manu , & sine ira dispellimus : idem hîc fiat quid amplius ? in mentem veniat à nobis quoque, non pauca perperam fieri quæ alios offendunt & quæ veniam desiderant : utique tacitus speculator sui , censorque secretus , ad singula quibus offenditur , dicat : *Hæc & ipse commisi*. Ad hæc cogitet proclivitatem illam ad iram ; calorem , præcipationem , impetum impotentis animi signa esse , non fortitudinem : illos contra verè fortes esse , qui magno *Catonis* animo contumelias , convitia , calumnias spernunt , & Stoico stomacho concoquunt : imo nulla dote , nullo genere virtutis mortalitatem propius ad naturæ divinæ similitudinem accedere , quam ignoscendo erroribus , & obliviscendo injurias. Exemplo magni illius *Aristippi* , qui à quodam contumeliis laceffitus , nihil tamen commotus ; *penes te inquit est maledicere , penes me audire : & Xenophontis* maledicenti sibi cuidam : *Tu inquit maledicere didicisti , ego teste conscientia , maledicta contemnere*. Sic & *Socrates* grande illud patientiæ exemplum ab *Aristophane* publicè in Theatro verborum laceratus convitiis , tantum abest ut hoc ægrè , molesteque tulerit , ut etiam obviam sibi factum adversarium , humaniter compellaverit , *An se rursus opus haberet ad similem contumeliam ?* Exemplo *Medicorum* qui phrenesi laborantibus multa condonant , multa connivent , si perperam ab illis nonnulla gesta , si forte præfixam in cibo metam transgressi , vetitos cibos sumperint , interdictas porciones hauserint , non illicò severius illos increpant , aut graviori-

bus verbis objurgant ; verum mollioribus dictis connivent, assentantur, adblandiuntur, arrident, eoque omnia sua consilia referunt, ut mitigent, & dolorem sensim minuant. Recte mehercule, nam equus forte si calcitraret, bos intentaret cornua, canis allatraret, aut morderet, nonne deridendos aliis se propinquarent, par pari referre qui conarentur. Sic si utrinque certabitur ille est melior, qui prior pedem retulit : victus est, qui vicit. Ingens contra ille animus, & verus aestimator sui, qui non vindicat injuriam, quia non sentit. Spatium quoque animo concedendum est, ut se recolligat : juxta illud Poëta.

*Da spatium tenuemque moram malè cuncta ministrat
Impetus. Item, Differ habent parva commoda magna mora.*

Observatum olim hoc ab *Athonodore* Philosopho. qui valedicturus aulae monuit *Augustum*, ne quid ante in irâ deceret faceretve, quàm literas alphabeti græci in digitos numerasset, quo interea, rationi ad se redeundi spatium daretur. O vocem egregiam, & verè dignam quæ in omnibus *Principum* palatiis, aureis literis consignetur ! Sentiebat videlicet insignis Philosophus homini in summa potestate constituto nihil esse majori molimine debellandum, quam animum ultionis avidum ; frænum esse imponendum iracundiæ quæ cum maximè sit inimica rationi, non distat à furore nisi temporis exiguitate : Omnes denique amolientas irascendi occasione. Nam ut benè *Isidorus* occasio peccandi voluntatem facit, eoque vitanda non aliter quam in navigando procella. Vidit hoc *Cotys* Rex Traciæ, vasa enim tornò egregiè elaborata, sed fragilia, dono sibi oblata confregit ipse, ne cum iracundiorem se naturâ intelligeret, eorum causâ, sæviret aliquando in domesticos. Prudenter mehercule !

Nam ut Planetæ eò tardius moventur quò in sublimiori sunt sphaerâ : ita quanto major est Principum

cupum potentia, tanto magis suis affectibus moderari, & temperare debent, regique apum non abfimiles, qui felle, & aculeo carent, iram omnem à se amoliri. Facilius enim est excludere perniciosa, quàm regere: & non admittere, quàm admissa moderari, nam cum se in possessione posuerunt, potentiora rectore sunt, nec recidi se, minuive patiuntur. Sic *Fabius* iram ante vicit quam *Annibalem*. Quid *Scipio*? nonne relicto *Annibale*, Punico exercitu, omnibusque quibus irascendum erat, bellum in Africam transtulit, tam lentus ut opinionem luxuriæ segnitæque malevolis daret? O pulchre! Ira enim ut in temeritatem prona est, & cupida puniendi ejus qui aut nocuit, aut nocere voluit: ita mitis & pacatus animus peccantes non persequitur, sed revocat, & id judicari vult; quod æquum est; imo dimittit sæpe eum, cujus peccatum deprehendit, si pœnitentia facti spem bonam pollicetur, & si intelligit non ex alto venire nequitiam, sed summo quod ajunt, animo inhærere. Verbo.

— ignoscere pulchrum

Iam misero, pœnaque genus vidisse precantem: nec quicquam magnum, nisi quod simul & placidum. Dixi.

O R A T I O X V I I.

In laudem Alexandri Magni habita ab

A D R I A N O M O N T A N O:

Virtutum, extra omnem dubitationis aleam, nobilissima est fortitudo. Ideo à viro illa nomen apud Latinos, & Græcos sortita est, quod hunc maxime deceat, & non nisi Dei, summi illius rerum humanarum arbitri providentiâ, & principum militumque virtute Resp. protegi, ac defendi posse, haud perperam statue-

runt Sapientes. Hacque de causa prudentissimo consilio ac instituto, magna semper præmia, magna congiaria decreta iis qui longe hac præ aliis excelluerunt, cretæ quoque statux, delati tituli, trophæa, monumenta, epitaphia, coronæ obsidionales, castrenses, murales, navales, civiæ. Neque mehercule injuriâ. Quis enim non laudibus in cœlum evehendos, amplissimisque honoribus condecorandos eos esse censeat, qui summa vitæ discrimina infracto animo subeunt, aut ea strenuè, fortiterque propulsant, & pro salute, ac libertate patriæ, fortunisque cum suis tum aliorum tuendis, sanguinem effundere suum, data occasione nulli dubitant? Sed si ut Sapientibus placet, præmiorum *diaromni* in Rep. est necessaria, certe & hoc vel imprimis necessarium, esse arbitror, ut non viventium tantum, sed & defunctorum ratio habeatur, quæ magnitudinem rerum gestarum, & merita eorum exæquet, ut in mortuis etiam, nominis eorum fama perennet; aliisque virtutis subvecta, in seram posteritatem se diffundat, & animis nunquam eorum exolescat, quos naturatantum fortitudinis, & prudentiæ exempla in illustri hoc mundi Theatro collocavit. Talis mihi præ aliis, ne longius abeam *Alexander* nomine & re verè magnus, nulli Veterum, tum rerum gestarum gloria, tum generis illustrissimi antiquitate, tum invictissimi animi magnitudine, tum maxima potentia, ac amplitudine Imperii, tum summæ felicitatis admiratione, postponendus. In cujus encomia, & laudes inpresentiarum nunc ire in animum induxi, ejusque pro ingenii modulo virtutes deprædicare. Hoc unum Auditores à vobis qua possum animi demissione contendens, ut qua alios benevolentia ante me, ex hoc loco dicentes complexi estis, eadem nunc & me complexi dignemini.

Alexandri profapiam si exquiritis, natus hic
 stirpe

stirpe vere nobili: Patrem enim habuit regem, matrem Olympiadem *Neoptolemi* regis filiam. Patrem eximia fortitudinis virum, & imperatoris virtutibus si quis unquam Regum aut Principum, insigniter instructum. Natus in urbe *Pella* urbium *Macedonia* non ignobili, & ea ipsa die qua natus, duæ aquilæ diem totum fastigio domus involitantes, omen duplicis Imperii *Europa*, atque *Asia* non obscurè portendere visæ sunt. Nam adepto longè potentissimo *Macedonia* regno, tanta cum prudentia, tantaque animi fortitudine, magni illius Regni gubernacula tenuit, & Imperii habenas, ut non solum Majoribus suis, qui & honorum semper cumulo, & rerum gestarum gloriâ maxime eminuerunt, similis fuerit, sed & nominis eorum splendori, haud exiguum quoque attulerit lucem, imo tantam, ut quotiescunque Principis hujus virtutes, ac præclara facinora seria cogitatione complector & quam ex iis consecutus sit nominis, & famæ claritatem, ingenuè fateor, mentis meæ aciem sic ea perstringi, ut ad hunc solem hebescat plane, & caliget. Verum ut Solem adversum intueri non est hominis; sed ex radiis longe lateque diffusis quanta sit ejus magnitudo, quamque immensum sit lumen, facile est comminisci: ita quamvis in splendidissimas illas virtutes, quæ in hujus Principis heroica plane anima olim fuere, mentis oculos defigere nequeam, magisque metuam ne quid de illius magnitudine deteram, quàm eam me verbis exæquare posse confidam, tamen ex optimis ejus actionibus, & rebus præclare gestis, quam excelsi fuerit animi, levi saltem Orationis penicillo adumbrare conabor.

Ab ineunte ætate generosæ, egregiæque suæ indolis si quisquam manifestissima indicia proferre cepit. Factus enim annorum duodecim, cum ex æqualibus nonnulli ex eo percontarentur, in Olympico nunquid stadio libens decertaret (plurimum enim pedum velocitate pollebat) (*libens equi-*

*dem inquit si decertaturos mecum Reges sim habitu-
rus, aut Regum filios. Et cum olim forte absente
patre Philippo legati à Persarum Rege venissent, eos cum hospicio, tum consuetudine captos, jucundissima sibi familiaritate conjunxit, admirantes in tanta annorum immaturitate, tantam mentis maturitatem, quod is nihil aut humile, aut puerile sciscitaretur, sed aut viarum longitudinem, aut superiorum itinerum modos perquirebat: multa super Rege, qualis in hostes esset, nunc super Persis, quæ vires, aut quæ eorum esset potentia, rogitabat, quasi ab incunabulis maximarum rerum administrationi innutritus. Quas res admirati legati latè diffusam Philippi gravitatem, nihil præ hujus pueri indole, & majore quàm ætas pateretur, animi magnitudine duxerunt: nempe*

Multum teneris sibi spondet ab annis

Vox populi, & primoprasagia sumit ab astro.

Et ut à matutinâ cœli facie, reliquum diem conjicimus: sic à primis virtutis igniculis, in ætate puerili, reliquam vitam. Mores enim & jam tum in illa ætatis teneritate graves, severi, compositi, & humanitati tamen, ac facilitatis condimento temperati: ut eos quibus cum una erat incredibili quadam morum suavitate conciliaret sibi, & exemplo suo, ab omni vitæ licentia revocaret. Quanta autem in eo adhuc puero, in rebus arduis suscipiendis animi promptitudo? Apparuit ne multa adducam exempla, in Bucephalo equo, forma quidem spectabili, sed ferocissimo. Quem cum Philippus pater abduci, atque removeri jussisset, quod sessorem non ferret, & in omnes insurgeret. Alexander cum forte adesset; *Qualem inquit isti equum perdunt dum eo per imperitiam, uti nesciunt*, moxque ad equum accurrens, correptis habenis, cum convertit ad solem. Adverterat enim quod incurrentem, & agitatam ante ocnlos umbram cernens, percelleretur: Tum molliter eum ad cursum incitavit: quem ubi ferocientem

rocientem vidit, & exultantem, abjecta leviter chlamyde insiliit in eum, & nullo negotio conscendit. Frano aurem placidè arrepto; sine calcaribus impetum ejus repressit: sed ut mitigatâ ferociâ, equû currere gestientem, vidit, admisit jam eum, vocemque ferociorem, ac pedum pulsum adhibuit. Quid hic *Philippus*? sollicitudo, ac silentium eum primum incessit, mox gaudium non sine lachrymis, cum equum reduxisset, filiumque exosculatus in has erupisse voces, fertur: *Quare inquit fili par tibi regnum, quando te jam Macedonia non capit.* Præ- sagiebat quippe vir prudens, tam excelsæ indoli, non suffecturam paternam ditionem. Nec mehercule de nihilo. Huic enim patris præsagio eventus postea haud infelicitè respondit.

Quantus enim in hoc principe adhuc puero Martis verè pullo, nominis parandi ardor? quanta ad majorum suorum gloriam, & decus assurgendi cupido? Quoties à patre aut nobile quoddam captum oppidum, aut memorabili prælio parta victoria nuntiabatur, haud magnopere gaudebat, sed ad æquales conversus; *Omnia ô pueri genitor occupabit, ita ut ne vobiscum grande ullum, ac insigne facinus ostentare mihi sit reliquum.* Non enim ipsum ulla illecebrarum, aut pecuniæ: sed sola virtutis, ac gloriæ cupido tenebat; quoque majores à patre facultates acciperet, eo se minora gerere posse existimabat. Quo circa crescente Dominio, rebus præclaris gerendis, materiam magna ex parte, exhaustum iri ratus, non opes, non delicias, non epulas, non convivia, verum certamina, & pugnas ardebat, & principatum, atque unde sibi gloriam virtute sua, nominisque immortalitatem compararet, affectabat. Adeptus enim mortuo Philippo, Imperium vigesimo ætatis anno, plenum invidiâ, & gravissimis odiis, ac periculis undique circumseptum, tanta cum humanitate, & prudentiâ rexit, ut concilatâ sibi vulgi benevolentia, alii corpus, non virtutem, alii vero nomen

Regis solum immutatum esse dicerent. Suscepta autem non ita multo post expeditione in *Asiam*, ad quam generali totius *Gracia* concilio Imperator erat designatus, ut *Persis* bellum inferret, qui *Graciam* sæpe multis cladibus afflixerant, quanta alacritate, fortitudine, vigilantia, quanta denique celeritate, illam terrarum maximam atque invictissimam, armis debellatam imperio suo adjecit? ingentibus vastisque fluminibus similis, quæ cum ab orru ipso magna sint, perpetuo tamen aucta progressu, eò majores undas volvunt, eò amplioribus feruntur alveis, quò à fontibus suis longius recesserunt. Sedatis enim motibus, quibus defectione sua ad *Persas*, *Athenienses*, *Thebani* ac *Lacedemonii* occasionem dederant, ad *Hellepontum* cum exercitu profectus, in *Asiam* ut viam futuræ magnitudini aperiret, incredibili ardore mentis accensus trajecit, & parva militum manu, nempe duobus & triginta millibus peditum, quinque millibus equitum, navibusque centum & octoginta (solo animo supplens, quod numero deerat) potentissimum *Persarum* Regem *Darium*, cujus copiae erant decies centum millium hominum, iteratis præliis profligavit, attrivit, vicit, triumque prope annorum spacio, universum terrarum Orbem ridente illi fortunâ, sub potestatem suam redegit. Quid mirum? Erat enim si quisquam Princeps bellicosissimus, in consiliis exequendis celerissimus, in periculis aggrediendis paratissimus, nec magis Imperatoriis virtutibus fretus, quam fortunâ, & audaciâ, ut si necessitas postularet, non minus militem ageret, quam belli ducem. Vultis exempla Auditores? Infinita futura esset Oratio & multorum dierum non unius horæ, si singula persequi vellem. Quam enim excelsa animo maxima, & inaccessa tentavit, absolvit! Unum tantum adducam, quod nobis erit instar omnium. nam cum ipse se satis laudet, ego præstantiam ipsius tacitus admirari malo, quàm & infantiam meam.

pro-

prodere, & laudes ipsius ingenii culpa deterere: sed ex ungue leonem. Quid enim dictis opus est, ubi facta ipsa loqui quodammodo videntur? Quàm generoso, & infracto animo, oppidum *Oxydracarum* arripuit? Primum enim eò cum pervenisset, admoventi scalas iussit, cunctantibus aliis, ilico plenus virium, sanguinis, animi evadit in murum. Sed cum hæreret magis, quam staret in muri margine. Ille quid? desiliit? aut pedem retulit? Minime. Sed clypeo undique ingruentia tela propulsans, intrepidè impetum hostilem sustinuit, tanto vitæ periculo, ut jam jam periisse videretur. Undique enim ex turribus petebatur, nec subire milites poterant, quia supernè vi telorum obruebantur. Tandem magnitudinem periculi pudor vicit, quippe cernebant cunctatione suâ, dedi hostibus Regem. Sed festinando morabantur auxilia. Nam dum pro se quisque certat evadere, oneravere scalas, quæ non sufficientibus devoluti unicam spem Regis fefellerunt. Rex clamantibus amicis, ut ad ipsos desiliret, tantum abest ut aurem iis præbuerit, ut contra in urbem hostium plenam, præcipiti saltu, semet ipse immiserit. Audax mercuriale facinus! quippe antequam assurgeret opprimi poterat, & capi vivus. Sed forte ita libraverat corpus, ut se pedibus exciperet. Itaque stans in pugnam, donec gravi vulnere afflictus, magna vi sanguinis emicante, remisit arma moribundo similis, adeoque resolutus, ut ne ad vellendum quidem telum sufficeret dextra. Sed cum ad exspoliandum corpus, qui vulneraverat, alacer gaudio accurreret, ultimi dedecoris indignitate commotus, linquentem revocavit animum, & nudum hostis latus subjecto mucrone hausit. O invictum animi robur! O constantiam admirabilem! Tandem *Peucestes* per aliam oppidi partem deturbatis propugnatoribus, Regi supervenit, qui tribus jaculis confossus, non se tamen scuto, sed Regem tuebatur. Subiit quoque *Timam* qui multis adverso corpore

pore vulneribus acceptis, egregiâque editâ pugnâ, tandem cecidit. *Leonatus* etiam dum avidè ruentes Barbaros submovet, cervice graviter iactâ, semi-animis procubuit, ante regis pedes. Jam & *Pouces* vulneribus fatigatus submiserat clypeum. In *Aristono* spes ultima hærebat: hic quoque graviter saucius tantam vim hostium ultra sustinere non poterat. Inter hæc ad *Macedones*, Regem cecidisse fama perlata est. Terruisset alios quod illos incitavit. Nam periculi omnes immemores & vitæ prodigi, dolabris perfregère murum, & quâ moliti erant aditum irrupère in urbem; Indosque plures fugientes, quàm congregi ausos cecidère. Senibus, feminis, infantibus non parçitur. Quisquis occurrerat, ab illo vulneratum Regem esse credebant. Quid multa Auditores? cuncta egregii Ducis munia implevit, nusquam sibi in periculis indulgit, eâque de causâ cum nullo unquam hostium congressus est, quem non vicerit, nullam gentem adiit, quam non sub jugum redegerit, & potestatem.

Τὸ γὰρ βέλτερόν ποιεῖν πάντων κρατεῖν πέφυκεν,

Voluntas ad laborem propensa cuncta vincere ac superare consuevit.

Sed bellicis eius virtutibus recensendis, ne attentione vestrà abuti videar, supersedeo, nunc quæ Principis nostri virtutes morales fuerint videamus. Inter alias facile de principatu contendit *Iustitia*, cujus si quisquam fuit observantissimus. Nunquam enim ad jus dicendum se accinxit, nec ad querelas suorum, & accusationes audiendas se composuit, nisi clausâ alterâ sua aure, quam integram, & illibatam accusato servavit, ne temere quemquam, aut indicta causa condemnaret, memor illius Poëtæ: Μὴ δὲ δέκῃ δικάζῃς πρὶν ἀμφοῖν μῦθον ἀκέσῃς. Præclare mehercule, & sapienter! Illa quippe omnium virtutum regina est, imperiorum basis, & fundamentum. Sine qua leges velut gladius in vaginâ reconditus, vel in usu con-

fenes-

senescunt , vel fraudulenter malis artibus circumveniuntur : Adeo ut vitam è vita tollat, qui Justitiam è Mundo tollit. Ea enim remotâ quid regna sunt , quid principatus, quid imperia , nisi magna latrocinia ? audaciæ & impietatis asyla , scelerum officinæ , ubi licentia immixtis habenis , celsiores pudoris, & verecundiæ calles supergressa , impunè dominatur , & fuerit. Contra ubicunque Justitia dominatur, illinc fraudes, illinc doli, illinc perjuriam exsulant : non adulteri , non raptores, non fures , non sicarii, non venefici , non latrones reperiuntur : ea denique propemodum eveniunt quæ aureæ ætatis hominibus evenisse memorantur. Hanc regiarum virtutum gemmulam , præ aliis amavit, hanc intimè coluit , tanquam unicum Regni sui stabilimentum, & decus. Ac ne suo tantum arbitrio, quod fere est Tyrannorum, Remp. regere, & administrare videretur, nullum ille unquam facinus magnum, & memorabile aggressus est , nisi prius in consilium adhibitis Satrapis suis , & purpuratis, qui autoritate, & prudentiâ apud eum pollebant , quibuscum ille gravissima Imperii negotia communicare nunquam subterfugit. Sciebat enim vir altæ mentis, nihil Principi, nihil quoque magnis consiliis magis esse inimicum , quàm *πικλυνται* , & plus *Ægeria* arcanis, quàm *Marti* & armis acceptum referri, palmasque omnes, laureas, trophæa , non tam lacertorum firmitudine, & armorum potentiâ, erigi, quam animi robore, & prudentiâ. Ita profecto est. Quid enim aliud *Mercurii*, ac *Martis* in unum corpus conflatorum simulachrum ? quid duorum conjunctæ aræ ? quid conjuncta delubra aliud significarunt , quam *Mercurium* , hoc est consilium , ac ingenium ita necessarium *Marti*, & bellicis studiis esse, ut divelli, alterum ab altero, sine alterius interitu non possit ? Quid aliud Antiqui , cum *Palladem* fingunt ex cerebro Jovis natam, hastâ , galeâ , clypeo , & ense cinctam ? cum fabulantur lupum victum à vulpeculâ ,

culâ , & immani vastitate , ac robore gigantem , ab *Vlyffe* domitum , & oculo privatum *Cycloperem* ? quam bellorum armorumque felicitatem , ac successum ab oculata prudentia , à consilio proficisci ? Sed ne has solas in *Alexandro* virtutes fuisse arbitremini , fuit & naturâ temperantissimus , & in afflictos clementissimus. Cum enim nunciaretur , matrem uxoremque *Darii* , & duas filias virgines , quæ inter captivas docebantur , lamentari , *Darium* tanquam preemptum. *Alexander* illarum magis , quam sua permotus fortunâ , *Leonato* ad eas misso , imperat , ut nuntiet eis , nec *Darium* mortuum esse , nec esse quod *Alexandrum* timeant : quippe bellum cum *Dario* *Alexandrum* de imperio gerere , neque illis quicquam ex pristina fortunâ , quæ regnante *Dario* fuerat , defuturum. Dictum factum. Sed pulcherrimum , & maxime Rege dignum beneficium ejus in fæminas generosas captivas , & castas extirrit , quod nihil neque audirent , neque expectarent turpe , sed quasi non in hostium castris , adeo non castis , verum in sacris Vestæ Templis servatæ , in abdito extra aliorum oculos agerent. Et quidem perhibetur *Darii* conjux longè omnium reginarum venustissima , ut virorum ille pulcherrimus , filiæ etiam similes fuisse parentum. Sed *Alexander* profecto temperare sibi , quàm hostes vincere magis regium ducens , ab iis abstinuit , sanctæque eas , & reverenter habuit.

Hic quid dicam Auditores ? Uno hoc Orationem meam voto finiam. Faxit summus ille Imperiorum stator , & vindex Deus , ut hæc in parte multi hodie Principes , exemplum *Alexandri* sibi imitandum proponant , & pari studio ad regias has virtutes , præsertim temperantiam omnium virtutum fundamentum seriò contendant. Sine qua nihil homo boni non dico agere , sed ne cogitare quidem potest. Da enim mihi hominem intemperantem , cumque in hujus mundi theatro colloca , ad quæ hominum officia , ad quos vitæ

vitæ usus erit idoneus? Hanc ergo ament, seſentur, colant, cujus præſidio tolluntur ea quæ vitam inertem comitari ſolent flagitia, extinguntur libidines, refrenatur luxuria, inhibetur crapula, reprimitur curſus earum rerum omnium quas nihil agendo male agere homines incipiunt. Contra voluptatem fugiant, quæ homines ab omnibus ſocietatis humanæ officiis excludit, libertate exuit, humana forma ſpoliat, probum caſtis, labem integris, infamiam bonis infert, facitque ut navis diſcordibus acta venis; ſic hominis vita pugnantibus inter ſe ſœdiſſimarum libidinum flatibus agitata, in omnem vitiorum turpitudinem præceps ruat, quibus virtus atteritur, victoriæ languescunt, ſopita gloria in infamiam convertitur, animique pariter & corporis vires expugnantur: adeo ut neſcias ab hoſtibus ne, an ab illis capi pernicioſius habendum ſcit.

O R A T I O X V I I I .

In laudem Q. Mütii Scævolar, recitata à

S I M O N E H E L L I O .

Qui ex hoc loco primum verba faciunt, ſolent in auſpicio Orationis ſuæ quædam præſari unde ſibi benevolentiam, & audientiam concilient. Quem quidem morem etſi non improbo, dignius tamen ornatiffimo hoc doctiſſimorum virorum conſeſſu fore arbitror, ſi ſecutus fuero diſciplinam Areopagitarum, apud quos olim lege ſancitum erat, ne quid fas eſſet dicere, quod ad rem & propoſitum non attineret. In quam ſententiam eo magis propendeo quod, quacunq; oculos ſpecto tanta ſe dicendi materia offert ut vix mente complecti quam, quid primum, & quid poſterius diſſerendum eſſe videatur. Dicturus enim *de Q. Mutio Scævola*
ſatis

satis intelligo , quam difficile , quam arduum sit , in laudes eorum ire , qui fortitudine sua , æternum sibi nomen compararunt , & ad tantum gloriæ , & honoris apicem assurrexere , ut nullius quamlibet etiam disertis , & eloquentis oratio , magnitudini unquam eorum respondere queat . Sed in hac conscientia tenuitatis meæ una me cogitatio subleuat , quod mihi apud vos dicendum est , qui & eâ prudentiâ estis , ut quanta quis laude dignus sit , ex merito ipsius , non ex iis , quæ de eo dicuntur , ponderetis , & ea in nos qui cathedram hanc conscendimus benevolentia , ut eis qui potius quam officio suo deesse videantur , ejus pene oneri succumbere malunt , facile ac libenter ignoscatis .

Itaque omnibus iis nunc posthabitis , quæ demerendi favoris ergo , afferenda esse , dicendi magistri monent , orationem quam magni illius Romani laudibus devovi , vestra nixus humanitate , aggrediar .

Ita homines naturâ fere comparati sunt , ut amore singulari , patriam complecti , innatum illis pene sit , ac ingentium , & pro defendendâ ea quæ nascentes gremio , & sinu suo excepit , in qua infantia eorum vagiit , pueritia lusit , juventus educata est , maxima etiam vitæ discrimina , subire non detrectent . Videmus ne longius abeam in *Scavola* , qui cum patriam urbem , R O M A M annonæ laborantem inopiâ à *Porfena* Hetruscorum rege , triennali obsidione , & quidem arctissima premi , bellisque continuis infestari animadverteret , oppida diripi , vastari , incendi , nullam sexus , nullam ordinis , nullam ætatis rationem haberi , eade ac sanguine compleri omnia , tristissimi suorum status impatientia ac dolore victus , omnes eò curas converterit , quo malo hoc diuturno urbem fortissimam liberaret , hostiumque manibus vitam , bona , fortunas , conjuges , liberosque civium eriperet . Hæc serio noctes diesque

que non temeritate, sed ratione, non mentis impetu, sed deliberato consilio secum reputans, solus sese in castra conferre constituit. Metuens vero ne si inconsulto istud Senatu faceret, transfuga haberetur, eundum adiit, petiit veniam, suamque his verbis mentem aperuit. Quis rerum nostrarum sit status, & quanta huic urbi nostræ impendeant pericula, quanta discrimina, ipsi videtis Patres, quamque indies tristissima patriæ oculis vestris, nostrisque omnium sese, offerat imago. Fines nostros hostis ingressus, agris jam pridem exustis, prædiisque ac pomæriis urbis ferro, flammaque miserrime devastatis, summam nobis ruinam minari, omniaque in eam moliri videtur, quæ ab infensissimo hoste expectari solent. Hoc calamitoso ne dicam desperato pene rerum statu quid vestra fide, faciendum; quid tentandum putatis Patres, & quæ huic malo judicatis adhibenda esse remedia? Quis tandem obsidionis hujus eventus? quæ liberationis spes? copiis ne nostris hosti occurremus? sunt illæ ut nostis extenuatissimæ. Nec non fame, ignobili mortis genere, cum quâ diu nobis colluctandum fuit, fractæ penitus, & attritæ. Hostem nostro sanguine cruentum, nostris spoliis onustum, & quem Tyrannum esse unicuique nostrum est exploratum, in urbem turpi deditione recipiemus, cochlearum more intra testam latitantes? Absit. Quis enim tam venalis animæ, tam sui prodigus, tam salutis suæ iratus? Mori centies, aut in remotissimis silvis solitudinibus, resquis, immanes inter feras oberrare, quàm hoc admissio, in urbe commorari, satius longè esse duco. Quandoquidem cicurari aliquando, & domari bestias videmus: At Tyranni quamdiu spirant, non nisi cædes, lanienas, stupra, incendia, populationes, respirant, jura omnia pervertunt, sacra profanis miscent, crudele imperium ubicunque admittuntur, exercent, leges iniquissimas ferunt, vitam
juxta

juxta & bona optimi cujusque , & fortissimi civis proscribunt , eaque publicis præconum hastis , & carnificum gladiis subjiciunt : nec si vel *Prometheus* eos refingat , aut *Vulcanus* recudat , alii unquam futuri. Quid ergo mihi consultissimum hoc rerum articulo videatur , nobis exponam : clausis ut jam nobis ex desperatione crescat audacia , & cum spei nihil sit ,umat arma formido. Stat sententia vobis annuentibus , sedetque immotum animo , clam hostem ipsum , cujus immanitatem jam heu nimium experti sumus , in castris adoriri , non prædam inde aliquam reportaturus , ut à gregariis fere militibus fieri solet. Aliud longè mihi propositum Patres , aliud mihi nunc in animo , si vestra quod spero venia , diisque (ita loquebatur) faventibus , facere istud mihi licuerit.

Voti sui Romanus noster compos factus , & plenus animi spem in manu ac celeritate habens , licentiâ in castra hostium exeundi impetratâ , cum jam ed venisset , & prope regium tribunal constitisset , stipendium ibi quendam militi numerantem , à Rege secundum , & pari cum ornatu conspexit , ubi hæsitabundus non nihil & in bivio consilii versans , quod Regis scilicet ignarus esset , rimentisque interim sciscitari , ne ignorando Regem , semet ipsum proderet , nec etiam re infecta redire , consultum judicaret , pro Rege (ut maxima coepta sæpenumero destituit successus) scribam obtruncat. Cum jam in fuga gladium à cæde calentem Heroici sui facinoris testem manu teneret , concurrente undique militum turbâ à satellitibus comprehensus ad Regis tribunal ducitur. Sed neque tum ulla titubationis , palloris , metus , hæsitantiæ trepidationis , nedum facti pænitudinis signa (ô virum , ô animi robur !) in eo apparuere , verum metuendus magis , quam metuens , infraçtoque animo in has voces verè masculas erumpere non dubitavit : *Mutius ego sum Scavola , nomine & re Romanus , qui me hostibus hostem exhibui , ac*
jam

jam pridem mihi plane persuaseram, omni modo defendendam esse Patriam tam graviter periclitantem. Hanc ergo sanguinis mei prodigus, dum in victoria salutem, in virtute victoriam, in vita ob talem causam in omne discrimen exponenda virtutem positam esse judico, ejus liberanda compendiarium inire viam in animum induxi, si posthabito vita mea periculo, fortunisque neglectis, dextra hac mea te necarem: verum cum fato nescio quo, manus hac aberrarit, & vivum adhuc, atque incolumen oculis hisce meis intuitus intueri cogar eum, quem casum jam & ferro sublatum esse arbitrabar, errati sui dabit penas, ostendetque & facere, & pati fortia Romanum esse. Tibi vero Porsena post hac neque alii deerunt qui optimis avibus, secundissimis auspiciis, conjuratis odiis, eundem in te animum hostilem, in patriam benevolum gerent. Ignaviam acuit necessitas, & desperatione quos nunc fractos penitus, & attritos putas, in audaciam accinguntur. Non militum numero, non robore, semper victoria paratur: victis etiam interdum redit in praeordia virtus: & una salus victis nullam sperare salutem, nihil quoque tam arduum, quod animi fortitudine superari non possit. Proinde non acies, non legiones adducemus, non exercitum, sed uni tibi cum singulis nobis res futura est. Hoc tibi Romana juvenus bellum indicit, non in patenti campo & collatis signis, non machinis, non balistis, non viribus militaribus, non turribus: vallis, fossis, aggeribus, sed in tentorio tuo & tribunali. Quo audito Rex ignem accendi jubet, addita comminatione, nisi quas sibi insidias struere statuisset ingenuè confiteretur, jamjam audaciæ suæ penas daturum. At Mutius audax animi, & imperterritus, hostium flammarumque contemptor, ad Regem conversus: ut quam inquit mortem illi contemnant quibus libertas patria, & gloria consequenda studium ipsa vita est dulcius, errati jam meæ penas luam, simulque dextram immisam in ignem, combussit, delictumque ejus flammis ultatricibus expiavit. Quo facto
haud

haud leviter commotus Porfena : tu vero inquit ,
Adolescens abi , in te magis quàm in me hostilia ausus :
fortitudinem tuam laudarem magis si pro me , si pro
patria mea ista virtus staret . Nunc quoniam te virum
bonum , strenuum , animi plenum , patria amantem
vides , liberum te hinc demitto . Simulque ubi intellexisset , non Mutium unum , sed plures Romæ adolescentem esse , vitæ suæ insideas qui facerent , quique articulatim se prius concidi , ac comminui paterentur , quàm vel tantillum ab amore patriæ abduci , dimisso Mutio , pacis foedus cum Romanis inire paratus , legatos suos , Romam misit , qui fidem darent , & acciperent .

Quid primum hic admirer , aut prædicem , si expectatis Auditores , idem mihi planè accidere in hoc argumento ingenuè , ac liberè fateor , quod iis evenire solet , quicum in ædes superbè , ac magnificè exstructas deducti sunt , si atria hinc inde , & cænacula tapetis , & aulæis insignita , & pretiosa supellectile condecorata intrueri detur ac speculari , tam varia undique eos rerum subit admiratio , & ad quævis ita obstupescunt , ut unde potissimum in tanta , tamque opulenta , ac superba ædium nitelâ , laudum suarum initium faciant , non constet . Quid enim ? An in factò laudando non finis potissimum spectandus est , non causa ? Ecqua vero iustior esse potest ea quæ patriæ , patriæ inquam salutem spectat ? Magnum profecto in armis nomen Carthaginensis ille *Annibal* Romæ sibi comparavit , egregiisque reportatis victoriis , non minus cruentum quam diuturnum Romanis bellum intulit . At in perniciem hostium , non in patriæ suæ tutelam fecit quæ fecit . Prima in acie dimicare solitum *Alexandrum* , referunt historiarum monumenta , hæcque de causa non semel ab amicis reprehensum fuisse legimus , quod militis illud munus esset , non Imperatoris . At hoc ab eo non alia de causa quam ex ambitione & gloriæ consequendæ cupidine , factitatum fuisse quis non videt ?

videt? Sed *Mutius* hic noster tanquam alter *Camillus* quid? Non ambitio, non nominis fama, non vanæ gloriæ aucupium, non aura popularis, sed patriæ, patriæ inquam conservatio curæ illi fuit unicè, & cordi. Hanc summis periculis, vel vitæ suæ dispendio liberare conatus est. Quid enim bello aut calamitosius, aut funestius excogitari potest? Obsidione deinde, & quidem triennali, qualem tunc sustinuerunt Romani, quid tristius, quid miserius? ipsa vero famelique tum passim, in quosvis cujuscunque ordinis grassabatur, quanto cum dolore toleranda fuit? quæ populi calamitas? quæ lacrymæ? quæ Deum immortalem, audiræ in urbe querelæ? hanc enim machinam esse violentissimam, & maximè formidabilem ad urbium etiam munitissimarum expugnationem, rei militaris periti statuunt. Quia non gravis solum illa, sed pessima insuper malorum consultrix est. Ad quæ enim flagitia, & scelera perpetranda, homines non impellit? quos tumultus, factiones, dissidia, turbas, tragœdias in obsessis urbibus non excitat? Quid non audet? quæ non molitur? Quod experimento suo Romani plus satis didicerunt, cum à *Perfena*, Roma arctissima obsidione cingeretur? His ergo tot tantisque malis uno eodemque tempore Romæ concurrentibus, cum *Scavola*, solus remedium adhibuerit, & quidem inopinato, rebus jam desperatis, Patriamque labantem, & ab alto potentia suæ culmine jam jam ruituram, ut *Atlas* alter suffulserit, quis cum non omni laude condecorandum esse judicabit? Præsertim cum eam vindicandæ patriæ viam inierit, quam ne infestissimus quidem hostis merito culpare queat, & quam nemo alius vel tentare, vel audere sustineat? Res Auditores bello maximas *Alexander Magnus* gessit, triplici prælio, regnum *Persarum* florentissimum subegit, & imperio adjecit, triennique fere spatio fulminis instar obvia quæque prostruens, ab ipsis *Europa* finibus ad *Gan-*
gem

gem usque acies, & castra Macedonum promovit & Solis pæne regionibus, ac Mundi ipsius fine distendit, sed hæc non solus fecit, at forti instructus exercitu, & ea Macedonum acie, quorum agmen & stare paratum erat & sequi, intentum ad ducis non signum modo, sed nutum. Insignes ab hostibus victorias Scipio, acer animi & militiæ, cum æterna nominis sui laude reportavit, *Anni- balemque ex Italia retractum*, & aperto Marte superatum, pacem mendicare coëgit. At non solus, sed lectissimorum militum, atque ducum opera, hoc consequutus est. Habuit qui in partem laudis venirent. Ideo prudenter ille Epyrotarum Rex *Pyrrhus*, cum rebus non minus strenuè, quàm feliciter gestis domum rediisset, & à suis Aquila diceretur: *per vos inquit Aquila sum*, cur enim non essem, cum vestris veluti pennis, ac fortitudinis alis sublever. Modestissimè gloriosi sui nominis laudem in milites suos transferens. Noster vero Romanus socium in adeundo periculo neminem habuit. Sed in rebus asperis, & tenui spe, fortissima quæque consilia tutissima deputans. Totum hoc quod aggressus est quantumcunque fuit, ipsius fuit. Nihil hic Senatus, nihil patricii, nihil equester ordo, sibi adscribere, nihil populus, nihil denique miles, qui in urbe erat, arrogare sibi potuit. Quin & hoc magnum Auditores, quod ad tollendum è medio *Porſenam* ferro uti voluit: non dolos, non fraudes, non insidias, non malas artes in consilium adhibuit, heroica illa, & nobilis anima: clarissimo ad posteros exemplo, quantum possit illibatæ recordatio virtutis, atque intemeratum belli decus. Potuisset quidem ille fateor occultius vel veneno, vel alio quovis modo necari, sed muliercularum esse, noster hic *Mutius* est arbitratus, veneno homines occidere, virorum manu ac ferro. Itaque purpuratum pro Rege deceptus, animo excelso ac intrepido interfecit. Captus, ad Regem protractus, genu non posuit, vocem ullam ingenerosam

nerosam non emisit, sed dextram magno Romanoque animo, igni torrendam præbuit, Regemque quem armata manu non potuit exusta fugat, hostibus documento, Romanos tanta fortitudine esse præditos, ut ne gravissimis quidem malis frangi, supplicisque exquisitissimis, ab officio deterreri, nedum ut à Patriæ conservationis studio, & amore dimoveri queant. O constantiam, ô robur! Avida nempe est periculi virtus & quò tendat, non quid passura sit cogitat. Jam quæ tam præclari facinoris præmia fuerint, si quis vestrum scire desiderat, amplissima ea fuerunt Auditores. Nam præterquam quod nominis sui famam æternitati consecrarit, hostem ipsum *Persenam* virtutum suarum habuit admiratorem, cui adeo præclarum hoc facinus visum est, ut salvum eum & incolumem ad suos remiserit, & Legatis Romam missis, obsidibusque datis belli finem fecerit. Ecqua vero laus major esse potest, quam quæ ab hoste ipso profecta? Hanc sane suo in *Anea* commendando, silentio præterire Poëta noluit, tum *Diomedem*, ut aliorum Trojanorum, ita & *Anea* capitalém hostem, sic de eo loquentem introducit:

*Munera qua patriis ad me portatis ab oris
Vertite ad Aneam: stetimur tela aspera contra,
Contulimusque manus, experto credite; quantus
In clypeum assurgas, quo turbine torqueat hastam.
Si duo præterea tales Idæa tulisset
Terra viros: ultro Iuachias venisset ad urbes
Dardanus, & versis lugeret Græcia fatis.*

Et ut homines perditissimos eos esse oportet, quos etiam amici plectunt, infamiaeque notam inurunt: Ita illi contra in optimorum numerum reponendi, qui factis Heroicis, sui laudes, hostibus extorquent, nec Romani ipsi hanc *Mutis* fortitudinem immunem esse voluerunt, sed cum prætis translyberinis, tum statuis erectis, munificentissimè condecorarunt. Exemplo Græcorum. Quantus enim honos *Leonida* habitus, qui ad *Thermopy-*
las

las ad tuendam libertatem, toti *Græcia* quasi signum sustulit? quantus ad *Plataei* rebus fortiter gestis *Themistocli*? quantus *Pericli*, *Iphicrati*, *Agésilao*? quantus denique *Epaminonda* delatus honos? Hinc coronæ olim castrenses, obsidionales, murales, civicæ, navales, rostratæ, triumphales; hinc ex auro atque argento torques, hinc tiaræ, trabes, fasces, secures, sella curulis, annuli, paludamenta quibus ingentia merita pensari solent: hinc in Theatris plausus, acclamationes; statuas, monumenta, omnia denique decora atque ornamenta, quibus & Latialis imperii dignitas emineret, virtutisque splendor esset illustrior. His artibus ad summam potentiam, & felicitatem surrexit *Virtutis Græcia*: his auspiciis crevit *Roma*, quantum ipsa virtus: Viderunt enim homines sapientissimi, nullam aliam virtutum, laborum, ac periculorum mercedem, à viris magnis desiderari, quàm gloriam, & nominis immortalitatem. Viderunt inquam strenuas, ac vegetas mentes, magnos tum edere impetus, & insignia capere incrementa, si præmiis afficiantur, vitæque hujus præsidia esse firmissima, & virtutum fomenta; nec aliam ego causam esse existimo, cur Romuli nepotes, ædes HONORI & VIRTUTI gemellas junctim locarint, rati ibi esse laudum præmia, ubi sint gloriosæ virtutis merita, nec cuiquam aditum patefecerint ad Honoris Templum, nisi qui virtuti rite litassent. Sed & vos Viri ornatissimi, hæc ipsa movebunt, ut non temere hanc dicendi provinciam super hoc argumento à me susceptam esse statuatis: cujus dignitati si mea non responderit Oratio, veniam mihi dari peto, cum nulli tanta sit dicendi vis, tantaque copia, qui laudes ejus exornare satis, nedum exæquare queat. Unum hîc opto, ut virtus illa, & animi fortitudo, quæ olim in *Scavola* fuit omni summa fortuna digno, in iis nunc reviviscat, qui patriam hodie in fluctibus & procellis his rerum, tutam, ac, salvam esse volunt,

hinc, proque ea animo excelso, & infraſto pericula adeant, pro imperio, pro libertate, pro aris & focis, ſanguinem ſuum profundere minime dubitent. Et profeſto, ſi præteritorum temporum memoriam replicemus, præſentemque Patriæ noſtræ ſtatum intueamur, eſt quod *Deo* gratias agamus, quod tales nobis dederit *Scavolas*, qui prodigi vitæ ſuæ excuſſo intolerabili hoſtium terra marique potentiffimorum jugo Patriam fortiffimè ab omni Tyrannide liberarunt, & aſſertam libertatem non minori fortitudine, quam prudentiâ arinis foris, & conſilio domi in hunc diem tutati ſunt. Faxit *Deus* optimus maximus vindex hujus Imperii, in cujus manu, & arbitrio, omnium poteſtatum fata verſantur, ut quam libertatem inſignis *Naſſoviorum* prudentia, procerum arma, civum, militumque egregia virtus, & ante omnia cæleſte illud Numen hætenus deſenſavit, tutam porro inviolatamque conſervent, qui nunc habenas Reip. moderantur, officiaque ſua Patriæ æternum conſecrent. Dixi.

O R A T I O XIX.

Qua negatur Nobili eſſe diſcendas litteras,

Habita à

P E T R O H O R T E N S I O.

QUod veſtrum in conſpectum prodire (Auditores) in præſentiarum non dubitavi, metuo ne ita accipiat, ut temeritatem hac in parte meam miremini, verecundiam deſideretis. Etenim cum in hac lectiffima doctiffimorum virorum corona nihil niſi elaboratum, & ſubactiore doctrinâ tinctum, proferri ſoleat, me vero vires infra expectationem veſtram longè ſub-

H

ſidant,

lae ad tuendam libertatem, toti *Gracia* quasi signum sustulit? quantus ad *Plataei* rebus fortiter gestis *Themistocli*? quantus *Pericli*, *Iphicrati*, *Agessilao*? quantus denique *Epaminonda* delatus honos? Hinc coronæ olim castrenses, obsidionales, murales, civicæ, navales, rostratæ, triumphales; hinc ex auro atque argento torques, hinc tiaræ, trabes, fasces, secures, sella curulis, annuli, paludamenta quibus ingentia merita pensari solent: hinc in Theatris plausus, acclamationes; statuar, monumenta, omnia denique decora atque ornamenta, quibus & Latialis imperii dignitas emineret, virtutisque splendor esset illustrior. His artibus ad summam potentiam, & felicitatem surrexit *Virix Gracia*: his auspiciis crevit *Roma*, quantum ipsa virtus: Viderunt enim homines sapientissimi, nullam aliam virtutum, laborum, ac periculorum mercedem, à viris magnis desiderari, quàm gloriam, & nominis immortalitatem. Viderunt inquam strenuas, ac vegetas mentes, magnos tum edere impetus, & insignia capere incrementa, si præmiis afficiantur, vitæque hujus præsidia esse firmissima, & virtutum fomenta; nec aliam ego causam esse existimo, cur Romuli nepotes, ædes HONORI & VIRTUTI gemellas junctim locarint, rati ibi esse laudum præmia, ubi sint gloriosæ virtutis merita, nec cuiquam aditum patefecerint ad Honoris Templum, nisi qui virtuti rite litassent. Sed & vos Viri ornatissimi, hæc ipsa movebunt, ut non temere hanc dicendi provinciam super hoc argumento à me susceptam esse statuatis: cujus dignitati si mea non responderit Oratio, veniam mihi dari peto, cum nulli tanta sit dicendi vis, tantaque copia, qui laudes ejus exornare satis, nedum exæquare queat. Unum hinc opto, ut virtus illa, & animi fortitudo, quæ olim in *Scavola* fuit omni summa fortuna digno, in iis nunc reviviscat, qui patriam hodie in fluctibus & procellis his rerum, tutam, ac, salvam esse volunt,

hinc, proque ea animo excelso, & infracto pericula adeant, pro imperio, pro libertate, pro aris & focis, sanguinem suum profunderere minime dubitent. Et profecto, si præteritorum temporum memoriam replicemus, præsentemque Patriæ nostræ statum intueamur, est quod *Deo* gratias agamus, quod tales nobis dederit *Scavolas*, qui prodigivitz suæ excusso intolerabili hostium terra marique potentissimorum jugo Patriam fortissimè ab omni Tyrannide liberarunt, & assertam libertatem non minori fortitudine, quam prudentiâ arinis foris, & consilio domi in hunc diem tutati sunt. Faxit *Deus* optimus maximus vindex hujus Imperii, in cujus manu, & arbitrio, omnium potestatum fata versantur, ut quam libertatem insignis *Nassoviorum* prudentia, procerum arma, civum, militumque egregia virtus, & ante omnia cæleste illud Numen hætenus defensavit, tutam porro inviolatamque conservent, qui nunc habenas Reip. moderantur, officiaque sua Patriæ æternum consecrent. Dixi.

O R A T I O XIX.

Qua negatur Nobili esse discendas litteras,

Habita à

P E T R O H O R T E N S I O.

QUod vestrum in conspectum prodire (Auditores) in præsentiarum non dubitavi, metuo ne ita accipiatis, ut temeritatem hac in parte meam miremini, verecundiam desideretis. Etenim cum in hac lectissima doctissimorum virorum corona nihil nisi elaboratum, & subactiore doctrinâ tinctum, proferri soleat, me vero vires infra expectationem vestram longè sub-

H

sistant,

fidant, forsitan ab ingenuo adolescentis pudore, plus nimio recessisse vobis videbor. Sed animum mihi addit in suscepta hac dicendi provincia, cum singularis vestra humanitas, tum argumenti novitas, quæ, si quid ingenio meo, aut dicendi facultati deesse videri possit, abundè compensabit. Nobilem enim hanc quæstionem diu agitatam, ventilandam in animum induxi: *Nobili ne discenda sint litera*. Cumque variz etiam doctorum super hoc argumento sint sententiæ, ego non literas discendas, sed militiam *Nobili* sequendam, & arma tractanda esse ostendam, non quidem quantum causæ necessitas, & negotium hoc arduum exigit, sed quantum ingenio mei tenuitas, & temporis ratio feret. Aures interim mihi præberi à vobis, qua possum animi demissione, peto. Quid mihi? imo verò Veritati, quam non fileri, non dissimulari patiar, longiusque in profundo *Democriti* puteo demersam latitare, sed in auras educam, omnibus eam nude conspiciendam proponam.

Si Philosophiæ principia consideremus, digitoque ad fontem intento, ab ejus origine ordiamur, quem quæsolatere potest, primos ejus inventores, & autores fuisse *Graculos*, homines dico ociosos, fabulis suis, commentis, ac deliriis ita infames, ut non minus vere quam eleganter de iis Poëta:

Quid non confingit nugarum Gracia mater.

Item: ——— *nil curat dicere verum*

Gens hac, & tota est monstris, ac dedita nugis.

Quid autem ineptius, quid nugacius quam iis curiose indagandis operam impendere, quæ si ignores nihil eruditioni tuæ decedet, si scias nihil accedet, & nec doctior ulli videberis, nec melior: quem nempe numerum remigum habuerit *Ulysses*: quot navibus *Graci*, ad oppugnandum *Ilium* accesserint; quot filios habuerit *Priamus*; *Helenam* ne raperit *Alexander*, ut *Homerus*, an *Helena* simulachrum,

mulachrum, ut *Euripides* prodidit: prior scripta sit *Ilias*, an *Odyssea*: quot & qua *Roma* sint scilicidia, quot aqua-ductus: Qui *Dii* majorum, qui minorum gentium: qua *Templa* honori eorum consecrata, qua festa, qui dies: qua convivium, fercula, dapas? Adhac (ne quid scilicet in literaturahac, & arcanis sapientia *Veterum* indictum elabatur) qua praeclara Deorum olim facinora: qui raptus, incestus, adulteria *Iovis*, mutati nunc in taurum, cum raperet *Eurypam*, nunc in aquilam, cum *Ganymedem*, nunc in aureum imbrem, cum *Danaën*, Regis *Acrisii* filiam, constupraret, & id genus alia à Poëtis memoriae prodita, non vana solum & ridicula, sed impia, & obscœna, totidemque irritamenta malorum, & illicia non ad virtutem, sed libidinem. Taceo absurdissimas opiniones de æternitate *Mundi*, de atomorum confluxu, de *Pyrrhonia* omnium rerum dubitatione, dum alius *Mundum* hunc, & quicquid in eo continetur, putat ex temerario quodam minutissimorum corporum concursu coaluisse, qui si vel unam earum, quas somniabat, atomum cerebri habuisset, nunquam ista tam stultè, incogitantèrque scripsisset. Alius æternum esse eum, neque desitutum unquam, neque exordium ducentem ab ullo temporis principio; non animadvertens hac ratione illam, à qua ipse tantopere abhorrebat infinitatem induci. Alius de animo humano loquens, eum cor ipsum esse dicit, alius cerebrum, alius cordi suffusum sanguinem, alius spiritum innatantem sanguini, alius harmoniam quandam, alius numerum sese moventem, ut mihi ista consideranti certamen aliquod insaniz suscepisse videantur. Ita ex hoc tam confuso, tam multiplici terribilium opinionum veluti cinno, nihil fere colligere possumus, nisi semper uberrimam messem hominum variè delirantium fuisse. Quid *Epicurus*? interire animos putat, nefas ratus, cum tam multa sibi cum suis convenirent, se hoc uno ab iis interesse.

Stoici longam eis vitam, ut cornicibus, sed non perpetuam tribuunt. *Pythagoras* vero, remanere quidem illos docet; sed ex corporibus in alia migrare corpora, aut idem sit forte hodie gallus gallinaceus, qui tempore belli Trojani fuerat *Agamemnon*; & nunc porcus, qui olim *Epicurus*. Quæ cum ita se habeant, quis si serio hæc ad animū revocet, non videt, nihil in iis esse, quod tantopere vel tenuioris fortunæ, & è trivio homines discendi cupidos moveat, nedum *Nobiles*, ut operam suam in iis capessendis collocent, quæ jam pridem apud æquos rerum æstimatores in contemptum venerit?

Sed ut vos, Auditores, in rem præsentem quasi manu deducam, intuemini quæso, & mecum expendite, egregia litterarum, quas tantopere nonnulli admirantur, effecta. Quid? nonne teste magno illo doctore gentium *Paulo*: *Scientia inflat*? Et quid fastu, quid superbia odiosum magis apud cordatos omnes dici, aut excogitari potest? Quid in Rep. quid in societate humana perniciosius? Unde enim æmulationes, diffidia, contentiones, similitudines, factiones, odia, nisi ab hac animi elatione, qua inflari velut vento utres, se solos sapere, reliquos vappas putant, imo nugas, & quifquilias hominum? At quam hæc talia parum conveniant *Nobili* bene nato, quis adeo non à ratione solum, sed & à sensu communi derelictus est, qui non videt? Quem eo submissiorem esse oportet, quo titulorum, & imaginum splendore, generis celebritate, & prosapiæ suæ fama, celsius assurgit. Certe Filius *Dei*, æterna illa Patris sapientia, ad cujus voluntatem tanquam unicam fidei, & vitæ nostræ normam, actiones nostras, studia. vitam dirigere debemus, non *Democriti* placita amplecti nos veluit, non *Epicuri* dogmata sectari, *Platonis* idæas, & numeros admirari, *Aristotelis* argutias exosculari; sed ad *Mosē*, ad Scripturas, ad sacra Prophetarum, & Apostolorum oracula nos revocat, & iis legendis, meditandis, scrutandis, omne
studium,

studium, omnem operam, & industriam impendere nos iussit. Quid Apostolus; Quanto animi affectu, quanta cura, & sollicitudine *Collossenses* suos nominatim monet, & obtestatur, ut quam ipsis cara, & accepta est salus animarum, tam studiose sibi caveant à Philosophorum strophis, quæ acumen irritum exercent, ne iis irretiti, incidunt in errorum labyrinthos inextricabiles.

Sed quorundam mihi videor hic audire susurros, qui hanc tam manifestam veritatem allatrare non erubescunt. Nihil ne ergo, inquit, *Nobilibus* tentandum erit, nihil agendum, nihil discendum? in alto & supino otio vitam suam, & ætatem transigent? poculis, aleis, friillis, choræis, tædia temporis discutient? Quasi vero nihil in terris occurrat, nihil in hac *Mundi* palæstra in quo cum laude se exercere, & ætatem suam traducere queant. Alia, alia inquam longe nobiliora sunt studia, ad quæ animum, mentemque applicant. Ea vultis producere Auditores? Arma sunt, in quibus tractandis indies occupantur, idque unum student ut velitationibus, expeditionibus, obsidionibus intersint, ut ad subitas irruptiones faciendas, hostesque fugientes prosequendos, alacres sint, ad occupandos muros, & moenia expugnanda expediti, ad pugnam acres, ad sustinendos aperto Marte impetus constantes, equitatu validi, pedestri prælio strenui, navali pugna fortes, & ad insidias, ac stratagemata, machinasque bellicas inveniendas callidi, verbo quibus non indecoro pulvere sordidis pugnare deliciae sunt. Quid enim *Nobili* maiorem conciliare laudem, quid majori illi ornamento esse potest? quid Principis gratiam magis demereri, quam præclara ejus per arma, & in armis facinora? quæ nominis ejus famam, fortitudinis alis subvectam, in ultimas terrarum oras diffundant,

— — — *qua medius liquor*
Secernit Europen ab Afra,

Qua tumidus rigat arua Nilus.

Quid profapia ejus, quid honore illustrissimæ propaginis, quid familia dignius, quam in gerendis bellis inter armorum strepitus, inter Mavorrios furores, inter lituos & classica, inter tubas & tympana, inter faces globosque, galearum hastarumque concursus versari, hostem lacescere, adoriri, inire prælium, hyemem, æstatemque juxta pati, sub dio morari, nimbis, ventis, nivibus, procellis exponi, & de reportatæ suæ victoriæ trophæis gloriari? Hæc, hæc vera est illa *Nobilitas*, quæ Nobili nomen, decusque conciliat. Hæc veræ imagines quæ famam ejus devovent æternitati. Non aliam inierunt viam viri altioris indolis, & genii, & quicumque unquam *Nobilitatis* nomine, ac titulo claruerunt. Tales inter Græcos olim fuere *Agamemnon, Achilles, Vlysses, Ajax, Themistocles, Epaminondas*. Inter Romanos *Camilli, Scipiones, Emilii, Fabii, Marcelli, Coriolani*, & si quæ alia in Annalibus memorantur avara famæ pectora; & nomina haud ingloria, nec seculo inficianda, sed tanquam Martis miracula æternitatis tabulis inferenda. Qui certe omnes non ab otio, non ab agricultura, non à literis, non à studiis Philosophiæ, sed ab armis *Nobilitatem* suam traxere, rebusque strenue ac fortiter gestis, memores illius Poëtæ: *Tu regere imperio populos Romana memento*. Si dubitatis Auditores. Quid? nonne testantur hoc ipsum, familiarum insignia, in quibus non libri, non plutei, sed hastæ, galeæ, clypei, ocreæ, calcaria; non doctorum effigies, non *Palladis* imago, sed *Martis*, aquilæ, leonis, ursi, tigris, & his similia conspiciuntur. Ut vel inde liquido appareat, nullam esse palæstram, nullum circum, in quo *Nobilitas* licentius excurrat, nusquam quoque magis se prodant virtutes, quæ *Nobilitatem* ornant, quam in campo Martio, in quo de Exercitu, de Castris, de Agminibus, de Signorum collationibus, de Oppidorum op-

pugna-

pugnationibus de cuniculis subterraneis, de com-
meatu, de insidiis faciendis, atque vitandis, de
spoliis bello partis, agi & dissertari solet.

Magnum quid hic affirmare videor, sed atten-
dite quæso, & me latine, hoc est candide, & ro-
tunde loqui intelligetis: Placet ordiri à pietate
(nam tritum illud poëtz, qui omnem pietatem
arcere videtur, ab iis qui castra sequuntur, flocci
pendo) quis Abrahamus ille omnium fidelium pa-
ter? miles fuit. Quis ille cujus gratia flumina ipsa
constiterunt, cuique lucida illa sidera, mican-
tesque illi ignes Sol, & Luna, operam suam dare
non dubitarunt? miles fuit. Quis *Ionathan*, *Eze-
chias*, qui Reges alii, qui Judices? milites fue-
runt. Et ut ex novo Testamento luculenta aliqua
producam exempla, potuitne cujusquam unquam
pietas, fides, charitas Christiana, laudari ma-
gis, & commendari, quam Centurionis illius in
Evangelio? & *Cornelii* in Actis Apostolicis? quo-
rum elogia, non ab homine profecta sunt, sed à
Dei filio, & ab Angelo.

Sed ut eo, unde mea nonnihil digressa vide-
tur Oratio, revertar; Quid, obsecro, vos Audi-
tores, *Nobilem* alliciat, quid eum moveat, ut stu-
diis, & literis assidue impallescat? nunc ad *Ari-
stophanis*, nunc ad *Cleanthis* lucernam lucubret,
& in musæo suo librisque abditus, tanquam claudus
furor, totos dies delitescat: nunc Grammatista
in syllabis & vocibus ætatem agat, & de minutis
præceptiunculis, & spinosis ineptiis, cum *Pri-
sciano*, & loquendi regulis contendat; nunc in
logicis addiscendis desudet: nunc rhetorculus &
vanus aucupator gloriolæ, stili exercitationibus
se marceret, nunc *Bartolum* aut *Baldum*, & ne-
scio quos Legulejos in forensi pulvere volutatos,
evolvar, anxiusque, ac frivolis in Jure quæstiun-
culis insenescat. Aut cum Mathematicis scrutetur
quot hordei granis primum Mobile à terra distet.
Sed cui bono hæc omnia? quæ subtilius est com-

templisse, quam solvisse. Et quid cum, ad hæc studia impellat? Opes, honores, dignitates? sed quam fere, ii qui literis dediti sunt, lucubrationum suarum, & laborum mercedem referunt? quæ alia obsecro vos præmia, quam inopiam, & paupertatem ut esuritioni servati videantur? Exempla si vultis, Auditores, passim obvia sunt. *Socrates* Philosophorum ille princeps & paganæ sapientiæ fons, qui oraculo *Apollinis*, Græcorum habitus fuit sapientissimus, ex cujus schola, tanquam ex equo Trojano, *Plato*, *Aristoteles* *Xenocrates*, aliique innumeri viri magni olim prodire, in tanta rerum angustia, & nummaria difficultatis incommodis vixisse fertur: ut præter palliolum depexum, ac obsoletum, nihil fere possederit. Quid *Diogenes*? fuit is quidem quod inficias non eo, etiam celeberrimus, & omni doctrinæ genere instructissimus. Sed quid illi icato, ut videtur, *Mercurio* nato, Philosophia profuit? quem fructum, quam utilitatem ex literatura sua cepit? quæ inde ad eum redierunt emolumenta? Si *Hieronymo* Patri, habenda fides, eum tam pauperem, pannosum atque omnium rerum egenum fuisse legimus, ut non modo cibum καθ' ἡμέραν mendicando quæriraverit, sed & febriculosa ostentatione, dolio pro domicilio usus sit, pediculorum sordidus, at benignus hospes, solaque hac supellectile instructus, patera nempe lignea, ad hauriendam aquam quam biberet. O infelices litterarum cultores, ô jejuna doctrinæ præmia! ô pauperes *Musas*! καὶ ἀντὶ χρυσῶν χάλκισα.

Valeant igitur, valeant inquam, erudituli illi qui præstantiam litterarum dum per omnes studiorum ordines ærumnosas conterunt ætates. tantopere extollunt, excellentiam commendant, utilitatem deprædicant, & qui *Nobili* armorum magis gloriam, quam Musarum æmulanti, literas discendas, imo in iis totum vitæ curriculum consumendum esse arbitrantur. Nihil enim ad Regni decus,

cus, & Reip. salutem tuendam faciunt, Grammaticam didicisse, Latinis litteris, aut *Græci* incurbuisset, Philosophorum somnia, ac deliramenta replicasse, & ampullis verborum replevisse tribunal, mentesque heroicas horis & clepsidra ælfigasse tanquam mercenarias, & servas, inter *Orbium* minas, ferulas, virgas, oscitantium Magistrorum nanias, & importunos commatum latratores, dum circa res frigidas inurilesque, & ut verbo dicam circa ea quæ nihili sunt, occupantur. Arma tractet *Nobilis*, galeam capiti imponat, thoracem induat, Rubiconem transeat cum *Cæsare*, alpes cum *Annibale*, urbem, patriam, aut Remp. defendat cum *Camillo*. Ad hæc in castrorum locatione, in fossis excitandis, in castellis & propugnaculis muniendis, in excubiis, in agminibus constituendis, in acie, in expeditionibus ordinandis se exerceat: tum quid in præliis inter tympanorum & tubarum: tormentorum immanes strepitus, & boatus, quid in stratagematis, in mœniū, urbiumque expugnationibus, facto opus, quid observatum dignum sit, expendat. Nemo enim commodius, & majori cum laude, ad summa Reip. gubernacula provehi potest, nemo dignius, & majori cum civiū utilitate, ad amplissimos munerum publicorum honores extolli, quam qui intelligit, quæ vitanda sint, quæ amplectenda, quæ regnum labefactent, dissipent & evertant, quæ imperiū fulciant, stabiliant, conservent, & qui, quando, ubi, quomodo, quibus copiis, qua acie dimicandum, qua ratione latera, tergaque subsidiis firmanda, qui milites in fronte, si periculum immineat, collocandi, quæ loca præsidii occupanda, longo rerum usu, & experientia observavit. Argum enim esse oportet qui Dux est, & in tergo, in fronte, in capite, in pedibus oculos habere. Et si interdum se recreare, ei sit animus, equum conscendat, bucephalum cum *Alexandro* ferocientem domet, cum *Cyro* venetur, & cum *Ascanio*, *Bellerophonte*, *Castore*, *Erichthonio*.

H 5

(quæ

(quía ocii sua tristis est , atque ægra patientia)

mediis in Vallibus acris

Certe equo

Spumantemque dari pecora inter inertia votis

Optet aprum, aut fulvum descendere monte leonem.

Hæc, hæc illa sunt exercitia, quæ *Nobilitatem* spirant, quæ *Nobilem* nomine, ac meritis insignem decent, quæ robur illi, quæ firmitudinem animi conciliant, quæ nullæ gladiatorum dimicationes, nulla Athletarum certamina, nulla Olympicorum cursuum stadia, nullæ arenæ, nulla curricula, nullæ pugilum luctæ conferri possunt. Hic enim, Auditores, virtutum officina, fortitudinis palæstra est, hic latus gloriæ campus, hic pugna, hic victoria. Contra quis adeo omnium rerum ignarus est, qui non videat, non intelligat, animos effæminari, & mentes ab innata sibi generositate degenerare, & ad segnitiam delabi, literarum institutione? quæ umbratici hominis magis, quam *Nobilis* laus est. Quid quod & hoc (ut alia omittam) non levem literis notam inurit; quod Principes, & ii fere qui rerum gubernacula tractant, nimium se admirari solent, & plerique scientiæ typho sic insolescunt, ut neminem etiam in rebus gravissimis, in consilium adhibeant: rati doctrinæ suæ, & eruditioni tantum derogari, si alios audiant. Quod animadvertens *Ludovicus* ejus nominis undecimus, *Galliarum* rex filium suum literis erudiri noluit, ne plus nimio sibi placens & tenacior sui sensus, prudentiaque sua confusus, aliorum consilia, & monita salutaria respueret. Sed quid in re omnium clarissimâ, faciem vobis accendo? Res ipsa loquitur Auditores? Ac ne attentione vestra abuti videar, hoc uno exemplo finem dicendi faciam. Quis Imperatorum *Iustiniano*, aliquot retro seculis, rerum gestarum gloriâ illustrior fuit, prudentiâ major, & imperii finibus prolatandis augustior? Non enim *Persas* solum tumultuantes compescuit, *Vandalos* ex *Africâ* eiecit,

ejecit, verum etiam *Gothos* bellicosissimam gentem fudit, ac profligavit. Sed insignem illam nominis famam, quam ex tot tantisque victoriis reportavit, non illi philosophia peperit, non studia literarum, non eruditio, sed arma. Remp. enim Romanam iustissimè, ac felicissimè administravit, tum foris, tum domi, litterarum nescius, & imperitus.

Quare cum literæ ociosorum hominum inventa sint, cum Græcos literiones, famosi illos nugaculos, autores habeant, cum nullam cultoribus suis afferant voluptatem, nec ignorantibus nocent, nec scientem juvent: mille contra eas comitentur incommoda, labores, vigiliæ, lucubrationes, & ex umbratica ista, & sedentaria vita, cruditates, & morbi originem suam trahant: eum literatis morositatem pariant, superbiam, fastum, aliorum contemptum, & levia sæpe sint studiorum præmia, imo nulla; contra tractandis armis, aditus cuius pateat ad honores, neminem vestrum, Auditores, tam imprudentem esse existimo, qui *Nobili* artes inertes, & literas discendas esse arbitretur. Cogitate quibus in rebus, vera consistat *Nobilitas*, quæ ei convenient exercitia, qui labores. Moveant, moveant, inquam, vos quorum indoles nihil vulgare sperat spiratque, tot præclarissimorum, & insignium heroum exempla, qui certe nunquam ad eum honoris apicem assurrexissent, nunquam rebus strenuè gestis, eam nominis sui famam, ad posteritatem propagassent, nisi posthabitis disciplinarum studiis, se castris, & armis devovissent. Moveant virtutes illæ pulcherrimæ, quæ in hoc vitæ genere conspiciuntur sæpius, quam in quovis alio. Multorum exempla intuemini, qui è Scholis progressi magis avarè, superbè, crudeliter, tyrannicè quam literarum rudes imperarunt? Quid? Nonne *Dionysius*, *Nero*, *Caligula*, *Iulianus* ut doctrina, & eloquentia insignes, ita summi pietatis,

honestatis, justitiæ hostes, & non homines, sed teterrima monstra extiterunt? Hinc opinor prudentissima *Atheniensium* Resp. Ostracismo est usa, quod perniciosos eos judicaret, qui reliquis doctiores, & prudentiores, aut essent revera, aut videri saltem vellent. Et *Spartani* literas, literatosque omnes Vatiniano odio sunt persecuti; nec injuria. Nam otium & molliem nulla re facilius in animos irrepere, quam via hac literarum, omnino est fatendum. Moveant vos denique, Majorum vestrorum exempla, qui nunquam ad consilium, nisi armati accesserunt: ignavi ac degeneris animi esse putarunt circa vilia occupari, & rei familiaris & domesticæ cura, senibus, ac feminis relicta, bellis se totos consecrarunt: sub parentum denique, conjugum, liberorum, consanguineorum oculis, in conspectu Patrum patriæ, pro Reip. libertate, pro aris, & focis, aut pugnando vincere, aut strenuè mori honorificum duxerunt. Quod si olim apud Romanos illi qui Remp. consiliis suis aut auxerant, aut defenderant, aut conservarant, immortalem gloriam consecuti sunt, quanto magis isti qui pro commodis, & fortunis Reip. tot tantisque laboribus, ac periculis offerre sese, & pro salute patriæ vitam, ac salutem suam in discrimen ultro conjicere, non dubitarunt, laudem sempiternam, & decus immortale promerentur? Horum exempla si imitemini, tum demum insigni *Nobilium* nomine, ac titulo digni judicabimini, & antiquam illam Majorum vestrorum gloriam, tot laureis, tot adoreis comparatam, & ab oblivione vindicatam, magna vestra cum laude, ad posteritatem transmittetis. Dixi.

O R A T I O XX.

111

Qua affirmatur Nobili discendas esse literas ,

recitata à

N I C O L A O H E U S S E N I O.

SI homines remota erroris nebula, oculis in-
stueri possent litteraturæ, & eruditionis præ-
stantiam, insignes sui amores apud genero-
sas mentes excitaret: contra justum odium, &
fastidium, ignorantix turpitude. Sed ea est hu-
mani ingenii cœcitas, ea perversitas, ut fere
illecebris, ac leociniis maximæ parti mortalium
opus sit, quibus invitentur ad litteras capeffen-
das. Hoc sine Natura indidit magnanimis pectō-
ribus ingenium gloriæ cupiditatem, quæ sti-
mulus esse solet, & calcat quo sublimes animæ
concitantur ad studium literarum, queis tan-
quam regia via grassentur ad honores, & nominis
immortalitatem. Sed ut ex quovis ligno non fit
Mercurius, & invitâ *Minervâ*, nihil temere ten-
tandum: ita ingeniorum delectus, si usquam,
hic habendus est. Cumque ita natura fere com-
paratum sit, ut *fortes creentur fortibus; nec imbel-
lem feroces progenerent aquila columbam*. Nobiles-
que, & generosæ animæ, mores suos, & in-
genii dotes quibus excellunt, in liberos tanquam
prosapix suæ, & stirpis propagines, plerumque
transfundant, ac propterea longe præ aliis ido-
nei sunt, qui in castris Musarum, stipendia faci-
ant, animumque adjungant ad studia literarum.
mirari fatis nequeo, inveniri homines hodie,
tam ab omni ratione, tam à *Musis* alienos, &
honestatis sensu derelictos, qui *Nobiles* ad lau-
dem, ac decus natos, Sacris his, arcendos esse
censeant, nihilque minus convenire iis, qui
illustri genere oriundi sunt, quàm ut in literis

se.

se exerceant . & ad eruditionem , quam illi male feriati jam pridem ex Aularum vestibulis , Regum palatiis , atriisque Magnatum exterminatam vellent , enitantur contemptores scilicet honestarum artium , & quorum voto jamdiu Doctrina omnis sit funus. Ego , Auditores , qui *Nobilium* , & eorum quæ vere nobilitant semper fui observantissimus , hujus sententiæ iniquissimæ , nulla omnino facundiæ , quæ in me exigua , imo nulla est , sed causæ fiducia fretus , cum summa voluntate , animique ardore , & omnium vestrum expectatione refutator accessi , ut literarum non solum dignitatem strenuè ac fortiter asseram , sed & à *Nobilibus* , præ aliis amari , coli , tractari debere , contendam. Quod tanto confidentius facturus mihi videor , tanto etiam alaorius , si institutum meum favore vestro muniat , cujus tanquam *Mercurii* caduceo armatas hostium phalanges aut penetrare possim , aut in fugam conjicere. Quod cum vultu mihi polliceri videmini , quæso ut mihi qua estis humanitate , bene velitis , & quæ dicentur , qua estis æquitate , candide interpretemini.

Primum itaque hoc mecum , Auditores , expendite , cum ea literarum dignitas sit , ea præstantia , ut sine iis quid Homo sit , & quid in homine divinæ illæ particula auræ , quid Dei imago , intelligi nullo modo possit , non equidem video , quæ ratione mortalium quisquam iis carere possit , quæ facem vitæ , lucem artibus , & rebus omnibus humanis præferunt. Nautas videtis à Oculi illis semper , in helicen , aut Cynosuram : ita Nobilibus mens in eruditionem non aliam quærere debent studiorum suorum , ac laborum palmam. Hæc unicum in viâ viaticum est , unicum in vitam præsidium , quod cum naufragio enatat , & ad summam (ut res sunt humanæ) angustiam redactos comitatur , vel ad ultimam *Thulen* , & ad extremos *Garamantæ*. Hæc veræ mihi , & solida videntur

tur bona: τὰ δὲ λοιπὰ πάντα προσθήκη Etenim divitiarum ne bona quidem sunt, sed prout est animus qui eas possidet vel in laude, vel in vitio positæ sunt. Quæ gloriæ ac dignitatis speciem habent fugacia sunt. caduca sunt, bracteata sunt. Eruditio illis omnibus dignior, & præstantior est. Hæc illa est suppellex, quæ non ante Dominum suum, quam vita destituit. Cui prætextam ego nullam, nullam purpuram antepono. Hanc qui possidet, Mundo ipso major est, supraque instabilem longæ mundi ævæ evehctus, est rerum humanarum vicissitudines, magno erectoque animo despicit hæc inania, & vana terrarum, quibus non aliter homines plerique alligantur quam stulti straminis, vel exigui filii nodo, aut pueri astragulis suis, & crepundiis. Certe inter alia quæ cœlitus dona accipimus illustria, in primis illa & quasi divina sunt, quæ in literis, & disciplinis consistunt, quibus homines non solum se brutis præstant, sed à rudi etiam, & ignobili vulgo ita distinguuntur, ut tanquam dii in terris, præ aliis longe eminere videantur. Non omne metallum magnes, non omne itidem ingenium, genius *Musarum* trahit. Lucrum alios, & sagina inutilis, insatiabilis avaritia, fastus alios & ambitio, alios vota profana vulgi, transversos rapiunt. *Nobiles*, qui *Musarum* cultores sunt, vanas istas, & insipidas mentes magno iudicio, pari animo fastidiunt. Quàm enim in lubrico, totum hoc blandientis fortunæ opus! quàm fallax, & anceps alea splendentis luti! & quid hæc omnia quæ admiramur stulti, & suspicimus in turbido hoc rerum humanarum pelago? stant, cadunt, veniunt, abeunt, & cum affluxisse tibi credis æternum mansura, quàm repentina sæpe ea calamitas, & miseranda vicissitudo consequitur! Opes etiam supra omnium *Crassorum*, & *Lucullorum*, nisi virtute partæ, & huic innixæ quàm levi momento (ut sunt res humanæ) dissipantur, ac pereunt? Fulciri debent, & quo alio fulcro, quam sapientiâ, sine

sine qua opes qui habent non tam eas possident , quam ab iis possidentur , vinculis istis , & velut compedibus compediti , sibi oneri , aliis inutiles . Quantum itaque opprobrium , quantum dedecus arbitramur , spoliare Nobilem iis ornamentis , exuere iis insignibus , privare iis adminiculis , sine quibus ille nec nominis sui dignitatem tueri , nec munere suo fungi , aut Magistratus honorem sustinere , quid Magistratus ? imo vero nec hominis appellationem mereri possit ? Quo pacto obsecro vos verba publice facere , legationes cum laude obire , praterita tenere , futura prospicere , quid in omnibus rebus factu optimum sit videre , & alia ex aliis colligere poterunt nisi qui hæc sibi de litterarum fontibus haurienda omnia existimaverint ? Quomodo pro tribunali , Judices esse boni poterunt , qui neque jura , nec leges viderunt unquam , aut didicerunt ? qui quid melius , quid pejus , quid aut obsit , aut prosit , ignorant ? Quo modo bonis præmia , malis poenas distribuent , lancem & gladium justitiæ temperabunt , quo modo jus docebunt , aurem alteram Actori , alteram Reo præbebunt , quod rectum est colent indocti & illiterati ? qua ratione Religionem , ritus , statuta Reip. & amabunt , & defendent , qui quænam horum omnium conditio sit , & natura non intelligunt ? *Hannibali* magno illi belli duci deridendum se præbuit *Phormio* , quod cum nunquam hostem , nunquam castra vidisset , de militari tamen disciplinâ , & belli muniis , tanto coram Imperatore differere non dubitaret . Quanto vero majori risu , imo reprehensione digni sunt *Nobiles* illi , qui cum ad Reipub. administrationem nati sunt , & imperium in alios , tamen nihil propemodum retinentes præter umbram magni nominis , & inania dignitatis , quid imperare sit nesciunt ? qua ratione in ferendis sententiis , quid æquum , quid iniquum sit videre poterunt , in dirimendis litibus , quid legibus consentaneum , quid ab iis alienum . nisi

litteris

literis ipsi tincti, imbutique fuerint. ad quas hi tales cæcutiunt tanquam noctua & talpa ad Solis facem. *Nobilem* sane quendam memoriæ proditum, cum literaturæ omnis rudis esset, perturbantè admodum, & facete se excusasse, quod una eademque manu, librum, & gladium tractare non didicisset. Sed quanto melius *Alphonsus* ille *Arragonum* Rex, vera *Nobilitatis* imago (omnibus belli ac togæ dotibus, ingeniique ac studiorum eminentissimus, qui nihil in vitâ, nisi laudandum, aut fecit, aut dixit ac sensit) qui interrogatus à quodam, utri rei plus se debere fateretur, libris an armis: *ex libro* inquit, *& arma, & armorum jura didici.* Non enim manu solum in bello res geritur, sed consilio; & prudentia cum eruditione conjuncta, qua vacillante, labascit ipsa soliorum majestas, & evilescet sceptrorum reverentia. Proditum memoriæ est, *Epaminondam*, ducem militiæ fortissimum, acerrimumque, inter literas natum ita atque educatum fuisse, ut ipsa hæc scientia. causa fuerit rerum ab eo præclarissime gestarum, cum philosophiam sine mollitie aut desidia sequeretur, eamque Magistram ad robur, & prudentiam faceret. Ita *Casarem*, *Trajanum*, *Hadrianum*, non rudes, non ignaros, sed insigni rerum, & literarum cognitione imbutos fuisse accepimus: Et *Mithridatem* illum veterum *Ponti* regem, tenuisse duas & viginti linguas, sic ut omnes subditos, quemque sua dialecto, prompte, & scienter alloqueretur. Et ab *Aristotele* quis nescit, magnum illum terrarum domitorem *Alexandrum*, *Dionem* à *Platone*, à *Polydamante* *Hectorem*, à *Phanice* *Achillem*, ab *Isocrate* *Nicoclem*, à *Nestore* *Agamemnonem*, à *Xenophonte* *Cyrum*, *Constantinum* à *Lactantio*. alios ab aliis, duces fortissimos, institutos fuisse non alio certe fine. quam ut tanto prudentius, ac feliciter regerent. Nam cum maximam victoriarum gloriam, consilia sibi jure vindicent, quæ illa sodes dementia est, & pertinacia non toleranda,

leranda, literis, & nobilioribus disciplinis, in castris, & tentoriis Principum, nullum locum relinquere? Quid credimus nobilius in re bellica esse, quam scientiam instruendæ aciei, vallorum, machinarum, & tot, tantorumque quæ usus exigit, instrumentorum? Atqui ex *Matheſi*, celeberrima illa doctrinæ parte, hæc sunt: Eaque tradidere olim homines eruditi *Ælianus*, *Vitruvius*, aliique, qui ob tantum beneficium Reges, Principesque habuerunt debendi reos. Hæc ea est cura, quæ magnam illam *Cæsaris* Dictatoris, quæ nepotis ejus *Octavii* celsam animam fatigavit, qui inter castra; atque inter classicorum strepitus libris invigilarunt. Eadem cura *Lalium* & *Scipionem*, duo bellifulmina, versabat. Aliter longe cum *Cajo Mario* comparatum, cujus hæc efferata fuit, & indigna hono cive vox: *non placere sibi literas*. Sed quid fecit Sapiente dignum? Sanguine, exdibisque, & mille malis Remp. implevit, & crudelitatem in omnes exercuit: Homo factiosus, inquietus, truculentus, qui si doctrinæ præcepta vel leniter attigisset, didicisse poterat vim neque amicis, neque Patriæ afferre oportere. Regium profecto, & nunquam satis laudandum *Agamemnonis* olim erat votum, qui ut *Trojam* facilius expugnaret, non *Achillis*, aut *Ajaci*, sed *Nestoris* decem similes optabat? Regia quoque Principis eruditissimi vox, cum literis ad *Aristotelem* datis testari non dubitaverit, nulla re, aliis præstare posse, quam literis. Hinc doctrina & optimarum rerum scientia alios superare malebat, quam armis, & in expeditionibus suis non unum, non paucos, sed plurimos eruditione, & prudentia præstantissimos viros secum ducebat, quorum consilio ad necessitatem, & quorum conversatione ad voluptatem vere regiam uteretur. Hic delato ad se iuter opes *Darii* scriniolo, auro gemmisque cultissimo, amicis percontantibus in quem usum illud esset destinaturus, respondit: *huic opti-*

me servanda dabitur Ilias Homeri, innuens nullum sibi thesaurum literis preciosiorem videri. Quo etiam tantopere delectatus fuit, ut *Homerica* illam *Iliadem*, viaticum militiae suae dixerit: quam vigilans nunquam è sinu deponebat: dormiens nunquam deserebat, sed sub pulvino suo positam tanquam individuum comitem, & sociam vitae habebat. In eadem olim sententia fuit Imperator *Augustus* omnium eruditorum fautor, æstimatorque eruditissimus: unde & ab ineunte ætate, & à puero cupidius literas: quam arma tractavit. Cujus exemplum imitatus *Carolus* ille magnus, ad tantum doctrinae apicem, indefesso labore, vigiliisque assurrexit, ut in linguis, artibus, disciplinis, inter Principes, & Nobiles sui temporis vix habuerit parem. Quid successores ejus? Majorum suorum virtutis æmuli, multis cum studiis, tum sumptibus ingenuas artes usque eo coluerunt *Ludovici*, & *Frederici*, ut græce & scribere, & loqui potuisse referant historiæ monumenta. Ac ne hic in medium producam magna illa Græciæ lumina, *Periclem*, *Themistoclem*, *Epaminondam*, qui generis sui claritatem virtute superarunt, Romani Imperii columina *Scipiones*, *Lucullos*, *Pompejos*, *Fabios*, *Marcellos*, aliosque innumerabiles, oculis vestris subjicite, *Stephanum* in *Polonia*, *Franciscum* ejus nominis Primum in *Gallia*, *Amadaum* in *Sabaudia*, *Maximilianum* in *Germania*, omni elegantis doctrinae genere mirifice excultos, qui inter tot Imperii onera, quibus vel ipse *Atlas* sustinendis vix par esse queat, inter tot curas nullam pene dieculam sine linea, quæ ad ingenii cultum, & literarum studium pertinet, elabi, passi sunt: Illam denique nunquam satis deprædicandam Heroïnam in *Anglia* *Elisabetham*, in qua quid literæ humaniores potuerint, paulisper mecum expendite. Certe si quis unquam inde ab ultima vestigare, dignus exstitit, omni cultu, ac veneratione, principem in hoc ordine locum jure sibi vendicat.

Cujus

Cujus heroicæ virtutes, non solum invidiam vicerunt, sed & mortale fastigium, supergressæ sunt. Quod enim unquam imperium felicius administratum, quam eruditissimæ hujus Reginæ: adeo ut etiam multorum virilis dominatio, ad hanc erubescere cogatur, ejusque prudentiam, altitudinem animi, justitiam, æquitatem, insignem literarum, & linguarum peritiam, non subditi solum, verum etiam exteræ nationes, non aliter observarunt, & admiratæ sunt, quam beneficium & salutare sidus è cœlo in terras demissum, ut seculo everso succederet, & rebus afflictis mederetur. Egregio omnibus documento gloriam illam quæ ingenii & doctrinæ nobilitate quæritur longe quidquid altum, sublime, magnificum est superare, imo & scriptis ipsiis suum conferre decus, ac ornamentum. Nam quod plerique qui alia honorum insignia, vana ut plurimum & caduca sectantur, parvi literaturam faciant imo damnent, insania quædam temporum est à qua cordatos omnes, & sapientes longe, longe remotos esse decet, qui bonæ menti operam dant. Quantum itaque sacrilegium esse, quantum flagitium arbitramur, spoliare Nobilem iis ornamentis, nudare iis insignibus, privare iis adminiculis sine quibus ille nequæ nominis sui dignitatem tueri, neque administrationis suæ munere perfungi, aut Nobilis honorem sustinere, quid Nobilis, imo vero nec hominis appellationem mereri possit.

Ad hæc quid regeris, qui cathedram hanc ante me conscendere non dubitasti? Quid? mens, an frons, an utraque tibi defuit? nondum à veritatis semita, longe te aberrare, animadvertis, graviterque hallucinari, & clarissimæ veritati nescio quas tenebras offundere, qui oratione tua licenter nimis, & contumeliose, in frequentissimâ hac doctissimorum virorum coronâ, præstantiam literarum sugillare conatus es, & apud eos in contemptum adducere, quorum maximè interest, his Mus-

firmam enioribus imbui? Sed quibus argumentis? iis (liberè dicam quod sentio) quæ dignitatem earum commendant magis, quam deprimunt, & quæ responso (διὰ καφαλαίων) indigna judicarem, nisi expectationi Auditorum etiam hac in parte satisfieri debere: mihi persuaderem. *Gracos*, quos per contemptum graculos appellas, primos literarum inventores esse clamas, & quia plerumque fabulosi, arceri ab iis, & dignioribus studiis *Nobiles* occupari debere. Sed quid nisi inscitiam tuam prodis, qui tam confidenter ea asserere non erubescis? Hoc à me discere, non *Gracos*, sed his longe antiquiores literarum & artium esse inventores. Antiquiores certe esse inde plus satis constat, quod teste *Diogene Laertio*, *Abrahamus* diu ante tempora *Gracorum* in *Aegypto* Astronomiam docuit. Et *Pythagoras*, *Plato*, *Eudoxus*, non à *Gracis* primo Philosophiam addidicerunt, sed à *Iudæis*: hi à *Trismegisto*, *Trismegistus* à *Mose*. Inde est quod *Porphyrus* Græcam Philosophiam, mille minimum annis, *Mose* posteriorem esse, fatetur: *Aristoteles* Philosophorum coryphæus, in *Aegypto* artes mathematicas ait primo constitutas fuisse. Idcirco in *Aegyptum* navigasse *Anaxagoram*, *Pythagoram*, *Platonem*, ut Philosophiam discerent in collegiis Sacerdotum. Quod ergo tu *Gracis* tribuis, nunquam illud *Gracis* sibi arrogarunt, sed literarum inventionem *Deo*tribuendam esse uno ore fateri non dubitarunt.

Jam vero quid magis ineptum, quam illud fastidiosè aspernari, quod *Deum* authorem habet? quo Ecclesiam suam vult regi, juventutem instrui, Respublicas administrari? Quid enim Respublica, sine hac institutione quæ hominis animum lubricum & insolenter ferocientem in gyrum rationis cogit, actiones ejus moderatur, & ad virtutis satus accipiendos præparat, & disponit? quid sine hac populi, quid gentes? barbaries mera, tenebræ, quod non dico. Quid spei in hac

hac nostra si ista negligitur? imò quis olim neglecta fortasse, hinc tristes illi lapsus rerum quos dolemus, & morum in deterius euntium labes, nec (si quid auguror) medicina aliunde huic malo, nisi à juventute bene institutâ, bene educatâ. Nam ut plantæ, & arbores, ne tortuosæ crescant, flectuntur usu, & fultæ pedamentis assuetudine in rectum coguntur: sic juvenus. Quam si tanti interest à puero formari, & severiore disciplinâ imbui, etiam in plebejis, quid de *Nobilium* liberis statuendum censemus? & quid æquè, imo quid aliud ad eorum felicitatem pertinet, quàm ut ipsi discant sapere, & ea pueri à bonis, & doctis hauriant, quæ grandes non sint ab assentatoribus audituri. Nam si tanta sollicitudine, parentes non omnino stulti, puerum educant, unius prædii hæredem, quo tandem studio, qua curâ, educari par est eum, qui non unis ædibus, sed populis, & civitatibus instituitur, aut omnium comodo futurus vir bonus, aut omnium exitio malus. Vidit hoc fabulosa olim Vetustas, quæ asininis *Mida* auribus, in aureo tribunali sedentis, sceptrum manu tenentis, quid aliud adumbrare, & vivis quasi coloribus depingere voluit, quàm hebetem, & crasso ingenio Principem, qui nullis literarum, nullis disciplinarum præsiidiis instructus Remp. infelicitèr administret? I nunc, & *Nobili* literas discendas esse nega, qui non sibi, sed Patriæ, sed consanguineis, sed Reip. natus est.

Sed pauperiem, & rei familiaris angustiam dotis, & literatis objicis: quasi verò non longe sint ditiores hoc uno sapientiæ thesauro litterati, quam *Crassi* & *Mida*, quantacunque etiam possideant auri pondera, & pecuniarum acervos: certe felix non est, qui his tantum sibi felix videtur, nec ille felix, qui his orbatu intra angustias & acerbitates fortunæ, felix esse desinit. Unde *Bias* unus ex septem *Græcia* sapientibus, expugnata, & incensa urbe patriæ, cum cæteri ita fugerent, ut
omnes

omnes aliquid , secum de bonis suis asportarent , rogantibus, cur non idem faceret, *omnia, inquit: mea mecum porto.* Et *Diogenes* cum in dolio habitaret , ad eum forte venisset *Alexander* , inquires , *adsum , ô Diogenes , tibi subventurus , quandoquidem video te multum indigere.* Quid ille à natura minime , aut disciplina factus ad assentandum ? *uter, inquit, nostrum pluribus eget ? Egone qui ultra peram , & baculum (verba ejus sunt) nihil desidero : An vero tu qui non contentus patris regno , tot periculis te obsequi, ut latius imperes , adeo ut vix totus orbis cupiditati tua sufficias ?* Præclare mehercule ac sapienter ! Animus enim est qui divitem facit , nec cum puto pauperem, cui quantulumcunq; superest, sat est : Pauper ille quidem erat judicio vulgi, sed in tenui fortunula sua *Alexandri* liberalitate major, quam rejicit , nec eguit *Mida gazis* , & *Lydo ditior auro* , *Troica* , & *Euphrata supra Diademata felix.* Quia ditior est qui divitias spernit, quam qui possidet, & vere ille magnus, & magni animi, qui magna contemnit, & quem nulla res minorem facit. Ut enim legerem nimia sternit ubertas , & ram onere franguntur : ita animos quoque immoderata felicitas rumpit ; qua non tantum in aliorum injuriam , sed etiam in suam utuntur. Præclare Patrum quidam : *πλεῖστον ἀπὸ τοῦ ἰσχυροῦς πτωχὸς* : Et maxime divitiis froitur , qui minime divitiis indiget. Quantulum est enim , quod in tutelam homini necessarium sit ? Corporis exigua desideria sunt : pane & aqua, quam Natura cunctis propinat , vita tolerari potest.

— *Multa petentibus ,*

Defunt multa : bene est cui Deus obtulit

Parca , quod satis est , manu.

Longius si itur , extra terminos itur , & in vastum illud INFINITUM. Sed vis ostendam tibi, posse hominem studiis deditum , etiam divitem fieri , & hanc esse , si quis velit, ad questum , ac compendium , vel maxime compendiarium

riam viam? *Leontinus Gorgias*, nonne Rhetorices professione, & maximas sibi divitias peperit, & tantam gloriam, ut ei vivo ac videnti honoris ergo, aurea statua in *Apollinis Pythii* templo constituta sit? Quid *Isocrates* summus ille Orator? nonne & summo in honore fuit, & iis opibus ut ter ad trierachiam, quæ opulentissimis fere destinari solebat, vocatus, cum eam bis declinasset, tandem magnificentissime objecit? Quid optimus pessimi principis magister *Seneca*? tantum abest ut mendicus fuerit, ut contra tantam sibi opum vim eloquentia sua, & eruditione confecerit, si vera sunt quæ literis prodita sunt, ut *Crassum* opibus duplo superaverit, & haud scio, an ullus hodie tota *Italia* Princeps, tantas opes habeat, quantas in *Senecam* quadriennio *Nero* congeffit. Taceo *Oppianum* cujus elegantissimi Poëmatis recitatio tantam voluptatem attulisse *Antonino* Imperatori dicitur: ut Auctori operis pro singulis versibus singulos aureos nummos rependi curaverit, quorum summa ultra viginta millia fuisse constat. Sed næ tu mihi helleboro dignus esse videris, ut purgato cerebro, delirare tandem desinas, qui literaturam etiam vanitatis arguere non dubitasti, perperam detorto loco, magni illius gentium doctoris *Pauli*, cujus ad sententiæ tuæ patrocinium, auctoritatem obtentis. Risum tenete Auditores. Hoc enim solum in Epist. ad *Colossenses* exequitur *Paulus*, non esse de vero *Dei* cultu, petendam ab hominibus doctrinam, quia *Deus* fideliter nos, & ad plenum instituit, qualiter sit colendus. Quod hoc demonstret, primo capite dicit in Evangelio contineri omnem sapientiam, qua perfectus reddatur homo *Dei* in *Christo*. Initio secundi, dicit omnes sapientiæ thesauros in *Christo* esse reconditos: inde postea concludit, caveant fideles ne per inanem Philosophiam abducantur à grege *Christi*, secundum constitutiones hominum. In fine autem capitis majore adhuc fiducia damnat omnes

nes ἰθελθρησκείας , hoc est fictitios cultus , quos homines sibi comminiscuntur , vel ab aliis accipiunt , & quæcunque de cultu *Dei* tradere præcepta ex se audent. Sed quid hæc ad literaturam ? quid ad Philosophiam ? cujus Apostolus ipse sub *Gamalielle* olim fuit studiosissimus , ut abunde id indicant ejus non solum scripta , hincinde aspersa, flosculis poëtarum, *Menandri*, *Arari*, *Epimenidi* : sed admiranda ejus qua polluit eloquentia. Quæ enim Oratio conferenda est cum illa quam habuit ad regem *Agrippam* ? quæ cum illa , quam habuit ad *Festum* ? ut mirum non sit magnum illum olim Ecclesiæ Hipponensis antistitem, inter alia optasse , non solum videre *Romam* in flore, *Christum* in carne, sed & *Paulum* in cathedrâ. Quis enim eo in dicendo gravior, quis in movendis affectibus acrior ? quis argumentorum pondere , & rationum momentis sublimior ?

Sed ut finem dicendi faciam , (cur enim hanc contentionis ferram reciprocamus longius ?) ad vos me converto Studiosi , parentum vestrorum solatium & amor , Reip. spes , erudita propago, Audivistis literarum antiquitatem , præstantiam, dignitatem, usum. Audivistis nihil magis decere *Nobiles* quàm ut *Minervam*, illam Sapientiæ *Deam*, inter arma ac *Martis* strepitus , & bellorum ætus studiose colant , & se in iis artibus exerceat , & ad eas disciplinas animum adjungant , quæ *Nobilitatem* maximè commendant. Has igitur , ut tandem orationis meæ vela contraham, amplectimini, iis incumbite , Philosophorum libros inspicite, legite, & monita eorum , nocturna versate manu, versate diurna , arma cum libris conjungite , *Martem* cum *Pallade* , ut non solum intellectum à fœdo ignorantia sita vindicetis , verum etiam de hostibus vestris, ira, voluptate, libidine, audacia, ambitione, prodigalitate triumphetis , idque eò gloriosius quo plus est sibi quam aliis imperasse. Parum sunt arma foris , nisi consilium sit domi , &

nisi prudentia quæ literis acquiritur, rationis clavam teneat, & cogitationes nostras moderetur. Sed ut qui gemmas & aurum quærunt, non summam terræ cutem stringunt, sed in viscera ejus penetrant: sic qui veram mansuramque doctrinam, altius necessum est in Sapientiæ adyta, & sensa se immittant. Nunquam satis laudata *Vegetii* vox est: *Quis melius quàm literatus imperat.* Aurea quoque illa *Platonis*: *Bene agi cum ea Rep. in qua aut Philosophi regunt, aut Reges Philosophantur.* Ad animum quæso revocate optimos quosque duces olim literas prius, quàm arma tractasse. Quis enim fuit *Pompejus* strenuus ille imperator? literatus fuit. Quis *Scipio* de quo *Ennius* nullam ei statuam, nullam columnam à populo Romano erigi posse, quæ magnitudini rerum ab ipso gestarum responderet? literatus fuit: Quis *Alexander*, Quis *Iulius Cæsar*, Quis *Themistocles*, Quis *Fabius* ille Maximus, & alij pene innumeri? litterati fuerunt, qui pro chartis, fritillo, aleâ, animum in optimorum autorum lectione occupatum habuerunt, qui non nisi doctiores, & meliores ab ea redierunt: quibus unica studia, non canes, aves, equi, mimi, lanniones, levitatis, & lasciviæ magistri Aularum hircines: sed libri, musæ, viri gravitate morum, & prudentia insignes.

Horum exempla vobis imitanda proponite. Nobilitas enim hominis, non fortuna, non sanguine, non statuis & imaginibus, sed virtute, & literis metienda est, quæ si ullis displiceant, iis tantum quibus displicere laus est. Ne vitam credite illam quam ex aëre trahitis, sed quam ex studiis, nec splendidum putate auro vel argento circumfingere sed doctrinæ luce: dum alii rem agunt, & augent, pecunias numerant & ad stateram expendant, vos Sapientum verba, & voces, ut non tam de fluxæ felicitatis præfidiis, quàm de Sapientiæ ac eruditionis immobili peculio gloriari videamini. Ab hoc cardine præcipue pendet Reip. felix.

ut enim

ut enim non de nihilo Sapientum calculo dam-
nantur , qui fortunæ beneficio opulenti , animam
bonarum partium immunem habent , & qui tan-
topere *Nobilitatem* suam crepant , cum alloqui ni-
hil habeant *Nobilitatis* præter imagines , & inania
sesquipedalium titulorum : ita merito laudantur
qui se bonis , ac perpetuis ornamentis sic conde-
corarunt , ut ea minima sit in ipsis *Nobilitatis* pars ,
quam multorum opinio , totam esse *Nobilitatem*
censet. Dixi.

O R A T I O X X I .

In vituperium Poëseos

Habita à

P H I L I P P O G E E L K E R K I O .

Cornelia Gracchorum mater , cum matrona
quadam *Campania* , illius hospitio utens , or-
namenta sua , quibus illud seculum nihil ha-
bebat pulchrius , ipsi ostenderet , traxit eam sermo-
ne , donec liberi redirent à schola , tum & hæc , in-
quit , ornamenta meæ sunt. Sentiens matronæ nihil
esse pulchrius , neque præciosius , quam liberos ha-
bere rectè educatos. Eximiè profecto , & sapien-
ter ! Quid enim parentibus in amore magis esse
deber , & pretio , quàm fidei hæc conjugalis pigno-
ra , & surgentis familiæ propagines , quæ non vul-
tus solum ; sed & mores Majorum referunt : ut
in iis etiam defuncti reviviscere videantur. Sed ut
Parentibus pretiosissima ornamenta sunt liberi :
ita & præceptoribus discipuli : quæis velut testu-
lis eos instillent virtutis , & doctrinæ latices , qui
aliquando in hac colluvie morum , & hominum ,
ad decus , & salutem Reip. redundant. Verum ut
præcipua eorum , qui Juventutem instituunt , cura
esse debet , ut pietate inprimis crescant teneri illi

Musarum alumni ; ita nihil est in quod incumbere eos magis oportet, quam ut *Vestales*, & castas juventutis aures, prohibeant auditione eorum quibus corrumpi potest, aut inquinari. Inter quæ liberè dicam Poësis primas mihi tenere videtur, eoque tanto periculosior, quo venenum suum cautius tegit, & animis adolescentum se altius insinuat. Nam ut auceps avem decepturus, fistula dulce canit, & quemadmodum *Sirenes* cantu suo nautas præternavigantes, ad se alliciunt, allectos demergunt, demersos devorant. Ita suaviter quoque canit Poësis, ut studiosos adolescentes, dulcedine sua ad se invitet, invitatos trahat, corrumpat, perdat. Quare cum ex more, ac consuetudine hujus Gymnasii, mihi etiam de argumento aliquo, solenni hoc tempore, publicè sit declamandum, non possum quin pro modulo ingenii mei, & quibuscunque potero rationibus, ingenuam juventutem ab ea serio deterter. Vestrum est, Auditores, infantiam hac in parte meam, eo majori silentio sublevare, & favore complecti, quo justiori impulsus causâ, hanc dicendi provinciam suscepi. Ac ne de vestrâ in me benevolentiam vel tantillum dubitare videar, utar hac apud vos libertate, ut quidquid conceperim animo, in medium proferre non reformidem.

Nemo vel mediocriter tantum eruditus, ignorat hunc, omnium studiorum esse scopum, eoque perpetuò collimandum, ut ii qui litteris, disciplinis, & artibus capeffendis incumbunt, Deum summum illum rerum architectum, rectè cognoscant, cognitum, qua par est reverentiâ, animique demissione suspiciant, venerentur, colant. Cognitio hæc unicum est & verum pietatis fundamentum, & virtutum magistra. Quisquis eâ caret, aut flocci pendit, quid non dicam Christiani, sed veri hominis habet? Etenim cum cæteras animantes, potens ille Moderator Universi, prono corpore ad pectus abjecisset,

Os homini sublime dedit, cælumque tueri

Inficit,

Iussit, & erectos ad sidera tollere vultus,
 ut pulcherrimæ hujus mundi machinæ contem-
 plator, & naturæ speculator, ab iis quæ in rerum
 natura sunt, ad Autorem naturæ paulatim assur-
 gens, cum tanquam omnium bonorum fontem
 religiosè colat, serviat, auscultet, ab eo solo de-
 pendeat, & in eo fiduciam colloquet. Admiranda
 enim illa cœlorum fabrica, elementorum amica
 pugna, & qualitatum in iis discors concordia, tel-
 luris ille variegatus cultus, & mundi inferioris
 mundus, flumina ex alto cadentia, perennes fon-
 tium scaturigines, tumultuosi maris leges, & statæ
 accessus recessusque vices, tam varix animantium
 figuræ, tam mirificæ herbarum gemmarumque vi-
 res, ista omnia quid nisi conditoris sui gloriam af-
 fidue canunt, & ad *Dei* cognitionem nos quasi ma-
 nu ducunt? Sed quid poësis? illa ne vera, & salu-
 tari hac *Dei* cognitione nos imbuat, pietatem in-
 stillat, Religionem inculcat, Numinis divini reve-
 rentiam commendat? Nihil minus: Contra *Deos*
 finxerunt poëtæ ut infantuli pupas solent. *Græco-
 rum Deos* ab *Orpheo*, *Hæmero*, *Hesiodo* primum in-
 ductos esse constat, qui eorum genus, & profapiam
 tradiderunt, & nomina, cognomina, & munera
 cuique sua, aut pro arbitrio, aut certa ratione tri-
 buerunt. Poëta de *Dii Anea* loquens victos
 deos vocat, parvumque nepotem una cum illis
 eadem, ut ita loquar, corbe concludit. Sed quales
 quæso illi *Dii* qui vinci potuerunt? qui illi dii?
 aut homines fuerunt, aut dæmones in statuis, &
 cadaveribus latitantes. *Cicero* libro de natura deo-
 rum in hac *Στομavία* cum poëtis paria faciens,
 agnoscit singulorum ætatem, habitum, ornatum,
 genus, cognitionem, templa, sepulchra, rerum in
 vita gestarum imagines, in summa maximos, mi-
 nimosque, homines fuisse, imò homines, inter
 homines, valde homines, hominumque more vi-
 xisse. Sed mecum expendite, quæso Auditores, ex
 quo fonte suas hauserint poëtæ ineptias ridiculas

merè, & aniles, veras quidem fateor quatenus res vere humanas narrant, sed falsas quatenus humanas diis adscribunt, quas hominibus debuissent: nemo *Saturnum* nisi hominem scripsit, nec *Orpheum* ipse, deorum parens aliter aut sensit, aut locutus est. De *Iove* autem quid? *Iupiter* patrem expellit, in monte *Olympo* jus reddit, *Europam* in *Tauro*, *Ganimedum* in *Aquila* (navium nomina sunt) scelestè rapit, parcit vero pudicitix *Theotidæ*, ex qua nasciturum *Achillem* intellexerat ipso fortio- rem futurum: denique postquam terram quin- quies circumvit, omnibusque amicis, & consanguineis suis imperium partitus est, & hominibus leges reliquit, ætate pessum acta in *Cretâ*, diem supremum obiit, & apud *Gnosum* oppidum sepelitur. Hæc quid nisi hominis vita, & nefarii quidem hominis? indigui non qui cælum possideat, sed qui vel solum calcet. Sed ut ex homine factus est *Deus*: ita *Olympus* mons (nam ut ansa ansam, ita fabula trahit fabulam) apud poëtas pro summo cælo usurpatur, & navis in *Aquilam*, *Thetis* in *Deam* migrat. De *Iunone* etiam quæ non fabulantur nugivenduli, in *Samo* nempe educatam, ibi fratri *Iovi* nupuisse, *Martem* filium ex femore ejus natum, ut *Minervam* ex cerebro *Iovis*, vitamque ejus referunt, zelotypias & incestus, furta etiam *Iovis* venera, & raptus: ut concubitus cum *Danaë* & *Inone*, item raptum *Ganimedis* & *Europa*: adeò non homines tantum, sed monstra hominum, tota pro- sapia erant. *Mars* enim copias *Iovis* in aciem edu- cens, parum absuit quin perpetrati homicidii cau- sa, *Athenis* suspenderetur. Qualis autem illa Reli- gio, quæ in *Deos* evehit, quos jura terrena, in cru- cem tollunt? & quam illa ridicula hîc fanum ha- bere, illic sepulchrum, hîc ab hominibus coli, illic putrescere, aut vermibus erodi? & *Apollinem* quem *Delphis* sepultum esse fingunt, solem facere, & solem terræ infodere? quid enim est divinita- tem deorum suorum prorsus evertere, ejurare, quid

quid meras nugas agere, & umbram pro re habere, nisi hoc sit? *Venus* cujus plures adulteri quam liberi numerantur, prima lupanaria in orbem induxit, *Mercurius* furum *Deus* est, hacque de causa, post mortem templa illi dedicata sunt, quibus sibi propitium conabantur fecere, hi quibus furti aliquid erat subtractum, asserentes ipsius Numine, & servata multa, ac etiam recuperata. Sed ad Orcum hæ nugæ, & de his satis. Nam si omnia ad amussim recensere esset animus, quis tandem finis anilium commentorum & fabularum triobolarium? quis enim hominum in arbores, pisces, scopulos, aliasque ejusmodi formas, *Iovis*, *Apollinis*, & similium idolorum nutu, conversiones planè monstrosas, sibilis ac eachinnis non excipiat? ad hæc *Tantali*, *Danaïdum*, *Sisyphi*, *Ixionis*, *Titii*, aliorumque cruciatus inauditos, *Charontis* cymbam, *Stygiæ* paludes, *Acheronta*, *Plutonem*, *Proserpinam*, *Tisiphonem*, *Cerberum* tricipitem. *Chimæram*, *Minotaurum*, & id genus portenta poetica, hoc est fabulosa, quorum tanta apud eos est copia, quanta vel æstivo tempore in campis cicadarum, adeo ut numerum eorum recitaturi, viatico egeant, & respirare cogantur. Sed quam ad pietatem faciant, & veram *Dei* cognitionem hæc ociosæ mentis erudita figmenta, quæ aures inani voluptate demulcent, unicuique vestrum judicandum relinquo.

Sed quid obsecro vos, de cognitione *Dei* loquor, cum ne quidem ad studium virtutis nos ducat poësis, imò si res dicenda est, abducat, & latam aperiat fenestram, ad omnem morum licentiam, & vitæ libidinem: Nunc enim convivia, nunc choreas, & tripudia canit, nunc vagos & furtivos amores, nunc raptus, & adulteria, nunc amantium similitudines, perjuria, suspiria, lacrymas, & quid non? *Ilias* illa, & *Odyssæa Homeri* poetarum antiquissimi, tanto opere à multis deprædicata, in enarranda navigatione *Ulyssis*, quid aliud tractat.

quam impudicos *Calypsus*, & *Circes*, aliarumque meretricularum, cum *Ulyssæ* congressus? Cui etiam, ut tanto benignius exciperetur à deo aliquo aut dea, nescio qua; herba quædam nomine *Moly* offertur, cuius naturam spurcissimus ille *Martialis*, & nugandi, mentiendique artifex, maximus impudenter nimis, & obscœnè describit. Hi sunt nempe egregii illi mores, quos Poësis cultoribus suis passim inculcat. Docet enim quibus artibus, quâ amabili insaniâ, sexus ille famineus sit inescandus, ut non obscure factum ab *Ovidio* ingeniosissimo illo nequitix magistro, qui tam apertè artem hanc profitetur, ut nemini sit hac in parte secundus, honestasque marronas, & virgines illibata pudicitix, procul à se amandare videatur, hoc versiculo, |

Esse procul vitta tennes, insigne pudoris,

Quaque tennes medios instat longa pedes.

Quid *Martialis*? ille ne reliquis castior? imò omnium, si quisquam impudentissimus. Ac ne longius hanc camerinam moveam, perditæ, profligatæque turpitudinis, & morum immanitatis, potuitne obscœnius, & scurrilius quid scribi *Priapeus*? ita hic fractis, pudoris omnis & verecundiæ repagulis, impunè debacchatur, & furit, scurrilis, & projecta Poëtæ turpissimi quisquis fuerit, ἀχρηλογία, adèd ut quæ alibi mussitare tantum, & in aurem susurrare solita est, suggestum hîc condescendere audeat, & se omnium oculis spectandam proponere, ut vel lenones ipsos, & prostibula pudore suffundat, & ad fada hæc, & turpia erubescant. Quæ cum ita sint, cui mirum videbitur, & novum, prodire ex schola Poëtarum juventutem corruptam, levem, petulantem, luxuriosam, ac moribus perditissimis, dum vitiis virtutis nomen imponunt, & fabulas suas modo admiranda carminis maiestate illustriores reddunt, modo incredibili dictionis suavitate veluti nectare ac myrothecio perfundunt. Vidit hoc non obscuri nominis poëta, qui

ta, qui poëtas graphicè suis coloribus depingens, quo loco eos habeat luculenter, ostendit, Ego inquit

*de vobis versus, pariterque poëtas,
Cum video pueros obscæna docente magistro
Carmina pejores fieri, primumque pudorem
Linquere paulatim, & scelerata discere mores.*

Utinam, ô Palingeni, tecum facerent illi, qui hodie in tanto pretio habent Poësin, ejusque cultores, tantum sibi profecto non arrogarent Poëtæ, ineptæ illi loquacitatis magistri. Nunc verò cum illis & faveant multi & patrocinentur, animos ex eo capiunt, supercilia tollunt, cristas erigunt, & calamos felle tinctos, in optimos etiam passim stringunt, ac dentatis suis satyris mordent, sugillant, rodunt, & quidvis sibi licere arbitrantur: unde tritum illud semper illis in ore,

*Pictoribus atque Poëtis
Quidlibet audendi semper fuit aqua potestas.*

Item & illud. *Solus licet insanire Poëtas.*

Sed obsecro, vos Auditores, quis iis hanc non dico potestatem, sed licentiam dedit, quam tam confidenter, & superbè sibi vendicant? *Deus*. ne? non ipsa *Pytho* mihi persuaserit ut credam; contra prohibet, & eam severissimè plecti *Magistratus*? minimè: est enim ille (de Christiano loquor) bonarum legum observantissimus, honestatis, modestiæ, simplicitatis vitæ, ac morum assertor strenuissimus, castitatis, & pudicitæ vindex acerrimus. Nec injuria. Si quid enim hominum decus, si quid ornamentum, certe pudicitia est. Cujus laude si reliqui mores ornati non sunt, omnem honoris splendorem amittant necesse est. Quid enim virtutes custodit? pudicitia: quid cupiditates sufflaminat & ceu virgo quæpiam intacta, ad eas rubore suffunditur? pudicitia. Hæc parens est omnis honesti consilii, tutela integritatis vitæ, magistra innocentæ. Hæc illa est quæ salutare moderandæ menti cogitationes injicit, & tanquam of-

fuso flumine cupidinum flammâs restinguit, ardorem temperat, licentiâ audaciam frangit, temeritatem reprimit. Sed poëta quid, quorum nunc ingens est copia ut apum? certè qua morum sunt licentiâ, quidquid bonarum legum est aspernantur, imò impiè, ac petulanter pessundant, suis vivunt moribus, genio indulgent, cuticulam curant, jocos, ludos, convivia, choreas agitant, ut liquet ex illo Flacci,

*Nunc est bibendum, nunc pede libero
Pulsanda tellus.*

*Iam Cytherea choros ducat imminente luna,
Iunctaque Nymphis Gratia decentes,
Alternò terram quatians pedes;*

*Nunc decet aut viridi nitidum caput indero
myrtho,*

Aut flore terra quem ferunt soluta.

Sic vivere nempe, sic epulari assueti sunt, qui cum Epicuro in fruitione voluptatem, felicitatem suam collocarunt. Unde illud Venusini Poëta de se ipso præconium,

*Me pinguem & nitidum bene curata cute vises
Cum ridere voles Epicuri grege porcum.*

Quæ autem hujus porci Religio fuerit, si quis forte scire desiderat, ipsum audiat de se loquentem:

*Parcus Deorum cultor, & infrequens
Insansientis dum sapientia consultus error.*

Quæ studia, quæ occupationes? nec illa quidem dissimulat:

*Nos (inquit) convivia, nos prælia virginum
Sanctum in juvenes unguibus acrum
Cantamus vacui, sive quid urimur,
Nox præter solitum leves.*

Sed ut alius Orationis meæ vela expendam, videamus, seposito omni partium studio, an pbēsis beneficio ad liberalium disciplinarum cognitionem perveniri possit. Neminem certè tam ferrea fronte, & plumbeis præcordiis esse arbitror,
hoc

hoc qui affirmare audeat. Nam ad hanc comparandam, præceptis opus est, institutione opus, studio, exercitatione. Non è fabulis illa poëtarum, quas teruncio non emerim, sed scriptis Sapientum eruenda est. quales olim fuere *Anaxagoras, Socrates, Plato, Aristoteles, Pythagoras; Democritus*, & alii qui tantum abest ut poëtas à juventute bene educata legendos esse voluerint, ut contra eos è Republic. exterminandos esse judicaverint, tanquam ingeniorum pestes, & pessimos morum Magistros. Quid enim plerique, nisi fabulosas hominum transformationes operosè describunt, digni qui inter Moriæ proceres primas teneant, dum tempus sæpe terunt, milium, quod dicitur terebrando, vel ut apertius loquar nugando. Nunc quomodo *Daphne*, amata ab *Apolline*, mutata sit in laurum, *Calisto* in ursam, *Syrinx* nymphea Arcadica, & una *Najadum* in arundines, *Io* in vaccam quæ postea pristina forma recuperata, regi *Osfiridi* nupsit, Sorores *Phaëtonis*, in populos arbores, *Narcissus* adolescens formosus in nominis sui florem, *Actæon* in cervum, *Tithonus* in cicadam, *Myrmidonos* in formicas: quid mirum? diruit (nempe poëta)

edificat, mutat quadrata rotundis.

Nunc amores deprædicat *Didonis*, & *Aeneæ*, nunc quomodo venatum iverint, & ingruente nimbo, in eandem speluncam devenerint: Nunc culicem laudat hic, alius puellæ suæ passerem; alius *Corinam* suam, alius *Lydiam* aut *Chloëon*, alius *Lesbiam*, alius *Cynthiam*, versibus adeò inverecondis, ut meritar si quid turpius dici possit, aut stilo consignari, longeque facilius *Augia* stabulum, quàm talibus ineptiis multorum libros repurges, quæ si quis inquirat — *apina tricaque, & si quid vilius istis*. Et hæc talia Auditores, ad artium liberalium cognitionem conducere putatis? immane quantum discrepat. Nam ut ignis sine materia languescit, & extinguitur; sic doctrina, sic virtus sine honesti

alimento. Vitia contra, ut herba irrigua uberrimè succrescunt, citò subrepunt, sine conciliatore placent, sine Magistro imbibuntur. Quanto magis si sunt, qui probitati morum labem aspergant, nigra in candida vertant, credula ingenia perniciosissimarum fabularum laqueis implicent, ad nequitiam præeant, & manu ducant? est enim juvenus à natura prona, proclivis, propensa ad voluptates, ac libidines, & nisi rectè instituatur, mali pueri pejores adolescentes, pessimi viri evadunt, nec in decrepita quoque senectute vitia illa magis abjiciuntur, quàm nigrorem suum Æthiops deponit, aut Pardus maculas, idque eo magis est deplorandum, quod quo generosior, & liberalior est adolescentum indoles, hoc pluribus inescari vitiis solent, idemque planè hîc quod agris evenire consuevit, qui quo fertiliores sunt, eò uberius, nisi colantur, carduos, tribulos, zizaniis proferunt: ut præclare omnino *Plato* dixisse videatur, hominem si cum naturâ bonâ, rectam nactus disciplinam fuerit, animalium omnium optimum: sin minus omnium ferocissimum, ac pessimum futurum. Impulit hoc *Anaxagoram* ut *Periclem* institueret: *Isocratem* ut *Timotheum*: *Lysidem* *Pythagoreum*, ut *Epaminonda* benèvivendi præcepta traderet: *Aristotelem*, ut *Alexandrum* Magnum erudiret: *Xenophontem*, ut *Cyrum*; Sed hac in parte, cautione, & quidem diligenti opus, ne ea juventuti instillantur, quæ eam corrumpant, ac deteriorem reddant: Nam

*Quo semel est imbuta recens servabit odorem
Testa diu.*

Nec facile colores ii, quibus candida lana semel inficitur; eluuntur. Quid causæ fuit ut annos viginti integros *Platonem* *Aristoteles* audiret, non alia quam quod meliorem, nec doctiorem audire potuisset: cur ab *Herodico* *Hypocrates*, à *Satyro* *Galenus*, alii ab aliis institui informarique voluerunt? viderunt hi scilicet ut ad fructus copiosos uberesque profe-

proferendos soli bonitas non sufficit, sed & seminio opus est, & cultore idoneo: ita ingenii felicitatem, & naturæ præstantiam, ad doctrinam consequendam, nisi præcepta salutaria, doctoresque periti accedant, parum aut nihil posse, quin & illud observarunt, industrios agricolas, & hortulanos, arbusculis, & plantis ut recte illæ feliciterque crescant, pedamenta apponere. Neque *Timotheum* suum, Apostolus frustra hortatur, ut non iis quæ ipse finxerit, sed his quæ didicerit, seriò incumbat, sciat etiam à quo didicerit. Tanti nempe est benè erudiri, tanti feliciter institui? A qua institutione cum longè nos abducatur poësis, vanitatis omnis, & nequitiae magistra, quis adeò non dicam à ratione, sed & à sensu communi derelictus est, qui eam juventuti non perniciosam, scholisque benè constitutis eliminandam esse, non judicabit? Ut nihil de eo nunc dicam, quod & cultoribus suis noxia sit, & in præsentissima vitæ discrimina adducat. Quid enim *Ovidium*, elegantissimi ingenii virum, tristissimo multavit exilio, & ad *Getas*, populos dico barbaros, & ab omni humanitate alienos relegavit? Poësis: de hac enim ipse,

Si saperem, doctas odissem jure sorores,

Numina cultori perniciose suo.

Quid *Cræsum* regno & opibus exuit? Poësis, qui plus nimio oraculis fideus, cum bellum temere suscepisset adversus *Cyrum* potentissimum *Persarum* regem, se & suos in ruinam egit. Quid *Pyr- rhum* Epirotarum regem perdidit? poësis: consulto enim oraculo Apollinis qui responsum hoc illi dederat: *Aio te Æacida Romanos vincere posse*: cum victoriam sibi polliceretur, in bello, ictu tegulæ percussus obiit.

Sed attentione vestra jam dudum abutens, & septa, quod ajunt, transiliens, finem dicendi facio. Audivistis, Adolescentes Studiosi, quo loco vobis debent esse poëtæ, & quo in pretio poësis, quæ candida ingenia, piæque animas blandis fabularum
suarum

suarum lenociniis inescatas à *Deo* abducit, malos mores teneris ætatibus instillat, vitæ luxum, ac licentiam suggerit, somnia, & cerebri humani commenta operoso labore ineptiarum, deprædicat, pietatem contra, ac religionem animis hominum eximit, Respublicas & civitates corrumpit, scholas inficit. Ea etiam non raro *Satan* abusus est ad decipiendos per mentita sua oracula & insipientem sapientiam, homines: hæc quæso ad animum revocate, & poësin sanguine viperino cautius fugite, vitæque vestræ cymbulam flectite ab hac charybdi, & quemadmodum *Ulysses*, *Syrenas* has obturatis auribus præternavigate. Tu vero æterne *Deus* qui docentium, & discentium, officia instituisti, qui scholas, Reip. & Ecclesiæ esse voluisti seminaria, qui omnis sapientiæ fons es & autor, juventutem hanc spiritu tuo rege, & in semita pietatis dirige, ut missis fabulis veritatem sectetur unicè, & amet, iisque artibus, & disciplinis incumbat, queis non doctior modo, sed & melior evadat, suosque in studiis progressus honori tuo devotum eat, & Ecclesiæ, ac Reip. bono. Dixi.

ORATIO XXII.

In laudem Poëscos

Habita ab

A D R I A N O R O O N I O.

Aurea verè sententia est, *ἡ πρῶτη μωμήσασθαι ἢ μνησθαι*. Ita enim multi naturâ comparati sunt, ut proniores semper sint in rerum vituperia, quam laudes: & ut nemo libentius aliorum studia, aliorum labores carpit, quàm qui laudabile nihil ipse præstat: ita fere genus hoc hominum in laudatos insurgit, & qui minimè reprehendi

hendi merentur. Sic *Homerum*, illum poëtarum principem infectatus est *Zotus*, *Socratem Melitu*, *Aristotelem Aristoxenes*, *Cecrops Hesiodum*, *Pindarum Amphimanes*, *Virgilium Mevius*, & *Bavius*, *Cicero- nem Cestius*. Nempe ut umbra corpus comitatur: ita eruditionem, liberalia studia, actiones honestas, obrectantium dicacitas. Ridentur in fabulis, monstri quoddam genus, *Lamia*, quod domi oculis, capta, nihil rerum suarum vident, nihil prospiciunt, nihil considerant: at foras cum egressæ fuerint, omnium maximè oculatæ habeantur, præsertim in iis carpendis quæ fere optima. Tales mihi curiosi isti scioli, qui non solum ignavissimi, sed & ignarissimi, rebus iis sugillandis se miscent, ad quas cogitatione, & sensu non pertingunt. Ut in navi remo eum ferat, qui nautas moneat idemidem, aut culpet, ipse interea imperitus, manum non dicam clavo admove, sed remo: ita merito importuna nobis, & molesta vascula illa inania quæ maximè tinniunt, & liquoris minimum habent, in hoc nata ut licenter omnia, & temere infectando perstringant. Quam non ferendam in scholis benè constitutis licentiam, cum etiam in iis animadvertam, qui literaturam profitentur, & cathedram hanc conscendere non erubescunt, ut Poësin omnis doctrinæ, & sublimioris sapientiæ magistram, publicâ oratione traducant, eamque omnibus invisam reddere nulli dubitent, doleo Auditores, & acerbè fero, nobilissimam hanc facultatem tam impunè sugillari, cumque ego aliam longè de ea opinionem conceperim, quam etiam veriore esse arbitror, non possum quin tacentibus omnibus aliis, quid sentiam, liberè pronuntiem, nullo impulsus contentionis studio: sed amore veritatis, quam nescio quis Philosophorum in abstruso, & profundo latitare professus est. Quod si in hac causâ, & in suscepto Poësis patrocinio, omnia quæ dicenda mihi sunt liberius fortasse dixero, adolescentiæ meæ ignoscit vobis studiosissimè peto.

Ac ne longiore verborum ambitu vos detineam, eam ab ipsis primordiis consideremus. Certè inter ea quæ dignitatem, & præstantiam poëſios commendant, nihil eſt quod eam commendabilem magis reddat, quam ſi unde originem ſuam traxerit, expendamus. Non eam è *Creta Iovis* patria ortam profitebor, non è *Curetibus*, qui *Iovis* cunas obſervaffe feruntur, non è *Delo* in qua *Apollis* natus, non è *Cyntho* in quo ſeſe *Mercurius* editum gloriatur. Mitto levia iſta, in illis quæ cælo viciniora ſunt, *Muſarum* patriam quæram. Quis autem certior nobis dux, quam ipſarum filii? *Orpheum* antiquiſſimum poëtam qui cithara ſua, & flexanima voce, bruta, imo nemora ipſa, & ſaxa traxiſſe ad ſe fertur, audiamus, audiamus *Homerum* illum paganæ ſapientiæ fontem, & poëtam ſine exemplo maximum: interrogemus *Hefiodum* qui illas in cælo natas, & è cælo mortalibus miſſas eſſe, tradiderunt. Quid enim aliud Poëtæ volunt, cum *Iovis* filias ex matre *Memoria* procreatas eſſe novem illas *Muſas*, uno ore profiteri non dubitant, quid inquam volunt aliud, quàm planè divina hæc eſſe munera, quæ non ut aliæ diſciplinæ indefeſſo labore, & operoſa, longaſque inſtitutione comparantur, ſed ſingulari Dei gratia, animis hominum infunduntur? Quod cum Philoſophorum ille princeps *Plato* intelligeret, neminem ad fores poëticas accedere poſſe dixit, niſi cæleſti aliquo ſpiritu imbutum. Nulla enim ſtudia ſunt, quæ majore vi mentis, quæ acriore animi impetu peragantur, quàm ſublimes illæ poëtarum meditationes. Nihil tam difficile eſt, tam arduum, tam abſtruſum in quod non penetrant ingenii ſui acumine. Aquilas ferunt tanta pollere viſus præſtantia, tanta acie oculorum, ut ſolem in ipſo meridie irretortis oculis intueri queant. Quid Poëtæ primi illi ſapientiæ magiſtri, & divinæ mentis interpretes? Longè illi acutius cernunt, & in ipſa rerum divinarum adyta penetrant,

trant, vaticinantur, futura præsciunt, oracula distant. Hinc ex cœlo lapsos olim judicavit Antiquitas, eamque in Poëtarum dictis sapientiam agnovit, ut etiam loco oraculorum scripta eorum habuerit, & in rebus dubiis tanquam folia Sibyllina consuluerint viri gravissimi. Inter alios *Græcorum* ille sapientissimus *Socrates* qui cum audisset recitari versum Homericum *Achilli*.

ἤματι καὶ τελευτῶ φθίω ἐρέσθων ἰκοίμην.

Intellecto rei portento; die se tertio moriturum *Æschini* prædixit: dixit & evenit. *Brutus* acerrimus quondam libertatis patriæ vindex, cum martis aleam in campis Philippicis præscire vehementer desideraret, non ut alii Oraculum *Apollinis* adiit, non ad haruspices se convertit, non ad augures, non ad avium volatus, & garritus, sed ad *Homeri* magni illius poëtæ volumina, quæ quasi præmonerent, interitum ejus certum denuntiabant. Versus se offerebat ille, *Patrocli* moribundi *Hæctoris* alloquentis:

ἀλλὰ μὲ μοῖρ' ὅλον ἐ λήτῃς ἔκτανεν ὕμῳ.

Mæsera parca ferit, saevusque puccidat Apollo.
ἄμα ἔπεσ', ἄμα ἔργον: clade accepta cecidit, & veritatem eventus comprobavit. Videtis, Auditores, cur tanquam peculiari nomine divini Poëtæ appellentur, quod scripta eorum non modo de præteritis, ac de præsentibus loquantur, verum etiam futurorum vaticinationes complectantur. Ac ne arcanam illam rerum scientiam in solo *Homero* admiremini, cui *palmam ingeniorum*, ab omni ævo, jure meritiissimo *Plinius* adjudicat, idem de aliis judicatum esse, paucis si attenderitis ostendam. Quid enim *Alexander Severus* Imperator, cum ille quoque futurorum desiderio teneretur, divinus illi fuit *Maro*, Imperii supersticiosus quidem designator, verus tamen aruspex. Cum enim ille sortes ejus consulisset, parvulus etiam tum incidisse in hunc versiculum dicitur:

Te manet imperium, cali terraque marisque.

Ecquis

Ecquis hic non *Sibyllas*, non *Apollinem*, non ipsa *Jovis* Oracula, præ Virgiliano illo vaticinio contempserit? Fecit hoc *Claudius* Imperator, qui non tantum fidei auguriis habuit, quantum poetarum. Nam cum de vitâ, & regno suo ejus sciscitaretur sententiam, sortitò nactus est illum ex lib. 6. *Aeneidos* versiculum,

Tertia dum Latio regnantem viderit aëtas.

Quod quidem verè ipsi contigit: ad triennium enim non regnavit. Sciscitatus erat idem de fratre, quem imperii consortem habere desiderabat. Sortis loco ille ex 6 *Aeneidos* prodiit:

Ostendunt terris hunc tantum fata.

Ut dictum, ita factum, decimo enim septimo Imperii die, cum vix se ostendisset imperio, obiit. Sexcenta id genus proferri possent, non ex *Maronis* solum nostro; sed & ex *Musæo* & aliis, quorum carmina tanquam calitus delapsa ancilia, in templis religiosè observata, culta, & pro Oraculis habitata fuerunt. Sed ne attentione vestra abuti videar, unum hoc mecum expendite, Auditores, in nulla vix unquam vitæ discrimina incidisse poetarum, quibus aut non liberati fuerunt, miraculosè pene, & *ὀνείμαχον*, aut vindicem *Dei* manum non senserint, quicunque eos unquam aut bonis, aut vita spoliarent. Exempli passim obvia sunt, & omni ævo. Inter alia *Simonidis*, qui cum apud hospitem suum in *Thessaliâ*, cum multis aliis convivaretur, singulari cœli favore solus triclinii ruinam effugit. *Arion* cum artis poeticæ studio magnam pecuniæ summam comparasset, *Corinthum* navigans à naviculariis, qui opibus ejus insidias parabant, in mare præcipitatus, à *Delphino* ergo exceptus, & conservatus est. *Hesiodi* à latronibus interfecti cadaver in mare coniectum, *Delphini* revexisse feruntur; ficarii vero oborta tempestate, cum fuga navali saluti suæ consulerent, naufragio, justissimo *Dei* judicio perierunt. *Ibyci* verò grues quis ignorat, quæ sapientissimè omnia,
sic

sic dirigente *Deo*, poëtarum necem detexerunt, & vindicarunt.

Jam quid honores, quid præmia commemorem, quibus poëtarum olim cumulati fuerunt? Quis nescit in eam Poësim admirationem venisse, ut Reges & Principes eam amplecterentur, studiumque ejus maximè promoverent. Quid? nonne *Hercules Lino* poëtarum erudiendus traditur, *Persæus Rex Mycenarum* Poëticam scholam prope montem *Parnassum* condidit? *Ptolomæus* in aulam poëtas recepit? *Ennium Scipio Africanus*, *Æschylum* & *Simonidem Hieron Syracusanus* in pretio habuit. *Dionysio Phloxenes*, *Antigone Macedonum Regi*, *Antagoras Rhodius* & *Aratus* conjunctissimi fuerunt: & cum magno illo imperatore *Augusto Virgilius*, & *Horatius* familiariter colloquuntur, cœnant, ambulant. Quid *Alexander*? adeo delectatus fuit his studiis, his scitamentis *Musarum*, & bellariis, etiam inter armorum strepitus, inter classica, & equorum fremitus, ut *Homerica Iliadem* in suo jugiter habuerit comitatu, tanquam militiæ suæ viaticum: hanc vigilans nunquam de sinu posuit, dormiens unquam deseruit, sed sub pulvino repositam sollicitè haud aliter quam individuum vitæ sociam asservavit. Cui cum ex *Darii* regis thesauris pretiosissima arcula offerretur, dignam eam judicavit, in quâ magni illius poëtarum monumenta reconderebantur. Nec injuriâ. Quàm enim aliam causam fuisse arbitramur, cur cum de singulis disciplinis agat, princeps ille Philosophorum *Plato*, Poësin τὸ ὅλον vocat, quam quod reliqua ad eam se habeant ut singula ad omnia, & partes ad totum? Hanc colere non est quorumvis, sed eorum tantum quibus ingenium non supra vulgus solum sed supra hominem, & qui homine non majores esse non possunt, dum à majore impelluntur sapientiamque suam non levioris litteraturæ præceptiunculis circumscribunt, sed dignitate magnarum, & sublimium cogitationum

Eudamidas interrogatus à quodam quam ob causam *Lacedæmonia*, priusquam irent in prælium, Musis immolarent, cum Musis nihil videretur cum Marte esse commercii? in rebus, inquit, fortiter gestis contingat honesta commemoratio. Nam

*Non incisa notis marmora publicis,
Per quæ spiritus, & vita redit bonis
Post mortem Ducibus, non celeres fuga
Rejectaque retrorsum Hannibalis mina,
Non incendia Carthaginiis impia
Ejus, qui domita nomen ab Africa
Lucratus rediit, clarius indicant
Laudes, quam Calabra Pierides, neque,
Si charta sileant, quod bene feceris,
Mercedem tuleris. Quid foret Ilia,
Mavortisque puer, si taciturnitas
Obstaret meritis invida Romuli?
Ereptum Stygii fluctibus Æacum
Virtus & favor, & lingua potentium
Vatum divitibus consecrat insulis.*

Et profecto sic oportet cum non minus posteritatis inter sit, quam eminentium virorum, qui pro Patria strenuè fecerunt, res gestas eorum, consilia, labores, ingenii monumenta, ne virtutibus debita gloriæ merces invideatur, æternitati, famæque titulo consecrari. Movit hoc *Herculem* magnum illum monstrorum terræ domitorem, ut cum Musis pactum hoc inierit, ut illæ quas armis defenderet, res suas præclare gestas, laboresque exantlatos, stilo ad posteritatem propagarent. Movit & Imperatores olim Romanos, ut Poëtæ perpetuos comites habuerint, laurea coronarint, & opibus, ac dignitatibus auxerint. *Ennius* à latere *Scipionis* divelli nunquam potuit, nec mortuus à mortuo separari, sed uterque in eodem tumulo collocari. *Populus Romanus* tantum *Maroni* honorem habuit, ut auditis versibus ejus, assurrexerit, præsentemque Poëtam quasi

AN.

Augustum ipsum, in Theatro veneratus sit. *Theophanes* à *Pompejo* civitate donatur. *Terentius* juxta *Scipionem* in curru triumphali, plausu totius populi comitante, pileatus conspicitur. *Appianus Alexandri Severi* munificentia ditescit. *Vespasianus* maximis muneribus poëtas condecorat. *Titus* medias inter *Musas* sedet, scribit, componit, meditatatur *Claudius* Imperator *Nonniani* Poëta auditor est diligentissimus. Adeò verum est tritum illud:

Carmen amat, quisquē carmine digna gerit.

Sed ne præmia solum florentissimas opes, honores, dignitates, coronas Poëtarum loqui videar, quæ etiam in indignos haud rarò conferri possunt, jam quæ merita ipsorum sunt videamus. Hic verò τί ποῦτον τί δ' ἔπειτα τί ὑδάτων καλαλίξω? *Musarum* enim erant illæ apiculæ, quæ *Platonis*, quæ *Sesychori*, quæ *Pindari* labiis infederunt. *Musarum* illa buccina quæ *Spartani* contra *Messenios* viçtorias peperit. *Musarum* illa tuba quæ *Alexandrum Magnum*: ad tantam in armis capeßendis animi fortitudinem, in bellis gerendis vigilantiam, & alacritatem, in subeundis periculis constantiam excitavit. *Musarum* illa erat cithara, quæ inter armorum strepitus, & clangores tubarum, iram *Achillis* mitigavit, dolorem lenit, animum labore fractum demulfit, *Musarum* erat ille filius de cujus patria, septem illæ urbes contenderunt, quem *Colophonii* suum, *Smirnaei* suum, *Rhodi* suum, *Salamines* suum esse gloriati sunt, *Musarum* beneficio, *Pericles* & *Sophocles*, ad summos honores in *Attica* Rep. eveßti fuerunt. Quo igitur loco habendi sunt illi, qui dulcissimo, & amantissimo *Musarum* studio non delectantur? Certè non homines esse dicam, sed meras pecudes, & inutilia terræ pondera. Nemo ita caudex, & truncus, imò nemo adeo ferox, nemo tam barbarus, quem illæ veneres venustate sua non emollierunt, *Marius* nulli ferè mortalium tolerabilis, tantam

ex carmine voluptatem cepit , ut poëtam summa humanitate complexus sit. *Polycrates* Samiorum tyrannus , *Anacreontem* in deliciis habuit. *Nero* qui humanitatem omnem exuisse videbatur, bestiis propior quam homini , hoc solo nomine hominem se esse probavit. Quid multa? Poësis omnium scientiarum fontes tenet, atque ex iis præclarissima quæque decerpit. Quæ quidem omnium scientiarum cognitio, ut in omnibus antiquis poëtis est , ita præcipue in principe Poëtarum *Homero*. Qui quantus fuerit in rebus naturalibus , & in Ethicis , ejus scripta abunde testantur. Fatentur & Philosophi cum *Macrobio* , omnium eum divinarum inventionum originem esse : prædicant cum *Plinio* , ingeniorum omnium fontem : cum *Strabone* , Geographiæ parentem nominant. Quantus verò Anatomicus , Botanicus , Medicus, fuerit , ex scriptis Medicorum innotescit . ita nulla medicinæ pars , ab illo non probè cognita , & tractata , morborum causæ , nimii somni incommoda , plantarum vires , moly, lothi , croci, hyacinthi & aliarum. Vnde etiam Antiquitas (& quis melior hîc judex?) quo ostenderet conjunctissimas inter se disciplinas, Medicinam & Poësim, unum utriusque antesignanum , & inventorem esse voluit Apollinem. Et quot à nobis produci possent viri magni , qui *Æsculapii* cultores fuerunt , & *Musarum* & *Melampodem* quis nescit Poëtam & Medicum fuisse vetustissimum, qui carmine elegantissimo multo de *Saturno*, de raptu *Proserpina* , & luctu *Cereris* , ad posteritatem , transmisit. Cui etiam ob insignem medendis peritiam, templa erecta , festa solennia statuta , & sacrificia. Quid *Aratum* memorem, quid *Alcæum*, quid *Democritem* , quid *Emilium* , quid *Silium Italicum*, quid *Petronium* , quid *Ausonius* , non inficianda sæculo nomina , pluresque alios , qui utramque *Apollinis* artem , magna cum laude pertractarunt? Jam quid de Jurisconsultis dicam ? Certè in tanto



tanto olim apud eos honore fuerunt Poëtae, ut illorum parentem *Homerum* Ἡὤμηρος πάντων, Imperator parentem omnis virtutis appellarit, eumque tanquam judicem permutationibus, & venditionibus adhibere non dubitaverit. De *Cotta*, ingeniosissimi Poëtae illustre est præconium,

Numen Pieridum, prasidiumque fori.

Modestinus in ipsa curia, pro rostris, secures inter & fasces, strepitusque forenses, *Musas* coluit & carmina non semel fudit. *Cacilius Gallus*, *Cajus*, & innumeri alii quam reverenter Poësin habuerint, testantur docta eorum monumenta, poëtico calamo consignata. Quid *Ulpianus*, an non dum regulas scribit, versus scribit? Quid sæculi sui lumina, ingenii ac doctrinæ principes, *Alciatus*, *Budaus*, *Turnebus*? Quid alii quos hodie in cancellis imperatoriiis, in curiis Electorum, in consiliis principum à *Musis* coronatos videmus? non minores illi fuerint poëtae, quam Jurisconsulti. Sed ne à Poësi Theologos alienos esse putetis, & *Musas* templis eorum excludi, quis adeo Sacrarum literarum rudis est, & imperitus, qui nesciat his flosculis aspersos esse Prophetarum, & Apostolorum libros? Quid aliud Cantica *Mosis*, *Debora*, *Barachi*, *Anna*, Psalmi *Davidis*, quid canticum canticorum Sapientis illud Hebræi, quid aliud inquam spirant, quam Poëtarum elegantiam? quid Patrum tempore, *Nazianzeni*, quid *Prudentii* scripta testantur, nisi summum in viris istis Poëseos studium, & amorem *Musarum*? *Menandrum*, *Epimenidem*, *Aratum* quis nescit citatos esse à *Paulo*, magno illo doctore Gentium? *Virgilium*, non sine admiratione receptum ab *Augustino*: *Aristophanum* ab *Hieronymo* traditum manibus puerorum, à *Chrysostomo* pulvillo suppositum?

Quæ cum ita sint mirari satis nequeo inveniri homines tenebriones, & rei literariæ iniquos censores adeo impudentes, & proterve maledicos, qui studium Poëseos convitiis proscindere non eru-

etubescant, carpentes ea temere, quæ non capiunt, & damnare parati magis quam discere. In alia longè sententia Philosophorum coryphæus *Plato*, qui Poëtas modo sapientiæ Patres, modo Deorum Filios vocat. *Aristoteles* in scriptis suis non tantum poëtarum testimoniis utitur, verum etiam libro primo de sapientia, Philosophum omnem fabularum amatorem esse confirmat. Non de nihilo. Quis enim nescit sub fabularum involucribus arcanos sapientiæ sensus, & salutaria vitæ monita esse recondita? Aliæ enim ad strenuitatem, & animi fortitudinem nos cohortantur, ut ea quæ tradita sunt de *Hercule*, magno illo domitore terrarum. Aliæ ab omni crudelitate & perfidia nos retrahunt, ut *Lycaonis* fabula. Aliæ mortis inevitabilis necessitatem inculcant, ut illa de cymba *Charontis*, de *Plutone*, *Tartaro*. Aliæ ad deterrendos homines à rebus turpibus inventæ sunt, ut *Ixionis* supplicium apud inferos, & malæ conscientiæ laniatus in *Titio*. Aliæ ab avaritia nos delhortantur, ut sitis *Tantalii*. Aliæ à temeritate, ut illa de *Phæronte*, & *Icaro* fabula. Aliæ ab amore sui, & φιλαυρία ut illa *Narcissi*. Aliæ ad virtutes nos alliciunt, ad integritatem vitæ, ad æquitatem, ad Religionem, ut *Elysiorum* camporum amœnitas. Aliæ denique ab omnibus flagitiis revocant, ut illa de *Rhadamantho*, *Mione*, *Æaco*, severissimis triumviris, qui apud inferos, singulorum animas defunctorum judicant, & gravissima sceleratis supplicia decernunt; nempe ut arcanis sacrisque vela solent obtendi, & aulæ: sic Poëtæ à primo profanorum aspectu subducunt altiora dogmata, & fabularum obtentu quodam tegunt, sapientissime dicta; nec nisi ab ignaris, aut stultis ridenda. Ubique enim altæ, acres, ferientes sententiæ, & utilissima monita, aut medicamenta animorum: ubique præcepta Sapientiæ, quæ quo facilius in animos influant, insatiabili quadam admirabilium rerum varietate condierunt. Sed oblatrant hîc quidam,

dam, & obscœnitatem poëtarum obtendunt; qui tanquam si nequitiam profiterentur, incautæ juventutis vestales aures, & mentes Cyrcæo velut poculo venenant, eamque in desidiâ, aleam, saltus, tripudia, vagos amores, turpi lenocinio compellunt. Esto, intercurrent quædam non satis honesta. Quid? an ideò culpanda Poësis, si qui ea abutantur ad libidinem, & morum licentiam? usum rei bonæ ab ejus abusu distinguere discant, qui tam procaciter eam, tam petulanter traducunt. Ut illi qui à scorpiis icti sunt, ab iisdem remedium petunt: ita ex ipsis Poetis vulnere, quæ ab eorum fabulis inflicta sunt, remedia petant. *Iovem* legunt in imbrem aureum conversum, & per tegulas in *Danaës* turrim illapsum, fucum virgini facientem? ad animum revocent eximiam illam Lyrici vatis sententiam,

*Aurum per medios ire satellites
Et perrumpere amat saxa, potentius
Ictu fulmineo.*

In magnatibus luxuriam detestentur, & in virginum custodibus, pecuniæ amorem. Gigantes vident in fabulis, cœlum superosque adoriri, & bellum intentare diis? subeat animum historia *Mosis*, de turris Babylonice architectis, discantque eorum exemplo, quam non solum impium sit, sed & temerarium *Θεομαχῆιν, ἐπὲς κέρτρα λακτίζειν*. Audiunt ob audaciam *Lycænis* cætorumque mortalium deploratam nequitiam, Universum orbem terrarum profusis imbris inundari, adeò ut opertis diluvio montibus, omnis humana caro interierit, duobus tantum exceptis *Deucalione* scilicet & *Pyrrha*, quod ceteros mortales omnes pietate antecederent? veniat in mentem historia *Noachi*, & fabulæ hujus argumentum ad sacræ paginæ veritatem expendant, discantque venerari hinc *Dei* in plectendis peccatis hominum justam severitatem, hinc in servandis suis plusquam paternam benignitatem, & cle-

mentiam. Sed quid Soli lucem fœneror, & frigidis objectiunculis refellendis longius me impendo, quas & fullones exhibilent, paullo saniores? Finio Auditores, & ut nautæ

—quando ex alto procul

Terram conspiciunt,

ex animo latantur: sic ego qui terram non aspicio sed tango. Audivistis *Musarum* antiquitatem, intellexistis studii poetici præstantiam, utilitatem ejus degustastis, suavitatem hausistis. Vidistis in quanto olim pretio fuerint Poetæ, quam grati, quam accepti in aulis Principum, quam familiariter cum iis vixerint, sermones sociaverint, convivati sint; cum Imperatoribus, cum Regibus: quæ laborum suorum retulerint præmia, quas dignitates, quos honores, quas opes. Quid diligentiam vestram exacuatur, quid amorem nobilis illius studii poetici animis vestris ingeneret, quid genium vestrum, quid ingenium stimulet, compellat, incitet ad seriam Poëtarum lectionem, & generosam Poëscos æmulationem, nisi hæc sint? Viam quam insistere vos volo arduam, esse novi: sed ut Athletæ cursu non eos respiciunt quos reliquerunt, sed intendunt in priores: sic vos in eos qui vobis doctiores. Immortalis sum si per desiderium auditus ad immortalitatem patet. Ut arborem plantare satis non est, rigare, putare debes, & pertinaci culti quidquid speras urgere: sic ingenium, Mortalium animos natura dotat, industria perficit. Laborandum hic si usquam, nec alia lege paratur eruditio, nihil quoque ad æternitatis famam gloriosius. ad exempli normam utilius. *Musæ* quidem in *Parnasso* sedentes somniavit Antiquitas, nemo tamen ad illas nisi stando, & vigilando pervenit. Sed longius provehor in oratione, quam par est. Vos studiosos, & commilitones suavissimos etiam atque etiam monitos, & rogatos volo, ut ea quæ à me dicta sunt ad animum revocetis. Venam quæ vos natura instruxit

colite, poëtas cum *Græcos*, tum *Latinos* vobis reddite familiares, carmen utraque lingua non poetitendum scribite, & arcana mysteriaque omnia, quæ vel divinitus ab *Homero*, *Phæbo* illo vatum, vel ingeniosè ab aliis, qui hac in parte excelluerunt, prodita ac relictæ sunt, nocturna versate manu, versate diurna. Quid enim (ita me Musæ) scriptis eorum doctius, quid ornatus? quilepores ubique, quæ veneres, quæ elegantix? quas qui non admirantur, eas procul dubio, aut omnino non legerunt, aut si legerint plane in literis excutiant. Mihi credite, nulla compendiaria magis nominis parandi ratio, quàm per Poësim, quam si quis videat recto animi oculo, quid culpet, imò quid non suspiciat, & admiretur? Ingenti Colosso *Rodus* celebris est; *Caria* Mausolii sepulchro, *Memphis* pyramidibus. Sed qui se totum *Musis* devovit, & *Apollini*, si qua unquam ingenii monumenta ad posteritatem transmittat, auctori immortalitatem conferunt, præmiumque laboris sui

~~————~~ are perennius

Regalique situ pyramidum altius,

Quod non imber edax, non aquilo impotens

Possit diruere, aut innumerabilis

Annorum series, fugaque temporum,

Æternum victuro, quamdiu nobilioribus his literis erit usus, honos scientiæ, doctrinæ pretium, sapientiæ laus. Dixi.

ORAZ

O R A T I O XXIII.

In vituperium Otii ignavi, recitata

Carminè à

FRANCISCO CROMELING.

CAst alio gens sacra choro, cui fronde vi-
renti
Nescit Apollo comam, rerumque arcana
recludens

Pierio doctas dedit immerfisse liquori
Vatum animas, quæ causa fuit melioribus olim
Ingeniis, dubiam tanto certamine famam,
Et laudum tentare vias? dum nescia veri
Fabula, pellacisque joci, iisque, risusque,
Fictæque facundis miscentur proelia chartis.
Non aliud docto quondam molita labore est
Mœonii mens alta Senis, cum saxa Charybdis,
Naufraga cum Scyllæ rabiem, cum lurida Cir-
ces

Pocula, Sirenasque canit; quæque inter amores
Penelope trahat arte procos, dum lenta diurnæ
Stamina pertextæ diffingit callida telæ.
Tuque decus vatum, & nunquam moritura Ma-
ronis

Vena, quid Æneæ decantas proelia versur
Augusto placitura tuo? mentitaque Elisæ
Fœdera connubii, miseri post fata Sichæi
Dardanio jurata Duci? Tuque unica gentis
Gloria Pelignæ, lascivo prodece cantu
Semina nequitæ gaudes, vitisq; recludis
Per venetis fomenta viam. Sic plurima Vatum
Materies non digna cani, dum huic fabula Da-
phnes,

Aut Phlegethontæ facie furibunda Megæra
Ficta placet; Niobes alius suspiria matris

Examines inter natos , natusque , virumque ,
 Commemorat ; turpes alius modulatur amores :
 Semiferosque alius Centauros , Gorgonas atrox ,
 Harpyas , Sphingesque , ardentisque ore Chimæ-
 rz :

Cæteraque obscœnis olim cantata Poëtis.

Sed me Parnassî deserta per ardua dulcis

Raptat amor , rerumque alius mihi nascitur ordo ,
 Dicendique modus ; non jam , non bella Gigantum
 Dis superis illata canam , non horrida Pluti
 Regna patris , furiasque , & diris quidquid Averni
 Faucibus evomuit quondam Proserpina monstri :
 Non Phaëtonis equos , raptumque per avia cur-
 rum ,

Præcipitesque vias ; non detestanda cruentæ
 Fœda Lycaonia referam convivia mensæ ;
 Mens aliis districta vacat : nam causa malorum
 Segnities mihi carmen erit , mollisque veterni
 Onia Picriis semper malè grata Camænis
 Profligare juvat , Digno atque laceessere versu ,
 Quo pubes incauta sui , quæ prodiga semper
 Temporis heu nimium ! stimules agitata laborum
 Satciat annorum pulchris dispendia rebus.
 Hoc virtutis opus ! Tu qui radiantia puro
 Lumine templa habitas , celsique micantia fingis
 Astra Poli , Deus alme , Deus , qui cuncta gubernas
 Imperio , Oceanique udas moderaris habenas ,
 Et fera terribili jacularis fulmina dextra ,
 Rerum sancte parens , audacibus annue cœptis ,
 Et Musis da vela meis , quo Numine fausto
 Inceptum decurrat opus , ventisque secundis
 Concita tranquillum subeat mea cymbula por-
 tum.

O vitæ miseranda dies ! O scelâ nefandis
 Luxuriosa malis ! prisci dum corda decori
 Longa soporatis spumant oblivis curis.
 Hæcine vota juvant ? hæc te contagia morum
 Mortalem funesta movent ? sic itur ad astra ,
 Æthereasque domos , augustaque limina Cœli ?
 Falle ;

Falleris, incautumque B O N I te fallit imago.
 Quid mentem traxisse Polo, quid profuit altum
 Erexisse caput? quid recti ad sidera vultus?
 Ingeniumque ultra pecudes? si tecta tenebris
 Desidia, densaque nimis caligine torpet,
 Obruta vis animi, & divina particula auræ
 Serpat humi, mensque una suo devota parenti
 Cælicolæ, illecebris Sirenum præbeat aurem,
 Excusso cervice jugo, nullisque rebellis
 Indomitas imitata feras teneatur habenis?
 O pudor! heu quantum mortalia pectora cæcæ
 Noctis habent! pronam paulò precor erige men-
 tem

Et mæcum ingentes Cœli spatia per oras,
 Sidereasque domos: hæc indubitata laborum
 Muta tibi documenta dabunt, ne fœda residat
 Segnities animo, celsamque ab origine mentem
 Dejiciat, magnos heroum exosa labores.
 Aspice, & exemplar vitæ, morumque magistra
 Sit tibi cura D E I, quæ tot labentibus annis,
 Terram quam valido sapiens suspenderat axe,
 Fulcit adhuc, iustoque tenet moderamine, ut in-
 star

Rupis, & Icarii scopuli inconcussa perennet.
 Ille mare & terras diversis temperat horis,
 Cuncta movens, mota amplectens, amplexa gu-
 bernans:

Cœlestesque orbes nullo quoque fine moventur
 Imperio magni Patris parere parati.
 Sol qui flammiferis mundum complexus habenis
 Volvit inexhausto redeunti secula motu,
 Itque reditque viam toties, patiensque laborum
 Solennes religit sua per vestigia cursus.
 Cernis ut exortu, gelidis nitidissimus Euri
 Surgat aquis, vultuque rubens, rapidoque coruscans

Purpureum vehat axe diem, tenebrasque serena
 Luce secet, flexoque emensus tramite cursum
 Cedat, & Hesperias iterum festinet ad undas

Oceano tincturus equos? quid Luna? putatis
 Ignavam torpere situ, segnemque tueri
 Quas gremio comprehendit opes N A T U R A pa-
 tenti?

Non ita. Sed vasti steterit dum machina Mundi,
 Oceanus clausum dum fluctibus ambiat orbem,
 Luna quater variat spatio sua cornua mensis;
 Ignibus alterius (magnum & memorabile) Solis
 Lustratur radiis, qui dum duodena quotannis
 Signa petit, curvi dirimens confinia Cœli,
 Perpetuum circa terras raptatur in orbem.
 Hinc bruma, hinc æstas, hinc ver, autumnus, &
 anni

Mille vices. Videntur ut tepido sata læta ministret
 Terra sinu: floresque, & odoriferos hyacinthos,
 Narcissumque, crocumque, & quidquid purpu-
 reum ver

Spirat hians. contra gelidis oppressa pruinis
 Puniceo nunquam florum vernabit amictu;
 Gramina nec campis reditura, aut messibus æstas;
 Si pigro stent astra polo; si immota quiescant
 Sidera, si nulla foveant vertigine Mundum.
 Tunc campos torpere situ, dumilque referta
 Rura vides, tribulosque incultis nascier agris;
 Si non vere novo, gelidis ubi montibus humor
 Liquitur, & Zephyro putris se gleba resolvit
 Dura lacertosi proscindant arva Coloni;
 Corniger & neglecta novælia vertat aratro
 Taurus, inopsque Ibycus; duros si culta ligones
 Nec rastros patiatur humus, frugesque beatas
 Pulverulenta coquat maturis solibus æstas.

Quin etiam (Si parva licet componere magnis)

Aspice ventura metuens formica Senecta,
 Exercetur humo, vigilantique excita cura
 Urget opus, celerisque gradu (mirabile visu)
 It nigrum campis agmen, prædamque per herbas
 Convestant calle angusto; pars pinguis trudent
 Oblixa frumenta humeris; pars agmina cogunt;
 Castigantque moras, opere omnis semita fervet.

Talia

*Talis apes astate nova per florea rura
 Exercet sub sole labos, cum gentis adultos
 Educunt fœtus: aut cum liquentia mella
 Stipant, & dulci distendunt nectare cellas,
 Aut onera accipiunt venientum: aut agmine factæ
 Ignavum fucos pecus à præsepibus arcent;
 Ferret opus, redolentque thymo fragrantia mella.*

Solus homo (immedi decus admirabile Mun-
 di,)

Cui cello mens orta Polo, & cœlestibus auris,
 Hæc novisse dedit, turpi correpta veterno
 Otia, & ignavam damnatricemque laborum,
 Desidiam securus amet, blandoque veneno
 Segnitæ, virtus paulatim evicta tepe scat?
 Quæque B O N I quondam, primaque ab origine
 Cœlo

Semina deduxit, pereant? Sopitaque passim
 Altaque divinam teneant oblivia stirpem?
 Non ita degeneres animæ, nimiumque supinæ,
 Otia qui teritis, Studiorum incumbite curis.
 Quæ mora vos retinet, generosam accingite men-
 tem

Ad decus. O Philtro nimium fucata doloso
 Languida segnities, Veneris fomenta ministrans
 Fœdaque dilatrix operum, male suada laborum,
 Et scelerum commune caput! proh quanta dedisti
 Funera? quot fundo subversa palatia, quotque
 Dejectas acies, & turpi strage phalanges?
 Quot pulchræ Heroum animæ, & celebrata trium-
 phis

Nomina tartareis per te damnata tenebris?
 Ah quoties largo nimium sopita Lyxo
 Castra truces sensere manus, dum bellica fœdo
 Squalent arma situ? multosque inarata per annos
 Prædia, devictisque patent custodibus urbes.
 Ipse cui toties niveis in vecta quadrigis
 Inclyta perruptas patefecit gloria portas,
 Iessades, magni Soboles generosa parentis,
 Armorum, bellicque satur, Martisque triumphos

Pertasus spectare diu, quem vincere Mavors
 Nec Regum potuere minæ (proh dedecus ævi!)
 Marcida securum vicerunt otia Regem, &
 Desidiā sectatur iners, castrisque relictis
 Inquinat Uriæ sacrata cubilia servi,
 Turpis adulteriis macula, insontemque necari.
 Bellerophontæis tabulis jubet, intima rumpens
 Foedera connubii, & casti pia vincula lecti.
 Quæritur Ægisti, Veneris quæ causâ nefandæ?
 Desidiosus erat. Samson dum membra reclinans
 In gremio Dalilæ, curtatis crinibus hosti
 Traditur, effossisque oculis fit fabula Vulgi.
 Heu miserum! tantæne armis victricibus iræ?
 Quid Noam memorem, nulli pietate secundum
 Agricola? qui dum maturam colligit uvam,
 Fessa nimis, liquido madefecit membra Lyæo.
 Nudatumque suis femur, & spectanda ministris)
 Inguina prostituit. Tanto nempe otia semper
 Stant discincta suis, socorsque ignavia menti
 Contra quanta labor, quantos vigilantia rerum
 Successus dederit, quantis trophæa triumphis
 Si enumerem, reddit me dubium copia. vultis
 Exempla? antiquos quæso percurrite fastos,
 Et veterum monumenta Virum, concreta char-
 tis.

Magnanimum virtus evexit ad æthera quondam
 Alciden, quem non immanis terruit Orci
 Cerberus. ingenti Nemeæ quis mole leonem,
 Quis domuit cervam æripedem, Lacinumque,
 Cacusque,
 Quis taurum, Lapithasque truces, quis Amazona
 fortem
 Stravit, & horrendam, ferro & face contudit Hy-
 drem?
 Hercules fuit ille labor. Quid facta revolvam
 Pelæi juvenis? qui sub sua sceptrâ redegit
 Imperia, & terras longe lateque patentes,
 Calcavitque Asiam pedibus, Victorque superbis
 Iura dedit populus, famamque extendere factis
 Dura

Dum fatagit, nullos firmata mente labores,
 Excubias, curasque, & duri tædia belli,
 Nulla minax vitæ discrimina sæva refugit,
 Scilicet astra petit labor improbus, ille decorum
 Dat mensis epulisque accumbere: *Nil sine magna*
Vita labore dedit mortalibus: ille parenteis
 Palladis ad Portas, & sacra Palatia Phœbi
 Excubat infomnis, nec fas conscendere cuiquam
 Thespiadum Aonios montes, quem ignavia ve-
 cors

Occupat. Hic morum probitas, hinc nescia falsi
 Religio colitur, pietasque, hinc totus Olympus,
 Naturæque arcana patent, elementaque Mundi.
 Hic tibi Socraticos ostendet pagina mores,
 Et vitæ melioris iter. Sperare coronam
 Hinc juvat, hinc juvenes summa ad fastigia laudum
 Illustri datur ire via, quo splendida Virtus
 Vos vocat, incolumisque trahit reverentia famæ.
 Desidia indultum satis: est quid marcida captas
 Otia, Musarum duros exosa labores?
 Dignior ingeniiis merces exsurgit. Amantî
 Cuncta patent. labor ille tuus tibi proderit olim.
 Huc adverte Piger: stimulos dabit æmula Virtus
 Excita, dum frontem tibi flos juvenilis inumbrat;
 Ne sero tractanda gemas, generosa propago,
 Doctrinæ studiosa cohors, per sacra Minervæ
 Vos precor, hæc animis, penitusque infigite mentis,
 Quæ loquor: extinctæ redeant in pectora flam-
 mæ,

Antraque Pieridum, Parnasseique recessus,
 Dum compos mens ipsa sui est, dum certa facultas,
 Dum ratio, tempusque sinunt, dum flexilis ætas.
 Segnitæ cur tantus amor? cur lapsa tueri
 Tempora sit studium? non hæc veneranda Cato-
 nis

Norma jubet, Samiique Senis: dispendia vitæ
 Prodigæ districtis, nimium damnosa Camænis,
 Degeneres produunt animas, dum præterit ætas,
 Et vaga præcipiti volvuntur tempora lapsu,

Non ullo reditura die; truditque priorem
 Hora sequens, peraguntque levi sua stamina fuso.
 Concordes stabili fatorum numine Paræ.
 Nec nasci bis posse datur; fugit hora, nec unquam
 Quod retrò est, revocare dies potuere sequentes.
 Utendum est ætate: dies ne ultimus atris
 Demersum tenebris sterili deprendat in actu?
 Torpor iners animum, validosque effeminet artus
 Mollities; quem Musa sibi devinxit alumnum?
 Non ita. Sed meliora vovens, pectusque animumque:

Si quis in ore pudor, virtusve in corde resedit
 Acribus exagita stimulis: his suffice vires,
 Ne te transactæ capiant mala tædia vitæ.
 Explorant Augusta viros, perque aspera duro
 Nititur ad laudem Virtus interrita clivo,
 Divitiis animosa suis, immotaque cunctis
 Casibus ex alta mortalia despicit arce.
 Invenies virtute viam, cœloque beabit
 Mens invicta malis. manet hos præclara labores.
 Gloria, circumfusus honos, bustoque superstes
 Nomen, & æternum virtus memoranda per ævum,
 Digna que sideræ post fata in sede locari.

O R A T I O XXIV.

DE CALUMNIA.

Habita methodo Lipsiana, ab

A R N O L D O L I P P I O.

Diogenem ajunt Cynicum illum, lucernam aliquando in ipso meridie accensam circumtulisse, interrogatumque *quidnam ageret*, respondisse, Homines sese querere, ut ostenderet, ita corruptos esse hominum mores, ut vix humana forma digni esse viderentur. At nunc

si viveret *Diogenes*, & foret hic nostrum fato dilatus in avum, quàm defixus hæreret, quàm staret antonitus, nec unam credo lucernam, sed plures accenderet, aliosque sibi adjungeret *λυχνόφορος* qui operam ei darent in quærendis, inveniendisque iis hodie qui alieni ab omni Sycophantia, & obtrectandi prurigne, Veritatem amant, oppressamque à petulanti malevolorum dicacitate constanter vindicant. Rara me hercule virtus: sed rariores longè ii qui eam colunt, tuentur, asserunt. Ita alii in alios convitiis quasi quadrigis incurrunt, & tanquam si ab inferis laxatæ furia, junctisque agminatim viribus, & jurato in perniciem foedere, crebo, ac importuno laniatu, bonos quosvis haud aliter, quam *Pentheos* discerpunt. Neque enim hæc calumniandi licentia intra susurros hodie, & privatos parietes consistit: sed atrocibus palam convitiis pugna crudescit, dentatisque disticiis, & maledictis procacibus, alter in alterius famam lethalia vibrant spicula, Invisum meritò bonis vitium! Nec enim feris ejusdem speciei inter se bella sunt, nec si forent, eadem hominem deceant, placidum natura, proximumque divino genus. Hæc causa est, Auditores, cur in præsentiarum apud vos, de Calumnia declamare in animum induxi, illa vitiorum omnium lerna, inimica Deo, virtuti adversa, veritati contraria, vera malorum hydra, quæ succisa, in perniciem hominum malè foecunda, identidem repullulat, & quidquid singula turpitudinis habent, sola sinu suo complectitur, & in quævis scelera homines agit præcipites, ubi huic vitio semel mancipati, mendacio se totos tradidere. Ac ut ordine argumenti suscepti materiam persequar, tria mihi de ea dicenda propono. Quam foeda sit: Quam Perniciosa: Quomodo cavenda. Unum tantum à vobis contendo, & quæ possum animi demissione rogo, ut mihi non aures solum, sed & animos adhibere dignemini.

Calumniam (ut inde ordiar unde dicendum spicia sumi haud raro solent) definitio occultam, lationem quæ aliorum famæ, sermone aut scripto detrahit, & clanculum de proximis, & plerumque innoxiiis ea ferit crimina, ut si non semper bonis eorum, aut vitam, nominis saltem estimationem in discrimen adducat. Hujus Autor est omnium malorum architectus Sathan, qui primus calumniam in mundum invehit: unde etiam à calumniando dictus est *διακολος*, sicut & ipsa *διακολη*, & quidem appositè, quod quasi trajiciat ac penetret, & noxio linguæ suæ telo absentem ac immerentem confodiat. Ut vel hinc foeditatem calumniæ, levato quasi velo contemplari liceat, quod ex diabolo orta, & non nisi infœdissimas ea personas cadat. Personas dico viles, ignavas, loquaces. Viles, quid enim hoc hominum genere abjectum magis, & contemptum? adeo ut negem, non dicam, bonam, sed mediocriter bonam, & quæ vel tantillum habeat ingenii sanguinis, unquam hac labe fuisse aspersum. Historiarum monumenta, Auditores, excutite, Sapientum omnium scripta replicate, dicta expendite veteris & nostri ævi, non aliter legetis, videbitis, audietis, quam malignas, & degeneres esse animas, quas pestilens aliquod sidus afflavit, natas in perniciem generis humani, tanquam pacis & concordie everricula. Ad hoc facti ut lædant innoxios & vexent, nec quies unquam iis, nisi aliis inquietis. Ignavos quoque eos feci. Nec injuria. Quid enim clarius? Prima calumniæ scintilla otium est. Hinc illa obtrectandi licentia, & non alio quàm hoc fonte derivata labe in patriam populumque fluxit. Quis occupatus, & districtus negotiis, huic aurem præbuit, huic se addixit? nemo. Sat domi habent boni quæ curent, parum imò nihil solliciti quid *Titius*, quid *Sæjus* agant, quid moliantur, aut *sub Arcto Rex gelida meditetur ora*. Apud desides & ignavos *Megara* hæc habitat & nusquam uberior

eior cottidie calumniarum seges, quàm apud eos
 quibus unum hoc opus ociari, & in alto hoc,
 & supino otio tædia temporis discutere ambu-
 lando, & fabulando: pedem vix alio tollunt,
 aut figunt, linguam usurpant, os referant quàm
 ad calumniam. Publica illic & privata vapulant.
 Princeps in aula, Magistratus in curia, Pasto-
 res in Ecclesia, Præceptores in schola, Patres,
 matres, liberi in œconomia, vix ac ne vix immu-
 nes unquam à talium censura, vellicatione, mor-
 su, audita & non audita efferunt, quin & ea sæpe
 impudenter eliminant quæ ne per somnium qui-
 dem cogitata, tanto ardore, tanto studio ut vix
 fatis apertum os, aut lingua prompta videatur.
 Atque hæc si ignavissimi tantum facerent, minus
 fortassis indignarer, nunc homines non solum
 ignavissimi sed & ignarissimi, qui ad hoc vitium
 ita proni sunt, ut res eas temerè calumniando
 traducant, quas nec mente assequi, nec cogita-
 tione complecti queunt. Similes nempe cæcis,
 qui cum nihil videant, de coloribus judicant: aut
 surdis qui de concentu, & harmonia, & de lyra
 asini. Ferrem profecto si qualicunque modo rerum
 periti essent: nunc cum vacua sint, & inania va-
 fa, sperno: quia tum maximè importuna, cum
 maximè rinniunt, & liquoris minimum habent.
 Sed & loquaces esse dixi, atque effræni oris. Mi-
 ramini Auditores? Qui aliter potest? quibus the-
 faurus est in lingua, non multa solum loquun-
 tur, sed mala: & præcipui talium sermones quid
 nisi de aliquo, & in aliquem? Ut scorpiis hoc à
 natura insitum est, ut obliqua sua cauda, quos te-
 nent, feriant: sic illi venenata sua lingua eos in
 quos incurrunt, Asino calcitroni, aut Bovi cor-
 nupetz similes. Poëtæ *Chimaram* è triplici corpore
 conflatum fingunt, sed fingunt tantum. Hic rem
 ipsam videtis, Auditores, & in suo vultu. Ad hoc
 enim monstrum tria concurrunt vitia, *Mendacium*,
Invidia, *Curiositas*. *Mendacium* prolis hujus egre-
 gia

giz pater est, sine quo friget omnis, imo jacee planè calumnia: quia animam, vitam, robur à mendacio trahit, & sine suo excidit: nisi abeat extra *Veri* fines, augendo, minuendo, interpretando, torquendo malitiosè omnia. *Christus* de templo corporis sui loquitur? de Hierosolymitano id dictum volunt; versatur cum publicanis, ut eos convertat ad Deum? ut edonem, & potorem traducunt. Sabbatho sanat agros? legem ab eo violatam esse clamant. Dæmonia ejicit? per principem Dæmoniorum id fieri ore plusquam blasphemò, & quovis atramento, nigriore calumnia, (cum nullum in eo vitæ momentum, imo temporis punctum, aut beneficio sterile, aut vacuum laude fuerit) non minus impiè, quam impudenter affirmant: Similes araneis, quæ ex amœnissimis floribus venena sua sugunt, & ut illæ filamenta ex suo corpore gignunt, tanquam tendiculas, & retia circumvolitantibus, quibus capiantur: sic illi fraudium suarum laqueos, Iure igitur mendacium ei pater: sed mater etiam invidia, quæ conceptam hanc prolem parit tandem, & producit in auras. Mores, & actiones calumniantium si intueamini, quis vestrum aliter sentiat? Rarò enim in viles, abjectos, & sui similes linguæ suæ spicula torquent, & quicquid criminum in sceleratissimum quemvis congeri potest: sed in eos qui probitate morum, ingenio, eruditione, & nominis fama longè alios antecellunt: more taurorum olim in Amphitheatris, qui nullo alio colore magis concitari solebant ac offendi, quam rubore, & purpura, qui tamen pulcherrimi sunt colorum. Invidiæ se jungit Curiositas, perpetua calumniæ nutrix, quæ rerum novarum avida, rumores & sermones sparfos in vulgus expiscatur, scrutatur, indagat, & infantem suam his tanquam dapibus, & cupediis pascit. Tolle eam à Calumnia, cibo suo ac pabulo, destituta, jejuna, vacua, famelica sedet: apibus haud ab similibus, quæ

amisso

amisso aculeo torpent, & nocere volunt potius quàm possunt. Nam hæc illa est quæ uberrimam de aliis garriendi, mentiendi, calumniandi materiam subministrat, quæ loca publica & privata, compita, vicos, pagos, urbes, provincias, regna perrepat, quæ in foris, curiis, templis habitat, quæ in ædes omnium, imo animos penetrat: nusquam non pedem figit, secretos *Magnatum* recessus, & intimas cogitationes rimatur, omnes latebras peruestigat, nihil non sciscitatur, quid in comitiis *Ordinum* fiat, quid in aula *Principis*; Quis rerum status in *Anglia*, quis in *Gallia*, quid *Cæsariani* moliantur, quid *Seuci*: Et quis tandem finis, si omnia ex amussim mihi recensere esset animus? *Dolia Danaidum* citius expleveris, *Ere- fichtonis* famem, & *Tantali* sitim, quam hanc cupidam semper, nunquam plenam, & saturam. Nec enim aures solum hujus perpetuò patent, & pruriunt: sed acres quoque illi oculi, queis acutùm magis cernit, quàm aut aquila, aut serpens *Epidaurius*. Hos ubi semel aperuit quid ea non videt; quid non scrutatur, pervia, impervia, aperta, operta, & quæ in tenebris ipsis, & solitudine gesta: Ut vel hinc appareat quanta forditas sit Calumniæ, quam *Mendacium* genuit, *Invidia* peperit, *Curiositas* educavit.

Restat ut quam perniciofa illa sit jam ostendam, & ad tristissima ejus effecta, mea se convertat Oratio. Pernicies ejus non *Valida* solum est, sed & *Varia*. *Validam* dico quia acutè lædit, & occultè. *Variam*: quia in omni pæne re & occasione, & plerosque omnes. Quid mirum? Nunquam ita feliciter auctum est cum rebus humanis, ut meliora pluribus placerent, nedum omnibus optima. Singula Auditores paucis expediam. Acutè dico lædere: nec aliter facer ille Vates qui in has voces erumpere non dubitavit verè patheticas, *Dentes eorum tela & sagitta, & lingua eorum gladius acutus*, ita ut sanato etiam vulnere cicatrix maneat!

Cuj

Cui non abſimile illud *Spartani*, qui interrogatus de gladio, *Saturne acutus eſſet? acutior*, inquit, *calumnia*; hoc nimirum innuens nullam ferri aciem eſſe, quæ cum acie hac lingua comparari poſſit. Ut enim fulminis ſubtilis illa vis, omnia perrumpit, omnia penetrat: Sic hæc, etiam in arctiſſimè clauſa, anxieque recondita; idque eò acius, quoniam occultè ut monui, & ex inſidiis id facit. Tela præviſa, ut eſt in veteri verbo, minus feriunt, ſed latentia, & inopinata quæ declines, quæ fugias? Nullus formidabilior hoſtis, quàm qui ex inſidiis incautos opprimit, qui cum blanditur mordet, cum ridet minatur, qui amorem oculis, fronte, vultu, verbis loquitur, odia peſtore circumfert, quæ oportunitatem naſtus, in credulam nimis mentem effundit. Nubes pluviæ prænunciant; inſignis aëris tranquillitas terræ motum, incendium fumus; aves marinæ gregatim è mari ad littus convolantes, tempeſtatem. Quid calumnia? ſubita & improvifa ab ea perniciès eſt, & eò diligentius tegitur, quò propius accedit. Venena nuda & aperta, ſi propinentur vitari queunt: ſed vino aut cibo callidè mixta, qui poſſunt? verè dicam? Mel venenatum eſt, quod gangrenæ inſtar, latè ſerpit, & obvia quævis depaſcitur, aut fluminum quæ dulcedinem ſuam in maris amaræ ſalfuginem deponunt. Præclare historicorum ille princeps: *Hoſtem adverſum*, inquit, *deprimere homini ſtrenuo haud difficile eſt: occulta pericula neque facere, neque vitare bonis in promptu eſt*. Validam itaque ab ea perniciem eſſe, videtis. Auditores, nunc quam varia ſit audiamus? Quid? nonne in omnem illa ætatem, ſexum, ordinem effræni intemperantia linguæ promiſcue debacchatur, omnes laceſſit, in omnes incurrit? nulli culpæ obnoxios & immerentes mendaciis circumvenit, & convitiis necat, ut canes *Alcanem*? Laceſſere virtutem viventium, & convitiis violare illuſtres animas, morbus & furor eſt non unius ſæculi: liberis

liberis ubique quadrigis illa invehitur, & exultat. Quis bonus, aut sapiens unquam ab ea liber? nemo. Paratum enim strictumque invidum illum dentem in omnes habet, parata linguæ tela, quæ vibret, sed in eos maximè, qui magni, qui purpura aut tiara conspici, toga vel militia clari. Nempe ut nulla sine umbra lux est: nulla virtus sine calumnia, aut livoris macula, piratis simili qui in mari onustæ navi insidiantur, vacuum negligunt. Et ut fulmina plantas humiliores, thymum, pulegium, arbuta quoque minuscule intacta relinquunt, summos contra montes feriunt: sic illa Summa & Summates, quos aut criminationum machinis violenter concutit, aut suspicionum cuniculis callidè subvertit, ut vel gloriosis inimicitiis inclarescat, aut per ruinam aliena estimationis ad famam grassetur, & suo nomine obscura, aliorum innotescat. Sed non varios solum, sed varia in re lædit: Quid homini in hac vita jucundius esse potest amicitia? hæc dirimit *Damoclem* à *Pythia*, *Orestem* à *Pylade*, *Theseum* à *Perrythoo*, *Achillem* à *Patroclo* divellit. Quid illis nativi amoris vinculis suavius, quid sanguinis conjunctione, quid affinitate dulcius? hæc violat. Quid rerum humanarum carius nobis est fama, cujus dispendia, & damna omni æstimatione majora sunt? hæc minuit, subtrahit, eripit, aut saltem conatur omni fraude. Opes tibi sunt? si potest exuet. Honores? privabit. Et quid de hominibus queror, aut rebus humanis, ne Deo quidem parcat, nec Divinis, quæ carpere audet, & calumniari. Nihilque tam sanctum, tam religiosum quod non violare, nihil tam sublime quod non ascendere audeat. Quanta enim audacia in Curiam illam caelestem penetrat; & adyta interioris hujus Templi scrutatur & calcit? quam impiè, & procaciter Religionem traducit, sugillat, & velut quadrigis convitiatorum incurrit? quem fidei articulum immunem habet improbi sui dentis? quæ

mysteria,

myſteria , & arcana divinæ Sapientiæ ?

— quâ Terrâ patet , fera

regnat Erynnis ;

Infacinus juraffo putes.

Atque hæ noxæ illæ ſunt quas privatim adhuc ludit ? ludit dico , ſi cum iis compares quas publicè infert , & in Principum aſſas. Hic enim ei ſedes ; alibi eam habitare dicas , hic impune dominari , & in ſuo quaſi circo verſari. Sed ut ſingula perſequi nec inſtituti mei eſt , ita nec temporis anguſtia patitur. Ex ungue leonem. Quidquid fraudium : oppreſſionum , ſclerum uſquam aut unquam fuit , unde obſecro , vos Auditores , niſi ab hoc fonte ? Nota eſt luporum feritas , at quanto crudelior calumniantium acerbitas : ſæviunt illi fame inter oves ; et hi quanta rabie , nulla neceſſitate inter homines graſſantur. O angues , ô viperæ ! Sacras , & profanas hiftorias replicate , non aliter invenietis. Si ſacras. Quid *Davidem* regno exiit , Regemque tot triumphis , & victoriis clarum de ſolio deturbavit ? Calumnia. Quid *Nabothum* vitæ innocentia , & morum integritate conſpicuum , vita ſpoliavit ? Calumnia. Quid Prophetam *Danielem* in leonum ſpeluncam , quid maſculæ pudicitie rarum exemplum *Ioſephum* in vincula coniecit ? coniecit Calumnia. Quid *Eſaiam* regio ſanguine oriundum ferra diſſecuit ? Calumnia. Si profanas : *Alexandrum Magnum* in tot amicorum neceſ , quid niſi Calumnia impulit ? *Belliſarium* ſtrenuum illum belli ducem , quid ad incitas , quid ad mendicitatem redigit ? Calumnia. Diviſtis enim *Perſis* , *Gothis* , *Vandalis* , *Sicilia* , *Africa* debellatis , majori *Italia* parte recuperata , & militari diſciplina poſtliminio reſtituta , poſt tot feliciter pugnata bella , & reportas victorias , Calumniantium invidia , qui ſola magnitudine mendacii , fidem quærunt , opibus ſuis & honoribus (ô ingratitude !) exutus , in trivio , victum mendicare coactus , in miſeras hæ voces erupit

miſer ;

miser; date obulum *Bellisario* quem virtus extulit & invidia & calumnia depreßit. Quid *Socratem* ipso *Apollinis* oraculo sapientissimum, ad cicutam? *Rutilium* ad exilium damnavit, nisi calumnia? Et unde illa *Roma* olim portenta Tyrannorum, scelerum omnium sentina, funera, pestes, & generis humani propudia, *Tiberii*, *Caligula*, *Nerones*, *Domitiani*, nisi à calumnia: & ne veterem illam camezinam monstrorum potius quàm hominum longius moveam, & soli Antiquitati immorari videar, hoc, hoc miserrimo tempore, quis clades, lanienas, funera, calamitates, *Rerum publicarum* excidia, urbium ruinas, agrorù depopulationes omnes, ad amissum enumeret quas parit, & peperit Calumnia una illa malorù *Uias*, & individua Virtutis labes. Regna & imperia contentionibus & discordiis agitari, concuti, subrui dolemus? excitavit Calumnia. Ardere tot jam annos facem civilium bellorum? accendit Calumnia. Populos in Reges, Reges in populos concitari, leges & jura violari, vincula consanguinitatis diffringi, omnia denique fursum, ac deorsum volvi? non aliunde hæc tristissima malorum initia, quàm à calumnia, & linguaio hoc fiabello. O tempora, ô mores! Ubi enim Caritas illa, toties à *Christo* inculcata, tot præceptis tradita? tot titulis exornata, tam anxie ab Apostolis commendata, tam sanctè inter ipsos habita?

Sed ne vos, Auditores, longiori Orationis ambitu, plus æquo detineam, venio ad tertiam ultimamque Orationis meæ partem quæ est de Calumniæ cautione. Quam si quis ita accepit ut immunem tutumque ab omni calumnia futurum se speret, nã ille graviter hallucinatur, eaque sibi persuadet, & pollicetur quæ sortem humanam excedunt. Quid ergo? duobus hic clypeis opus est, qui vim ejus, & aciem retundant, *innocentia*, & *pauca*. Innocentia. Nam ut locis politis & nitidis vix sordium aliquid adhærescit: sic nec calumnia, vitæ puriori. Et ut radii Solis in sordes, & caligantia

gantia loca conjecti, illustrant, non inquinantur: sic virtus, & inculcata vita quò magis impetitur, eò clarius enitescit. Palmæ similis quæ oneri non cedit, nec intra flectitur, sed contra pondus assurgit, & arboribus quæ eò altius radice terram comprehendunt, quo sævius ventorum furis exagitantur. Patientia quoque hæc si usquam opus est. Et beati verè qui eam spernunt, & laceissentis calumniz ictus bacchationes, scenica maledicta, syncophantias risu excipiunt. Nominis famam incurfat, pessundat, jugulat? magni esse animi putant non commoveri, non concuti, imo ridere illam, & indignam arbitrari, ad quam virtutem suam flectant, sumptaque laudabili superbia, & candoris clypeo, calumniantium diſteria tanquam longinqua tela, & saxa sine vulnere circa galeas crepitantia, aut velut minorum canum importunos latratus fortiter contemnere, & homines infra iræ suæ dignitatem positos, & virtutum fastigium. *Socrates* ab *Aristophane* publicè in Theatro verborum laceratus contumeliis, non modo ægrè molesteque hoc non tulit, sed & obviam sibi factum adversarium humaniter amiceque compellavit, an se rursus opus habere ad similem aliani contumeliam, una nempe innocentiz spongia eluendam? *Diogenes* ille Cynicus vir altæ mentis, contra concussionem omnem stabilis, & vera patientiz imago, cum turbæ eum subsannarent dicere solitus: *Illi me vident, ego non rideor.* O dictum *Pisithy*o dignum *Apolline*! O ingentem! ô verum sui æstimatorem animum! *Marcus Cato* Romanus ille sapiens in balneo percussus à quodam, cum idem satisfaceret, & deprecaretur, deterſa injuriæ memoria. *Non Hercules*, inquit, *animadverteram*, generosius longè judicans non agnovisse injuriam, quam ignovisse: quia in talibus victoria est penes eum qui sponte cedit, & vinci se gloriatur, pulchrumque ducit, & se dignum impunè lædi, nempe quod se nixus ac Deo, spernit quicquid assultat

ut fluctus quosdam aquæ abeuntis, & alludentis, non lædentis, ubi robustior materia occurrit. Vincatur aut vincat, parum est: Cum *Aristippo*: *Virtus abibit jucundius, quam ille victor dormiturus*. Nimirum ut aranearum calles animalia fortiora perumpunt; sic istos à calumnia laqueos mens robusta, armata puritate conscientiæ adversus calumnias malevolorum. Quid? si nebulo me resper-
sit luto, an ob id lutum in eum regeram? & si ab eo patior indigna, an ob id faciam me indigna? Contra passus injuriam si non invenio in eo qui eam intulit causas ignoscendi, in me inveniam & mala verba bonis actionibus ulciscar. Et verò si judicio examinamus quantula ista sunt quæ nos tur-
bant? rerum plerumque nihil, sed verborum aliquot inania, quisquilæ, nugæ, grandini similes quæ illisa testis, magno quidem fragore, verum nulla noxa desultat. Quæ si contempseris effugisti. Hæc vera, Auditores, hæc solida in Calumniam arma sunt, eam rebus ipsis & moribus confutare, quod est præstantissimum genus ultionis, exemplo *Philippi Macedonis*, qui *Gratias se debere dicebat Atheniensium oratoribus, quod convitiis suis redderent se meliorem: dum illos falsis conatur refellere*. Benè benè mehercule. Nam ut ignis paleam exurit, aurum verò nitidius reddit: sic Calumnia vera virtute gravem illustrat. Contemnendus est iste contemptus; & rumpantur ut illa *Codro*, cessisse hic præstat quàm incessisse, quia maledicta spreta exolescunt si irascaris agnita videntur, & nec vicinis quidem, ac repellis sine macula tam maculosos. Nam livoris illa spicula quæ jacta in bonos (ut quædam animalia amisso aculeo) torpent, ac propterea ridenda, & contemptu ulciscenda, ut quæ ne tangant quidem, taceo, ut vulnus infligant; quia talis quibusdam similia, quæ in Cælum emissæ, ire eò videntur, non eunt. Quid quod interno iudice si probus quis audiat, nil addent aut dement ei malorum sermones, certo murum hunc esse
atheneum,

aheneum, Nil conscire sibi, nulla pallescere culpa.

Sed jam desino, receptui cano, & finem dicendi facio. Tria hæc audivistis, Fœditatem hujus vitii, perniciem, cautionem. Rogo obtestorque vos Auditores per communia *Musarum* Sacra, per humanitatis jura, quam omnes profitemur, removete à vobis fatale hoc monstrum ab inferis excitum, imò quam longissimè amolimini hanc pestem animarum, hanc nominis gangrænam, & famæ luem: nec à linguis solum, sed & ab auribus vestris. Nunquam enim calumniatores decurrunt, dum cui persuadeatur extat; Et peccat hic non modo qui dicit calumniam, sed qui eam auditamque excipit: & ut prunam candentem tangere nemo potest sine noxa: sic nec adstare venenatis his linguis, quæ dum blandiuntur mordent, dum rident rodent, & more aspidum virus suum inspirant, eò periculosius, quò occultius.

Ad ipsos quod attinet, quia *lege Rhemmia* digni quibus frons inuratur, & littera, quæ Kalumniam (ita olim scribebant) notat, nihil eos moneo. Voveo & imprecor cum regio illo Propheta potius: *Muta fiant labia dolosa, qua loquuntur adversus Justum*, Dixi.

ORATIO XXV.

PRO EBRIETATE,

Habita ab

ADRIANO BLEISWYCKIO.

Non minus vero quàm trito fertur verbo: *Non quidquid nitet aurum est*. Multa apud homines in tanto esse pretio solent, & laudibus tantopere extolli, ut nihil pene sit, quod cum his componi debeat, aut comparari: quæ tamen si
ad

ad severioris judicii lancem exigere, vero verius appatebit, non modo non laudem, sed vix veniam mereri. Contra tanta est hominum in judicando, aut præceptis temeritas, aut cæca ignorantia, ut optima quæque non aspernari solum, sed & protervè fugillare, & convitiis proscindere audeant. Ne longius abeam.

Multi effœcto hoc virtutum seculo, ebrietate nihil turpius, nihil perniciosius esse statuunt, & proinde eam in suggestu, & subsellis quacunq; etiam occasione, sanguine viperino cautius fugiendam esse clamitant, & in eam tanquam in vitiorum, & malorum omnium lernam calide debacchantur. Tantum scilicet apud eos potest, præjudicata opinio, quam ubi semel imbibierunt, nullis ab ea argumentis, nullis rationibus abduci queunt. Sed si rem recto judicii oculo æstimemus, quid illa quæso jucundius, quid dulcius, imò quid utilius esse possit non video. Paradoxum fateor multis vestrum esse videbitur. imò pene inauditum, de quo nunc mihi dissertandum est. Sed sententias vestras, & judicia paulisper quæso suspendite, & quo alios ex hoc loco dicentes favore, & benevolentia complexi estis, etiam me nunc complecti haud dedignemini. Spondeo Auditores, imo si vultis fide jubeo, in meam vos pedibus ituros sententiam, si abdicato affectuum, & opinionum lenocinio, rationes quas in medium adducam ponderare vobis sit animus.

Ac ne vos longiori verborum proloquio (quod Oratores solent) demorer, ad id cujus causa potissimum cathedram hanc conscendi, me accingo. Inter alia quæ rei alicujus præstantiam homini commendare solent, non minimum sortiri locum, utilitatem, neminem vestrum esset credo qui ambigat. Quis enim sanæ mentis contemnat, quis improbet id, quod virtutibus, scientiis, artibus hominem imbuat & ornat? quod spe destitutis spem facit, prostratos erigit, curas mergit, afflictis adfere

solatium, dolori lenimentum, quod imbecilibus robur, pusillanimis, & pene dejectis animum addit, quod eloquentiam dicenti conciliat, homini meticulosa parresiam, hæsitanti promptitudinem, quod denique obstacula omnia, & in rebus maxime arduis aggrediendis impedimenta summovet, & amolitur? Nemo sane. At quid illud est nisi ebrietas? Poëtam audite non è minimis, qui de illa sic canit.

*Quid non Ebrietas designat? operta recludit,
Spes jubet esse ratas, in prælia trudit inermem,
Solicitis animis curam eximit, ac docet artes:
Fæcundi calices quem non fecere disertum?
Contracta quem non in paupertate solutum?*

Tanto Poëtæ si fidem derogatis, experientiam istam rerum ac stultorum magistram consulite, & vero veriora esse videbitis quæ dico, intrate œnopolia, lautiora convivia frequentate, familiarium symplosia, hæc ita se habere luce meridiana clarius apparebit. Si enim de Jurisprudencia, si de Reip. legibus, si de populi ritibus, statutis, moribus inciderit sermo, ilicò *Bartolos* ibi & *Baldos*, *Donellos*, *Cujacios*, *Alciatos* audietis inter pocula, & calices de Regno, & Principe dissertantes, juris nodos, & legum ænigmata, & involucria tanta dexteritate explicantes, ut in tribunali eos versari dicas, aut *Areopago*. Si de Medicina sermo, ilicò *Æsculapios*, *Galenos*, *Paracelsos*, *Fernelios*, *Vesalios*, *Riolanos* dissidentibus inter se sententiis dimicantes videbitis, & morbos, morborumque causas, signa, symptomata, curationes anxie & curiosè ventilantes. Si de Poësi, perstreperet mox atria *Virgilii*, *Ovidii*, *Flacci*, & Poëtarum Principis *Homeri* versibus, & sententiosè dictis. Si de Oratoria, prodibunt in scenam *Demosthenes*, *Cicerones*, *Hortensii*, *Mureti*, de eloquentiæ palma inter se contendentes, magno convivantium applausu. Sed quid Humana loquor Auditores? Ubi Sacra, ubi Divina quæso calidius agitantur, ubi Salutis mysteria, & sapi-

Sapientię sublimioris adyta , majori studio & acumine , ubi magistralius , & confidentius disputantur , quam inter pocula , incalescentibus vino animis , adeo ut quę iniri solent super Religionis , & fidei articulis in Academiis , & Scholis , frigere videantur certamina , præ hoc agone Dionysiaco , & subselliis madentibus *Liberi Patri*. Ut verè , & benè dixerit *Græcorum* aliquis, *ἐν οἴνῳ ἀλήθεια* , *In vino veritas*. Veritatem homines haud raro declinant , & fugiunt , aut quantum in se occulunt , & in latebras silentii , aut oblivionis antra reconducunt , ne dispallescat. Ebrietas hic quid ? ita natura comparata est , ut cum *Tempore* latentem diu veritatem protrahat , & educat in auras. Ideo Principes familiarium , & amicorum animos exploraturi ad largiorem computationem eos invitant ; ut bene alibi observatum à Poëta.

*Reges (inquit) dicuntur magnis urgere culullis,
Et torquere mero, quem perspersisse laborant,
Num sit amicitia dignus,*

Non alia quoque interdum Iudices tortura utuntur , non alio equuleo , catastis , fidiculis , aut numellis , ut maleficos caute marpesia duriores ad criminis confessionem adigant , quàm vino. Nempe *Arcanum semper* (ut est in veteri versu) *detegit Ebrietas*. Quam multa silentio involuta jampridem periissent , nisi ab inferis , & *Orco* vini beneficio , & *Bacchi* munere , revocata fuissent , & famam adepta , nunc perennarent ? Inter pocula , heroïca Principum facinora deprædicantur , narrantur res gestę , laudantur victorię , producuntur trophę , triumphat hic si usquam *Mars* ille *Βεργίλοις* , & *τεῖχος πλήτης*.

Hic *Decios* audire est , hic *Fabios* , *Camillos* , *Marcellos* , *Scipiones* , *Lucullos* , *Coriolanos* , *Seapolas* , aliosque heroas & insignes belli duces , in praliis , capturis urbium , cladibus hostium , fortitudinem suam ad cœlum extollentes , ut alio præcone , & buccinatores laudum suarum non egeant. Hic mi-

litis gregarios cicatrices suas, vulnera, varia vitæ
 suæ discrimina, jactitantes quæ pro Patria, & Prin-
 cipe suo subiere. Hic *Crassos* audietis, & *Crassos* di-
 vitias suas, & aureos montes crepantes. Quid *Cra-*
ssos loquor? inter pocula, & *Bacchi* munera nemo
 non dives est. *Irus* hic, & *Ibycus* reditus suos, &
 pecunias computant, & qui sobrius vix saltem ha-
 bet quem lingat, & ære alieno ad ambas usque au-
 res obsessus, animam debet, potu, & vino madens,
 rerum omnium copia abundat, haud aliter quam
 si exhausta nummus redivivus pullulet arca. In
 hac Palæstra *Bacchus* nec ignavum fert, nec me-
 lancholicum: Tristitia enim & mæror hic exu-
 lant. Sed ut res anxiosa est, pectus siccant; ita ubi in
 venas benignior ille succus manavit, gravior it-
 dies, & soles melius nitent. Et quid ad bonam va-
 letudinem magis conducere putatis, quam men-
 tem hilarem, *Bene vivere, & latari*? Facit hoc præ
 aliis Ebrietas, filia *Bacchi*, qui propterea à *Græcis*
Λύαι, appellatur, πᾶσι τὸ λύειν, & à Latinis *Liber*,
 quod curarum & sollicitudinum vinculis constri-
 ctus solvit, ac liberat, à *Flacco* poëta illo Venusino
Enim dissipat Enim curas edaces Verè me hercule,
 & oppositè. Quis enim tam inextricabili curarum
 labyrintho intricatus est quem non ilicò expediat.
Bacchus, ejusque filias Ebrietas. Reperiuntur multi
 queis rei familiaris angustia, & cura æris alieni,
 quo premuntur, nullam diu noctuque quietem in-
 dulgent, quamdiu sobrii sunt, & abstemii: at si
 paulo liberius biberint, & largius aspersi sint Flo-
 re *Liberi Patris*, importuno hoc curarum pondere
 mox liberantur, liberatique canunt, saliunt, tripu-
 dant. Et ne cuiquam vestrum hoc mirum videat-
 ur? quid in Aulis *Principum* frequentius? quid
 in tribunali, quid in castris tritum magis & rece-
 ptum, etiam inter primariæ dignitatis viros, qui
 Remp. qui Justitiam administrant, qui arma tra-
 ctant, quorum aures perpetuo tubæ, litui, tympa-
 na circumsonant, qui bella moderantur, qui de-
 pace,

pase, de induciis consilia agitant, qui domi aut foris ad rerum gubernacula sedent, quàm defatigatum in tanta mole rerum, & dejectum intentiore studio animum surrigere, & recreare ad tempus lautioribus Symposiis, frontemque diu curis contractam exporrigere Thracia amethystide, aut Herculano aliquo scypho? Exemplo summorum olim virorum in Rep. Romana, etiam magni illius *Catonis* cuius, teste Flacco, *narratur saepe mero caluisse virtus*. Videtis Auditores quo in pretio olim fuerit hæc *Bacchi* filia. Nempe hæc illa est quæ blæfos, imo pene mutos format ad eloquentiam, adeo ut qui sobrii & sicco palato, vix tria verba larinè profari queunt, verecundia, aut studiorum, desuetudine præpediri, ubi labria lautius proluerint, non *Parnassi* fronte caballino, sed *Bacchi* liquore, illic quasi solutis linguæ xepagulis cum *Crassi* filio, Latinitatem suam quæ diu latuerat, simul & semel depromunt, & convivantibus, vapulante interdum ut fere solet, *Prisciano*, liberaliter, ultrò, & non rogati impertiunt.

Hæc illa est quæ Poëtas in scribendis carminibus juvat, materiam suppeditat, ingenium acuit, venam stimulat, adeo ut nunquam carmina meliora fundant, quam cum benè poti. Exempla vultis adducam? Testis mihi ille Poëtarum Princeps *Homerus*, Testis *Martialis*, testis *Venusinus* noster quem vina melioris notæ, quale *Cacubum*, *Massicum*, *Falerum*, *Albanum* in pretio habuisse, & avidè hausisse testantur Oda ejus singulis fere paginis ne dicam lineis Testes quoque mihi alii, & præ cæteris antiquissimus ille pater poëtarum *Ennius*, qui

*Nunquam nisi potus ad arma
Profiliit dicenda,*

ut & *Æschylus* qui tragœdias, non nisi inter calices scripsit, nec me hercules de nihilo.

ὐδὲν γὰρ μὴ πρὶν ἔχειν ὕδωρ αὖ τινος.

Nulla placere diis nec vivere carmina possunt

Qua scribuntur aqua potoribus.——

Quid multa Auditores ? Hæc illa est quæ vultum hominis morbis , aut curis pallentem , nitori suo restituit , genis ruborem , labris purpuram , oculis vigorem , fronti gratiam , corpori universo robur suum & decus ; adeo ut rejuvenescere videntur adulti & in senectio corpore revirescere capulares & decrepiti senes. Vidit hoc olim *Anisquitæ* , Sapientię magistra , quæ *Bacchum* succulentum , formosum , lepidum , plenum sanguinis , & juvenem esse finxit , nec formam unquam mutare , aut ætatem & ad omnium animos ac voluntates devinciendas ipsis *Gratiarum* manibus , factum. Non mirum ergo est in tanto pretio haberi filiam ejus Ebrietatem , non à gregariis tantum & plebeis , sed à primariis & summis in Republica viris. Quid alios ? ab universis populis , regionibus , regnis. Coluit enim eam *Gracia* , & in ea *Alexander* nomine & re verè Magnus , qui præmia statuit Athletis *Bacchi* , & potoribus tricongiis , si capacissima pocula *ambrusi* & uno impetu educerent. Vnde græcarum etiam apud *Græcos* in proverbium abiit : Coluit & eam *Ægyptus* , coluit *Hercules* , coluit Imperator *Tiberius Nero* , qui à bibendo Biberius *Mexo* dictus est. Sed quid *Gentilium* exempla moveo , cum piorum in promptu sint ? Coluit eam *Noach* omni pietate , & vitæ sanctimoniam insignis : coluit *Lotus* vir integerrimus , coluerunt alii , quibus ne patientia vestra recensendis abutar in præsentiarum supersedeo. Ac ne rem altius petam , eos quæso , Auditores , intuemini quos hodie in Clero Romano admiratur plebecula , tanquam rarioris pietatis (ita me *Bacchus* amet) & sanctimonię exempla , qui Angelicam se vitam agere profitentur Monachi , Anachoretæ , funigeri , Cucullati , & quidquid talium est fraterculorum. Quos obsecro vos Auditores strenuiores sui habet cultores hæc *Bacchi* filia ? Testes mihi ora & vultus eorum , rectes prominentes , & obesi ventres , & plus quàm si-
fige-

sagenata corpora , quæ in subeundis laboribus frigere quidem, at in exiccandis poculis sudare consueverunt , ut non à vero longè abfuerit , qui stomachos eorum *Bacchi* amphoras appellarit , & ventres dolia *Danaidum*.

Sed ne dum rei plus nimio notæ , probandæ diutius incumbo , de ejus veritate ambigere videar , finem dicendi facio. Audivistis Ebrietatis effecta , utilitates , commoda , quod hominem instruat , ingenium acuat , eloquentiam conciliet , parresiam , & dicendi libertatem pariat , afflictis solatium præbeat , infirmos muniat , meticulo-
sis animum addat , prostratos erigat , mærore confectos exhilaret. Audivistis optimam esse artium magistram , Poëtarum in scribendis carminibus adjutricem , vultus & ora hominum condecorare , conciliare gratiam , & decus rugosæ & decrepitæ senectæ. Audivistis exempla Regum , Principum , populorum , qui madentem hanc *Gentilium* deam coluerunt : exempla quoque sanctissimorum hominum in *Papatu* , qui Sacris ejus operantur , & vinum aquæ præferunt. Nihil jam restat , quàm ut vina coronetis , poculis infundatis , infusa exauriatis , cyathos vertatis. Dixi.

O R A T I O XXVI.

I N E B R I E T A T E M.

Habita à

B O N I F A C I O K I N S C H O T.

O Ptassem Antagonistam meum antequam hanc dicendi provinciam susciperet , recordatum fuisse versiculi illius , non minus veri , quam omnium ore triti :

Quicquid agas prudenter agas, & respice finem.

L 4

Hoc

Hoc enim si seriò fecisset, & ea cura ac studio quo debuit, vitam profecto hominis aliter longè instituendam esse judicasset, nec ingenii sui nervos tam turpi vitio commendando intendisset. Sed ostendit (credo) cerebrum suum, si quod modo illi cerebrum erat, medico eguisse, cum illa diceret. Quis enim nisi planè ab omni pudore derelictus sit illa defendere, & deprædicare audeat, quæ Stoicorum paradoxis *παράδοξοι*, omnium rectè sententium calculo damnari solent, & Reip. bene constitutæ finibus exturbari. Factum tamen ut videtis, Auditores, non in recessu, aut obscuro aliquo loco, sed in frequentissima hac Auditorum corona, Quod ut pronis auribus audire nec veritatis amor patitur, nec animi mei candor: ita etsi multa ab eo ad defendendam Ebrietatem allata sunt, quæ telis ipsi Achillæis validiora videntur: Ego vero nulla dicendi copia, nulla præditus sum eloquentia, causæ tamen quam defendendam aggredior æquitate suffultus, veritatis patrocinium suscipere non dubitavi, nequis forsan is, quæ jam producta, fidem habeat, at contra ut omnes cognita portentis illius turpitudine, indices magis magisque eam declinent, fugiant, detestentur. Vos Auditores quotquot hæc adestis qua possum animi demissione rogo, imo obtestor per communia Sacra *Musarum*, & jura humanitatis, ut me hanc viriolum lernam, hac mea qualicunque oratiuncula impetentem favore vestro, & solita benevolentia complecti, haud dedignemini.

Ac ut in ipsam quod ajunt arcem causæ penetrem, & turpem illam belluam, quæ belluinos facit homines, suis coloribus depingam, quæ ab Antagonista meo ad defensionem crapulæ in medium allata sunt, exactius paulò expendamus, ut quàm putida, ridicula & inepta sint unicuique vestrum luce meridiana clarius appareat. Cui quæso vestrum non moveat risum illud quod in Orationis principio asserere non dubitavit, Ebrietatem

tatem artium, linguarum, & virtutum omnium informatricem esse, ac magistram. Sed

*Pro Superi! quantum mortalia pectora cæca
Nesciunt habent?*

Quid enim est cum ratione insanire, ut cum Comico loquar, nisi hoc sit? Itane Commilito, itane fibulam laxare ausus es tuæ in dicendo licentiæ? itane quæsito colore, & honestis nominibus ut *Virtutem* nobis obtrudere, quæ vitiorum maxima est? non *Pallas* illud tibi misit in mentem, sed ipsa *Moria*. Ventris enim capacitas non est virtus, & frustra expectatur actio laude digna ab homine, cuius corpus est instar spongiæ, quæ impletur, ut depleatur, & depletur, ut impleatur. Quare; si lubet & persuade hoc sed cerebro vacuis, & capitibus helleborodignis, qui inter vitia, & virtutes discernere nequeunt. Nobis certè qui jam pridem aliter edocti, & in meliori longè schola educati sumus, nunquam persuadebis. Vade enim supra, incestus, adulteria, unde furta, rapinæ, jurgia, dissidia, lites, bella, nisi ab ebrietate, nisi à crapula? Hæ hæ illa est à qua libidines portentosæ, bonorum profusio & abusus, petulantia & luxus, spurca & obscæna diæteria, convitia, obtestationes, contemptus Dei, & proximi perjuria, & quidquid talium est vitiorum violenter erumpunt. Hæ sunt illæ virtutes, quibus ebrietas homines imbuat, informat, instruit. Hæ illæ artes, quas proficitur, quas docet. Et ne ex affectu loqui tibi videar, relego te ad cœnopolia, & tabernas vinarias, *Bacchi* scholas, & temulentæ gymnasia *Liberi patris*, quæ belluationibus (prohi pudor!) fumant, & libidinibus fervent, ad quæ tu me provocare non erubuisi; es, tu, tu inquam si voles intueri. Quid in iis invenies, nisi prostitutam morum licentiam, luxui omnia, quàm disciplinæ, & ordini propiora? quos videbis in iis homines, non ut tu dicis *Bartolos* & *Baldos*, sed (rides an ringeris?) bardos & balbos, truncos, caudi-

ces, stipites verius quam homines: non *Æsculapios*, *Platones*, non *Homeros* & *Virgilios*, quanquam plus *Homero* sibi sapere videntur, sed helluones, gancones, lenones, parasitos, juventutis corruptores, alcatores, perditè prodigos, libidinosos, impudicos, decoctores bonorum, conflatore æris alieni, familiæ dehonestamenta, ventres & abdomines, mero madentes, fucos & inutilia terræ pondera, qui dum pleno auro se proluunt, & spumantes pateras exhauriunt, patrimonia sua profundunt, fortunasque suas nummis in ventrem merfis, desidiosè, & turpiter abliguriunt? Hi nempe sunt illi docti, illi bene morati, qui ex hac schola prodeunt.

Sed immane quantum discrepat! Detur enim mihi quæso aliquis ebriosus, & in hac Mundi statione collocetur, ad quæ munia obeunda, ad quas functiones, ad quas provinciâs suscipiendas, omni sapientia ex animo expectorata, erit idoneus? Desiderat Ecclesia Concionatorem, & fidelem Verbi Divini Ministrum? non quæret ebriosum, qui aliis malo exemplo præeat, crapulam amet, vino quotidie se immergat, gulæ potius, quam *Araliantem*, sed abstemium, & qualem nobis graphice, & suis coloribus depingit doctor ille gentium in Epistola sua ad Titum; *Oportet, inquit, Episcopum inculpatum esse, tanquam Dei Dispensatorem, non irascendum, non percussorem, non turpem quæstum facientem; quid amplius? non μέγιστον, id est vinosum, sed hospitalem, bonorum amantem, justum, pium, temperantem.* Desiderat Respublica, Prætorem, Consullem, Scabinum, aut alium ex Magistratu? Aula Senatorem? Schola Præceptorem? non eliget ebriosum, sed sobrium, & arduis istis muneribus obeundis idoneum, ut quod suadet piè, persuadeat potenter, quod docet sanctè, credatur, religiosè, quæ monet salubriter, præstentur salutariter. Quid mirum? Cum ne opifices quidem manualium arte sua bene desungi queant si ebrii sint aut ebriosi.

fi. Τὸ γὰρ μεθύειν λίθῳ ἐμποιεῖ τὸ ἀσφίπειν στομάχων. Quæ causa Auditores alia, quàm quod lumen rationis extinguit? *Arcet enim hac vitæ peccatis ab hominibus sapientiam, studia honesta impedit facit ut turpia honestis præferantur*: Hæc hominem in belluam transmutat, aded ut qui gulæ serviunt & ventri, non in hominum, sed brutorum numerum sint referendi, digni qui tota vita glandibus pascantur, & porcorum cibo, si quis se farciant. Vetustas curvas quasdam animas esse tradidit, quæ nunquam in cælum suspiciunt, sed in terra semper cogitatione resident. Intemperantes, curvæ illæ sunt animæ, quæ in corporis voluptates quasi demersæ, nec Solem unquam vident, nec Lunam, & dum potiozem cuticulæ, quàm animæ curam gerunt, hanc tantum pro sale (ut Varro ait) ne putrescerent, habere videntur. Hi Auditores tantquam luxuriæ mancipia, ventri & abdomini facti, bonorum morum, & virtutum propudia, fugiendi;

ὁμῶς, ut cum Poëta loquar, αἰδῶο πύλησι.

Et fugient profecto si animum robusta virtute munitum habeant, vitiique hujus turpitudinem, & quæ importat in genus humanum detrimenta probe considerarint. Intuemini enim, quæso, mecum Ebrietatis habitum, verba audite, mores aspiciite, quid videbitis? nihil nisi *ignorationem sui, dubia: & parum explanata verba. Siculis gerris vaniora, incertos oculos, gradum errantem, vertiginem capitis, testa ipsa mobilia, stomachi tormenta, cum effervescent merum, ac viscera ipsa distendit, cum Capitolium, rationis arcem invadit, Palladium rapit, hoc est omne iudicium subvertit, & quod unum habet Ebrius in malis, bonum perdit, peccandi verecundiam. Vbi enim possedit Animum nimia vis vini, quidquid mali latebat emergit. Nullum in animo latet vitium quod non prodatur. Tunc avidi Matronam oculi licentur, tunc libidinosus ne cubiculum quidem expectat, sed cupiditatibus suis quantum petierint,*

rint, sine dilatione permittit; tunc impudicus morbum proficitur, ac publicat; tunc petulans non linguam, non manum continet, crescit insolenti superbia, crudelitas fero, malignitas livida. Hinc plusquam vitrea valetudo, morborum lues, luxuria supplicia, pallor, & genapendula, oculorum ulcera, raucitas vocis, nervorum vino, madentium palpitatio, incerti labantium pedes, tremula manus, furiales somni, & inquietas nocturna: hinc ingeniorum tarditas, torpor, inertia ut vix credam in tota Arcadia esse ullos asinos usque adeo asinos, quin hi digniores sint, qui foeno pascantur, quam illi, digni qui molam versare Nepeis. Amplius: hinc effusiones patrimoniorum, egestas, furta, caedes, libidines portentosae, hinc denique famae naufragium, & rerum divinarum lethra quaedam oblivio. Neque hoc Gentiles ipsos laetuit qui Bacchum soliti sunt pingere stupidum & obesum, nec non Venerem finxere iudicio Paridis Iunoni, & Pallidi formae palmam praeripuisse. Nempe significare voluerunt, ubi Bacchus in pretio est, & Venus illa amorum dea, ibi deam honorum Iunonem, deamque eruditionis, & sapientiae Palladem fugere, & excludi: hoc est ubi crapula & libidini indulgetur, ibi honoribus pariter, & eruditioni viam intercludi. Hæc si tecum Comilito seriò perpendisses, ficcine (ut à te factum) filium tuum, & linguam ebrietati commendandæ, in doctissima hæc Auditorum corona, commodare voluisses? & si hæc tecum ad animum revocarent, strenui illi Bacchi Athletæ, ac potiores tricongi, in quorum manibus, amphoræ ut calices versantur, & si vel hilum saperent, nã illi impurissimæ huic Virgini Ebrietati, quæ unius horæ hilarem insaniam, longi temporis tædio pensat, & cuius ornamenta tot vitiis consuta vident, misso repudio, ac Sapientiam se converterent, veram sobrietatis, & temperantiæ magistræ. Tu Divam illam ejurata crapula, amplectere, atque exosculare, illa tibi non in labris sit; sed in sibris, in
ani-

animo, non in vultu. Quam quò propius pectori appresseris, altiusque menti impresseris, eò longius à te amandabis, vel solo nutu spongas istas mandentes, gulæ mancipia, gurgites, dolia, ventres, »

Nihil hîc dicam de nausea, & fastidio stomachi, cum invitis ingesta visceribus per os reddunt, & vinum omne vomitu remetiuntur, nihil de hemi-
cramia, & dolore capitis, nihil de catarrhis, de tinnitu aurium, de rubore & lippitudine oculorum, de morbo colico, de hydrope, tympanite, de podagra, epilepsia, hemiplexia, aliisque morbis innumeris qui ex ebrietate dulci hoc veneno, blanda hac peste, crudeli hoc gaudio, tanquam ex alta radice ubertim suppullulant, nihil de oris graveolentia: de rubricato in pustulas vultu, gemmato, & quasi fruticante naso, & id genus aliis, quæ tot tantaque sunt, ut vel loquacem delassare queant: *Fabium*, & vel *Milonem* dejicere. Hac interim est illa formositas, hæc corporis *ὀψεία* iquam tantopere deprædicasti: Taceo pericula, & vitæ discrimina in qua passim homines præcipitat: Taceo mortem præproperam & immaturam quam sæpe in ipso ætatis flore remulentis, & ebriis accersit: Ruinas & excidia urbium, Rerum publicarum depopulationes horrendas, tragicos Principum interitus, & quidquid talium est calamitatum. Quid enim perdidit Trojam? perdidit Ebrietas, *Graci* qui decennali vix obsidione eam expugnare potuerunt, expugnarunt crapula: quod non minus eleganter quàm judiciosè observatum à Poëta: *Invadunt Urbem somno vinoque sepultam*. Quid *Amnonem* Regis *Davidis* filium, quid *Holofernem*, quid *Nabalem*, *Belsasarum*, quid *Marcum Antonium*, magnum virum, & ingenii nobilis, quid *Alexandrum Magnum* quem tot prælia, tot itinera, tot hiemes, tot flumina ex ignoto cadentia, tot maria tutum dimiserunt, perdidit? intemperantia bibendi, & ille *Herculanæus* ac fatalis scyphus. Quid
eius.

ejus familiarissimum *Clytū*? Ebrietas. Quid *Lapithas*, quid innumeros alios? quos si recensere omnes mihi hūc esset animus,

Icaria numerum dicere coner aqua.

Sed ex ungue leonem: Facile enim unicuique ἐκ τοῦ κρηαυίδος τὸ ὑπάρχον μωώσκειν. Accedit in cumulum, malorum omnium gravissimum, quod non tantum bonis corporis, fortunæ & animi nos exuat, non vita tantum spoliatur: sed & aditum quoque ad regnum Cœlorum, cultoribus suis intercludat, cum ad fatalem metam deventum est, & decretorium illum diem qui de omnibus antea actis fert sententiam. At si fortasse rigidus nimis Ebrietatis censor vobis esse videar, & ingrata nimis auribus quorundam profari, non me jam, sed Prophetam audite. *Va*, inquit, *surgentibus summo mane, ut potum inebriantem seſentur, prorogantibus ad crepusculum usque, ut vinum incendat ipsos.* Et magnum illum doctorem Gentium. *Ne errate, inquit, neque scortatores, neque idololatra, neque adulteri, neque fures, neque avari, neque Ebriosi hereditatem regni Dei possidebunt.* Videris Auditores quæ ebriosos (quibus omne in popina, & taberna vitæ præsidium est, & plurimum meri cepisse. Virtus) poena maneat: Maledicti in hac vita, & quod omnium calamitosissimum æternum perituri post hanc vitam, nisi seria resipiscentia ad meliorem mentem redeant. Nam quod veneranda Sanctorum nomina in hanc scenam protrahere non erubuerit, qui jam ante me declamavit, quis vestrum non videt, quàm malè, & perperam ab eo factum, eoque dignus qui nulla re magis, quam contemptu, ac silentio refutetur. Legibus enim vivitur, non exemplis, & multitudo errantium non parit errori patrociniū. Sancti fuerunt. Esto: sed & homines, & si quæ illis humanitus acciderunt (ut humanum est labi) deploranda in iis sunt, non imitanda, nec in hac temporum lue, & contagione morum, trahenda in exemplum, imò totidem argumenta sunt, quæ nos à tam turpi vitio

tio dehortari debent, omni *Scilla* vel *Charybdi*, formidabiliori.

Nam *Lothus* Patriarcha nunquam se tam nefario incestu polluisset, nec Noa morum probitate, & vitæ sanctimonia insignis filio suo se deridendum præbuisset, nudatione invereconda femoris quod sexcentos annos texerat, nisi fuissent ebrii. Qui profecto si adhuc viverent, & lucis hujus usura fruerentur, ipsi nos ab ebrietate essent dehortaturi. Rogatus *Anacharsis* (quitres botros vineæ tribuisse fertur, primum voluptatis, alterum ebrietatis, tertium mæroris) quam ratione quis effugere possit temulentiam, respondit: *Si indecoros ebriorum motus, & gestus præ oculis habeat*. Unde *Lacedæmonii* vino madidos & insanix proximis, *Helotas* mæncipia sua, pueris spectandos exhibebant, ut cum illorum inconditos clamores, & Stentoreas vociferationes audirent, saltationes & tripudia intuerentur, tam stulto & ridiculo moti spectaculo, ab ebrietate abhorrerent. *Ægyptii* in conviviiis ponebant super abaco sceletum, ut ejus aspectu convivæ à crapula revocarentur. *Plato* vinosos ad Speculum relegabat, ut in eo conspecta ebrietatis turpitudine, vino & crapulæ repudium mitterent. Turpitudinem, & foeditatem ejus & nos jam vidimus, Auditores, quæ tanta est, ut *Hercule* opus esset, qui *Augia* hoc stabulum purgaret. Vidimus discrimina, & vitæ pericula in quæ temulentos præcipitat, infamix notas quas sectatoribus suis inurit, morborum agmina quæ post se trahit, profusiones bonorum, contentiones, rixas, duellas, cædes, & quidquid talium est malorum, quæ ubertim in genus humanum importat, hæc vitiorum lerna, & scelerum omnium, ac flagitiorum sæcunda mater. Vidimus denique non illam corpori solum sed & animæ perniciosam esse, & cælo prohibere sua mæncipia. Taceo flagellum illud domesticæ crucis sub quo vapulant. Habet enim suos consciamens intestinos carnifices, tædas ardentes, furia-

rum

rum faces, quibus cum nullæ fidiculæ, nulli uncii, aut equulei comparari possunt. nec tantum est ab armata manu terroris ac periculi, quantum à crapula quæ blandiente vi, & arte proditoria nervos omnes probitatis succidit, & in ipsam rationis arcem in mentis *Palladium*, per cuniculos irrepit, imo irrumpit. Hanc hilarem insaniam, hanc blandam animæ pestem, & vitiorum illicem qui domare potest, superat *Alexandri* sublimitatem, qui cum latissimos terrarum tractus, & potentissimas gentes, ac maximos *Mundi* monarchas sub jura rede-gisset sua, unde nomen reportavit sempiternum, succubuit crapulæ, victus est *Orbi* victor ab intemperantia, qua stimulante perpetravit in amicorum intimos, in Servatores suos ea flagitia quæ indelebilem ignominia notam inurant angusto ejus nomini, & ingentibus Victoriis nubem obducunt. Quid restat Auditores nisi ut illam longè, longè, inquam à nobis amoliamur, & cane pejus, & angue fugiamus, ne nos incautos opprimat, aut inescatos trahat velut hamo pisces in æterni exitii massam. Contra Sobrietatem amemus, illam amplectamur, colamus, exosculemur, quæ nos idoneos reddat obeundis muneribus nostris, gratos hominibus, & acceptos Deo, vitamque nostram (ut finem faciam) sic instituamus, ut cuivis appareat nos non vivere ut edamus, quod pecudum est, quas natura ad pastum abjecit, sed edere ut vivamus. Ventris enim capacitas bruto magis convenit quam homini, & nemo dicetur vir amplissimus, ob ventris amplitudinem. Nec gloria est vincere homines in re, in qua homines superantur à doliis. Cibus famem sedet, potio moderata sitim restinguat. Quos fines qui egreditur, is intemperantiæ quidem labem contrahet, sed ad Temperantiæ, & Sobrietatis laudem nunquam assurget. Dixi.

ORATIO XXVII.

DE SUPERBIA,

habitâ à

GERARDO F.F. MEERMANNO.

Hegesias Cyrenaicus Philosophus, insigni sua eloquentia, mala hujus vitæ olim ita repræsentavit, ut tristi eorum imagine, Auditoribus suis ob oculos posita, multis spontaneæ Mortis obeundæ cupidinem injecerit. Et *Cicero* summus ille dicendi magister, eloquio suo hostibus Patriæ, *Catiline* & aliis arma pene è manibus excussisse fertur. Utinam Auditores mihi esset vel *Hegesia*, vel *Tullii* facundia, ut non tantum odium Superbiæ, quæ totum nunc pene terrarum orbem perceptasse videtur, superbiorum animis ingenerarem, sed eam prorsus ex iis excuterem! Sed frustra tantorum Oratorum eloquentiam opto, frustra desidero, quam vix est ut mente assequi, aut cogitatione complecti queam. Quid ergo? a proposito meo desistam, & pestem illam ingeniorum impune grassari patiar, & majora indices capere incrementa? Vetat pietas quæ me ad virtutis amorem, & studium impellit: vetat obedientia quam illi debeo, qui me hanc Cathedram conscendere, & in Superbiam ex publico hoc loco declamare, & verba ad vos facere voluit. Vetat vultus vester multo jucundissimus, ex quo augurari mihi videor, nihil vos magis desiderare, quàm ut stili mei aciem stringam in turpem illam vitiorum *Excentrum*, & fœditatem ejus vivis coloribus depingam: vetat denique materiæ, & argumenti quod mihi ad dicendum offertur, copia. Quare vos omnes viri humanissimi, studiosi & adolescen-
tes

tes suavissimi, obnixè rogatos volo ut ingenii mei tenuitatem, ac dicendi infantiam vestro favore, ac æquitate sublevare, eamque mihi de hoc vitio declamanti audientiam largiri haud dedignemini, quam aliis ante me ex hoc loco dicentibus, pro solita vestra in Scholæ nostræ studiosos humanitate, ac benevolentia, indulgere consuevistis.

Nemo vestrum est Auditores, qui non vitandum merito censeat id quod à *Sathana* originem suam traxit: Et hæc illa est de qua nunc loquimur Superbia. A superbissimo enim spiritu ortam, vafferimus & infestissimus ille generis humani hostis, tam altè mentibus hominum instillavit, ut nulla pene major apostasiæ, & defectionis à Deo causa extiterit, quàm Superbia. Qua factum est ut homo non contentus imagine Dei, ad quam conditus, iustitia, & sanctitate originali, quæ præditus erat, Deo bellum inferre non dubitavit, & Creatorem suum quantum in se erat, de folio deturbare, plus quam sacrilega audaciâ, & nefaria ingratitude. Hinc vero Auditores quanta malorum Ilias? quanta miseriarum ac calamitatum copia? Hæc enim illa est quæ funestissima bella, duella, jurgia, dissidia, cædes, & lanienas excitat: hæc parentes cum liberis, fratres cum fratribus, Magistratus cum subditis, Reges cum regibus, committit: hæc ut parem non fert, sic nec superiorem. Quid enim *Absalonem* impulit, ut in Patrem insurgeret, arma capefferet, & ad internecionem usque persequeretur? Superbia. Quid primum illum parricidam *Cainum*, ut fratrem suum *Abelem* è medio tolleret, instigavit? Superbia. Quid *Abimelechum*, ut fratres suos ad unum omnes crudelissimè necaret, induxit? Superbia. Hæc illa est quæ *Demetrium* Seleuci filium ut patruelem suum Regem *Antiochum* interficeret, & *Athalias* impulit, ut stirpem regiam exstingeret. Hæc *Sancheribum* ut munitissimas urbes *Iudeæ* artissima obsidione cingeret,
Hiero-

Hierosolymam oppugnaret, blasphemiam in Deum *Israëli* non nimis protervè, quam impudenter evomeret, concitavit. Hæc denique *Crasum* *Lydiæ* Regem opulentissimum, ut in *Cyrum* Persarum Regem insurgeret, instigavit. Et quis tandem malorum esset finis, si quæ ex ea velut ex alto quodam gurgite, in genus humanum exoriantur, recensere mihi esset animus? *Tarquinius* hominem libidine præcipitem, avaritiæ cæcæ, immanem crudelitate, furore vecordem, vocaverunt *Superbum*, & putarunt sufficere convitium. Inde enim impietas, audacia, temeritas, πολυπρεπὴς, iracundia, crudelitas, avaritia, fraudes, concussiones, rapinæ, & quidquid talium est scelerum, & flagitiorum, originem suam trahunt. Hinc blasphemix & contumeliæ in Deum, contemptus Numinis Divini, seditiones, conferto velut agmine violenter erumpunt.

Sed ut exemplis res fiat illustrior, intuemini mihi, quæso Auditores, *Herodem* illum, de quo Sacra litteræ, quid cum olim adegit ut pateretur se à populo adorari, & tanquam Numen aliquod proclamari, nonne *Superbia*? Quid *Caligulam*, *Domitianum*, *Heliogabalum*, portenta illa generis humani, & sceptrorum propudia impulit, ut tanto cum typho mortalitatis suæ, & humanæ sortis oblitæ, pro Diis haberi voluerint? & religiosè colitæ tanquam Numina? Quid Regem *Hosiam* ut munere Sacerdotali defungi non dubitaverit sumpto in manum thuribulo, nonne *Superbia*? Taceo hinc Auditores *Saporum* illum Persarum Regem qui ad *Constantinum* Imperatorem scribens, Solis ac Lunæ fratrem se nuncupavit. Taceo *Alexandrum* qui per litteras petiit, ut publico decreto *Lacedæmoniorum*, divini sibi decernerentur honores, & in Deorum numerum referretur. Taceo *Xerxem* qui fastu suo, & *Superbia*, ad insaniam pene redactus, mari vincula, & compedes minatus est, quid dico minatus? compedes in mare conjici jussit, quasi capti-

captivum, Regis, & sceptri Perfici servitio mancipatum. O impiam, ô sacrilegam, & intolerabilem audaciam? Sed quanto tibi stetit Rex insolentissime hic animi tui fastus? quanto furiosa illa temeritas, qui manus & spes ab *Oriente* ad *Occidentem* mittere, montes in planum deducere, *Templum Apollinis* audacter deripere, *Neptuno* compedes, *Cælo* tenebras minitari, & *Hellespontem* navibus tuis sternere non dubitasti? profligato enim numero tuo exercitu, ab exigua militum manu, & clade navali accepta, vix cymbulam, infeliciter superbus, vix scapham invenisti qua evadere, & fugitivus in *Asiam* summo cum dedecore, & ignominia redires. Ita, ita nimirum in eos animadvertit summus ille rerum Arbitrator, & magni Mundi moderator Deus, qui vel imperii licentia fascinati, vel affiduis assentationibus occæcati, altius æquo se efferunt, & fastu suo cuncta quasi à se diffillare videntur. Nam ut in aliorum quoque tragicos exitus mea se diffundat Oratio, ubi obsecro vos. Numina illa terrestria, *Herodes*, *Domitiani*, *Heliogabali* qui sacrificiis, altaribus, Dei titulo, & statuis honorabantur? à justissimo illo scelerum vindice Deo ad exquisitissima supplicia rapti, vitam miserrimè finierunt. *Herodes* enim dum divinos sibi vendicat honores, ab Angelo percussus & *εξερέθη*, à verminibus eroditur, qui de superbia ejus triumphant, ac vivus, vidensque interfuit proprio funeri: *Caligula* à *Charea* è medio tollitur. *Domitianus* à liberis suis interfectus, ejusque cadaver populari sandapila elatum per vespillones, summo cum dedecore, terræ mandatur. *Heliogabali* denique diu multumque per urbem raptatum, & dilaniatum cadaver, in putidissimas cloacas conjicitur. *Haman*, superbissimus ille *Thraso*, laqueo vitam finit in patibulo, quod probissimo *Mardochoo* erigi jussérat. *Core*, *Datan*, & *Abyram*, qui excitato tumultu, non minus petulanter, quàm superbè in *Mosem* insurrexerant, viyi à terra absorpti sunt. Ite nunc Superbi,

perbi, cristas erigite, supercilia tollite, magnitudinem fortunæ vestræ peccandi licentia metimini, quidquid libet prolicito judicantes, ubi aures vestras superbas assentatorum turba circumstet, divinos denique vobis, arrogate honores, sequitur, *sequitur superbos ultor à tergo Deus, & ἀλοζονείας ἔτις ἐκρῶν δ' ἰκλῶ.* Sed quæso quid est quod eretis in audaciam cristis, tantos geratis animos? quæ fodes Superbiæ vestræ causa? Generis ne vestri & prosapiæ nobilitas? Sed quis Rex, ut *Plato* ait, non ex servis oriundus, & quis servus non ex Regibus? Omnia ista longa varietas miscuit, & à primo Mundi ortu usque in hunc diem perduxit nos ex splendidis, sordidisque alternata series.

Virtute decet non sanguine niti:

*Nam genus & proavos, ut benè Poëta Sulmonensis, & qua non fecimus ipsi,
Vix ea nostra voco.*

Et *Juvenalis,*

Stemmata, quid faciunt, quid prodest Pontice longo,

Sanguine censeri, pictosque ostendere vultus

Majorum, & stantes in curribus Emilianos.

In illis gloriari parum, aut nihil est;

Nobilitas sola est, atque unica Virtus,

Honores? Quis honoratior *Sejano*? Sed quo die illum *Senatus* deduxerat, populus in frustra divisit: nempe ὁ κύκλος τὰ ἀνθρώπινα, &

Hora momentum est inter solium, & aliena genua, magnisque negatum stare diu, nimioque gravis sub pondere lapsus.

Forma? at quam fluxa illa, & labilis. Quid enim Homo est, animal istud superbum? nisi imbecillitatis imago, ad omnem fortunæ contumeliam projecta, calamitatis trutina, & ut verbo dicam, puita & bilis.

Poëtam audite:

Forma bonum fragile est, quantumque accedit ad annos,

Fit

Fit minor, & spacio carpitur ipsa suo.

Ætas vobis florida est, & vegeta? flos iste dum loquimur arefcit. Divitiæ & opes? At illis quid inconstantius, quid incertius? quibus non casibus fortunæ, & mutationibus obnoxia sunt? Victores estis & triumphatis? Sed in victoriis ipsis quàm subita sæpe, & repentina rerum vicissitudo, & catastrophe? In finibus propagatis te attollis *Superbe*? Quid animo accessit, nisi curæ majores, aut metus? Quid corpori? *metire umbram*, videbis. Externa illa omnia sunt quæ te inflant: æstimari debes à te ipso. Illa abeunt, veniunt: Tu vide non quid in te magnum habeas, sed quid tuum: quia non fortuna, sed virtus felicitatis mensura est: contra magna fortuna, magna servitus, & viscata sunt ejus beneficia, cum habere te putas, haberis. Qui in summa dignitate collocati sunt, sæpe idem patiuntur, quod illi qui evaserunt ad summa excelsarum turrium cacumina, quibus cerebrum solet vertiginæ concuti. Summa potestas pluribus casibus molestiis & periculis est obnoxia: non secus ac in magna sylva procerissimæ arbores à ventis pulsantur vehementius. In Regno gloriaris, & Imperio? Sed quid sceptris infidum magis, & mutabile? & quàm paucis *Fortuna* currum à carceribus ad metam sine offensa aut eversione perduxit? lubrica est, nec invita teneri potest. Imo quanto quis fere altius elatus est, hoc cœdius corruit. Exempla obvia passim, & in omni ævo.

Quicumque Regno fidit, & magna potens

Dominatur aula, nec levis metuit Deos,

Animumque rebus credulum latin dedit;

Me videat (inquit Hecuba) & te Troja, non unquam tulit

Documenta fors majora, quam fragili loco

Starent superbi.

O prudentem verè, qui hic prudens! nam beatum quemquam dicere, qui in his vitæ fluctibus jactatur, quis audeat, donec sit in portu? cuncta
enim

enim mortalium incerta, quantoque plus adeptus sis, tanto te magis in lubrico censeas. Hodie magnus es? cras alius, aut nullus: perenne sub polo nihil. Quàm levi enim momento deturbantur de folio, privantur sceptro, exuuntur imperio, rapiuntur ex hac vitæ statione ad Plutonia regna & ut pondera ab alto lapsa in præceps eunt. Exempla vultis adducam Auditores? Ubi nunc obsecro vos terror ille gentium *Iulius Caesar* tot victoriis, ac triumphis insignis? Periiit. Ubi *Pompejus* ille manus? periiit. Ubi *Annibal* qui Romanos ad *Cannas* vicit? periiit. Ubi *Alexander* qui totam pene *Asiam* imperio suo adjecit? periiit. *Assyrii, Persæ, Græci, Romani*, quid nunc, aut ubi sunt? abierunt. Ubi supra fidem cumulatae opes? Ubi *Cælo* certantia opera? non apparent. Immo omnia illa, nihil, si cum *Æterno*, & *Æternitate* comparentur. Ita est Auditores. Quicquid altè se sustulit, opportunum est ad casum. Præclare Romanus ille Sapiens; *Nulli fortuna minus benè quam optima creditur: alia felicitate ad tuendam felicitatem est opus*. Quid mirum?

Ludit in humanis divina potentia rebus,

Et certam præsens non habet hora fidem.

Eodem die ubi luserunt navigia sorbentur.

Quod si hæc quæ adduxi exempla vos quotquot estis superbi, à Superbia non deterrent, intuemini quæso terram quæ maledicta à Deo ob superbiam hominis, tribulis nunc, & spinis inhorrescit. Stellas & micantes illos cœli ignes contemplamini, gemunt sub pondere peccati, & restaurari desiderant. Hominem videte, quot morbis ille, quot malis, quot vitæ casibus obnoxius? ut non sine causa eum Princeps ille Philosophorum *Aristoteles* vocaverit, *Ludibrium Fortuna, miseria trutinam, & spælium temporis*. Et unde hæc malorum llias si ad rectæ rationis lancem momenta rerum ponderentur? nisi à Superbia. Quare cum tantorum malorum sit causa, tantarumque calamitatum fons & origo, cum homini mentem adimat, bonis & hono-

ribus

noribus exuat. Deum offendat, populos, urbes, regna, imperia in ruinam agat, ad vos Imperatores, Reges, Principes qui Rerum publicarum gubernacula tenetis me converto, vobisque illud *Seneca* monitum in memoriam revoco.

*Vos quibus Rector maris atque terra
Ius dedit magnum, necis atque vita,
Ponite inflatos tumidosque vultus :
Quidquid à vobis minor extimescit,
Major hoc vobis Dominus minatur :
Omne sub Regno graviore regnum est.
Quem dies vidit veniens superbum,
Hunc dies vidit fugiens jacentem.
Nemo confidat nimium secundis,
Nemo desperet meliora lapsis.
Miscet hac illu prohibetque Clotho
Stare Fortunam : volat omne fatum.
Nemo tam Divos habuit faventes
Crastinum ut possit sibi polliceri.
Res Deus nostras celeri citatas
Turbine versat.*

Humana cuncta fumus, umbra, vanitas, & scenæ imago, specioso quidem fuce circumlita, sed intra nihil habentia fronti suæ simile. Et ut magnæ arbores quæ diu crevere una hora extirpantur : sic multorum annorum cumulatam Imperii corpus brevi momento ad ima deturbatur. *Irus & est subito qui modo Cræsus erat.* Quia ut fulmina sæpius feriunt excelsas turres, quam humilia tuguria : ita Deus sibi *Superbos* proponit in scopulum in quem sagittas justitiæ suæ intendit, & eos ingenti ruina percellit, dejicit, evertit.

Hæc quæso viri Principes expendite, felicitati vestræ frænos imponite, fastum omnem deponite, & cum animis vestris deputate vos brevi in pulverem reversuros, & dicto citius hanc Mundi gloriam vobiscum perituram. *Valet ima summis mutare, & insignem attenuat Deus, obscura promens.* Fastum quoque deponite vos *Cræsi* filii, vos *Cræsi* nepotes

nepotes qui opum vestrarum nec modum capitis, nec finem. Cogitate quàm graves Superbiæ suæ pœnas dederit dives ille, Epulo qui, purpura olim decorus, & luxu diffluens, nunc *Averni* pabulum, & *Orci* victima, ad *Tartara* deturbatus, ne aquæ quidem guttulam impetrare potest ab eo, quem cum esset in vivis mendicantem superbissimè contempsit, qua ardentem linguam suam refrigeret. Fastum deponite Pastores, qui Auditoribus vestris humilitatem identidem inculcatis, & animi demissionem, eamque exemplo vestro virtutem, vita & moribus exprimitis, serioque illud Poëtæ expendite,

Turpe est Doctori, cum culpa redarguit ipsum.

Fastum ponite vos Præceptores, & discipulis *φιλανθρία*, & agnatam illis arrogantiam, monitis vestris extundite. Fastum ponite & vos Adolescentes studiosi, *Musarum* alumni, quantumque superbiæ *Phaëtoni*, & *Icaro* nocuerit, cogitate. Fastum denique ut finiam, omnes quotquot estis homines: & si omnino firmam celsitudinis vestræ fabricam constituere vobis est animus, de fundamento prius cogitate H U M I L I T A T I S. Illa enim, ut ait quidam Patrum, non solum Religionis Christianæ, sed & omnium Virtutum est basis, & fundamentum, quæ labuntur aut diffuunt, nisi ea nixæ, nisi ea nexæ. In quam rectè quadret responsum illud Demosthenis interroganti *quid primum, quid secundum, quid tertium, quid ultimum esset in Oratore*, quid in arte dicendi proxa & puppis? *Pronuntiatio* inquit. Ita genuinam, & non fucatam modestiam, & humilitatem appellare mihi fas principem, & potissimam vitæ humanæ partem, & quasi T O T U M hominis. Dixi.

ORATIO XXVIII.

IN VITAM AULICAM,

Habita à

LAMBERTO BOOTIO.

Cum Menippus adolescens apud Homerum, diversa Deorum scelera legisset, ea licita esse, atque honesta credebat: nam dii quod faciunt quis non arbitretur honestum? Hic vir postea factus, cum illa tanquam turpia prohiberi legibus animadverteret. incertus animi Philosophos adiit, sciscitaturus ex iis quænam esset optima vita. Sed neque Philosophi expectationi ejus satisfecerunt, cum inter se pugnantibus dissiderent sententiis, & alii in voluptate eam statuerent, ut *Epicurei*, alii in quadam animi ἀναισθησία seu indolentia ut *Stoici*, alii in actione virtutis, ut *Peripatetici*: Quidam vero animi, corporis, & fortunæ bona simul juncta, vitam dicerent præstare vere beatam. Incertior igitur ille multo quam antea, consulere mortuos decrevit, & ad inferos descendit, ac ex *Tiresia*, quia & ipse vates fuerat, ubi & apud quos vitæ tranquillitas, & beatitudo inveniri posset percunctatus est, qui cum voce diu respondere negasset in aures tandem inusurrans, apud privatos homines optimam vitam, summamque felicitatem reperiri dixit: non vero apud Reges, Principes, ac longè lateque terrarum Dominos. Videre tamen est hodierno die homines non gregarios, non de trivio, sed Patricios, sed Optimates, qui altè hanc animis imbiberunt sententiam, liberos suos melius, ac liberalius in *Aulu* inter forices palatinos, quam in scholis educari: Rati tum demum felices eos esse ac fortunatos, cum Regum atria frequentant,
late-

latera stipant, & in purpuratorum numerum cooptati, vultu & præsentia Principis frui conceditur. Sed immane quantum discrepat! & nã illi crassum, ne quid gravius dicam, errant errorem. Quem ut Oratiuncula hac mea inpræsentiarum profligare constitui, ita obnixè, & qua possum animi demissione, à vobis contendo, Auditores, ut non de injucunda, neque inutili materia dissertanti, silentio vestro ac favore succurrere, haud dedignemini. Quo declamatiuncula mea scopum ad quem collimat, rectius feriat, & benevolentia vestra secundis quasi impulsæ ventis portum ad quem tendit, facilius consequatur.

Ac ne prolixis plus nimio vos demorer sermonibus, si nihil aliud dicerem cur fugienda sit *Aulicorum* vita, quam quod ab omni fere virtutis studio derelicta, ad vanitatem, & morum licentiam admiratores suos, & cultores tacito quodam, ac surdo lenocinio trahat, & ad luxum, crapulam, libidinem, aleam, schyphos herculanos, potationes portentosas, Religionis contemptum, ne dicam Atheismum, alumnos suos, & purpuræ candidatos haud raro impellat; quis sodes ab ea non abhorreat, si vel minimæ pietatis, ac probitatis stricturæ in animo ejus delitescant? Nam admissa semel in Aulam juvenus, ut in virium flecti cerea est, dulci hoc morum contagio delibuta semel, virtutis si quæ in se habet semina extinguī patitur, & vitia, tanquam animæ zizania, & plantas noxias, succrescere in puerili hoc solo, per naturam nequitia fertiliori, quam probitatis, adeo ut in tanta colluvie vitiorum per tot bonæ mentis impedimenta, eluctari non possit ad ullam frugem. Extincto vero per *Aula* licentiam omni virtutis sensu, mox ætate provector, imitatur quæ videt, manetque alta mente repostum, quidquid vitiosum est, & pertinacissime illi ad extremam usque senectam adhærescit. Quid mirum? omnia hæc juniores in *Aula* discunt, & Principum

pum palatiis. Tenera adhuc ætacula deliciis solvitur, mollisque ea educatio nervos omnes, & corporis, & mentis, elidit, proterit, frangit. Quid non adultus committet, qui inter tot obsequia fortunæ, tot vitia adolescit? vix dum prima verba puer exprimit, & jam in sericis & purpura rept, coccum intelligit, jam conchilium poseit, ante palatum ejus quam mens instituitur. Arrident grandiores, si quid licentius dixerit, verbaque ne Alexandrinis quidem permittenda deliciis, risu & applausu excipiunt, scurrilemque verborum spurcitiam non venia modò, sed & laus consequitur? Ne miramini Auditores, reliqua *Aulicorum* turba sic docuit, libidinosa vitæ specimina videt quotidie, & audit, conviviis interest lautis, opiparis, omni ferculorum, accupediorum apparatu instructissimis, turpia, inhonesta, atque indigna relatu spectantur, audiuntur. Discunt hæc pueri, antequam sciant, vitia esse. Et ut facilius est denigrare alba, quam dealbare nigra; ita facilius est inficere eos vitiis, quam iis instillare virtutes. Ad illa enim toto quasi pondere feruntur instigante naturâ. Ac deinde ubi per ætatem Sapientiores facti, *Aula* repudium mittere, & ad meliorem frugem sese recipere conantur, ita his aureis *Aula* compedibus illigati sunt, ut in hoc dissolutæ vitæ curriculo perseverent, & in eodem licentiæ cane perpetuò hæsitent. Usque adeo Auditores à teneris adsuescere multum est. Omnes itaque Patres Familias serjo quotquot sunt, admonitos volo, quid ajo? non ego sed sagacissimus ille arcanorum Naturæ Speculator *Plinius*, ut Filios suos non in *Aulam*, in qua pereant, sed ad *Lycurgum* aliquem, aut *Solenem*, Virum nempe doctrinæ, & morum gravitate conspicuum, adducant. Nam ut Testudines Indicæ in ipso Meridie, suavissimis solis radiis allectæ, nudo gaudent tergo per tranquilla maris æquora fluitare, donec oblitis sui, solis æstu exarescat cortex, & domiciliū sui testa, adeò

ut

ut mergi denuo nequeant, jamque invitæ natent opportuna venantibus præda: Ita *Aula* clientes hodie, & purpuræ cultores, dum aureos sibi pollicentur montes, & Attalicis conditionibus, nec non amplissimorum spe præmiorum allecti, in Principum *Aulas* se insinuant, earumque deliciis Sibariticis sic inescantur ut pedem retrahere, & vel *Pegaso* illigati, expedire se nequeant noxiæ huic *Chimæ*, nimirum majus quiddam est quam multicensent, cursum rectum in undoso illo mari tenere, & in *Aulâ* non abripi licentiæ ventis. Metant igitur hunc Agrum histriones, mimi, balatrones, parasiti, sycophantæ, & quidquid talium est hominum, qui ad gratiam se dantes, & auram, *Placentini* magis, quam *Veronenses*, nigra in candida vertunt: Sed exeat, exeat, inquam *Aulâ*, ut cum Poëta hoc dicam;

*Qui vult esse pius, virtus & summa potestas
non cœunt.*

Quid? Ibine virtutem regnate, justitiam dominari, honestatem, temperantiam, humilitatem, modestiam, principatum tenere creditis Auditores, ubi omnia ejurata probitate, ad fastum, vanitatem, malitiam, & ad luxum comparata sunt? Ubi vada & *Syrtes*, & omnia simulationum plena sunt, plena simultatum, æmulationis, invidiæ? Ubi histrioniam tanquam in *Theatro* agunt, & summam stultitiam regunt specioso obtentu sapientiæ? Ubi non semper recto judicii oculo res, aut homines æstimari, sed hominibus munus, non homines muneri donantur? Ubi ex fraude, fallaciis, mendaciis, constare toti videntur, & quidquid Leonem, præferant,

Asputam vapido servant sub pectore vulpem.

Ubi denique non alia sunt hominum studia, nullæ aliz curæ, quam aut voluptatum, aut opum, aut honorum aucupia ad quæ certatim adfluunt, & concurrunt? Vestram fidem! Auditores in illis ne sitam censetis vitæ humanæ beatitudinem, ac

pum palatiis. Tenera adhuc ætacula deliciis solvitur, mollisque ea educatio nervos omnes, & corporis, & mentis, elidit, proterit, frangit. Quid non adultus committet, qui inter tot obsequia fortunæ, tot vitia adolescit? vix dum prima verba puer exprimit, & jam in sericis & purpura rept, coccum intelligit, jam conchilium poseit, ante palatum ejus quam mens instituitur. Arrident grandiores, si quid licentius dixerit, verbaque ne Alexandrinis quidem permittenda deliciis, risu & applausu excipiunt, scurrilemque verborum spurcitiam non venia modò, sed & laus consequitur? Ne miramini Auditores, reliqua *Aulicorum* turba sic docuit, libidinosa vitæ specimina videt quotidie, & audit, conviviis interest lautis, opiparis, omni ferculorum, accupediorum apparatu instructissimis, turpia, inhonesta, atque indigna relatu spectantur, audiuntur. Discunt hæc pueri, antequam sciant, vitia esse. Et ut facilius est denigrare alba, quam dealbare nigra; ita facilius est inficere eos vitiis, quam iis instillare virtutes. Ad illa enim toto quasi pondere feruntur instigante naturâ. Ac deinde ubi per ætatem Sapientiores facti, *Aula* repudium mittere, & ad meliorem frugem sese recipere conantur, ita his aureis *Aula* compedibus illigati sunt, ut in hoc dissolutæ vitæ curriculo perseverent, & in eodem licentiæ cane perpetuò hæsitent. Usque adeo Auditores à teneris adsuescere multum est. Omnes itaque Patres Familias serjo quotquot sunt, admonitos volo, quid ajo? non ego sed sagacissimus ille arcanorum Naturæ Speculator *Plinius*, ut Filios suos non in *Aulam*, in qua pereant, sed ad *Lycurgum* aliquem, aut *Solenem*, Virum nempe doctrinæ, & morum gravitate conspicuum, adducant. Nam ut Testudines Indicæ in ipso Meridie, suavissimis solis radiis allecæ, nudo gaudent tergo per tranquilla maris æquora fluitare, donec oblitis sui, solis æstu exarescat cortex, & domiciliū sui testa, adeo
ut

ut mergi denuo nequeant, jamque invitæ natent opportuna venantibus præda: Ita *Aula* clientes hodie, & purpuræ cultores, dum aureos sibi pollicentur montes, & Attalicis conditionibus, nec non amplissimorum spe præmiorum allekti, in Principum *Aulas* se insinuant, earumque deliciis Sibariticis sic inescantur ut pedem retrahere, & vel *Pegasæ* illigati, expedire se nequeant noxiæ huic *Chimara*, nimirum majus quiddam est quam multicentent, cursum rectum in undoso illo mari tenere, & in *Aulâ* non abripi licentiæ ventis. Metant igitur hunc Agrum histriones, mimi, balatrones, parasiti, sycophantæ, & quidquid talium est hominum, qui ad gratiam se dantes, & auram, *Placentini* magis, quam *Veronenses*, nigra in candida vertunt: Sed exeat, exeat, iuquam *Aulâ*, ut cum Poëta hoc dicam;

*Qui vult esse pius, virtus & summa potestas
non cœunt.*

Quid? Ibine virtutem regnare, justitiam dominari, honestatem, temperantiam, humilitatem, modestiam, principatum tenere creditis Auditores, ubi omnia ejurata probitate, ad fastum, vanitatem, malitiam, & ad luxum comparata sunt? Ubi vada & *Syrtes*, & omnia simulationum plena sunt, plena simultatum, æmulationis, invidiæ? Ubi histrioniam tanquam in *Theatro* agunt, & summam stultitiam regunt specioso obtentu sapientiæ? Ubi non semper recto judicii oculo res, aut homines æstimari, sed hominibus munus, non homines muneri donantur? Ubi ex fraude, fallaciis, mendaciis, constare toti videntur, & quidquid Leonem, præferant,

Asutam vapido servant sub pectore vulpem.

Ubi denique non alia sunt hominum studia, nullæ aliz curæ, quam aut voluptatum, aut opum, aut honorum aucupia ad quæ certatim adfluunt, & concurrunt? Vestram fidem! Auditores in illis ne sitam censetis vitæ humanæ beatitudinem, ac

felicitatem? Scio non facitis. Quis est enim ita in temporum historiis peregrinus, qui aliter sentiat? Reclamat experientia, quæ omnia hæc in casu posita esse & iisdem pene, quibus mare æstibus adfluere & refluere, hæud obscure commonstrat. Reclamat gravissimorum virorum auctoritas, quorum eruditio summa, non secus ac fax quædam cælitus delapsa. Universum terrarum Orbem illustrat, & Cimmericas ignorantia, ac cæcitatæ animi tenebras violenter dispellit. Quid illi? Ut è multis paucos producam. Sic eximius ille censet civilis prudentiæ Magister & sincerus humanarum actionum arbiter *Tacitus*, breves (inquit) sunt *Regum amores*; eorumque gratia vitri instar cum maximè splendet frangitur, eoque lubrica, si unquam & vita, & via eorum qui in *Aula* versantur. Quid *Polybius* Historicorum ille Princeps, *Qui Regum* (inquit) *Regias sequuntur*, *Regis voluntate nunc beati, nunc miseri existunt*.

Nam ut oculus exigua festucâ læditur: sic Principum gratia vel minima offensa cadit, & perit. Reclamat denique & infinita exemplorum series quibus omnibus sigillatim enumerandis ne *Tulliana* quidem suffecerit eloquentia. Testes hîc appello *Aulicorum* fortunatissimos. Unus pro multis spondeat & respondeat, *Aratus* optimus Princeps, qui cum sanguinem expueret, hausto veneno à *Philippe Macedone* ibi propinato, in has erupit voces, hæc sunt regia amicitia præclara præmia, verumque illud esse comprobavit, nimirum ut *Arithmeticorum* calculi aliquando valent multa millia, aliquando nihil, modo talentum, modo obulum æreum: Sic *Regum* amicos aliquando quidvis posse, rursus mutata in fastidium gratia, nihil. O splendidam miseriam! O miseram vitam, imo ut verius loquar, vitam non vitam!

Quare,

*Stet quicumque volet potens,
Aula culmine lubrico;*

Me

Me dulcis saturet quies :

Obscuro positus loco,

Leniperfruar ocio.

Nec me hercule de nihilo. Tam anceps enim Auditores humanissimi, tam mutabilis, tam inconstans est hæc *Aulicorum* personata felicitas, ut omnino ignores quid, aut cui credas. Aded ut quod magnus olim *Afer* de pavone, ego de nobilitate hæc dicam *Aulica*: Omni conchylio micantior qua colla florent, omni petaso inauratior, qua terga fulgent, omni syrmate solutior, qua cauda jacet, multicolor, discolor, nunquam ipsa, semper alia, toties denique mutanda, quoties movenda. Intuemini mihi quæso *Aulicorum* mores, reperietis quoties moventur, toties mutari. De fortuna solum hoc dico quæ si usquam alibi, certe in *Aulis* incerta, ac volubilis errat, & *Protei* similis, dicto citius elabitur. Nulli ex magnitudine sua securitas est. Per infinita rerum discrimina ad summos honores conscendunt; Ubi pervenerint jam, aut consistunt ægræ, aut in illo ipso fastigio tot adversa, & tristitia experiuntur, ut, si tuto liceat, descendere optent, & priora vota damnent ipsi, haud absimiles iis qui dum ad culmen venire contendunt, una cum ipsis ramis, quos comprehenderunt, decidunt. Exemplum in *Sejanno*, qui diu *Tiberii* potens, & ad instar ejus statuis, honoribus cultus, tandem una epistola subversus est, & caput illud toto Orbe secundum, ut cum Poëta dicam, laqueo præbuit, & cadaver suum opprobriis, lacerationi, unco. O cæca mortalitas! Tu ille superbus paulo ante, & insolens ubi es? quid es? desiisti esse, & tot annorum cumulata felicitas, subito turbine quassata, & everfa est, flammarum naturæ similis, quæ sicut paullulum à se remota illuminant, ita satis admota sibi, comburunt. Quid mirum? Dominatur ibi maximè invidia, locum ibi calumniæ, atque obtestationes habent. facile ac subito iram gravem Principes concipiunt

& conceptam semel, diu retinent, moneri sese aut reprehendi, a gre admodum ferunt. Vnde *Calistheni* propinquo suo consuluisse, *Aristotelem* legimus, ut cum *Alexandro* rege suo quam rarissimè, aut suavissimè loqueretur, utpote eo qui vitæ necisque in eum haberet potestatem. Excrescat in immensum Oratio mea, si omnia hic enumerare mihi esset animus, sed ἐν τῷ ὄνυχον τὴν χεῖρα. Apud *Hadrianum* Imperatorem tanti fuere momenti, tantum potuere, delatorum ac Sycophantarum voces, ut etiam intimæ admissionis viros, hostium loco postmodum habuerit. Erat olim non de Imperatore solum *Iustiano*, sed & de universo Imperio Romano; præclarè meritis *Belsarius*, hic tamen qui *Persis*, *Vandalis*, *Gothisque* superatis triumphans redierat, ab invidorum calumniis liber, atque immunis esse non potuit, sed de fastigio honorum ac dignitatum suarum, fulminis velut ictu dejectus, orbatus oculis facultatibus omnibus exutus, triste spectaculum humanæ vicissitudinis præbuit, & in summa rerum angustia, mendicare coactus, his verbis prætereuntes in bivio collocatus, ad misericordiam commovit, *Dædolum* *Belsario*, quem virtus extulit, invidia depreffit. Non minus ergo eximiè, quàm verè poëta:

Talēcos beavit Aula, Plures perdidit,

Sed & hos ipsos, quos beavit perdidit.

Heu sortem humanam! ô instabiles rerum vi-
ces & fortunæ mendacia! ô spes fallaces! Quid
fortissimus ille terrarum domitor *Alexander Ma-*
gnus, qui imperium suum Oceano, famam astris
æquavit? Nonne duces ejus strenuissimi in equu-
leum impositi. *Persis*, quos vicerant, fuerè specta-
culo? Alius mensam Regis suo sanguine adspersit:
alius ne simplici quidem morte defunctus
est, sed exquisitissimis suppliciis mortalitatem
explevit: *Parmenionem* indicta causa trucidat per
quem *Attalum* occiderat. *Clitus* inter vina & po-
cula trajectus hasta una cum esculentis, & mero,
vi-

vitam eructat. *Callisthenes* dum adorari *Persarum* more Regem prohibet, manibus pedibusque truncatus, lumine utroque cassus, auribusque, & naribus amputatis, monstro quolibet monstrosior, squalidus in carcere detinetur.

Vivum cadaver, & mortua vitam trahens.

Calamitates suas quod solum potest, deplorat, cui cum *Lisimachus* ex commiseratione venenum propinasset, irato Leoni objicitur. Quid hic *Zenonem* Philosophum commemorem, quem *Phalaris* Tyrannus crudelissimè interemit? Quid *Anaxagoram*, quem Cypriorum Rex *Anacreon* obtruncari iussit? Quid *Harpagum Astiagis* purpuratum, cui iste filios in convivio epulandos apposuit? Quid *Prexaspem* cujus filiolum *Cambyzes* ob violentiam reprehensus, sagitta transfixit? Quid denique ut à profanis ad Sacra mea transeat Oratio, magnum illum Ducem Hebræum, Regem, Prophetam, typum Messia, *Davidem* loquar, quam sodes à *Saule* gratiam retulit? quod congiarium ab ingrato Principe pro tot tantisque incredibili fortitudine reportatis victoriis, tot feliciter pugnatissimis bellis in regni columen, & stabilimentum? Non invidia solum *Aulicorum* perpetuo conflictatus est, & delatorum calumniis, sed & iram & indignationem Principis non semel est expertus, qui in innocuum caput conspirare, & necem ejus moliri non desuit ad ultimum vitæ suæ spiritum. Ite nunc vos magni purpuræ cultores, ne dicam mancipia, qui de generis nobilitate, stirpis altitudine, sanguinis antiquitate, tantopere gloriamini: qui vultum & favorem Principis demereri, superba Regum terere limina, in palatiis eorum versari, præsentia frui, summam interpretamini hominis esse felicitatem, adhuc ne speciosa, & splendida illa *Aulicorum* vita vos delectat? adhuc ne *Aula* decus, & fulgor vos movet, impellit, trahit? Non arbitror, fugite, fugite inquam hanc *Charybdim*, hanc *Scyllam*. *Sirenes* illic & *Lothophaga*.

gi. Hæc ut pericula enaviges quisquis es in hoc aulicæ vitæ salo, opus tibi non prudentia solum, & *Argi* oculis, patientia *Socratis*, constantia *Reguli*, longanimitate *Fabii*, frugalitate *Pisonum*, sapientia *Lalii*, pietate *Metelli*, sed dicam fortunæ. Per quod ut maximè ex voto tibi feratur navis, tamen in multos scopulos impingere, multis vadis obhærescere necessum est. Disertissimum illum Oratorem *Ciceronem* audite, & istud oraculum consulti- te, non quod furibunda *Delphi Pythia*, non *Dodo- næus Iupiter*, aut *Ammon*, non *Ismenius Apollo*, sed maximus ille dicendi Magister sapientissimè pronunciat. Quid ille? Miserrimam illam esse vivendi rationem profiteri non dubitat quæ purpuram venerari, & Principum sceptræ, ac diademata, adorare serviliter, nata est: Quæ tamdiu speciosa apparet, & splendore suo hominum oculos perstringit, quandiu fortunæ libido permittit, volubilis illa *Gentilium Dea*, quæ quam celerrimè reposit scit quæ dedit, & quæ,

Ludum insolentem ludere pertinax,

Transmutat incertos Honores

Nunc illi, nunc aliis Benigna.

Cumque in universum humanum genus non parum sibi juris vindicet, maximè tamen eos infectatur quos ad honorum sublimitatem evexit, quos quasi pilas habet, quas pro libidine versat in omnem partem, imo quam celerrimè destituit, nec destituit tantum, sed & abjicit, nec abjicit solum, sed ad duriorum aliquem casum reservat, ut sæpe inter fortunam maximam, & ultimam nihil intersit, nihilque medium inter præcipitia, aut summa in lubrico illo culmine, & fastigio *Aula*, ad quod gradibus ascenditur, sed descensus præceps est, & periculi plenus.

Plura dicerem, *Auditores*, si aut attentio vestra, aut argumenti dignitas prolixius Orationis genus desideraret: sed quoniam de utroque abundè, & vobis & mihi constat, tempus me admonere videtur

detur & patientia vestra cohortari, ut veta Orationis meæ contraham. Quemadmodum enim semen quâvis exiguum in bono solo sparsum facile comprehendit, & se explicat; ita & breve monitum in bona mente. Dixi.

O R A T I O XXIX.

P R O V I T A R U S T I C A .

Habita à

G U L I E L M O H O R T E N S I O .

Non me fugit in novo hoc exercitii genere, nova mihi parata judicia, sive illorum quos percellet inopinata hæc in publicum prodeundi libertas, in eo qui tenuitatis suæ conscientia retentus, hætenus latuit: sive aliorum quibus vilescit quidquid in hac doctissimorum Auditorum corona profertur, non satis elaboratum. Sed ut infirmitatis meæ sensu, quam non invitus agnosco, haud parum commoveor, & superciliosorum hominum præmaturis judiciis, quos infantia suæ olim, cepit oblivio, & qui non nisi quæ docta sunt, admirari solent: Ita contra subdit mihi animum, tum humanitatis vestræ recordatio, tum instituti mei ratio. Liberalis enim, & ingenui adolescentis officium esse duco, studia sua protrudere, & generoso conatu ad laudem fastigia eniti, adeo ut non in audaciæ crimen meo iudicio trahi debere videantur, sed laudari, qui in Oratorum circulis, & his dicendi spatiis, profectus sui qualiscunque specimina exhibere, & latinitatis studium publica aliqua Oratiuncula profiteri non erubescunt. Cogitanti autem mihi de quo potissimum argumento apud vos, verba facerem, non

aliud & que allubuit atque illud de vita rustica, de
 cujus felicitate, paucis oratoria hac dissertatiuncu-
 la apud vos agere in animum induxi. Quod dum
 affecto magis officii ratione, quam cupiditate glo-
 riar, non tam veniam mihi rogandam esse video
 in hac causa minimè ambitiosa, quam benevo-
 lentiam expetendam. Sed ut certum aliquem de-
 clamatiunculæ meæ cursum tenere possim, ad
 summa hæc capita tanquam ad helicen oculos assidue
 flectam. Primum enim agere institui de vitæ
 rusticæ antiquitate, & origine. Secundo de utilitate,
 postremo de jucunditate. Philosophorum quidam
 non è minimis, haud in scite olim dixit, τὸ πρῶτον
 τῶν τιμωτάτων: Antiquissimum quodque pre-
 ziosissimum. Antiquitas enim quantum ponderis,
 & momenti adferat ad rei alicujus dignitatem,
 commendandam, nemo vestrum credo esse, qui
 ambigat. Quæ si usquam certe in Agricultura se
 prodit, qua nihil antiquius esse vel ex eo constat,
 quod non à *Cerere* Deâ illa Gentilium, non à *Tri-
 ptolema*, *Abdolonymo*, non *Columella*, *Palladio*, aut a-
 liis originem suam duxerit, sed ab ipsis Mundi
 primordiis, & nata cum Orbe nato. Primus enim
 omnium nostrorum parens *Adamus* Agricola fuit,
 & posthabitis omnibus aliis curis, totus in hac
 cura, ut rusticando victum sibi, & suis quæriatet.
 Ejectus enim post lapsum è *Paradiso*, & damnatus
 ad ligonem, marram, sarculum, non aliud sibi vitæ
 genus amplectendum proposuit. Filii ejus duo pa-
 tris insistentes vestigiis, agris quoque colendis, &
 pecoribus pascendis operam dantes, licet longe
 lateque terrarum domini, ætatem contriverunt.
Noachus, cum universum *Iehova* genus humanum
 diluvio perdere decrevisset, ab horrendo illo Mun-
 di interitu cum familia sua, in Arca quam Dei
 jussu struxerat, superstes, in agricolatione serio
 desudavit. Et qui cum postea secuti non aliam Ma-
 jorum suorum exemplo, vitæ rationem ineun-
 dam esse censuerunt. Ita optimus quisque inter
 Patri-

Patriarchas; & eorum posteros, ut sacra testatur
 pagina; spreta urbium amplitudine, aut pastor fuit
 aut agricola, & in tentoriis commorantes, iis quæ
 agrorum proventus suppeditat contenti, vitæ ru-
 sticæ tranquillitatem turbis forensibus longe præ-
 tulerunt. Sed ut à sacris literis ad profanas mea
 se convertat oratio, quis *Adonidis*, & *Alcinoi*, quis
Tantali, & *Hesperidum* hortos ignorat, quos tota
 olim celebravit Antiquitas? Quis *Cyri* Regis ma-
 nu plantaria instituta, *Semiramidis* aërios pen-
 silesque hortos, quis *Masanissa* novum, & celebrem
 in iis cultum, ad stuporem pene, & admirationem
 totius *Africa*? Jam inter præcos *Græcos*, & *Romanos*
 quot illustria capita proferri possent, qui postha-
 bitis aliis gravioribus curis, in hoc vitæ genere fe-
 licitatem suam collocarunt? & hortorum spatiis,
 sepibusque se incluserunt? Ita *Tarquinius* Regem
 jam tum præca illa *Roma* accepimus in hortis, &
 plantariis molliter ambulantiem, & papaverum
 capita rescantem. *Catonem* Censorium in re hor-
 tensi occupatum, & de ea serio scribentem: *Lu-*
cullum post Asiaticas victorias, in iisdem secure qua-
 tiantem. *Syllam* abjecta Dictatura, suaviter hic se-
 nescentem. & *Diocletianum* insigni prudentia
 Principem, viridaria sua, olera & lactucas, ad *Sal-*
nam purpuræ, & sceptris præferentem. Quid mi-
 rum Auditores? Est enim quædam homini, inge-
 nita ad Agriculturam animi propensio, qua fit ut
 etiam illos ad se trahat, qui maxime ab ea viden-
 tur alieni? Atque ut insignem illam Cœli fabricam
 micantesque illos ignes, nemini adspicere fas, si-
 ne occulto horrore aliquo, & admiratione magni
 illius *Architecti*. Ita nec hunc inferioris *Mundi*
 mundum, & eximias terræ opes, sine tacita qua-
 dam gaudii titillatione, & sensu. Hinc evocati o-
 lim qui *Imperii* habenas tenuerunt, ab aratro nem-
 pe ad curiam, & fasces, à prædiis ad *Dictaturam*, &
Consulatum promoti, & ad clavum Reipublicæ col-
 locati, ut urbibus, provinciis, populis, gentibus,

præ-

præssent, qui securi potentium & Aulæ, agris colendis se totos devoverant: quorum tanto flagrant amore, ac desiderio, ut mutuata olim ab agricultura, ejusque frugibus nomina sibi imponere non dubitarint. Hinc enim *Fabii*, hinc *Pisones*, hinc *Lentuli*, hinc *Cicrones*, & alii quos summos belli duces, aut illustres heroicasque fuisse animas historiarum testantur monumenta.

- Sed ne plus nimio me diffundam in Antiquitatis ejus elogio, pedem hic figo, & ad alterum in quo utilitatem statui, me accingo. At hic cui tanta dicendi vis, Auditores, tantaque copia, qui commoda ejus examussim enumerare queat? Quis omnigenas fruges, quis annuos proventus, & optimas divitias, nunquam fatiscientis naturæ, oratione complecti?

*Non mihi si centum lingua, sint ora que centum,
Ferreæ vox.*

Stellæ enim & Sidera, quæ admirabili celeritate cursus suos conficiunt sine sensu laboris, sine tædio lassitudinis, & in perpetuo motu nunquam defatigantur, atque omnia elementa, conferto velut agmine in Agriculturæ felicitatem conspirare videntur, & quævis anni tempora, menses, dies, quasi Naturæ tributa persolvere, vigente in omne ævum officio. Sole enim (ut à Vere fiat initium) signum *Arietis* ingrediente, cum mitescere incipiunt hiberna frigora, liquefcere nives, manifesta dies capere incrementa, statim *Blanda serenati facies aperitur Olympi*, & in tanta cœli clementia, & insigni aëris temperie, Terra benigna illa mater, prægnans fœcundo sinu, quid tum non subacta producit? Quid non sponte fundit? Quid bona fide creditum enixa non reddit? Quantam spem faciat Agricolæ futuræ messis? Quot & quanta nobis ad vitam tolerandam necessaria copiose suppeditat? Cujusmodi fere sunt in campis gramina, in hortis lactucæ, nasturtii acrimonia, raphanorum radices teneræ, sambuci pubescentis folia, asparagi, lupini silvestres.

ſeres. Pecudum quoque quanta copia, procello-
 rum ſubrumorum, agnorum & vitulorum lacten-
 tium in ſtabulis, & in iſcinis ejus trutarum, par-
 carum, cyprinorum, murenarum? In Gallinario,
 quot illi pulli gallinacei, gallinæ pullaſtræ, capo-
 nes? In columbario columbi & pipiones; alibi an-
 ſeres, anatesque altilis, adeò ut ſi convivio ami-
 cos, & conſanguineos excipiendi ſit animus, mi-
 nimè ipſum ſollicitum eſſe oporteat unde fercula
 ſua, unde dapes ſit petiturus, domi eas habet, & in-
 tra prædii ſui terminos, & quidem inemptas lu-
 xue carentes, *delicias*, ſed ut vix quidquam lau-
 tius à foro, aut macello. Et ſi tanta *Agricola* ex
 Vere commoda, quanto longè majora ex *Æſtate*,
 quæ non tam benigna nurrix, quam bonorum
 prodiga videtur, quorum nec ordinem facile in-
 venies, nec finem, ut quæ latè diſfuſa, nec includi
 numero poſſunt, nec termino. Nam ut palati, &
 linguæ delicias mittam, ſuggerente materiam na-
 turâ ipſa, Braſſicas Appianas, Cyprias, Melones,
 Laſtucas ſeſſiles ſucco tenerrimo, tum Criſpas, &
 Capitatas, quæ conditæ pullegio, naſturtio, dra-
 cunculo, & aſperſo boraginis flore, paſcunt ocu-
 los, & orexin excitant ſtomacho non contem-
 nendam, quid meſſe æſtiva uberius? Hic hinc Audi-
 tores frugum, fructuumque in *Agricola* noſtri
 prædio copia, & largitas, quorum ſpectaculo ocu-
 lus ſaturari, animus expleri poteſt. Hic graminis
 ad ſceniſecia, lata paſcua, hic frumenti leguminif-
 que, affluentia maxima; hic viciarum, fabarum, li-
 ni; hic avenæ, hordei, iliginis, & tritici, jugera
 plurima. Hic ceraſa præmatura, & ſerotina, *Ætia*,
Aproniana, duracina tum pruna *Damaſcena*, decu-
 mana, cerea *Armenica*, pira *Falerna*, *Venerea* *Pom-*
poniana, regia, tum pomum naſum, malum mu-
 ſteum Autumnalium prævium, ſanguineum, or-
 thomaſticum, petiſum, tum quæ durioris corticis.
 nuces *Avellanæ*, *Ponticæ*, *Baſilicæ* omne delitia-
 rum, quas Horti benignè effundunt, genus planè
 con-

condiendæ, ac temperandæ vitæ. Quis sanus eas non præferat apris, murenis, & altagenis? Hic flavæ segetes, lividæ vites, onusta opibus suis arbores: non corollæ jam aut ferta texuntur; sed teritur area, fluunt præla, horrea, cellæque complentur. Quæ vivendi ratio? quæ fors, quæ conditio, hoc vitæ genere utilior, quæ fortunatior? imò quæ necessaria magis dici potest, aut excogitari? Civitates enim exustis, & devastatis agris, ad mediam redigi, & si obsidione cingantur, expugnari necesse est. Ut hoc inter alias in *Hierosolymâ*, & *Samariâ* videre est. Hæc causa est, Auditores, ob quam jure civili sancitum sit, ne vel in maximo bellorum æstu damno afficiantur *Agricola*, vel prædiis suis exuantur. Sed ne attentione vestra abuti videar, ad vitæ rusticæ jucunditatem, ultimam orationis nostræ partem, nunc propero, quam quoties serio perpendo, non possum quin cum Poëta exclamem,

Τί πρῶτον τί δ' ἔπειτα τί δ' ὑστάτου κα-
ταλίξω;

Cui enim tanta est in dicendo facundia, tantum ingenii flumen, qui eam graphicè suis coloribus depingere queat? Omnia enim in ea vultu admodum blandienti se nobis offerunt, sensusque nostros incredibili quadam dulcedine afficiunt, nares mira suavitate demulcent, oculos amœna pulchritudine perstringunt, totumque hominem singulari quadam voluptate perfundunt. Quales violæ, veris primulæ, bellides, hepatica candida, cærulæ, purpuratæ, calthæ, crocus, hyacinthus stellaris, narcissus, irides, tulipæ, rosæ. Ut hic naturam matrem congeßisse dicas, mortalium delinimenta omnia, serenioris vitæ, in qua vel *Nestor* vel *Priamus* posset repubescere, imo vel mortuus reviviscere. Nam si varietatem, & amœnitatem, si odorum fragrantiam considerare sit animus, qui è floribus manant, suavitatem colorum qui si oculis ingerunt, ipsa mens hac dulcedine titillari se, ac
capi

capi dicet, imo pasci. Videmus enim illum è calice, hunc è vagina, alium è gemma protuberantem, videmus unum morientem subito, alium subnascentem: quem non delectet tam varius aspectus, & cultus magnæ Matris? Et quæ illa tam rigida, tam ferrea mens, quæ inter hæc amœnissima oculorum oblectamenta, & pabula, huncque inferioris *Mundi* mundum non flectat se molli aliqua cogitatione, ac tacita quadam gaudii titillatione lique scat? si nitores, si pigmenta inspiciamus, si hunc sanguinem, hoc ebur, hanc nivem, hanc flammam, hoc aurum, ac tot colores mira varietate oculis blandientes quos Artifici cuique penicillo æmulari fas, æmulari quidem non imitari. Denique quis exhalans ille odor, quis penetrans ille spiritus, & pars æthereæ auræ infusa ab alto? Ut non abs re Poëtæ flores plerosque finxerint è succo, aut sanguine immortalium Deorum. Vix opinor in *Insulis fortunatis* esse quicquam jucundius. Plane mihi videor intueri *Paradisum* cui custodem cultoremque Deus præfecerat *Adamum*. Jam quid campos gramine luxuriantes loquar, quid prata virentia, quid plantaria, quid arbores florescentes? quid vinearum fœcunditatem commemorem, quid oliveta? Quæ omnia tacita admiratione sensus, imo mentes nostras suspendunt, & in stuporem pene rapiunt. Quid vitæ hujus delicias, quid curarum, & laborum laxamenta, quid spectacula non inamœna, quid gaudii illecebras quas frustra terrarum alibi quarimus, recenscam?

Cum in reductâ valle mugientium Agricola

Prospectat errantes greges;

Inutilesque falce ramos amputans,

Feliciores inserit.

Aut pressa purum mella condit amphoris,

Aut tondet infirmas oves.

Vel cum decorum mitibus pomis caput

Autumnus arvis extulit,

*Ut gaudet insitiva decerpens pyra ;
 Certantem & uvam purpura.
 Aut trudit acreis hinc & in hinc multa cane
 Apros in obstanteu plagas :
 Aut amite levi rara tendit retia
 Turdis edacibus dolos.
 Pavidumque leporem, & advenam laqueo gruem,
 Lucunda captat premia.
 Labuntur altis interim raris aqua,
 Queruntur in silvis aves,
 Fontesque lymphis obstreperunt manantibus,
 Summos quod invitat leves.
 Quis non malarum quas amor curas habet,
 Hac inter obliviscitur ?*

Quid Urbana vita, Auditores, ad hanc vitam? O-
 pida adi, vide, lustra, quid in iis nisi tumultus, pro-
 cellæ, turbæ? Circumstrepent enim te subito, res,
 hominesque, & negotium non solum tua negotia
 facient, sed aliena. At hic altum, securumque o-
 tium; nemo qui appellet, aut interpellet, liber hic
 si usquam à strepitu *Urbium*, à murmure *Aularum*,
 à salutationibus importunis, & temporis furibus.
 Imo attollit se magis ad alta animus cum solutus,
 & sui juris, videt suum *Cælum*; quam cum ædium,
 aut urbium carceribus inclusus. Et in hac senten-
 tia olim magnus ille *Scipio* qui à Reip. pulcherri-
 mis muneribus otium sibi sumebat aliquando, &
 à cœtu hominum frequentiaque interdum, tan-
 quam in portum, in solitudinem se recipiebat, ratus
 sapientiæ non indicium, sed initium esse, secum
 consistere, & sibi vacare. Ad hæc quæ vitæ simpli-
 citas, qui mores, qui candor in hac vita? Longè hic
 exulat ambitio, luxus, libido, crapula. Probitas hic,
 & modestia habitant, hic pudor, hic innocentia, &
 vita malarum fraudium, artiumque expers. Aperti
 hic si usquam homines ab *Histrionia* omni alienissi-
 mi, & simplices, sine fūco, sine fallacia, & qui ani-
 mum quod dicitur in fronte promptum gerunt.
Hyppolitum illum apud *Senecam* audite :

Non

*Non alio (inquit) magis est & libera, & vitio
carens,*

Rituque melius vita qua priscos colat,

Quam qua relictis mœnibus campos amat:

Non illum avara mentis inflamat furor,

Non aura populi, & vulgus infidum bonis,

Non pestilens invidia, non fragilis favor.

*dum otiosus & Persarum regibus beator,
procul negotiis*

Paterna rura bobus exercet suis

Solutus omni sænore,

Forumque vitat, & superba civium

Potentiorum limina.

Tranquilliorne vita, *Auditores*, dari potest, ubi classica nulla, aut tubæ audiuntur, sed modeste, & secure remoto omni simulationum velo, victitare licet experti ambitionis, & pallentium curarum? inque ambulatiunculis cottidianis *Cælum* hoc in *Cælo* tot astra scintillantia, & æternum lucentes faces, adhæc terras, maria, novum priscumque orbem indagare cuique fas, vel lustrare sine turba, aut fastu? Non arbitror. Contra ut flumina per se dulcia, cum in mare venerint salescunt: sic homines haud mali, ex agris in urbem redacti, tactu inquinantur, & mixtione.

ORATIO XXX.

DE CONCORDIA.

Habita à

JOHANNES E. F. DE MEY.

UT illi qui in irato mari, periculosa tempestate jactantur, de serenitate sermones agitare haud raro solent; qui lethaliter decumbunt, de bona valetudine; qui bellicalamitibus premuntur, de pacis commodis, insito Mortalibus more, ut vota sua faciant sermonum suorum argumentum: Ita ego *Auditores* qui naturâ simultates, dissidia, contentiones, odia, qui bella, pugnas, prælia, odi cane pejus & angue, cogitanti mihi quo potissimum orationis genere in *Athenas* nostro conscensa hac cathedra ad vos verba facerem, in mentem venit **CONCORDIA**, quæ virtus ut propter necessitatem, & insignem ejus in hac rerum humanarum œconomia usum, digna videtur, ut omnibus hominibus quotquot in hoc Universo sunt, de meliore nota commendetur: ita hanc præ aliis serio ac sedulo amplectendam, imo & colendam esse, ostendam. Vos *Auditores* iterum atque iterum rogatos volo, ut aurem, & auram benignissimæ voluntatis mihi præbere, & æquitate vestra supplere haud dedignemini, quod ætati meæ, & ingenio deesse non invitus agnosco.

Et ut ab eo quod maximè ad se, homines alligere solet, initium faciam, eos ita natura comparatos esse videmus, ut unanimes, & pleno impetu ferantur ad id quod utilitatem aliquam ipsis allaturum certo sibi persuadent, & nullos labores, nullas molestias, nulla pericula in eo consequendo subterfugiant. Quanta enim cura, quanto cum labore,

abore, Agricola terram stercoreat, arat, pastinat;
conferit, occat in spem dubiæ, ac incertæ messis?
quot vitæ sustinet discrimina miles, quot pericu-
lis objectat caput, ut de fronde populea victor
gloriarî possit, aut adores; & pulvere non inde-
oro sordidus, hostiumque exuviis gravis, jactare
vulnera sua & cicatrices? Quot sulcat maria exul
patriæ Mercator, quod trajicit freta, superat flumi-
na, quot saxa inhospita, syrtes, brevia, praterla-
bitur; quot denique ut cum Poëta loquar, dolato
confusus ligno, procellis exponit, ac tempesta-
tibus, quæ singulis illi mortem momentis inten-
tare videntur, merces exoticas petituto? Mirum
itaque est non omnes pari studio, ad *Concordiam*
ferri, cum nihil ea sit utilius. Obeamus enim
quæso cogitatione nostrâ, omnia vitæ genera, ea-
que animorum nostrorum oculis perlustremus, &
insignem utilitatem ex *Concordiâ*, ad illa redunda-
re deprehendemus. Utilis enim est ad conser-
vandas Ecclesias, quas pessum ire oportet, & in
ruinam agi, nisi *Concordiâ* stabiliantur, tanquam
firmo statumine, ac pedamento, ideoque illas Ec-
clesias in quibus hæc colitur, florere, & à mini-
stris Verbi Divini, *Dei* auxilio, quàm plurimos ad
Christum converti, Deumque religiose coli vide-
mus, Mitto animorum conjunctionem, quæ lucu-
lenter se prodit in illarum membris, mitto cu-
ram quam illa pro se invicem gerunt, mitto bene-
volentiam, & amorem quo se mutuo prosequun-
tur. Utilis hæc insuper est S C H O L I S. Præ-
ceptorum enim, ac discipulorum animos arctissi-
mo cum venerationis, tum obsequii vinculo,
conjungit, facitque ut & docentes, & discentes
suo officio rectè fungantur, & junctis quasi viri-
bus, rem litterariam promoveant: Sed quid Ec-
clesias, quid Scholas loquor Auditores? Quis so-
des, quæ Regnis, Imperiis, Rebus publicis com-
moda, utilitates, emolumenta ubertim adferat,
mente assequi, aut cogitatione digne complecti
queat?

queat? quis eloquentia sua emetiri: Regna enim, civitates, populos, gentes contra vim hostium tueretur, protegit, ac defendit, adeo ut tranquillitas, & firmitudo illarum non tam in armis, & militum numero, quam in incolarum *Concordia* consistat. Quod cum *Agésilæum* Lacedæmoniorum regem non fugeret, cuidam sciscitanti, quam ob causam *Sparta* manibus non cingeretur; ad majorem civium securitatem, haud incite respondit; Civitatem non vallis, non manibus, non propugnaculis, sed incolentium fortitudine, & vigilantia muniri oportere, quos si jungat *Concordia*, nullus potest esse murus inexpugnabilior. Et alii quæritanti qua de causa *Spartani* manibus destituti essent, ad cives conversus armatos, & unanimes, hi, inquit, sunt *Sparta civitatis mania*. Et *Micipsa* apud *Salustium*, cum vitæ suæ finem in grandi jam senectâ, instare animadverteret, filios suos ad *Concordiam* hortatur: Ego, inquit, regnum trado vobis firmum si boni eritis, id est, si concordēs, & animis juncti, si autem mali, si discordēs, & animis dissidentes, invalidum. Sensit enim vir altæ mentis, qua erat animi prudentia, *Concordia res parvas crescere, discordia vel maximas dilabi*. Utque *Tyrrenus* lapis quamvis grandis, teste *Plinio*, innatat, comminutus fidit; sic & imperia per eam sustententur, sine ea pessum eunt, cum bello civili dissidentibus animis, milite passim castrisque inundant agri, & agricolarum, *Cereris*, *Bacchi*, *Pomona* felicitas pessundatur. Suprema enim malorum, & Rerump. pestis, contentiones sunt, & partes, ipsis bellis externis, fame, morbisque nocentiores, non aliter quam si remiges, & nautæ digladiantur in una aliqua navi, aut testa testæ (ut est in adagio) collidatur. Vidit & *Scyllurus*, qui (ut *Plutarchus* auctor est) cum relictis filiis octoginta, summum vitæ suæ diem esset obiturus, omnes, ad se jussit accersi, hastiliumq; aut telorum fasciculum cuique obtendens, ut illum confringeret, volvit.

l autem singulis se posse negantibus , ipse sigillatim educta hastilia , ad unum omnia facile confre-
t, filios admonens his verbis : Si, inquit, *concordes*
itis , validi invictique manebitis , contra si turbis , si
entionibus , si dissidiis distrahamini , imbelles eri-
t, & expugnati faciles. Id quod olim quoque con-
mavit *Pytho* rhetor *Byzantius* , cum esset supra
odum crasso , & obeso corpore , prodissetque in
ncionem , suafurus *Concordiam Byzantiis* sedi-
one civili graviter tumultuantibus, statim populi
us obortus est , ex ipso corporis habitu : At ille
sum vertit in rem seriam ; *Ridetis*, inquit, *cives*
m tale corpus habeam , uxorem habeo multo me obe-
rem, & tamen concordēs : quodvis enim grabatulum,
ivis etiam lectulus capit ambos : discordes ne tota
idem dimus. Ita est. *Auditores, Concordia* quasi au-
um, & adamantinum vinculum est conjugii, quo
aritus , & uxor artissimè colligantur. Et quod
conjugio præstat *Concordia*, præstat & alibi, qua-
nque conditione, & sorte sint homines. Hæc il-
est contra quam nullæ insidiæ sunt opportunæ,
illa calliditas satis callida , nulla vis satis valida.
d ut omnia ferè *Concordia* commoda , uno quasi
ce complectar nutrit illa virtutes , vitia expel-
, & quidquid est honestarum artium simul ef-
rescit, quæ semper pacis, & comites esse solent,
alumnæ. Quin &

Tutus bos a vide rura perambulat.

Ditat rura Ceres, almaque Faustitas :

Pacatum volitant per mare navita,

Culpari metuit fides.

Constat , constat inquam sub *Concordia* regno;
lis, prædii , agris sua felicitas , urbibus honos,
ari commercium , animo candor, & integritas,
rbo quidquid Rempublicam beari potest , &
nis omnibus cumulatam , ab interitu æternum
idicare. *Scipioni Africano* quum *Numantinos* sæ-
victores jam fregisset , obsessosque tandem ex-
gnasset, *Tyresium* roganti, qua de causa *Numantia*
aut

aut prius invicta, aut post eversa fuisset, respondit; *Concordia victoriam, discordia exitium praebeuit.* Sed & honesta quoque est *Concordia*? Quis enim non honestum statuat id, quod à Deo ipso originem suam ducit? quod boni omnes laudant, amant, desiderant: ad quam *Christus*, ad quam Prophetæ, ad quam Apostoli, nos uno ore adhortantur? Quid enim universa *Christi* vita aliud est, quam *Concordia*, mutuique amoris doctrina? quid aliud exigunt, inculcant, urgent ejus monita, quid parabola, nisi pacem, nisi charitatem mutuam? Eximius ille Vates, & Prophetarum princeps *Esaias*, cum divino afflatus numine, *Messiam*, illum hominum cum Deo conciliatorem, venturum prædiceret, num Satrapam, & longè latèque terrarum Dominum pollicetur? num urbium expugnatorem, gentium & populorum domitorem? Nequaquam Quem igitur? Principem pacis, quæ ut, inquit poëta

————— *Optimarerum*
Quas homini novisse datum, quæ sola triumphis
Innumeris potior.

Taceo hinc quod summus ille doctor gentium *Paulus*, *Corinthios*, & nos obtestatur, ut *Concordiam* colamus, cum inquit: *Obsecro vos per Dominum nostrum Iesum Christum, ut sitis concordēs, & non sint inter vos dissidia, sed sitis eadem mente, & eadem sententiâ.* Servator noster *Christus* quid? Quoties cum adhuc in terris versaretur, pacem & *Concordiam*, suis discipulis adprecatus est? Quam graphice & suis eam coloribus depingit regius ille *Psalmes*? *Psalm.* 133.

Nil charitate mutuâ fratrum, nihil
Iucundius concordia.

Non aura suavi Balsami cum funditur
Aaronis in sacrum caput;

Et imbre lato proluens barbam, & sinus
Limbum pererrat aureum:

Non

Non vos tenella gemmulis argenteis
Tingens Sionis gramina ,
Aut verna dulci inebriansuligine
Hermonis intonsi juga ;
Fraterna quam pax incolit domum , juvat
Dominus benigna dextera :
Et quibus auget ; filiorum & filios
Multis propagat saculu.

Sed ut virtutis ejus præstantia clarius adhuc e-
 niteſcat, obſecro vos, Auditores, videamus (ἐναν-
 τία γὰρ, ut eſt in veteri verbo, παρ᾽ ἄλληλα μᾶλλον
 φαίνεται, quàm noxia, quam pernicioſa ſit diſcor-
 dia. Hæc ea eſt quæ conjuncta diſjungit, jura ami-
 citiæ violat, conſanguinitatis vincula diſſolvit, ho-
 ſpitalitatem omnem peſtundat, tumultum ex tu-
 multu, bellum ex bello ſerit, civitates, urbes, op-
 pida, hoſtibus aperit, Reſpublicas etiam florentiſ-
 ſimas, ſi Annalium monumentis credimus, ſola
 evertit. Non ætas, non dignitas, quemquam pro-
 egit, quo minus ſupra cædibus, & cædes ſupris
 niſceantur, militibus in omne fas neſaſque avi-
 lis, ut vana libus, non ſacro, non profano abſti-
 nentibus. Exempla vultis adducam? Intuemini
 mihi quaſo potentiſſimam illam olim Numantiam,
 quid illam evertit? diſcordia. Quid florentiſſimam
 urbem Romam, illam Imperiſi ſedem perdidit? diſ-
 cordia. Quid Carthaginem magnitudinis Romanæ
 metropolin? quid Corinthum, quid Trojam Phrygiæ
 emulam? quid Hieruſolymam, quid alias innume-
 ras, quibus jam recensendis ſuperſedeo, in ruinam
 egit, delevit, perdidit? diſcordia. Adeò nihil in
 humanis ſtabile, permanenſque ſinit inquires, &
 diſcors mortalium mens, ut per belli rabiem ne-
 caxis quidem, & Capitoliis, ac ſurgentibus in cœ-
 um Baſileis, ſua ſit perpetuitas, quies. Nempe
 ita rorò mare quietum eſt, ventos plurimum, &
 æpe procellas habet: ſic Reſpublica in qua diſcor-
 dia dominatur. Contra nulla quamvis minimana,

tio, potest ab adversariis perdeleri, nisi propriis similitudinibus se ipsa consumpserit. *Gracia* civitates dum imperare singulæ cupiunt, imperium omnes perdiderunt. Sed duo sunt quibus Respublica conservatur, in hostes fortitudo, & domi concordia. Quod cum *Satanam* veteranum illum, & internecium generis humani hostem non lateat, omnem ille occasionem ferendi inter homines semina discordiæ captat, atque ideò alios ad ambitionem, alios ad vindictæ cupiditatem, alios ad superbiam, alios denique ad πολυπραγμοσύνην impellit, ex quibus tanquam ex alto gurgite manat malorum & calamitatum illa *Erynnis*, discordia.

Audivistis, Auditores humanissimi, quàm utilis, quàm honesta, quàm denique jucunda sit *Concordia*, quàm tristis contra, calamitosa, perniciofa, sit discordia. Quid restat? nisi ut omnes, omni studio hanc virtutem colamus, eique nos totos consecremus. Et sanè ad concordiam sine qua nec Civitas rectè gubernari, nec domus rectè administrari potest, vel bruta ipsa animantia, animos nostros excitare, atque inflammare debent. Quid? nonne armentatim vivunt elephanti? gregatim pascunt oves, turmatim volunt grues? comitia sua habent Ciconiæ? mutuis officiis se tuentur Delphini? Sed quid de his verba facio? cum in ipsis quoque plantis, amicitiae vim quandam naturalem voluerit Deus elucescere? Vitis ulmum amplectitur, & steriles quædam sunt nisi maritum adjungas, cum quo uniantur, & amicitiam colant. Vsq̃ue ad eò illa quæ nihil sentiunt, tamen *Concordia* bonum sentire videntur, & à discordia naturali instinctu abhorrere. Quid quod inter immanissimas feras quoque convenit, & tuta est inter eas similitudo. *Indica tigris agit rabida cum tigride pacem Perpetuam*, Leo leonem non incurfat. Aper in aprum non vibrat dentem, *sævis inter se convenit urfis*, Lynxi cum lynce pax est, Draco non sævit in draconem, Luporum concordia tanta est, ut etiam pro-

proverbio celebretur , nec maris quidem belluæ , ac pisces , nisi in diversa genera , sæviunt. Et nobilissimum animantium homo societati natus, ratione , & consilio præditus, Compendium illud Universi, Naturæ illud miraculum, solus, inquam, homo ab homine dissidebit ? & is cui ratio in id data est , ne dissideret , cui lex, quæ rationem in officio contineret , cui præmia proposita , quæ ad tantum bonum excitarent , supplicia quæ à tanto malo absterrent, cui exempla rerum inanimatarum, cælestium, terrestrium, ostendunt , non tantum quid *Deus* à nobis exigat, sed etiam quid à nobis possit præstari. Solis inquam hominibus, dissidiis, rixis, contentionibus, pugnis, se mutuo perdere decretum erit , & in mutuam præcipites ruere perniciem ? Absit, Auditores, absit, & procul à nobis facessat furialis hæc *Megara*: quibus nullus unquam dies optatior affulgebit , quàm qui pacem bonis omnibus exoptatissimam nobis restituat , pertæsis tot acerba casuum , & calamitatum , unaque eos qui in hac tristem temporum scenam divisi à nobis, & quasi æstu quodam abrepti violentæ tempestatis. Ecclesia enim tranquillæ Reipublicæ , veluti succulento feracissimæ arboris trunco , feliciter insita , amœnissimos , suavissimosque Fidei , & Pietatis fructus, ubertim proferre solet. Ubi contra perpetuis dissidiis agitata, & discordi libertate lasciviens , paulatim magis ac magis degenerat. Tu *Deus* , qui cœlorum perennes orbes , qui siderum inæqualis cursus, qui elementorum alternas vices, qui denique res omnes superas, inferas, temperas , moderaris, & gubernas, populi tui quæso clementer miserere , & composito hoc tristi in Ecclesia duello, quo tot per annos Patria nostra veluti pertinaci tabe colliditur , caliginem hanc, nebulasque dispelle , & eorum causas, peccata. Quæ adeo apud nos , non desinunt, aut minuunt , aut augeri potius, & crescere videantur, una cum pœnis; nec in uno alterove . sed apud plerumque ordinem, aetatem, sexum. Dixi.

ORATIO XXXI.

In Vituperium

CURIOSITATIS,

Habita ab

HENRICO GROMMEO.

Ingeniosissimi *Vatis* aureus verè est versiculus ;
Principiis obsta , serò medicina paratur ,
Cum mala per longas invaluere moras.
 Ea enim mali natura est ut inveteratum fiat robu-
 stius , eoque in incunabulis , & in ortu resecan-
 dum , ne longius serpat , & *pars sincera trabatur.*
 Quod si tanta , Auditores , morbis corporis dili-
 gentia & cura , occurrì solet , cur non & animi ?
 qui eo graviore sunt , quo nobiliorum nostri
 partem periculosius infestant . Inter quos nihì
 de principatu contendere videtur *Curiositas* , &
 innumeris aliis vitiis longè præripere nequitia
 palmam . De qua ut apud vos in præsentiarum ver-
 ba facere institui : ita antiquam ulterius prove-
 har à vobis summopere contendo , ut tenuita-
 tem meam vestro favore , & benevolentia suble-
 vare dignemini . Quo oratio mea his velutife-
 cundis subvecta ventis , quem sibi proposuit
 portum facilius consequatur . *Euclidem* insignem
 illum Mathematicum ab importune curioso quo-
 dam multa rogatum de Diis , respondisse ferunt :
Qua inquit , quaris ignarò , at unum hoc scio Deos
non bene velle Curiosos : & *Augustinum* magnum
 Hipponensis Ecclesiæ doctorem , strenuumque
 veritatis anistitem interroganti cuidam , quid
 rerum Deus egerit ante conditum mundum , hoc
 responsum dedisse ajunt , nempe *occupatum fuisse*
fabricando inferno hujusmodi Curiosos. Innuerunt
 vixi

viri illi magni, nihil esse quod hominem homini, imo ipsi Deo invisum magis reddat, atque exosum, abominandâ hac, & nefandâ *Curiositate*. Quam egregiè, & graphicè mihi depinxisse videntur, & velut Apellæo adumbrasse penicillo, eruditionis illi principes, & sapientiæ magistri Poëtæ, sub *Lamiarum* fabulâ: Nam ut illæ domi, & intra privatos parietes oculos capiti exemptos, in vasculo recondebant, & egressuræ eisdem inferebant, ut omnia quæ foris gererentur intentis, ac curiosis oculis perlustrarent; ita hoc genus hominum *Lamiarum* instar, ita comparati sunt, ut neglecto munere suo, alienis sese immisceant negotiis, nullumque non moveant lapidem, ut minutissima vicinorum rimari queant, aut sciscitari; nempe quos redditus annuos habeant, quas facultates, quantopere sint obarati, quas expensas faciant in victu, & amictu, an in forum prodeuntes numerato emant, an die cæcâ, an conjuges suas ament, an inter eos sit discordia, inter domesticos rixæ, jurgia, contentiones, prælia? an ancillas suas familiaritè habeant, an famulos cadant quâ horâ prandeant, cænent, decumbant, surgant an clavem cellæ circumferant, & in aliis ejusmodi minutiis, & curis nugaculis strenuè inertes, se exercent, longèque curiosiores sunt in proximorum vitiis, quàm virtutibus indagandis. Nam si quis, aliorum forte prudentiam, justiciam, liberalitatem, modestiam, & temperantiam laudibus extollat, aut frigide, & oscitanter ascultant, aut plus satis ea sibi explorata esse didicant. At si quæ aliorum crimina, delicta eliminari videant, & proferri in lucem, illicè arrigunt aures *Pamphili*, & avidè ea arripiunt, cucurbitilis similes, quæ quod in carne deterrimum est, ad se trahunt; nempe si virginem alibi constupratam intelligant, matronam in adulterio deprehensam, exortam inter consanguineos, affines, fratres, discordiam, aut

intervicinos, aut amicos similtates, ac inimicitias. O tempora! ô mores! Nihil enim illi impensius quærent, optant, amant, (ut ingenio sunt mobili, & cupidi novarum rerum, inque una ea cura curiosi) quam ulcera aliorum, papulas, & cicatrices omnium oculis exponi, nec ullis magis sermonibus delectantur, quam qui famæ alicujus, & honori decoquunt, in id nati ut neque ipsa quiescant, neque alios sinant. Muscis haud ab similes, quæ levia, & polita loca prætervolant, & scabris ac sordidis adhærescunt; aut gallis gallinae ceis, qui aræ suæ neglecto semine, è sterquilinio, hordei granum unum atque alterum eradere malunt, curiosa indagine in fundo alieno, quam largiter, & ubertim de suo pasci. Sic *Curiosi* quibus aures non solum prurientes, & avidæ, sed acres quoque & acuti oculi, rebus suis posthabitis, si quid alibi latet, aut occultum est, id in medium provertunt, ut in omnes tota rei historia dispallescat. *Aegyptus* quidam non minus argute quam eleganter respondisse ferrur sciscitanti cuidam importunius, quid gestaret, *ideo* inquit, *obvolatum est, ne scires, tu vero cur curiose indagas, quod occultum?* Sed nec hoc sine stat malum. Nam ut honori aliorum injuriosa est *Curiositas*, & vicinorum tranquillitati insidiosa, dum quæ diu latuerunt indagine sua prostituit, & in lucem protrudit, aut sinistrorsum detorquet: sic non minus temporis pretiosi, luxuriosè prodiga est, in scrutandis iis, quæ si sciuntur nihil conferunt eruditioni, si nesciuntur, nihil adimunt. Tales illi, qui dum neglecta solidiori literatura, quæstionibus nugaculis pueriliter indulgent, operosè nihil agunt. Exempli gratia, ubi locorum *Apicii* culina fuerit, quæ mensæ, quæ deliciæ, quæ fercula, qui convivæ; ubi *Messalina* fornix, qua nihil impudentius *Roma* tulit; Cujas equus magni illius *Curtii*, qui *Romæ* liberandæ causâ se in ardentem terræ voraginem, præcipitem dedit, *Thessalusne*, an *Nu-*
mida,

vida, an *Appulus*? *Vinum Falernum* *Chio* sit sapientius? quæ mater *Hecuba*? quid *Achilli* nomen inter virgines? quid *Sirenes* cantare solitæ? *Sappho* publica ne fuerit, libidinofior *Anacreon* an ebriosior vixerit? Quod nomen fuerit nutricis *Ensa*? & id genus alia, quæ magno impendio temporum, magna alienarum aurium molestia constant: Aut magno conatu iis imitandis incumbunt, unde nihil referant utilitatis. Tales illi, qui *Circulatorum*, & *Agyrtarum* præstigias æmulantur, at morionum, histrionum *ματαιότητες*, & quicquid talium est circumforaneorum quos si, sineas *Rerum publicarum*, & pecuniæ æruscatores ordidos, Principes Christiani, & Magistratus tribunibus suis, prohiberent, nã illi *Augia* stabulum surgarent, & cum *Hercule* monstrorum domitores lici possent. In quorum numerum & hos jure æpono, qui astutiam, & dexteritatem clam furantili (quod apud *Lacedamonios* frequens) curiosius affectant, aut inter ludendum dolo decipiendi, aut callidè prodicionem dissimulandi, aut mercatores peregrinantes spoliandi, aut pyriticam exercendi, ut à *Barbarossa*, & *Draguntio* factum. Sed, obsecro vos *Auditores*, quis sani judicii homo, ejusmodi præstigias, aut exercitationes, artes vocet? quæ tanto contemptiores, & nocentiores sunt, quanto plus ingenio, & dexteritate valet, qui eas callet? Idem judicandum de iis, quæ etiam si non nocent, sunt tamen inutiles: Qualis funambulum; aut ejus *Abbatís* qui harmoniam ex porcorum grunitu instituit, apud regem *Ludovicum* ejus nominis Undecimum; aut qui per foramen lecus grana milii è longinquo mittebat; aut ejus qui se, lusciniæ vocem, & philomelæ cantum reerre posse, apud *Agésilæum* gloriabantur; & id genus alia. Sed missis his vilioribus curiosorum hominum propudiis, ad eos mea nunc se convertat oratio, qui acri quodam cupiditatis, ac desiderii thyrsu impulsî, in abditissima non philosophiæ

solum, sed etiam in sacrorum oraculorum adyta licentius ac petulantius Gynantea audacia, nasutuli penetrare, non exhorrescunt, & circa sacram hanc mysteriorum flammam, quæ castè sancteque haberi vult, lascivire nulli dubitant, donec tandem papilionum instar, aut culicum, qui vespere lucernæ lumen circumvolitant, ab ea amburantur. Quid enim hic scientia nostra? nisi umbra in Sole? Caligant hic, *Auditores*, caligant hic oculi nostri, ut noctuarum, ad lumen diurnum; & cymbulam ingenii qui immittit in hoc pelagus, fluctuabit, aut merget. Contra *Mediotutissimus ibit*, quicumque intra modestiæ, & humilitatis limites se continuerit, nihil sollicitus de iis quæ Divina illa mens occulta, & abdita nobis esse voluit. Præclare mehercule, miraculum illud doctrinæ & promptuarium omnigenæ eruditionis inexhaustum, *Scaliger*:

*Ne curiosus quere causas omnium,
Quacunque libris vis prophetarum indidit,
Afflata calo, plena veraci Deo;
Nec operta sacri supparo silentii,
Terrumpere aude, sed prudenter prateri;
Niscire velle, qua Magister maximus
Docere non vult, erudita inscitia est.*

A quo non abludere videtur, vetus illud dictum *Socratis*, Græcorum omnium sapientissimi.

Τὰ ἑστὲν ἡμῶν & πρὸς ἡμᾶς.

Una hic & quidem maximè laudabilis audacia, nihil audere, unum acumen nihil cernere, nulla scientia, nihil scire.

Sed quanta hic passim proh dolor! ingeniorum temeritas, & lascivia, qui per umbraticas velitationum formulas, augustissima mysteria vexant, tanquam non in Dei *Sacrario*, sed in *Lyca* versarentur? quanta hominum in divinis, & humanis curiosè indagandis audacia? Sunt enim qui in quærendo lapide philosophico, ut vocant, ætatem suam extrahunt, &

Mer-

Mercuriales in nihilum convertunt omnia furno.

Alii totius *Vniuersi* amplitudinem, terræ ambitum, & peripheriam, maris profunditatem, *Oceani* vastitatem, tanquam si unius jugeri essent, ementiri conantur; Alii horoscopis, & genituris scrutandis insenescunt, ut Regum, Principum, Magnatum fata prædicant, & hæriolentur. Alii de magiâ, & necromantiâ prolixè disserunt. Alii super insomniorum interpretatione, anxie se fatigant. Alii circa genealogias, operosè defudant. Quærent quomodo *Deus* Filium suum ab æterno generarit: Qui & quot sint ordines *Angelorum*, quæ discrimina officiorum, qui gradus, quæ dignitates. Qui sint, quos *Deus* in librum vitæ retulit, quos ex eo deleverit? Quæ sit natura ignis, in quem animæ infidelium, ac reproborum conjiciuntur? Qua ratione, quo pacto, peccatum illud peccans, hæreditarium, originale, à parentibus in liberos propagetur? Et quis tandem istorum omnium esset finis, si quis ea mente assequi, & cogitatione complecti in animum induceret? hinc intolerabilis illa in talibus *φιλαυτία*: nam Curiositatis aura inflati, ubi semel hanc de ingenii sui sagacitate, & acrimonia in rebus indagandis opinionem imbiberunt, superbi redduntur, & arrogantes; nemini cedunt, pertinaciter, & mordicus suas imaginationes, ne dicam somnia, tuentur, serò alios in consilium adhibent; Sibi credi volunt de bello, de re forensi, de pace, de induciis, de fœderibus ineundis, de politica, de theologia, denique de re qualibet sententiam dicentibus. Sunt poëtæ, sunt oratores, philosophi, musici, belli duces, architecti, & quid non? Similes illi morioni Syracusano, qui atra bile corruptus, se omnium hominum opulentissimum opinabatur, suasque esse naves omnes, quæ ad portum in *Sicilia* appellerent. Ita illi credunt se omnia scire, omnia præbè intelligere, nihil ignorare, & hac in parte nihil ab illo differunt. Sunt enim docti, ut ille di-

ves erat, opinione duntaxat : qua fit ut res magnas nonnunquam suscipiant , ad quas gerendas interdum non aptiores sunt , quàm canis ad aratrum , aut asinus ad lyram, aut si apti audaciæ crimen incurrunt , & nimia curiositate peccant.

Exempla dabo ? ecce hæc pauca. *Core* , *Dathan* , & *Abiram*, licet honorifico munere fungerentur, eo tamen non contenti , & partim ambitione , partim invidia , & *Curiositate* impulsī , *Mosen* exauthorare non dubitarunt ; unde in tantam excanduit iram Deus , ut illos cum uxoribus , & liberis , horrendo hiatu terræ perdiderit. *Osius* optimus alioqui rex , post eximias ab hostibus reportatas victorias , leprosus tandem obiit , quod arroganti *Curiositate* impulsus , nec regio diademate contentus , contra vocationem suam , in sacerdotii munus involasset. *Simon Magnus* cum vidisset per imposuim manuū Apostolorum , dari *Spiritum Sanctum* , curioso gloriæ , & lucri aucupio , obtulit eis pecuniam , ut eandem illi potestatem dilargirentur. Sed sacræ ille gentis doctor *Petrus* , cognita ejus hypocrisis , & avaritia , pecuniam ejus diris devovit. Profana hîc *Auditores* exempla commemorare si esset animus ,

Icaria numerum dicere coner aqua.

Brutus & *Cassius* , libertatem publicam *Casaris* ambitione oppressam , sumtis armis restaurare conati sunt. Quis non judicasset feliciter hoc successurum ? hinc tamen plures quàm ex superioribus bellis , patriæ natæ sunt calamitates. *Annibal* cum *Phormionem* quendam causidicum sibi , & Auditoribus mirè placentem , de bello & re militari differenter audiret , interrogatus , quid ipsi videretur , respondit se multos vidisse delirantes senes , neminem qui *Phormisne* magis deliraret , quod relicta arte sua Causidici , qui nunquam hostem , nunquam castra viderat , nunquam denique partem vilis bellici muneris attigerat , de bello apud tanti nominis ducem verba facere , non dubitasset.

Certe

Certe *Apelles* (ut est in proverbio) *futorem ultra crepidam* de tibia *Veneris*, quam pinxerat, judicantem ferre non potuit. Sed hujus mali quærat hic forte aliquis quæ causa, & à quo fonte potissimum promanat hujus vitii & criminis propudium, & pessima perturbationum omnium animi *Curiositas*? Prima certe ejus causa mihi videtur ingenii humani levitas, & inconstantia, quo fit ut febricitantium more, nunc hoc velint, nunc illud, & rerum omnium novitate abrepti? tranquillum nunquam habeant animum, nunquam compositum. Altera hujus perturbationis causa est, ignavia, quæ nos à curis, negotiis, & laboribus deterret. Hinc est quod nemo fere sorte sua contentus, in munere suo sibi placeat, aut acquiescat, sed

Optat (ut est in versu) *ephippia bos, piger optat arare caballus.*

& ut eximiè, eximius ille *Lyricorum princeps Flaccus*,

*Agricolam laudat juris legumque peritus,
Sub galli cantum consultor ubi ostra pulsat:
Ille datis vadibus qui rure extractus in urbem
est.*

Solos felices viuentes clamat in urbe.

Sed & alia est *Curiositatis* causa, nempe ambitio. Nam quemadmodum *Avari*, omnia bona soli possidere cupiunt, etiam turpi, & sordida aruscatione conquesta, teste *Vespasiano* magno illo Imperatore, qui urinæ tributum imposuit: ita quidem adeò temere ambitiosi sunt, ut in omnibus excellere, gestiant. Si quem laudari audiant, quod sit insignis musicus, palastrita, gladiator, cursor, poëta, ludio, aleator, non gloriæ tantum illorum æmulantur, sed & æquare eos conantur, imo omnes ingenii intendunt nervos, ut laudis iis palmam præripiant. Sed ne illi magno conatu magnas nugas agunt. Nam dum per omnia vagantur, & ubique se esse credunt, nusquam sunt:

ἰδεὶς γὼ ἀνὴρ ἀπαρτ' ὄρα , & cujus unquam tam felix , tam exercitatum fuit ingenium , tam ab omni errore defecatum , cui tantus discendi ardor , tanta vis ? ut omnibus capiendis , discendis , imitandis , assequendis sit idoneus ? Sed ne patientia vestra. *Aud.* abuti videar , Orationis filum abrumpo , & verborum desino apud eos , quos jam ex attentione ipsa , & benevolentia , qua me audiverunt sententiæ meæ suffragatores esse video , & lernam hanc vitiorum , *Curiositatem* non improbare solum , sed detestari , dignam quæ ultra *Sauromatas* , & glaciale *Oceanum* , aut orbis terrarum finibus exterminata , ad *Orci* tenebras relegetur. Dixi.

ORATIO XXXII.

In Obitum

Cellissimi Principis Mauritiî recitata ,

Carminè à

G U L I E L M O P O E L I O.

Auraicos cineres , nec non suprema Parentis
Funera communis Patriæ , bustoque repos-
itum

Magnanimum Heroem , & scelis memorabile no-
men

Fert animus nunc ore loqui , stragesque potentum
Hoc Mavorte datas. Tu quæ Parnassia pandis
Antra , mihi dic Musa modos , queis foeta Trium-
phis

Arma virumque canam , Patriæ quem nuper adem-
ptum

Fata redonarunt Superis , cœloque locarunt
Emeritum. Da Musa mihi præconia laudis
Nassaviæ , exactosque iterum renovare labores
Auracos , & sæva minantem proelia dextra.

Mascula

Mascula vis animi , primis se prodit in annis,
Et celsa mens orta polo : pia semina laudum ,
Virtutumque exempla dabant generosa Paren-
tum.

Nomina , Cæsareumque decus , tantoque propa-
go

Digna loco , totidem stimuli : Puerique minacem
Armabat ballista manum ; frænoque peritus
Flectere equum , & validas dextrâ vibrare saris-
sas ,

Ibat in hostiles turmas , lituique , tubæque ,
Tympanaque in mediis spirabant prælia campis ,
Dum cuneos inter Ductor , densasque phalanges
Errat , & armatas acies in prælia trudit

Intrepidus , rutiloque micans sublimis in ostro
Instat , & excussa Martem terrore lacessit.

Hæc Junior. Neque enim mens ignea nata tro-
phæis.

Expectare virum voluit. Prætexta laborum ,
Et pugnae documenta dedit , præsaga futuræ
Laudis , & Auricæ post hæc præludia famæ.

Occupat insigni claram stragemate *Bredam* ,
Seque in fallaci patefecit cespite primus
Mauritiæ virtutis honos , & gloria præcox :
Principium magnorum operum , ne Græcia felix
Sola foret. fraudisque suæ jactaret honores..
Nec tantum placere Duci fraudesque , dolique ,
Callidæque astuti sectari facta Sionis :

Dextera plus valuit , nec Belgis sufficit uno
Victores audire modo. Tu conscia rerum
Calliope , dic bella mihi , dic prælia , & acri
Oppida victa manu , debellatasque *Philippi*
Degeneres animas , injectæque vinclacatervis
Cantabricis , stratas acies , & subdita Cartis
Littora , & hostili fumantes sanguine terras.

Post scelus infandum , funestaque fata Parentis,
Straverat innumerus Hispanus navibus æquor ,
Regna Britanna suis juncturus , avitæque Nymphæ
Sceptra Caledoniæ debellaturus *Elisa*.

Haud

Haud mora. Succurrunt Batavi, funduntque superbos,
 Mattiacum genus, Hesperios, & in æquora mergunt.

Æolus aspirat venti pater, inque minaces
 Irruit ipse rateis, totique innantia ponto.
 Castra Britanniacis, Thulesque illisit arenis.
 Quid referam accensas armato milite *Gades*,
 Disjectasque trabes, lacerasque per æquora puppes,

Et ditls spoliata Tagi pomæria, multis
 Commemorem, & tinctum scelerato sanguine pontum

Auspiciis *Heems Kercke* tuis? heu quanta movebas

Funera tunc genti hesperix! Heu quantus Ibero
 Terror! ubi sterili quassatas littore naves
 Vidit, & invictæ damnosa incendia *Classis*.
 Hæc pacem tum bella dabant, cessitque superbus,

Et timuit pugnare diu, luctuque refugit
 Damnorum, bellicque satur, fera proelia Martis
 Pertæsus, Batavasque acies, & Principis arma.

Sed pelago me terra vocat. Dic Musa triumphos
 Quos retulit, quorumque mihi *Brabantia*, rerum
 Conscia, testis erit: magni dic nobili lethum
Varaxi, cæsosque Duces, domitasque catervas
 Militis incauti, & spumantes sanguine campos
 Et tu dives opum, pecorumque, & pinguis aristæ
Flandria spectasti quondam victricia nostri
 Principis arma tuis fatalia, membraque passim
 Trunca virum, foedoque fluentia corpora tabo
 Militis hesperii, cum se lux altera Iuli
 Prodidit, horrendam vestrum testata ruinam
 Exitiumque, tuo subitas cum in littore strages
 Tubatasque acies, & turpia terga phalangum
 Spectat ovans, orbasque suo Rectore cohortes
 Victor *Arausfades*, Patriæ cum tota perire
 Debebat, vel stare salus, tumidique Batavis

Hinc

Hinc fluctus, hinc sævus Iber, vel mortis honorem

Suadebant, vel fœda trucidis ludibria ponit.

Causa Deo placuit: densis concurritur armis.

Iam videas nostros, jam rursus vincere *Flandros*,

Nunc Batavus, nunc cedit Iber, spes neutra triumpho,

Estque anceps Fortuna diu, victricia donec

Arma fuere Ducis, debellatasque cohortes

Occupat, & capto tandem Rectore triumphat.

Quid mihi Pellaum juvenem, quid *Græcia* mendax

Amphitruoniadem geminos qui contudit angues,

Quid veterum monumenta ducum, grandæva *Vestustas*

Objicis, & victas disjedis mœnibus arces?

Hic major se prodit honos, neque tantus in arma

Ivit ovans Macetes. *Asiam* pugnare timentem

Pellææ vicere manus: nos fortis Iberi

Agmina, & instructas acies: Ille impiger *Hellen*:

Nos tumidum Batavi transtris superavimus æquor:

Ille Schyras, mollesque Arabas: nos mille periculis

Oceanum, ferroque amplum peragravimus orbem.

Quid celsas referam dejectis mœnibus urbes

Auspiciis, Dux magnæ, tuis *Daventria* laudes

Nassavias superata canit. *Zutphania* nostris

Annumerata locis, patriæ submittere fasces,

Nec non *Hulsta* potens didicit. *Covorda* triumphis

Auraicis, nostrisque etiam *Stenovica* trophæis

Additur, & Domini *Getrudis Berga Philippi*

Imperium pertaxa diu victricibus armis

Succubuit: mox indomitæ per sæcla *Groninga*

Mœnia celsa ruunt. Quid multis? fœdera poscit

Mursia: Nassovii duro *Brevindia* cedit

Obsidio, & tanto gaudet Rectore pacisci.

Tu quoque sublimi circumdata *Gravia* vallo

Herois tandem dextra cadis, altaque *Stusa*

Mœnia

Mœnia Toxandris nimium vicina refringi
 Vidimus, Auraicque Ducis cessisse furori.
 Te sileam victrix armis, *Ostenda, Philippi*
 Fortibus oppugnata diu? quam tertia messis
 Hesperias vidit spernentem impune cohortes,
 Hostilesque minas. Heu quanto sanguine, quanta
 Strage virum stetit hæc ingens audacia cœptis
 Cantabricis, dum belli aleam tentando, suorum
 Horrendo exitio didicere, quid arma Batavum,
 Quid cunei, quid castra queant. Te *Bommela* ma-
 gni

Mendoza opprobrium, & terror fugientis Iberi
 Vindicat obsessam Auraicus. Quid plura? labores
 Ultima Nassavios explevit *Berga*, superbas
 Dum spernit secura minas, & cincta catervis
 Undique Cantabricis stetit imperterrita, & altis
 Mœnibus Hesperios retudit generosa furores,
 Auxilio Dux magne tuo. Concurritur armis
 Cominus, & solo libertas sanguine tuta est.

O rerum fatique vices! *Quam nescit eodem*
Stare diu fortuna loco! Quam quidquid in alto est
Labitur, ingentemque trahit fors magna ruinam!
 Nil stabile est. Moritur Patriæ spes omnis, & o-
 mnis

Gloria Cattigenum. Cœlo seu fata vocarint
 Emeritum cursu emenso, saturumque dierum:
 Seu fuit ira *Dei*, poteras non clarior ultra,
 Nec Batavis vixisse tuis illustrior, Heros
 Magnanime, aut plures oculis lustrasse triumphos.
 Scilicet hæc hominum fors est, hæc dura Potentes
 Fata manent; sic magna ruunt, sic Numina rebus
 Crescendi posuere modum: Non purpura fulgens
 Principibus, ducibus clypei, mollesque tyaræ
 Ægroto Domini deducunt corpore febres
 Lethiferas, arcentque trucidis fera spicula mortis.
 Hoc tamen infelix tristem solabere casum
 Patria, si moritur, nullo superatus ab hoste
 Occubuit, scelerata atris immixta venenis
 Toxicæ, & instructis acies in bella manipulis

In caput hoc potuere nihil , nil turba Sinonum ,
Nil percussorum mucro , nil sica latronum.
Omnibus invictus stetit his. Sed ferreus ordo ,
Fatalisque dies , qui Sceptra ligonibus æquat
Autaisico posuere modum, finemque labori.
N O S lachrymis: neque enim nimio indulgere
dolori

Duraque fata queri, votisque reposcere fas est
Emeritam terris animam, Caloque locatam.
Sat Batavis, Patriæque datum: Te sera loquatur
Posteritas Dux magne, tuisque ornata trophæis
Fama volet, quæ se Thracum Mavortia tellus
Pandit, & argentem Rhodope procurrit in Æ-
mum ,

Quæ Nilus rigat arva tumens, quæque aspicit Au-
strum

Albion, aut Scythicos Thule timet ultima fluctus,
Nomen Arausiadæ serum se effundat in ævum ,
Dum pecori lupus, & nautis infestus Orion ,
Nocturnosque micans præcedet lucifer ignes ,
Astrorumque choros. At tu cui terra, polusque
Militat, & validas Mundi moderaris habenas ,
Summe *Deus* , Patriæ vindex , miserere tuorum ,
Barbaricosque inter strepitus, & murmura belli
Protege, & Hesperias acies, cuneosque minaces
A nobis averte Parens, & Principis arma ,
In Morinos converte, tuum ut decorata trophæis
Patria in æternum laudet per secula nomen.

ORATIO XXXIII.

In Obitum

Illustrissimi Principis Mauriti

Habita ab

ISAACO BOSSCHARDO.

Non minus verè , quàm eleganter seculi nostri VARRO, *Æterna*, inquit, *lex à principio dicta huic mundo*, nasci, denasci, oriri, aboriri, nec quidquam stabile, aut firmum summus ille rerum Arbiter esse voluit, prater ipsum. Quis enim tam rationis expers est, tamque ab omni humanitate alienus, qui hæc non videat, capiat, intelligat? Testantur quippe hoc omnium temporum monumenta, testantur Annales & rerum omnium magistra experientia, testatur denique hodiernus adhuc dies, rebus humanis inesse fatalem quandam metam, catastrophem, inevitabilem, & rapidissimi torrentis instar, florentissimas Respublicas, Regna, Imperia, & celsissima quæque in hoc Univerſo, quæ multorum opinione æternitatem quasi minari videntur, properare ad interitum. Nec me hercule injuria: Nam ut ferro rubigo agnata est, & ligno teredo sua, & caries; ita Regnis, & Rebuspubl. internæ sui pereundi causæ. Oriuntur, florent, crescunt, stant, & hoc ipsum ut cadant:.

*Valet ima summis**Mutare, & insignem attenuat Deus,**Obscura promens.*

Nec Regnorum hic tantum, & Rerumpublic. circulus est, & catastrophe, sed & hanc instabilitatem, rerumque vicissitudinem in ipsis Regibus, ac Principibus videre est, qui licet hostibus suis to-

to vitæ suæ spatio invicti extitère , vincuntur tamen , & superantur tandem à morte : Vt ejus rei-
ne longius abeam domesticum, sed funestissimum
(pro dolor !) habemus documentum in Principe
nostro , communi patriæ Parente , belli fulmine ,
libertatis assertore strenuissimo , quem

Abstulit atra dies, & funere mersit acerbo.

De tanti Herois vita , & obitu pauca dicere in-
præsentiarum fert animus , tantique Principis ma-
nes quo possum honore prosequi stat sententia ,
cui liberum hunc aërem, hanc vocem , hunc spiri-
tum , hunc denique florentissimum Patriæ nostræ
statum debemus.

Vos rogo , Viri ornatissimi, Auditores humanis-
simi, ut mihi de tanti Herois laudibus in frequen-
tissima hac Auditorum Corona declamanti , aures
benevolas præbere haud dedignemini. Si generis
ejus splendor , ac prosapiæ nobilitas antiquissimis
utrinque imaginibus clara , quidem ad tanti Prin-
cipis commendationem facere videtur , verè san-
ctæque hoc affirmare ausim , paucas familias repe-
riri , quæ Nassaviam *duyveia* superent.

Cum enim per se nobilissima sit , quis eam vel
hoc nomine certè nobiliorem esse non judicabit ,
quod Cæsares olim , & Imperatores , ex ea origi-
nem suam duxerint , & hodierno adhuc die nobi-
lissima Europæ familias affinitate sibi junctas ha-
beat. Sed hæc Historicorum calamis consignanda
relinquo. Si enim Orationis vela pandere, & quasi
aperto in vectus mari per stirpis ejus laudes decur-
rere instituum , vereor , ne cum dicendi princi-
pium vel facillime reperero, exitum reperire non
possim. Ad Principem ipsum venio , & præclara
ejus facinora, qui omni nomine, & fama superior,
aliunde emendicatæ nobilitatis insignia, de quibus
vulgus illud nobilium tantopere gloriari solet., ri-
sit, & flocci fecit, abunde suis ipsius virtutum in-
signibus nobilitatus, magni parentis filius , & in-
comparabilis Herois magna progenies. Hic patre
defun-

defuncto , decimo & octavo ætatis anno gravissimis undique curis , molestiis , periculis circumseptum Imperium adeptus est , & in ipsis Regiminis sui auspiciis tam luculenta excelsi , ac generosi animi dedit indicia , ut longè supra ætatem esse viderentur , quæcunque diceret , aut faceret : Scilicet in cuius jam mente , non mento elucebat prudentiæ maturitas ,

Ante annos , animumque gerens , curamque virilem .

Et ut in herbescente adhuc segete , certa prope spes futuræ messis apparet , & totius reliquæ vitæ expectatio ab educatione pueritiæ pendet : ita nemo , tunc erat qui non ab ineunte & primulâ ætate talem (qualis postea fuit) futurum auguraretur . Qui si nullo genere illustris fuisset , sua tamen virtute , & animi generositate à natura sibi insita , ad eum dignitatis , & celsitudinis gradum assurrexisset , quem conditio mortalium vix ac ne vix animo ac votis complecti potest ; illustrissima autem & splendidissima familia natus ita se gessit ut non minus ipse lucis ac dignitatis majoribus suis attulisse , quam ab eis accepisse videatur . Puer è Germania ad Academiam Lugduno Batavam auctoritate patria fundatam est ablegatus , in quâ præceptores aliquot , inprimis autem virum nobilissimum H. Wittenhorstium præfectum primò , mox & senatorem habuit . Ex omnibus scientiis Mathesin , ac Geometriam , sibi familiares reddidit , & in iis discendis , colendis , evolvendis non parum desudavit , in Geographicis , Mechanicis , Poliorceticis , & Architectonica præ aliis eminebat , haud ignarus quam non utilis modo harum disciplinarum cognitio sit Principi , sed & necessaria , ad castra locanda , opida munienda , propugnacula struenda , tormenta dirigenda . Ex Historicis delegit sibi Tacitum , quem in diliciis habuit , & tanquam summum civilis prudentiæ Magistrum iustravit , voluit , trivit . Hoc enim Scriptore ullus ne unquam altius
in

in abdita Principis consilia penetravit , & intima eorum Arcana feliciter scrutatus est ?

Sed inter alia Politicæ , & rei militaris scientiæ tam strenuam navavit operam , & tanto cum ardore ei incubuit , ut eam in succum , & in sanguinem pene vertisse idque unum tota vita egisse , videretur : Ita monita ejus , & præcepta ad manum habebat , & in expedito . Non enim ignorabat Princeps prudentissimus , quantum ea momentum adferat , & pondus , ad prosperam , & laudabilem Reip. administrationem . Quid de terrarum situ , de populorum moribus , ac institutis , quid de urbium obsidendarum ratione hic dicam ? In quibus omnibus tam incredibiles Adolescens adhuc , progressus fecit , ut nullum sibi prærem , nedum superiorem habuerit . Illud vero præ aliis Divini propemodum in eo ingenii præstantiæ est argumentum , quod cum fere omnibus belli ducibus , etiam exercitissimis aliqua tantum disciplinæ militaris pars nota sit , & explorata , noster hic Princeps in omnibus eum perfectionis gradum est consecutus , qui non ingenii solum humani modum excedit , sed & laudes nostras longo post se intervallo relinquit , adeo ut nullum genus belli fuerit , in quo illum non exercuerit fortuna . Quavis enim ratione , quavis arte urbes obsidebat , obsessas oppugnabat , oppugnatas tandem sub potestatem redegit , & illustrissimorum *Ordinum* Imperio adjecit : nunc aperto *Marte* , & machinis ad impetum instructis , nunc cuniculis , nunc lagonibus , aggeribus , locris , lineis , & quicquid talium est portentorum , vel ad capturam *Carthagini* , aut *Numantia* : Nunc strata gemate quod loco sapientiæ est , hostem circumvenire paratus : Boni enim Duces non aperto semper Marte , in quo est commune periculum , sed ex occulto interdum attentant , nonnunquam parva , sed expedita militum manu instructissimas hostium acies cingere , laceßere , & adoriri non dubitavit . O inauditam animi generositatem , ô masculum

sculum verè animum imperterritum periculis , & inter prælia felicem ! ô virtutem Herculeam ! qua maximorum Ducum vestigiis insistens famam veteris sæculi principibus æquavit ; & quæ illi

In astra , & ipsos fecit ad Superos iter.

Quid hîc commemorem summam in deliberando prudentiam, & altitudinem animi, in exequendo fortitudinem, & alacritatem, admirandam ejus in rebus arduis sagacitatem , quâ omnes terræ situs, maris spatia, portuum ac fluminum vada, profunditates ita perspectas habuit , ut tutum nihil, aut clausum hosti relinquere : & si forte à maris aut fluminis intercapedine impediretur , quo minus expugnandæ sibi adiret loca, mox

Fragilem trunci commisit pelago ratem ;

Nec timuit præcipitem Africum

Decertantem aquilonibus ,

Nec tristes hyadas , nec rabiem Noti.

Imo nec mortem ipsam , adversus quam impavidus , imperterritusque stetit , sæpe illud Ennianum exclamans ,

Vivam an moriar nullus in me est metus.

Pedes, eques, semper Dux, nonnunquam miles, omnia disposuit, obivit, sæpe destinato, aliquando ex occasione prælium commisit. Sæpe in acie cecidit hostem , sæpius prævenit , sæpe festinando , aliquoties cunctando , aliquoties & pugnando vicit. Noctes quoties plurimas insomnes traduxit, neminem facilius opprimi ratus quam qui periculi securus nihil timet ? Prudenter me hercule ! Nam nos capit somnum, quo vigile pudet dormire militem : noctem pro die habet cujus gloriæ nox dies est , & in tenebris publico invigilat, qui in tenebris lucem præclare factis scenerat. Imo omne temporis spatium salutis suorum impendit, qui singulis momentis periclitari eam non ignorat. Obsidionis tempore iisdem fere quibus militem periculis se exposuit , vallos conscendit , facienda imperavit,

peravit, inter pilas, & faces ivit intrepidus, nunc in opere, nunc in agmine militi suo mixtus, mane, vesperi ubique suis conspicuus; nempe quod momenta belli, moram non admittant, & ut rimendi nescia, ita metuendis semper proxima securitas. Nihil mari sine eo, nihil terra, nihil bello gestum est aut pace: præsens multa, nec minore absens, cum ubique præsens esset, executus est. Et ut aliquid sine eo, nihil tamen non ab eo gestum est. Statuit enim prudentissimus Imperator, nullum in bello efficacius esse incitamentum, ad accendendos militum animos, Ducis præsentia. Illic se mori posse ubi potest miles, ardentius procedere operas, pugnari acrius, consisti pertinacius sub tanto virtutis, & præclaro factorum iudice. Nec de nihilo. Remove enim Imperatoris oculos, languet militum virtus, adhibe, gliscit illa, & vires capit illo aspectante, conficit facienda alacrius, absente tardius, segniusque. Desperant facile & ad fugam parati sunt, qui Ducem suum sentiunt desperare: majus sui pretium esse autumant, cum mori secum non detrectant Duces, qui præsentia sua robur, & vires inspirant militi. Nec malè *Antigonus* olim trepidanti gubernatori (in navali prælio contra Ptolomæi duces) & multitudinem hostilium navium causanti; *Me vero ipsum*, inquit, *præsentem cum quot comparas?* Nec propterea temerarius esse debet Dux, sed circumspicè audax, cum metu aliquo intrepidus, cum cautela fortis, ut summæ rerum, & Imperii seipsum reservet, nec ullo loco, nisi quantum necessitas cogat commissurus se Fortunæ. Talis **AURIACUS** qui militem suum non dicta modo, sed & facta, & exempla à se petere voluit. Disciplinam militarem, quæ castrorum solet esse robur & præsidium, severissimè in omnes observari voluit. Abstinentiam, ac continentiam à milite sic exigebat ut armis tantum, galeis, & cristis, non petulanti morum licentia à civibus differre videretur. In sup-
plicio

pliciorum exemplis statuendis inexorabilem plerumque se præbuit, ac immotum. Nam id, quæ pollebat prudentia longo rerum usu didicerat, impunitatis spe, & præposita Principis clementia, maleficis libidinem ad peccandum accendi, & nimia licentia deteriores fieri. Hac interim disciplinæ severitate sic utebatur, ut eam pro virtute singulorum, & cum opus esset, temperaret, non laxaret. Quo efficit ut quod utilissimum in castris semper fuit, hostem minus milites metuerent, quàm Ducem, quem omnes tam supra se esse, quàm pro se sciebant. In conflictu, & ubi ad manus ventum erat, nemo sic militi parcebat, cum non temere perdendus sit in prælio, qui bello reservatur. Nemo sic utebatur, quippe à quo non vitam, sed mortis patientiam exigebat. Vnde in pretio apud eum milites non molles & delicati, sed horridi, non calati auro argentoque, sed ferro, & animis freti. Quippe illa prædam verius, quàm arma esse: nientia ante rem, deformia inter sanguinem & vulnera. Vultus ejus verè gravis, compositus, ac virilis, in quo ipsa habitabat Majestas, gestus militaris, nihil blandum usquam, aut fucatum. Ex ore, superciliis, incessu, corporis totius habitu. Martem gradivum, ultorem πολίτρεπον μακρόν & τελευτὴν πλητὴν descripsisses. Cultus non ad pompam & luxum, sed ad nitelam, & munditiem compositus, quàm & famuli præ se ferebant ad unum omnes, ut è benè constituta probi patris familia, non ex Aula, singulos prodissè judicasses. Nec curiositati, aut novitatis studio indulgit, aliam atque aliam vestibus formam inducens, ut delicatuli multi hodie, qui quando trium literarum tyrannus ille, *Morita* jubet, *Germanorum* modo, modo *Gallorum* simii ad nescio quem habitum non peregrinum solum, sed ridiculum, levem, & aulico rulticum petulantet descedunt, & quod turpe dictu, priscaque simplicitati Batavæ probrosum, *Hispanum* oderunt, & tamen imitantur.

Quid

*Quid mirum? proclivior usus
In pejora datur, suadetque licentia luxum
Illecebrisque effrena favet,*

Sed ut ad Principis res praeclare gestas, nostra se
convertat Oratio,

*Τί ἄρα τὸν πὶ δὲ πρῶτα πὶ δ' ὕστατον κατὰ
λέξιν;*

Pictores imitabimur qui Orbem terrarum in tabella pingunt, non ut æquent, sed ut repræsentent. Sic strenua Herois nostri facinora obiter enumeranda potius, quàm ad amussim recensenda esse reor. *Principum* enim Heroicos ausus lambere facile est, facundia exhaurire difficillimum. *Breda* Brabantiae ocellus quæ non ita pridem anni prope spacio arctissima obsidione cincta ab Hispano, sine exercitu olim, sine strepitu, arti & industria Principis nostri cessit, qui novo, & inaudito stratagemate à cespite victoriarum suarum initia facere voluit. Cujus victoriæ magnitudinem ab hoste postea tot copiis, tot sumptibus, tanto rerum apparatu, tanta denique pertinacia, docti sumus. Non ita multo post (nam victoriis singulos fere distinxit annos) *Steenovicum* urbem munitissimam cum *Otmarsa*, & *Covordâ*, provinciis nostris adjecit. Mox *Groningam*, & *Gertrudes montem*, alteram provinciam non urbem, alteram Provinciarum præsidium, siæ motu pene expugnavit. Ne quis miretur Auditores, hæc sic in transcurso, & *οὐκ ἐν παρρησίᾳ* à nobis perstringi quæ vel singula digne memoria, ac laude seculorum, amplissimam declamandi materiam nobis suppeditarent. Nam & ita vicit: & præcipuum victoriarum omnium momentum, & laudem in festinatione & *Dædaleo*, ut *Plautus* loquitur, remigio, collocamus; quanquam metuo ne magis etiam sit festinandum. Uno enim eodemque anno *Rhenobercum*, *Mursam Gollam*, *Enschedam*. *Oldenscliam*, *Lingam* occupavit, & quod palmarium ducō, *Bomelsiam* gravissima, & periculi plena obsidione liberavit, Taceo *Graviam*, *VVach-*

tendonckum, arcem *Andreanam*, quarum quasdam paucis horis, quasdam uno atque altero die, munitissimas plerasque, totidem subegit mensibus, & cepit. Taceo denique *Slusam Flandrorum*. *Ardenburgum*, *Isendicum*, *Bergam ad Zomam*, quam sæpius ab hoste tentatam, & arctissimè obsessam sine armis solo adventu suo vindicavit.

Nec felix tantum fuit in oppidis obsidione cingendis, iisque superandis, verum etiam aperto maxie hostem aggrediendo, cujus temeritatem consilio, furorem fortitudine, audaciam virtute sæpius superavit. Cum enim patentem campum exercendæ virtutis nactus esset, invictissimorum belli ducum si quisquam in oculis totius *Europa*. implevit numeros. Cujus rei testēs sunt trophæa, quæ ab hoste *Turnhouti* summa cum laude reportavit: Testes Aquilæ triumphales vexilla, arma, hostium spolia, signa bellica, quæ in pugna *Flandrica* ad *Neoportum* dimicante manu obtinuit, quæ in *Aula Batavia nostra*, etiamnum hodie tanquam sacra triumphi *Nassavii* Anathemata, asservari volunt patris Patres. In qua pugna eam consecutus est nominis famam, quam nulla posteritas conticescet, nulla unquam oblitterabit oblivio. Cladis enim magnitudinem & victoriæ, sex septemve millia in loco cæsi, ac captivi prope innumerabiles, testantur. Inter quos ut dubii sunt bellorum, & ancipites casus. Patris terror, & diu *Rheni* incubus *Mendosa* fuit, qui Victori fastum, & animum submisit. O exemplum fortitudinis in omni ævo rarum! ô miraculum prudentiæ militaris & ætatis suæ decus! O belli fulmen formidabile! Quid amplius? illud in Principe nostro laudibus celebrandum est, quod Mari sub auspiciis ejus gestum, Quas non *Consilio & ductu ejus terras alio sole calentes* adire ausi sunt *Batavi nostri μεγαλοκινδυνος* qui inter tympana & tubas, classes, & classica vivere, & *Hispanorum* metuendam fortunam assiduus bellis fatigare didicerunt; qui mortem per decus obitam

obitam immortalitatis instar, vitam per dedecus retentam, quavis morte pejorem putant; Quas non, illi audaces *Neptuni* filii, alias orbis plagas, longè à nobis distitasse iuenerunt, & inventas detectasque occuparunt? In quas oras *Antipodum* sub alio Mundi cardine degentium, armata manu, & instructa classe non irruerunt? per quot terras & maria oculos, pedesque non tulerunt? *Gades* expugnarunt, *Galpen* proterruerunt, Insulas fortunatas, divi *Thomæ* insulam, aliasque invaserunt. Ac ne quid de nova *Zembla* hic dicam, ubi cum & homines, & Sol & dies medias inter nives, & glaciem defecissent, cum frigoribus, ac feris diu commissi fuere invicti *Argonautæ*, & Pelagiani nostri Batavi, diuque in mortis, & vitæ confinio luctati sunt. Ne quis aut adversis nos terreri putet, aut metuere fortunam, qui naturæ fines jam excessimus, & inferre mortem, & contemnere didicimus, vitæ prodigi. Plura dicerem, Auditores, ita alia mihi semper ex aliis occurrunt in tam uberi, & ampla declamandi materia. Sed ut omnes tanti Principis laudes deprædicare nec virium mearum est, nec instituti; ita rem tantæ molis à me nec exigere vos, nec exspectare certo mihi persuadeo. Unum tantum hoc addam. Quam admiranda, Auditores, Dei providentia, circa tanti capitis curam enituit! Quoties id subductum sicariis, quoties tempestatibus, quoties morti! toties sane servatus dici debet quot dies immò quot horas pene, inter ferri, & æris strages in castris exegit, & adeo quidem inoffensus, ut inter media tormentorum fulmina & tonitrua, inter cadavera, ne minimam quidem vulneris striduram, nedum vulnus corpore unquam exceperit, quamvis mortem circa se, omnibus telis suis favientem, videret. Quod vix sinè miraculo factum, sine singulari sane Numinis cura non factum. Sed ut nulli M O R S parcat ubi decretorius ille dies semel illuxit, qui omnium finem facit; ita nec huic Principi.

Tot victoriis insignis, tot trophæis conspicuus obiit tandem, & mortalitatem explevit, incomparabilis ille Heros cui vita omnis in armis, honos omnis ab armis, inæstimabili Patriæ dispendio, summo Populi luctu, & irreparabili Reipublicæ damno, Spes suorum terror hostium ac tremor. In quem Reges, Principesque oculos suos, convertos, & internos habebant, ad quem flos nobilitatis ex qualibet gente, ex toto propemodum orbe Europæo miles, *Tento, Gallus, Polonus, Italus, Britannus, Scotus*, conferto velut agmine concurrabat tanquam ad unicum praliandi Magistrum, *operumque militarium, & artium bellicarum, si quis alius, peritum*, & ad castra ejus velut ad Martis scholam, *Bellæ* gymnasium, & disciplinæ militaris Academiam, sub quo artem militarem, & armorum rationem nisi qui hausisset, totam ignorare credebatur. Quæ enim cum tanta mole rerum, militiæ pars latuit, quæ militaris disciplinæ forma? quot illi leges debet? quot Architectonica militaris machinæ? quot civis, & miles capita? quot Respublica urbes, & munimenta? quot publica tranquillitas dies & noctes, immo menses, & annos quietos? quantum felicitatis, & gloriæ res Batavæ? Quot hominum vota implevit, quot occupavit? Quis hoc Heroe juris & æqui, quis fidei observantior fuit? Quis ab ostentatione, & fastu eo erat alienior? Quis prosperis, & secundis minus intumuit? quis in utraque fortuna constantior? Quid in rebus bellicis intentatum, quid inausum reliquit? Quis magnitudine rerum gestarum, multitudine subactarum Urbium, lateque propagatis Reipublicæ ditionibus, sed præcipuè animi bonis, fortitudine, vigilantia, moderatione, prudentia, quæ genus Heroum maxime decet, hoc Principe clarior? Sed heu tristem, & acerbum patriæ casum! ô jacturam inæstimabilem in hoc rerum motu, & metu! Heu cladem!

Quam

*Quàm blanda vacillat
Excelsa fortuna loco !*

Caucaſo durior eſt , & fibræ ut ſic dicam cor-
neæ , omnemque humanitatis ſenſum animo eje-
cit, qui ſecuris auribus, aut obfirmato animo tanti
Principis funeſtum hunc audit obitum ; imo ferus
planè, ac ferreus , qui Athletam hunc , Atlantem
verius dixerim hunc Patriæ parentem hoſtium
terrorem , ingentem pace , invidum bello : non
ſucceſſu ad remeritatem , non prudentia ad ambi-
tum, aut magnitudinem abuſum , ſoli Reip. ami-
cum & adverſus eam, nullis lachrymis non proſe-
quitur. Sed omnia Heu ! nata interire, nec quid-
quam immortale eſſe in terris , præter vim men-
tis, & ingenii monumenta. Magni hujus Principis
è vivis exceſſus docet, *magniſque negatum*, ut cum
Poëta loquar, *ſtare diu*, funeribus interdum miſceri
triumphos, triumphis funera , & rebus proſperis
comitem ire dolorem , triſtia confundi lætis , ſe-
cunda adverſis caſtigari, in illa rerum humanarum
inconſtantiâ , & varietate deſultoriâ fortunæ Vo-
rum unum hoc addam Auditores, cum eo Ora-
tjunculæ meæ finem imponam. Faxit Deus im-
mortalis, Rex ille Regum, patriæ noſtræ ſtator, &
vindex , Imperii hujus conſervator , Eccleſiæque
ſuæ in Republ. hac benigniſſimus , & ad miracu-
lum proteſtor, ut quam libertatem avitam , illu-
ſtris *Naffavorum* fortitudo militaris, Procerum
prudentia, Civium concordia , militum egregia
virtus, & præ omnibus Deus ille Opt. Max. mul-
tis retro annis hætenus deſenſavit , ſartam te-
ctam, inviolatamque porro conſervant parenti
fato diſpares fratri, & Patrum felicitate pares , u-
trique animi magnitudine ſimillimi *Fredericus*
pater, Solque ille oriens *Gulielmus* magni pa-
rentis filius , ut in vivis his Principibus deſuncti i-
maginem ſemper habeamus, tamque feliciter
gubernent , ut nunquam nos incomparabilis i-
ſius Herois *Mauritii* triſtis, & luctuoſa ſubeat re-

cordatio, & sera sit, nostrisque demum nota nepotibus dies, quæ Cœlo tradat hos Patriæ vindices, & defensores acerrimos.

ORATIO XXXIV.

De Mutationibus Rerumpublicarum, earumque causis ex Sacra Scriptura petitis,

Habita à

J U S T O V L O E T I O.

PRæclare poetarum ille Princeps Homerus:
 Κάλον αἰετὸν εἶναι, & ὑπεύθυνον ἑμμεναι ἀλλῶν.
 Pulchrum sane, si quidquam in hoc Universo.
 Quid enim pulchrius, quàm unum pluribus imperare, leges, & jussu ponere, maria, terras, pacem, bella, Reipublicæ habenas moderari, justitiam administrare, subditis denique suis quietem, & sæculo, in quo vivunt, tranquillitatem largiri: Divinitas quædam videtur hæc dignitas, ab uno nempe capite, tot capita coërceri, & universam illam multitudinem, inquietam, discordem, turbulentam, leniter redigi sub commune quoddam Obedientiæ jugum, sine quo nec domus ulla, nec civitas, nec gens nec hominum universum genus stare, nec rerum natura omnis, nec ipse *Mundus* potest. Vinculum enim est per quod Respublica cohæret: spiritus vitalis quem hæc tot millia trahunt; nihil ipsa per se futura, nisi onus & præda, si mens illa *Imperii* subtrahatur. Sed quanto altius assurgunt Regum, & Principum munia, tanto majoribus curis, imò periculis implicantur. Quæ tantaque sunt, ut duabus, magno illi dicendi Magistro Demostheni, viis propositis, quarum altera ad Rempublicam, altera ad mor-

mortem tenderet, eum eò impulerint, ut se potius hanc, quam illam electurum esse dixerit. Nec me hercule injuria: Nam quot quantisque Imperia mutationibus solent esse obnoxia, quàm multi de folio deturbati, quot tragicos sortiti sunt exitus, quot rerum subitas experti vicissitudines, longè latèque terrarum Domini? De quarum mutationum causis, cum declamandi oblata mihi, nunc sit materia, & de iis fateor multa ex Philosophia in medium adferri possent, ego Philosophorum sententiis valere jussis, quid hac de re ex S. literis statuendum sit, commonstrare conabor. Hoc unum, Auditores, antequam in suscepta hac à me provincia, ulterius provehar, à vobis summopere contendo, ut qua humilitate, & benevolentia, alios ex hoc loco dicentes complexi estis, eadem & me jam nunc complecti haud dedignemini, quo telam hanc Oratoriam confidentius pertexam, & imposito mihi inpraesentiarum declamandi munere, felicius apud vos defungar.

Et quidem illorum primò in hac diatribe sententiam adduci animadverto, qui fortuitò, ac temerè nullo vel ordine, vel consilio, nasci, denasci, oriri, aboriri in hoc *Mundi* theatro, Respublicas, Imperiaque arbitrantur. Hujus autor sententiæ fuit *Epicurus*, qui providentiam in Deo nullam agnovit, sed omnia casu volvi, omnia fortuitò fieri, sibi aliisque persuadere conatus est: sed ô delirantem Philosophum! O perversam hominis profani sententiam! usque eò hominem sapientiæ studiosum desipere, ne dicam insanire potuisse verisimile est? Oculos quæso vestros, Auditores, circumferte per hoc Universum, intuemini *Terram* in *Mundi* meditullio immotam, librata in aëre, & nullo alio statumine nixam, quam DE I omnipotentia: intuemini nobilem illam *Cæli* structuram, tot varios stellarum, & siderum in *Cœlo* cursus, inter tot astra micantia Solem, magnum illum *Mundi* oculum, hunc ne casu, viginti quatuor ho-

zarum spacio, magnam hanc Orbis terrarum Ma-
 chinam emetiri putatis, ac decurrere? Tantumne
 quis fortunæ tribuet, ut casu, tempestates Anni
 quatuor, *ver, æstatem, autumnum, hyemem*, invio-
 labili ordine, inter se nexas, in orbem redire, &
 noctium, ac dierum nobis dare discrimina, statue-
 re audeat? Plantarum animalium, mineralium,
 metallorum, casu naturas propagari, Lunam casu
 obtenebrari, terram fortuito concuti, aut aquis
 decumanis inundari, nemo opinor affirmabit, nisi
 planè rationem exuerit, & sensum. Verum &
 non minus inepta, ne dicam absurda, illa nobis vi-
 detur, quæ de annis climactericis (fatali multis
 periodo credita) adferri solet sententia, quod &
 ipsos non tantum fluctuare constat, & pugnantibus
 inter se dissidere sententiis, sed neminem
 adhuc certum annorum terminum præfinire po-
 tuisse, quibus exactis imperia convertantur in pe-
 jus meliusve, vel grande periculum adferant. nam
 quod quadragesimum nonum, quod & numerus
 sit quadratus, & ex septenario septis multiplica-
 to resultet: nunc sexagesimum & tertium quem
Antiquitas omnis Climactericum Magnum ap-
 pellavit, constatum ex novies septem, & ex septies
 novem, & qui curas omnium pene *Mathema-*
ticorum fatigavit, quemque decretorium esse asse-
 runt, & personarum singularum fatum ac vitam
 cujusque attingere illud in præsens curiosius non
 exquiram. Sed cum de civitatum & imperiorum
 conversionibus agunt *Mathematici*, septenarios, &
 novenarios numeros non in simplum accipiunt,
 sed quadratè sive cubicè multiplicant, & unus po-
 tissimum numerus accommodari ab his ad Re-
 rum publicarum occasum solet, scilicet 496 anno-
 rum qui ex septuaginta septenariis annorum con-
 ficitur, efficitque ut jam antiquitus proditum me-
 moriæ sit, civitates omnes anno quinquagesimo
 everti aut enecti. Qua vero vi & quo fato non vi-
 deo: cum multæ fuerint Civitates, multæ Resp.

quæ

quæ longè pluribus constiterint seclis, aliæ autem brevissimo tempore interierint. Neque ad rem quidquam facit quod exempla quædam referuntur earum Civitatum quæ ad finem ejus spatii interierint, cum multo sint plures quæ fixum illud & definitum genethliacorum terminum aut exceßerint aliquot seculis, aut diu ante collapsæ sint, quam eum attigissent. Eoque hæc omnia meras conjecturas, & inanes speculationes esse ne dicam deliria, quis non videt? Quid enim rationi magis, & veritati dissentaneum, imo quid stultius, excogitari potest, quàm *Deum* cujus arbitrio, & nutu cuncta reguntur, temporum momentis subicere, & arbitrari, eum à quo omnia pendent, pendere à fatali annorum termino?

Absit auditores, absit, *Deum* enim, & æternam illam mentem, non aliter cogitare nobis fas, quam ut agens liberrimum in quo scientia, & prævisa sint æterna: Eundemque firmum, immutabilem semper unum, & sui similem animadvertimus, in iis quæ semel voluit, aut vidit, nihil fluctentem, nihil fluctuantem. Ille nempe vitæ necisque gentibus arbiter est. Qualem quisque populus fortem statumque habeat, in manu ejus positum est. nulla pars mundi usquam, nisi volente illo, propitioque floret. Quas nationes funditus excindendi, quas transportari: quibus libertatem dari, quibus eripi, quos Reges mancipii fieri, quorumque capiti regium circumdari decus oporteat: quæ ruant Urbes, quæ oriantur, illius jurisdictio est. Certis quippe eunt cuncta temporibus, nasci debent, crescere, exstingui. Verum enimvero, cum omnia *Deus* non sine causa, certo consilio, & fine efficiat, dispiciendum arbitror, quibusnam igitur potissimum de causis, florentissima Regna, & potentissima Imperia, transferat, immuet, perdat. & Rebus publicis benè constitutis, suas velit esse catastrophas, periodos, & vicissitudines, cum

nihil in Orbe terrarum firmum statumque sit, sed perpetuo quodam motu cuncta agitentur.

Multa hic, non inficior doctè, & præclarè Philosophi: nam qua erant mentis solertia, ingenii acumine, indefessa industria, feliciter certè, & eximie, in quæstionis hujus indagine defudarunt. Sed si rem penitus introspicere, & eam recto judicii oculo æstimare sit animus, ut certi aliquid in hac materia statui, à nobis queat, & definiri, quo tutius nobis recurrendum putatis, Auditores, quam ad veros illos sapientiæ fontes, Sacram dico Scripturam, quæ ut norma est, & regula omnis veritatis, ita nobis omnes eximet scrupulos & errores, si qui forte animis nostris infederint, nebulas absterget. Quid illa? certe non casu, & fortuito stare dicit imperia, & cadere: Sed eorum longe ante conversiones, & excidia prædicit. Prædicta olim ruina Monarchiæ *Assyriorum*. Quid enim illustrius illo prophetæ Oraculo? suscitabo contra eos *Medes*, & erit *Babylon* illa gloriosa *Chaldaorum*, instar subversionis in *Sodoma* & *Gomorraha*. Esa. 13. 17. Quid clarius, & expressius eo, quod alibi propheta *Ieremias*, capta est *Babylon*, *Bal* confusus, victus *Merodach*, quoniam ascendet contra eum gens ab aquilone, quæ terram ejus in solitudinem ponet. Ierem. 50. 2. Quid planius ea, quod apud Prophetam *Danielem* cum *Balsasari* generaliter tum *Satrapis* suis, & purpuratis epulanti, scribens ad parietem manus apparuit, his verbis; *Numeravit Deus regnum tuum, & complevit illud. Appensus es in statera, & inventus es deficiens, & levis. atque ideo divisum est regnum tuum, & datum est Medis & Persis.* Dan. 5. 26. Prædicta quoque ab hoc ipso propheta ruina Monarchiæ *Persarum*, prædicta *Græcorum*, & *Romanorum*, ortum suum habuerunt, & occasum, æterno Dei decreto, ac providentiâ, & cujus nutu, & arbitrio, ad tempus floruerunt, ejusdem quoque voluntate, & arbitrio cecidere. Nam ut hominibus singulis

gulis adolescentia sua, robur, senectâ, mors: sic Rebuspub. & Regnis; & ut Solem assidue vel nubes aliqua subducit, vel nox condit: talis omnis hic splendor & felicitas, rapitur aut evanescit. Sed quæret forte hic aliquis, quas harum mutationum Sacra pagina assignet causas? Multæ sunt, Auditores, & variz, sed ne patientia vestra abuti videar, & benevolentia, præcipuas tantum adducam, ut si non rationum pondere, & verborum lenocinio, brevitate saltem mea, & compendio vobis placeam. Et quidem inter mutationum causas, agmen mihi ducere videtur I M P I E T A S, & Religionis incuria, sine qua non *Princeps* officium suum, non *Subditi* faciunt. Nulla enim res magis animos, & mores componit, quàm *Religio*: & illa ubi in pectus demissa, *Virtutum* agmen sequitur. Contra mota *Religionis* anchora, turbata simul Reip. navis, & ubi *Impietas* dominatur, stare diu ea nequit. Deus enim ut severissimus gloriæ nominis sui est vindex, ita non patitur abire impunè contemptum verbi sui, sed ejusmodi genus hominum (si homines dicendi sunt, & non potius brutæ pecudes) inexpiabili odio averſatur, & exquisitissimis suppliciis, quâ publicis, quâ privatis, in tales animadvertit. Vultis Scripturæ locum? Certè non alio spectat illud prophetæ *Esaia*: quemadmodum, inquit, stipulam devorat, ignis, & paleas flamma absumit: sic radix eorum quasi putredo erit, & germen illorum sicut pulvis ascendet. Quare? quia, inquit Propheta, abjecerunt legem Domini exercituum, & Sanctum Israel blasphemiiis affecerunt, domus rejecta est *Iacob*, & repleta est ejus terra idolis, & opus manuum suarum adorarunt. Tantum scilicet potest effrænis illa morum licentia, & extremum malorum *Impietas*, quæ ubi dominari cœpit, & levato quasi velo, fractisque pudoris omnis, ac honesti repagulis, ferream semel frontem induit, nulla amplius ratione compesci potest; sed

Pertur equis auriga, nec audit currus habenas,

Eoque Respublicas illas pessum ire, & in ruinam agi, tandem necesse est, quæ Numinis contemptum, & impietatem profiteri non erubescunt. Vita enim hominum sine hoc vinculo *Religionis*, stultitia, scelere, immanitate completur, morbusque est Reip. ut plurimum conclamatus, & summæ adversus remedia contumaciæ.

Altera causa INJUSTITIA est: transfertur enim, ut idem alibi Propheta, regnum à gente in gentem, propter injustitiam, & spoliantur justo *Dei* judicio, qui alios spoliare, & exuere consueverunt. Quid enim sublata *Iustitia* & exaugurato templo *Themidis*, Respublicæ, & civitates, nisi cloaca, & sentina vitiorum, publica latrocinia, audaciæ, & iniquitatis asyla, scelerum officina, & conclamata nequitia latibula, ubi licentia immixtis habenis celsiores pudoris, ac verecundiæ calles supergressa, impunè dominatur, & furit. Hæc ubi grassari capit, dormiunt leges & veluti gladius in vaginâ reconditus, vel in usu confescescunt, vel fraudulenter in alis artibus circumveniuntur: & quis tandem malorum esset finis, si quæ ex ea velut alto quodam gurgite, in genus humanum promant, recensere mihi esset animus; inde enim audacia, temeritas, avaritia, fraudes, partes, factiones, seditiones, bella civilia concussiones, rapinæ, & quidquid talium est scelerum, & flagitiorum, originem suam trahunt. Hoc enim laxata vinculo *Civitas* diffluit, omnis inter homines societas tollitur, quam sequitur barbaries, & rerum omnium ingens confusio: ita omnia in ruinam prona, grassante in quodvis malum dissoluta licentia, nisi audaciæ hominum, legum repagula obijciantur, & illa ad coercendos maleficos inventa terribilia, taureæ, scuticæ, equuleus nervus, arbor illa infelix, & peculiaris parricidis culleus, atque adeo tota illa carnificinæ scena.

Tertia

Tertia *Superbia* est, atque animi elatio, quam non odisse tantum, sed & accerrimè quoque Deus punire consuevit: Dum enim has de regno Babilonico cogitationes animo suo volvit, *Nebucadnezar* conscendam in cælum, super astra exaltabo solium meum, similis ero Altissimo, ecce ad infernum usque detruditur. Superbiam quippe nunquam Deus impunè abire patitur, sed in hoc vitium severè, & subito justus supremi Vindicis oculus animadvertit; ut in illo *Herode* cujus meminit Scriptura videre est. In solio ornatu regali sedet, & ab ignobili vulgo, Deus sum proclamari patitur, sed adfuit confestim, qui eum percussit Angelus, & qui modo salutabatur *Deus*, à putidis erosus vermibus exspiravit. *Xerxem* quoque mihi intuemini, septingenta millia de regno, trecenta verò millia de auxiliis, in totius *Gracia* perniciem armat, montes in planum deducit, Mari compedes minatur, Templum *Arollinu* insolenter diripit: sed paulo post ad *Abydon*, piscatoria illi scapha parata erat, quâ trepidus trajecit; & in exiguo latentem eum viderunt *Graci* navigio, quem paulò ante vix æquor omne capiebat, carentem etiam omni fervorum satellitio, cujus exercitus propter multitudinem terris gravis erat. Ponite quæso vobis ob oculos tria illa orbis portenta, digna cum viverent ex ipsis naturæ finibus exterminari, *Caligulam*, *Domitianum*, *Heliogabalum*. Quis superbix, quis fastus eorum fuit modus? quis finis? Deos se esse finxerunt, edicta divina, in Aulis suis cuderunt, imagines suas à populo Romano adorari voluerunt? Sed hæc impune Auditores? minimè gentium, venit qui *Caligulam* è medio sustulit *Charea*, venit qui *Domitianum* crudeliter interfecit *Stephanus*. & Romanis illuxit optata illa dies, quâ novi Dei *Heliogabali* per totam diu urbem raptata & dilaniata viscera, in putidas cloacas abjecta fuerunt. Cum *Totilas* post occupatam bis *Romam* de fortunâ nil dubitans, *Narsetem* qui transactione,

non

non armis finire bellum maluisset, superbè contemneret, nec ullam admitteret pacis mentionem, ab eo victus, & in fuga occisus fuit. Talium exemplis scatent passim historiarum monumenta. Animus enim Principum inflatus temere, & insolens dum humana omnia infra se posita videt, falso quæcunque potest, etiam licere sibi existimat: Ita à continentia ad libidinem, à temperantia ad luxum, à lenitate ad sævitiam desciscunt. Pietatem, fidem, & cæteras quas optimus quisque colit virtutes inter privatorum bona numerant: ne, si his quoque legibus adstricti sint, precariò regnare videantur. Sed pergo & ad alias transeo harum mutationum causas. Quid? an non *Ebrietas* quoque & temulentia, hæc primas tenent, dum enim *consurgit populus mane*, ut verba prophetæ mea faciam, *ad ebrietatem festandam, & ad potandum usque ad vesperam, dum adhibet cytharam, & tympanum, opus interim Domini negligit, captivus ducitur, & nobiles ejus fame intereunt, & siti multitudo exarescit.* Exemplapassim obvia, & omni ævo. Quid? An non ebrietas, cum summa impietate conjuncta, *Belsasaram Chaldæorum regem, regno, & vita, una nocte privavit? Persis ereptum imperium, nonne ad Græcos luxus, & temulentia transtulit?* quid aliud in ipso ætatis flore præmaturam mortem *Alexandro* intulit, post tot pugnata bella, in ita prælia, reportatas victorias, quam *scyphus ille herculanus*, & *insanus poculorum amor?* quid *Reipublicæ Romanæ* magis obfuit, quid splendorem ejus magis obnubilavit, quàm prostituta illa *Tiberii* temulentia, & *pertinæ* crapula, adeò ut per contemptum *Biberius* à nonnullis fuerit appellatus: *Comessationes, libidines, bonorum profusiones portentosæ Caligula, Heliogabali, Commodi, Maximini*, & aliorum, nonne Principia fuerunt, decrescantis imperii Romani, ac retrò labentis Monarchiæ præludia? Etenim ita res est: qui magnis Imperiis præditi in excelsis vivunt,

mul-

multo facilius in cæteros omnes , quàm in se regnum tenent. Sed ut paucis absolvam , nec illa silentio prætereunda est causa , Principum scilicet *Stultitia*. Nam *va illi regno*, inquit Scriptura , *cujus Rex puer est , & magnum sub sole malum stultus in solis collocatus*. *Paulus Æmilius* in *Annalibus Franciæ*, commemorat causam , cur nonnulli Reges à ministris suis regno spoliati fuerint , non aliam fuisse, quàm libidines, & voluptates , & regnandi imperitiam, quæ usque eò processit , ut populo, aut domesticis in ipsos conspirantibus , aut externis bellum inferentibus, ita rerum omnium rudes, ita stupidi, & consilii inopes fuerunt , ut iniquissimis conditionibus pacisci non dubitarent. in Regni sui dedecus, & Majestatis opprobrium, partim ne quid de suis voluptatibus detractum irent. partim ob inscitiam suam, quo tanta erat , ut ad res Regni restituendas , unde facerent initium , non intelligerent. *T. Manlium Torquatum* , memoriz proditum est, cum Consul renunciatus fuisset, excusasse valerudinem oculorum . & summum Imperium detrectasse , quod indignum judicaret, ei capita ac fortunas civium committi, qui alienis oculis omnia gerere cogeretur: Sed qui alieno ingenio, alienaque linguâ ad omnia uti necesse habent , ii ne satis ad gubernandos alios, idonei videbuntur? At oculorum quidem lumine carentes nihil prohibet acie ingenii etiam futura prospicere optimeque consulere : quales in fabulis *Tyresiam*, & in historiâ Romanâ *Appium* egimus : cujus vero Sapientiæ luce careat animus quid istandem gerere, quid cogitare , quid suscipere , quid exequi præclarum potest?

Sed quis me repente æstus ram longè à littore in altum abripuit? Anchoram jacio , malo enim prius dicendi , quàm vos finem audiendi facere. Conatus sum Auditores, eorum errores refellere, quorum naturæ alii, alii, fortunæ, alii annis clymaxericis aut astrorum influentiis regnorum mutationes

tiones tribuunt. Qua illud ratione præstiterim vobis judicandum relinquo, tyrocinia tantum sunt, quæ laudis satis referunt, si veniam apud vos mercantur. *Deo* sceptræ, & habenas Regnorum, & Imperiorum vindicare volui: rationes quia ex sacris Scripturæ fontibus, & verbi divini sacrario depromptæ sunt, locum spero apud vos inveniunt.

Interim grato hoc animo agnoscendum est, & non satis collaudandum, Dei optimi maximi in nos beneficium, quod Rempublicam hæc, dulcissimam omnium nostrum Patriam, tam clementer in hunc usque diem conservavit, & etiamnum benignè conservat, tueretur, ac defendit, adversus insensissimum nobis hostem, qui jam sexaginta retro annis, & quod excurrit, tam funesta nobis intulit bella, & nec jam desinit, idem enim illi in nos sæviendi animus, idem extirpandi ardor, gentem illam sacram, rebellem, nefariam, criminis læsæ Majestatis ream, & plus quàm Phalaris suppliciis dignam: tales enim censemur. Sed ades ô Deus, & patriam nostram tam implacabili hostium suorum odio colluctantem, tam decretoriis armis imperitam, porro vindica, Proceresque ejus, & quotquot ad clavum sedent, ita consilio, & prudentia instrue, ut sub auspiciis eorum, & Principis *Frederici*, Rempublicam habeamus feliciter constitutam, fulcrum Imperiorum, *Religionem* & pietatem illibatam, res in tuto collocatas, in medio bellorum æstu Halcyonia, opes affluentes, concordēs civium animos, exercitus instructos, militem exercitatum in pace decus, in bello præsidium, & frequentes victorias. Dixi.

O R A T I O XXXV.

de Literarum Præstantia,

Habita ab

A R N O L D O B R A N T I O.

INtuenti mihi hanc doctissimorum virorum frequentiam, quantulamcunque declamantiuncula meam præsentia suâ honestantium occurrat quod de *Antiochenis* memoriæ prodidit festivus ille si quisquam Dialogista *Lucianus*. Apud illos cum brevioris staturæ, & pusilli corporis histrio in scenam prodisset, qui *Hæctoris* personam ageret, dicax ille populus illico exclamavit, *Asryanastem* se videre, *Hæctorem* desiderare. Haud parum & ego quoque metuo, ne cum dignitas argumenti, de quo agere institui, *Hæctorem* aliquem, id est magnum, & insignem Oratorem exiger, summopere vos miremini, quid sit, cur ego vix *Asryanax* aliquis, tenuisque ingenii homuncio, in conspectum vestrum prodire non dubitaverim: sed cum exploratissimum haberem, quo vos animi affectu publicè ex hoc loco dicentes prosequamini, quaque attentione aures Scholæ vestræ discipulis præbeatis, subditi mihi animum hujus humanitatis vestræ recordatio; in quâ ut merito acquiesco, ita antequam aliud provechar, & ad argumenti propositi tractationem nostra decurrat Oratio, à vobis quâ possum animi demissione contendo, ut tenuitatem meam, & in dicendo infantiam vestro favore, & benevolentia sublevare dignemini, quo declamatiuncula mea, quæ ut quantus literaturæ, & eruditioni habendus sit honos ostendat, tota occupatur, his velut secundis subvecta ventis, quem sibi proposuit finem facilius consequatur, *Midam*, Gordii bubulci filium, *Phrygia* regem pecunio-

cuniosissimum, qui cum *Bacchum* hospitio excepisset, jussusque esset petere quod vellet, mox voti compos futurus, nihil æque se optare respondisse ferunt, quàm ut protinus quidquid attingeret in aurum verteretur. Quod cum *Bacchi* benignitare obtinuisset, solidas arces, & regia solo contactu in aurum convertit. Verum cum urgente fame cibum sumere conaretur; atque illum quoque in aurum mutari videret, sensit tandem stolidus, se parum sapienter optasse: petitque à *Libero Patre*, ut munus illud, quantumvis speciosum, sibi adimeret. Misertus itaque ejus *Bacchus* jussit ut in *Pactolo fluvio* se ablueret, quo facto in pristinum statum restitutus est. Quanto laudabiliora *Augusti*, & *Tiberii* Imperatoris vota fuerunt, quorum ille *Scipionis* fortitudinem, & *Cæsaris* fortunam à Diis contendit: hic tantisper ut viveret optavit, dum Reip. ac Patriæ suæ prodesse posset. Sed cum rem ad rectæ rationis lancem exigo, longè hos omnes mihi à tergo relinquere videantur illi qui vota sua altius protrudunt, & quibus nihil prius, nihil antiquius est, nihil magis in votis, quàm ut in studiorum suorum cursu, ad doctrinæ, & eruditionis fastigium enitantur. Quo nihil ego in rebus humanis dignius esse censeo, nihil præclarius. Illa enim est, quæ mentem perficit, & adornat, judicium format, ingenium acuit, & quanto brutis longè præstat animalium nobilissimum homo, tanto hominem homine ipso præstantiorem facit. *Aristoteles* Philosophorum ille princeps, crasso cuidam, & obesæ naris homini percontanti, quid esset discriminis inter doctos, & indoctos, haud inscitè respondit, quod inter viuentes, & mortuos; sentiebat quippe vir altæ mentis eos qui corporum solum vita fruerentur, quam habemus cum pecore Arcadico communem, & externis tantum oculis Solem intuerentur, quem longè acutius cernunt aquilæ: animis vero quibus lucem, ac vitam donat literatura, nihil cernerent,

vix

vix ac ne vix hominis appellatione dignos, sed mortuos verius esse, quam vivos: quia si vivunt, vivunt tantum, & aura, omnis doctrinæ vacui, ætherea solum vescuntur, qua & asini, tantumque à doctis differunt degeneres animæ, quantum à videntibus cæci. Eximiè olim, & præclare poëta:

Ὁ γε αἰμαμάτων ἀπειροσὺ βλῖπ' βλῖπων:

Διπλὴν ὀρεῶσιν οἱ μάθοντες γεύματα.

Ita profecto est. Vana, vana sunt quæ miramur in hoc fluxu, & refluxu rerum humanarum, & malorum irritamenta sunt, non remedia, nisi mentem humanam, natura cæcam, Sapientia eruditione comitata regat, & moderetur. Et profecto si callidi rerum æstimatores, fundos, agros magni æstimant, quia his pignoribus minus noceri posse credunt, quanti putabitis æstimandam Sapientiam quæ nec incendio eripitur, nec naufragio absorbetur, & inter ipsas regnorum concussiones, ac motus inconcussa manet? Quam qui possident verè sunt divites, nulla re egent, nihil sibi deesse sentiunt, nihil requirunt. Quin & cum *Biante* in urbis patriæ captura, & excidio, inter mican-tes ubique gladios, & militarem in rapinam tumultum, nihil de rebus suis asportantes, omnia tamen sua secum portant, ludibria hæc fortunæ, ne sua quidem putantes, quæ vulgus etiam bona appellat: quia si abeunt, nihil inferunt, nisi semetipsa. Quid enim stirps, quid patria, quid genus? quid forma, quid honores, quid dignitates? Quid aurum illud quod tantopere admiramur? abeunt illa, nec eximere nos queunt aut nostra, mortalitatis lege. Aurea verè *Stoicorum* sententia Μόνος ὁ πᾶσι, solus sapiens dives. Et hæc *Aristippi*, hæc *Socratis* sapientia fuit. Ita *Zeno*, *Cleanthes*, *Crates*, *Chrysippus*, *Epietetus* sentire, ita loqui amavere. Quis, Auditores, *Diogene*, vulgi iudicio pauperior? Vixit enim in dolio, nulla alia instructus suppellectile, quàm patinâ ligneâ: at in gurgustii

gustii hujus angustia, quam angusto fuit animo, quam generoso? veram magnitudinem metiens non spatiis, & latifundiis terrarum, sed horum omnium contemptu, eoquē *Alexandri* liberalitate major, quam rejecit, nec tamen eguit; quia ditior est, qui divitias spernit, quam qui possidet. Animus enim hominis dives, non arca appellanda est. Et hæc veræ sunt opes quæ supra omnem inconstantiam, & mutationis aleam positæ, etiam nudum, naufragum, exulem ubique terrarum comitantur, vel ad ultimam *Thulen*, aut ad extremos *Garamantas*: in quas cuneus nihil potest ingruentium malorum, quæ nec eripi possunt unquam, aut temporum injuriâ tolli, interverti, mutari: quas qui possident verè sunt divites, quia in pectore, & animi scrinio struuntur hæc opes, non in arcâ, eoque usu augeri solent non minui, meliores fieri non deteri, non senescere, non contingere malis ut opes, non ignavis aut immerentibus, ut honores, non etiam avocare homines à virtute, sed instruere. Doctrina enim, & virtus arctissimo inter se vinculo conjuncta, hominem non doctiorem modò, sed meliorem reddunt: adeò ut quod agris cultura confert, hoc animis hominum, eruditio, quæ si corporeis oculis cerni posset, incredibiles sui amores excitaret. Præclare Romanus ille Sapiens: Certi sunt domitores Ferrarum, qui savissima animalia, & ad occursum exterrere hominem, docent pati jugum, nec asperitatem excussisse contenti, usque in contubernium mitigant. Leonibus Magister manum inserat, osculatur Tigrim suus custos, Elephantem minimus Æthiops jubet subsidere in genua, & ambulare per funem: sic doctrina, sic eruditio est artifex domandi mala, & in quo magis, quam in homine, aut minus disciplina in ingeniis poterit, quam in feris industria. Vultis exempla Auditor? magnos sæpe viros, perdita penè, ac desperata adolescentia, in patriæ salutem natos accipimus.

Nimi-

Nimirum ut ager ex se infertilis, culturâ tamen emendatus, ad fertilitatem provocatur: sic ingenium virtutis expertus, disciplinâ ad bonam frugem potest demutari. *M. Torquatum* ingenii tarditas in agrum, tanquam in exilium ablegaverat, hic tamen periclitantem Latino tumultu patriam, insigni triumpho restituit. *Luc. Valerium Flaccum* quem *Roma* projectæ libidinis juvenem, virum omnis postea modestiæ, ac probitatis exemplum vidit. Quid *Fabii Maximi* adolescentiâ turpius? quid vero illo sene ornatus, quid augustius *Roma* tulit? duos in uno *Sylla* homines fuisse dixeris turpem adolescentem, & virum fortem, *Themistoclu* vero adolescentiâ quid licentius, at is exinde juventæ suæ maculas, insigni sua literaturâ, rebusque strenuè gestis ita eluit, ut *Græcorum* clarissimus extiterit, & prælio navali *Persis* ad *Salaminem* victis, Patriæ libertatis assertor fortissimus. Quid *Polemo* perditissimis moribus adolescens? ingressus Auditorium magni illius Philosophi *Xenocrati*, cum eum non minus graviter, quam doctè de sobrietate, & temperantiâ, dissertantem audivisset, adeo lectione ejus commotus fuit, ut omnem ab eo tempore incontinentiam exuerit, & ex homine luxurioso factus sit temperantissimus.

Sed ut altius provehar: Quid? compendiosiorrem ullam arbitrantur esse viam ad honores, quàm per literaturam? illa enim est quæ hominum nomina non in gloria æternitati consecrat: hujus beneficio vivunt viri omni ævo præstantissimi, quorum curæ, vigiliæ, labores, merita, alto oblivionis silentio fuissent involuta, nisi nomen eorum, ac famam interitu vindicasset. Quid *Alexandri Magni* voto, in summâ fortunâ defuit, præter *Homeri* ingenium? & quo alio nomine felicem prædicat *Achillem*, cum in *Sigæo* ad tumulum ejus adstitisset, nisi quod talem laudum suarum præconem habere meruerit? Quot enim antè eum Imperato-

rum

rum, & belli Ducum ignota nunc nomina, & æterno oblivionis sepulchro recondita?

*Vixere fortes ante Agamemnona
Multi, sed omnes illachrymabiles
Urgentur, ignotique longa
Nocte, carent quia vate sacro.*

Adhæc quantam literatura gratiam, quantam benevolentiam, quantum animi affectum conciliat literatis, non apud gregarios, & è trivio homines, sed apud Patricios, Magnates, Reges, Principes? Scipio Africanus tam elegans liberalium studiorum (verba Velleji Paterculi sunt) omnisque doctrina, & admirator & fautor fuit, ut Polybium Panatiumque, præcellentes ingenio viros, domi militiaque secum habuerit. Vespasianus etsi cætera parcus, ingenia arteſque fovit maximè: & primus è fisco (ait Suetonius) Latini Græciſque Rhetoribus annua (Bis mille & quingentos Philippicos) centena constituit. Antoninus Pius diffudit etiam liberalitatem Vespasiani, nec Roma tantum, sed per omnes provincias Rhetoribus, & Philosophis, honores, ac salaria detulit, & Frontoni præceptoris suo statuam in Senatu posuit & perpetuum gratitudinis suæ monumentum extare voluit non ingrati discipuli. Sic & Gorgia Leonzino vivo illi videntique statua ex auro, tanquam publici honoris ara, in æde Apollinis erecta, & consecrata fuit. Stagira everſæ ruinas, in gratiam Aristotelis & Alexandro discipulo ejus restitutas legimus. Platoni in Siciliam venienti, Dionysius Syracusanus, vittatam navem qua eum exciperet, obviam mittere non dubitavit. Doctissimorum hominum greges in comitatu suo habuit Alexander: Familiariter cum Simonide & Pindaro Poëtis Hiero Syracusanus vixit: Augustus Imperator, ætatis suæ doctissimos in summo amore habuit & pretio, M. Varro nem unicè amavit, Ciceronem, Salustium, & Livium coluit, Virgilium, Horatium, aliosque sui temporis Poëtas summa benevolentia complexus est. Consiliis suis interesse voluit

Alexan-

Alexander Severus : *Adrianus Imperator* cum audivisset quosdam, qui *Roma* docuissent, ob decrepitam senectam muneri suo obeundo non satis idoneos, emeritos per ætatem, magnis beneficiis cumulavit. *Anaxarcho* Philosopho, cum Quaestori suo jussisset *Alexander*, dare quantuncunque ille postulare, inaudita postulatione turbatus Quaestor, cum *Alexandro* indicasset philosophum petere centum talenta, Rectè inquit fecit, probè conscius se amicum habere, qui tantum dare, & possit, & velit. *Xenocrati* Philosopho quinquaginta talenta dono misit, ea quum ille recusasset accipere, dicens, sibi non esse opus, interrogavit, amicum ne ullum haberet, cui esset opus? nam mihi inquit vix *Darii* opes in amicos sufficiunt. Cum delato ad ipsum scriniolo, quo nihil inter opes *Darii* pretiosius, pulchriusve repertum est, quæretur in quem usum destinandum esset, aliis aliud suadentibus, huic optimè inquit servandus dabitur *Homerus*, sentiens nullum esse thesaurum illo pretiosorem.

Plura dicerem, *Auditores*, sed sentio mihi hoc loco ex ipsa præstantiæ literarum cogitatione, idem accidere, quod disertissimis nonnullis Oratoribus evenisse *Lucianus* scripsit, ut cum forte in Regum splendidissimis atriis & varietate imaginum insignitis palatiis verba fecerint, pulchritudinis intuitu perturbati, in medio orationis cursu tanquam attoniti constiterint, subitoque obmuerint. Quare ne & patientia vestra, & attentione abuti videar, finem dicendi faciam. Audivistis literaturæ, & eruditionis præstantiam, & dignitatem: quantis homines literatos comitentur honore, quam nominis sui famam sibi pariant viri doctrina, & eruditione conspicui, quam altè se in Magnatum, Principum, Regum amicitias insinuent. Audivistis nihil in hoc Vniverso dari, nihil ab hominibus desiderari posse, nihil excogitari, quod pretio, cum ea comparari possit, aut debeat. Quid restat?

restat? hoc unum Studiosi, & commilitones (ut tandem & ad vos mea se convertat Oratio) hoc unum, inquam, ut eam quam tantopere vobis commendavi literarum præstantiam, scribè ad animum revocetis. Quis enim tam averfus à *Musis*, qui literarum decus non admiretur? quis ad Sapientiam *Socratis*, sublimitatem *Platonis*, ingenium *Aristotelis*, loquentiam *Demosthenis* non obstupescat? Quis denique scientiæ, & cognitionis studio non ducatur, atque adeo doctrinam, eruditionem, artes non magni faciat? tum nulla instituendæ vitæ ratio, & via animo, & cogitatione concipi queat, quæ non ita literarum auxilio indigeat, ut, eas si quis sustulerit, Solem ipsum de mundo sustulisse videatur. *Themistoclem* olim cum somnum capere *Adolescens* non posset, dicere solitum tradunt, se *Miltiadis* trophæo, quiescere volentem, identidem excitari: quanto eos acrius incendi ac inflammari necesse est, qui quotidie non unius, sed innumerebilibus hominum eruditione præstantium trophæa non è marmore, & lapide peregrino constituta, ad exigui temporis memoriâ, sed ad omnem æternitatem commendata litteris, intuentur? easque opes quæ nec furem, nec prædonem timent, nec incendiis, ruinis, naufragiis obnoxie sunt, nec ullis denique casibus erui possunt? Molestiæ hic omnes si quæ se offerunt devorandæ. Nihil enim est quod non expugnet pertinax opera, & ut *Invidia* virtuti nulla est via, sic & nulla diligentia, & labori, qui omnia, ut cum Poëta loquar, vincit improbus. Non de nihilo *Musas* Poëtæ in montis cacumine sedem suam fixisse fabulati sunt, & labores, sudores, vigilias, ad earum atrium excubare voluit Antiquitas sapientiæ magistra. Sciebant, enim viri prudentissimi; non alia ratione eruditionem parari, non alia lege, & conditione obtineri. Eruditionem autem, amare imò, & venerari vos scio quæ nulli præclusa est, omnibus patet, omnes admittit: sed ut natura gemmas altissimè recondit,

dit, vilia contra passim obvia sunt : ita quæ optima non nisi summo studio eruuntur & animi cottidiano, ut sic dicam, vomere proscindendi, & obse-
rendi ad meliorem frugem. Non alia, Studiosi, ad eruditionem via est, non alia ad honores. In Flore vitæ estis, & ut corpus labori, mens ferenda intentioni par redditur : non alii anni commodi huc magis, & apti: nisi ad magna, & alta nunc itis, nunquam postmodum perventuri. Occasio cujus prætervolat opportunitas, nata vobis in hoc *Athenæo* protrudendi studia vestra, & perducendi ad metam. Illa si continuè ab ingenio vestro aliis omnibus curis & cogitationibus ex animo abjectis, foveantur, tandem in luculentissimos progressus erumpent. Neglecta tarditatem vestram non expectant, dum enim differtur vita transcurrit, & serò nimis vos subitura pœnitudo transacti desidia temporis. Soli natura, cessante cultura, sterile scit; quantoque melior terra tanto deterior sit neglectu. Honestarum artium semina, animi vestri gerunt quæ exercitatione, & industria excitantur, non aliter quàm scintilla levi statu adjuncta ignem suum explicat. Illa modò una ingeniorum pestis fugiatur, ne pervenisse vos putetis, quò adspiratis. Alacritate hic opus, & constantia, nec ante in hoc *Musarum* stadio currendi finis, quàm præmium vobis sub manu. Impetus dilatione, & mora extinguitur, industria, & labore augefcit, & nihil tam arduum quo non penetret studiosa, & fervida animi vis. Magnum quoque vestigal parsimonia, sed nusquam majus quàm hîc. Socordix breve, & pœne sine sensu gaudium est: sed diligentix fructus se exserit, neque nunc solum, sed in futurum delectat. Vbi quæso, istam egregiam indolem, quam in ple-
risque vestrum videmus? ubi istud ingenium ad omnia summa natum, ubi istam partem ætatis, ad concipienda doctrinæ semina omnium aptissimam, aut honestius, aut suavius, aut fructuosius collocare poteritis? Cogitate quantum assiduitas profit,

quantum

quantum intermissio noceat. Illa vires aluntur ac
 gliscunt : hac carpuntur ac deteruntur. Si quis tan-
 tillum de solita contentione remiserit , pessum it ,
 quicquid partum erat , *longique perit labor irritus*
anni : simul atque progredi desierit , regrediatur
 necesse est. Venatores intuemini , nihil illis diffi-
 cile , nihil arduum , nihil impervium est , sub dio
 pernoctant , nives , grandines , nimbos , procel-
 las , famem , sitim , frigus , vigilijs ferunt , cum
 apris , lupis , ursis , aliisque indomitæ feritatis ani-
 malibus de vita sæpenumero decernunt , ac dimi-
 cant : Vos si quanto illi ad prædam , tanto ad eru-
 ditionem ardore feramini , ullam vobis , ne ad
 eam perveniatis , difficultatem obstare patiemini ?
 Fruimini occasione , quæ sese nunc offert ,
 & aures vestras sæpe feriat , imò mentem , lau-
 data illa vox *πλουτίζατον ἀνάλωμα Χρόνου*.
 Pulchra hic si usquam parsimonia , imò ienaci-
 tas & avaritia ; contra nihil temporis jactura tur-
 pius : cujus serio multi sed serò nimis deplorant
 damna omni æstimatione : majora. *Solonem* unum
 ex Sapientibus *Græcia* , tanta olim discendi cupi-
 ditate exarsisse ferunt , ut etiam circa ipsam mor-
 tem : Nam cum langueret fatiscientibus jam viri-
 bus , & adstantes amici aliquid inter se dislere-
 rent , ille caput sustulit , & flexit ad audiendum :
 Interrogatusque quo fine tunc aut fructu ? nobi-
 lem illam vocem edidit ; *ut cum sciero doctior mo-
 riar*. O desiderium ! & quid in vita , aut ejus flo-
 re faciendum , cum ille hæc sub mortem , & in
 ipso decrepitæ ætatis deliquio ? Faceffat ergo hic
 impudens eorum querimonia , qui naturam accu-
 sant , quod hominis vitam tam angustis spatiis fi-
 nierit , quum satis longa sit cuique vita , si par-
 cè dispensetur : Vt & supina illa , & projectè mol-
 lis quorundam ignavia , qui ad somnos nati vi-
 dentur , & pandiculationes , ad otia , non ad stu-
 dia , temporis prædunculi , fuci , tenebriones , li-
 centiæ alumni , qui non ut vivant , edunt , sed vi-
 vunt ,

vunt, ut edant, digni quos irata *Minerva*, casside sua, & cuspide arceat ab adytis *Sapientia*, dum turpi marcescentes otio non tam vitam agunt, quàm prætervehuntur, nec vivunt, sed in vita morantur, quamvis ad extremam senectutem perveniant. quid enim illos anni tot per inertiam exacti juvant, æstu metiendi non tempore? cum neque sibi, neque aliis utiles, ita vitæ curriculum conficiunt, ut, veluti naves nullum sui vestigium relinquant, nihilque agant, quo se homines esse testentur. Hos fugite Commilitones, & quas in vos Natura dotes contulit, ne patiamini ut aquam immotam fordescere. Neque enim in vos benigna fuit, ut suum beneficium negligeretis, & ab illustri hoc *Lycao* vacui, & inanes velut ex incendio, ruina vel naufragio domum rediretis:

Ἀισχρόν γὰρ θνήσκοντε μένειν, κενέοντε νέεσθαι.
Dixi.

O R A T I O XXXVI.

In vituperium Loquacitatis,

Habita à

N I C O L A O B E R C K E L I O.

ITa fere natura comparatum est, ut quibus ex rebus summa ad omnes dimanat utilitas, ex iisdem vitio aliquo interveniente, nascatur extrema perniciēs. Quid stellis, & astris salubrius, quid ad conservationem corporum sub-lunarium, magis necessarium? at ex iisdem si quando parum commodè jungantur, quanta mortalium calamitas? Aëre spiramus, verum is infectus, quantam stragem infert animantibus? Flumina, & maria quàm commoda sunt generi humano, ad itinera, vitæque commercia?

Verum ex iis concitatis, aut exundantibus, quantum damni, quantum periculi? Terra fecunda rerum omnium parens, suas habet concussiones, hiatus, ruinam, exhalationes pestiferas: nec alia parit plus venenorum, quàm quæ frugum, ac medicarum herbarum fertilissima est. Adeò late patet illa sententia omnium ore trita; *Ubi mel, ibi fel, ubi uber, ibi tuber*. Idem mihi dicere fas de hominis lingua, qua ut nihil salubrius est, si quis bene, & ut oportet utatur; ita nihil nocentius, si quis malè. Hæc causa est, Auditores, cur impræsentiarum apud vos, de ea declamare, & individuum ejus comitem loquacitatem (vitium ei non minus frequens, quam perniciosum) suis coloribus depingere in animum induxit. Vnum tantum à vobis contendo, ut omnes, quotquot hîc adestis, quandoquidem ad omnes hæc oratio pertinet, his auribus, atque animis auscultetis, quas in rebus gravissimis, maximisque benè consulenti præbere soletis.

Atque ut paucis quod res est dicam, & mentem meam, quod hic palmarium duco, sine verborum apparatu, circumscribam, quid quæso Homini totius Univerſi compendio, quid naturæ miraculo, & soli ad sapientiam, & prudentiam nato, loquacitate sordidius, quid turpius, quid indignius esse possit, non video? Multa quidem vitia dari, non eo inficias, quæ homini odium, aut invidiam constant, qualis est arrogantia, & violenta nimis dominandi libido; quædam contemptum, ut luxus, ebrietas, crapula: at nullum est, quod hominem exolum magis, & ingratum reddat, quam garrula, mordax, & importuna nimis loquendi licentia, quam Loquacitatem appellamus. Multa quoque sunt fateor perdundæ vitæ mortalium instrumenta: multa adminicula, ut bella veneficia, incurſus ferarum, pestilentes morbi, terræ motus prodigiosi, fulmina, tonitrua, inundationes, alique casus innumeri, ex quibus tamen, tanta non
-oritur

oritur pernicies humano generi , quantam huic Univerſo adfert , effrænis linguæ dicacitas. A qua vel natura ipſa hominem dehortari videtur , quæ duas illi quidem aures dedit , at unam tantum ei linguam , ut nempe diſcat plus audire , quàm loqui , ſeptam quoque & undecunque cinctam fori labiorum vallo , dentiumque repagulis , ne temere quid effutiat , quid eliminet , ſed proferenda ponderet , & ad lancem rationis expendat. Imò cum ſapientiſſimus ille rerum conditor Deus , linguæ ſedem in altiſſima corporis parte collocarit , nonne ſatis ſuperque nobis declarat , hujus membri dignitatem ? Deinde quod in conſinio cordis , & cerebri ſitam eſſe voluit , humanæ vitæ interpretem , an non evidenter nos docet , eam non oportere diſcrepare à corde , ſed obtemperantem eſſe rationi , cui ſubjecta eſt , nec prius in vocem debere prorumpere quàm adhibitis in conſilium vicinis ſenſibus , præcipuè auribus , atque oculis , quibus inter corporis ſenſus principatus tribuitur ? Sed multo magis conſulendæ ſunt interiores animæ vires , intellectus , ſeu ratio ac memoria , quibus & ipſis ſedes , & officinæ ſunt in cerebro. Unde ſatis liquet , quàm præpoſterè faciunt hi , qui dum flumen verborum habent , mentis vix guttam , prius linguam laxant in verba , quàm aut audierint , aut viderint , aut quàm animo perpenderit , quale ſit illud de quo velint loqui , aut quales illi ſint , apud quos verba facienda ſint , cum oporteat hujus membri miniſterium omnium eſſe poſtremum. Ideo quemadmodum natura voluit linguam humanæ vitæ moderatricem eſſe promptam officio : ita diligenter admonet , ne præcipiti , petulantique facilitate perniciem afferat , pro utilitate , exitium pro officio , venenum pro remedio : eoque cum oculos binos , aures binas addiderit , unicam duntaxat linguam dedit , cumque aures ſic finxerit homini , ut ſemper habeat patulis quæ nec claudi poſſunt nec averti , linguæ contra val-

vas objecit labiorum, adversus effraznam ejus petulantiam, ne temere scilicet effuadat quicquid in buccam venerit. Quo vitio vix aliud fuit apud *Ethnicos* etiam homines detestabilius. Hæc enim una ad bellum tuba, hoc tumultuum, & seditionum flabellum, hæc rixarum, contentionum, dissidiorum irritatrix. Miramur piscem *remoram* corpusculo pusillo, halecis magnitudinem non superante, navem ingentem plenis velis, prospero, & secundo vento citatam repente sistere; sed longè majori admiratione mihi dignum videtur, linguam multo minorem *remora*, tot hominum milia, quocunque lubitum est flectere, concitare, armisque inter se committere. Hæc namque illa est quæ versutis consiliis miscet res humanas, quæ pejerat, calumniatur, quæ susurris, ac delationibus dirimit amicitias, quæ compita, vicos, pagos, urbes, provincias, regna perreptat: hæc in regnis, provinciis, urbibus, pagis, compitis, in omnium ædes, in omnium animos penetrat, nusquam non pedem figit, nihil intactum, nihil inausum relinquit, adeoque passim grassatur, ut nullus Orbis terrarum angulus, ab ea tutus sit imò nullo non loco, nullo non tempore paratum, & expeditum habeat venenum. Sed quis tandem finis si omnia ad amussim recensere mihi esset animus: dolia *Danaïdum* citius expleverim, & *Ereſichtonis* famem, quàm hanc (ut cacoëthes est hujus ævi) cupidam semper malorum, nunquam saturam. Nihil Natura, nihil Autor Naturæ frustra facit: sed quid Deum, quid Naturam loquor? nihil bruta faciunt, nihil elementa operantur, nihil agunt, quod ad sui conservationem non faciat, non tendat. Solus homo, nobilissimum animalium, magni hujus Mundi Epitome, nobilissimam sui partem *linguam*, quæ illi in salutem, & ad Dei gloriam data est, in exitium suum, & aliorum convertit. Quo procul dubio spectans non minus sententiosus, quàm insignis Poëta *Euripides* αὐτὸν αὐτῶν inquit, σομῶν.

σωματιῶν τίλῳ δυσυχία. Nec mehercules inju-
 ria. Non potuit enim significantius exprimere
 linguam temerè vagam, incogitanter quidlibet
 effutientem, nullo consilio perpendentem quid
 deceat, quid expediat, quid non, quàm quod sic
 garrientis os, dixit effræne, quodque incogitan-
 tiam ejus dixit exlegem. Quemadmodum enim
 equus nullo fræno coërcitus sæpe numero tum
 sessorem, tum se ipsum in præcipitia desert; per-
 dens simul, & periens: ita lingua nisi rectæ ratio-
 nis moderamine contineatur in officio, & fræno
 prudentiæ redigatur in gyrum bonæ mentis, exi-
 tium adfert non solum his, qui auscultant, verum
 multo sapissimè ei qui sic temere deblaterat, &
 debacchatur, adeo ut qualem fructum adfert ager
 natura quidem bonus, sed neglectus, talem adfert
 lingua minimè muta suæ permissa libidini. Ex
 ungue Leonem. Quid calamitatum, oppressio-
 num, depopulationum, rapinarum, scelerum us-
 quam, aut unquam fuit, nisi ab hoc fonte? Cir-
 cumspicite quidquid est in orbe funestarum tra-
 goediarum, comperietis ferè malorum omnium
 originem fuisse malam linguam. Multos gladio
 cecidisse, non Annales solum, sed omnium tem-
 porum experientia testatur, at non pauciores lin-
 gua. Exemplavultis adducam *Auditores*? passim
 obvia sunt & quæ sæcula id non docent? sacras
 & profanas historias replicate, non aliter invenie-
 tis: Quid *Evam* omnium nostrum matrem perdi-
 dit, quàm quod serpentis susurrisseduci, & deli-
 niri se passa est? Quid *Adamum*, quid posteros
 ejus, quam garrula nimis, & effrænis conjugis de-
 ceptæ lingua, cui auscultare maluit, quam Deo?
 O utinam tunc nec *Eva* lingua, nec *Adamo* aures
 fuissent, tantum certè miseriarum, & calamita-
 tum agmen, nec in se, nec in posteritatem per-
 traxissent. *Miriam* Soror *Mosis* ob temerariam
 linguæ licentiam, prorumpentem in murmura,
 lepra corripitur. *Cole*, *Dathan*, & *Abiram*, laxata

quoque linguæ fibula, & seditione in populo, adversus *Mesen* concita, horrendo terræ hiatu, cum uxoribus, & liberis absorbentur. *Samsonem* fortitudine, visu, libertate, vita, garrulitas, & linguæ intemperantia spoliavit. *Clitus*, & *Calisthenes* (ut ex profanis historiis exempla quædam producam) an non ipsi causam suæ necis dederunt, intemperanter nimis suâ libertate in *Alexandro* reprehendendo abusi, quem vino & ira furemtem modesta aliis, & humili admonitione corrigere potuissent. morte non solum declinata, sed & gratia, & benevolentia ipsius erga se aucta & confirmata? *Epicharmus* quum *Hieron* Siciliæ rex quosdam è familiaribus suis, è medio sustulisset, paucisque post diebus eum invitasset ad cœnam, cur inquit nuper cum immolares, amicos tuos non invitasti? Quæ vox incautæ nimis, & præcipitis linguæ, & mortem ipsi attulit, & tyrannum crudeliorem reddit. *Antiphon* cum apud *Dionysium* quæreretur, ac disputaretur quod æris genus esset optimum: *Illud*, inquit, ex quo statuas *Hermodio*, & *Aristogitoni*, tyrannicidæ, erexerunt *Athenienses*. Quæ oratio brevis quidem, sed dentata nimis, & mordax. Tyrannum ita irritavit, ut non nisi tragica ejus morte sedari potuerit. *Zeno* eidem *Dionysio* in matrimonium ab eo duas ipsius filias, egregia forma virgines, petenti, *Malo*, inquit, *percant*, quam tyranno nubant: Quibus verbis vehementer commotus Tyrannus, eas ilicò contrucidari, & mortuas ad patrem deferri jussit, ut linguæ suæ intemperantiæ pœnas daret & tragico filiarum obitu, temperare sibi disceret, & cautius in posterum loqui. *Cicero* qui singulari sua prudentia Romam periclitantem ab interitu vindicavit, se tamen incautus perdidit, quod liberi nimis oris, dissimulare odium non potuerit, in patriæ perduelles, nec abstinere ab invektivis, tum in alios, tum in *Antonium*, qui ulciscendæ injuriæ sibi illatæ causa, hæud multo post capite, & manu, qua *Philippicas* scri-

ſcripſerat , eum truncari juſſit : omnibus docu-
mento , *Potentiam* iras non provocandas , ſed de-
clinandas , non aliter , quàm in navigando procel-
lam . Majorum noſtrorum tempore *Enguerandus*
Marignus , qui ſub *Philippo* cognomine *Pulchro* uni-
verſam *Gallia* republicam adminiſtrarat , poſt
Regis mortem , quum ex eo quaereretur , quid cer-
ta quadam pecuniæ ſumma factum eſſet , reſpondit
numeratam fuiſſe *Carolo vaſeſio* defuncti fratri , qui
negans eum mentitum eſſe dixit . Quid ille ? ira
perciſus , & linguæ plus nimio indulgens , nulla
ejus quem alloquebatur dignitatis , regique ſan-
guinis habita ratione , reſpondere auſus eſt , ipſum
eſſe , qui mentitur : quo convitio magni animi
Princeps , ita affectus fuit , ita exacerbatus , ut non
ante quieverit , quàm illum ſuſpendio tollendum
cuſaſſet ; adeò verborum insolentia Principibus
intolerabilis eſt , tantumque habet in ſe malorum
membrum illud minutilum ac molliculum , niſi
adſit animus integer , rector ac moderator , ut haud
rarò ſibi ipſi mortem inferat loquaculus longèque
praſtet pede , quam lingua labi : quia quod di-
ctum , indictum fieri nullo modo poteſt . Habet
certè & cor linguam ſuam , videlicet cogitatio-
nem , qua homo loquitur ſibi . Qui tutus eſſe vult ,
hanc linguam inprimis cohibeat , ne maledictum
corde conceptum aliquo caſu , vel ira , vel vino ,
vel provocatione ſuffundatur in linguam , & redeat
per jugulum . Cujus mali praſentiſſimum reme-
dium eſt taciturnitas , altiffimis fluminibus ſimilis
quæ minimo ſono labuntur . Eximia me hercule
virtus ! Nemini enim loco , & tempore tacuiſſe ,
ſed intempèſtivè , ſed imprudenter , & incautè lo-
cutum eſſe nocet . Qui tacere neſcit , loqui igno-
rat , & plerumque aut ſtultitiæ , aut maledicentiæ
erimen incurrit . Haud inſcite Poëta , *ἀνίδωρον τῆς*
οἴης γλώττης : at contra periculofa plenum opus
alex tractat , & incedit per ignes ſuppoſitos cœ-
ne ri doſoſo , qui petulantis ſuæ linguæ cui loquen-

tiæ multum, sapientiæ parum, licentiam modera-
 ri, & fræno rationis, inhibere & compescere ne-
 quit. Quid homini in hæc vita dulcius, quid sua-
 vius esse potest amicitia, & arctissima animorum
 conjunctione? hæc dirimit; *Damonem à Pithia*,
Theseum à Pirithoo, *Achellem à Patroclo* divellit.
 Quid rerum humanarum carius, quid pretiosius
 nobis est fama, cujus dispendia, & damna omni
 æstimatione majora sunt? hæc minuit, traducit,
 sugillat, rodit. Ope tibi sunt? si potest, exuet.
 Honores? privabit. valetudo satis prospera? læ-
 det, offendet, adimet. Quid enim aliud lingua
 maledica, quàm sica, quàm gladius veneno tin-
 ctus? Quis adeò demens est, ut viperam in sinu
 foveat, pascat, amet? Talis lingua, imo viperis
 omnibus nocentior. Scorpium exhorrescimus,
 qui nec ferit, nisi imprudentem, nec semper ha-
 bet lethale venenum: at mala lingua longè perni-
 ciosior, quia nulli parcat, & venenum ejus sem-
 per, & ubique mortiferum: serpit enim ejus vi-
 rus in omnes, & ita natura comparatum est, ut
 lædere ei sit facillimum, mederi difficillimum.
 Adhæc, quàm importuna omnibus, quàm mole-
 sta est, *Tot pariter pelves, tot tintinnabula dicis, pul-*
sari, nulli non obstrepat, in aula, in tribunali, in
 curia, in viis, in ædibus, in navibus, in vehiculis,
 in conviviis, in rebus afflictis. ægritudinem, mæro-
 rem, luctum conduplicat, in rebus latis, ceu nu-
 bes ac tempestas quædam exorta, tristitia obnubi-
 lat omnia: in vestatione plus adfert vertiginis,
 quàm ipsa jactatio, in navigatione suo tadio su-
 perat ipsam nauseam: in itinere pedestri facundus
 comes pro vehiculo est, garrulus contra pro onere,
 pro sarcina, in symposiis, aut cænis collatitiis
 in quibus loquendi, tacendique vices laudari so-
 lent, pro voluptate tadium, & molestiam adfert,
 dum per garrulam ejus, & pendulam nimis lin-
 guam, nec citharam audire, nec comœdiam spe-
 ctare licet, aliorumque sermones accipere, ac vi-
 cissim

cissim reddere prohibemur. Quid multa? Impor-
tuna verè vasa & molesta, quæ dum maximè tir-
niunt, liquoris minimum habent. Verbo. Homi-
nes ad constringam nati, aut pistinum, & famæ
aliorum non præcones, sed prædones.

Longum esset, Auditores, omnia recensere quæ
huc faciunt. Finem dicendi facio. Fugiamus quæ-
so, & quidem sanguine viperino cautius, omnem
abusus omittam, imo, & multiloquium, in quo non
potest deesse peccatum, cum Deus battologiam
omnem damnet, etiam in orando: amemus si-
lentium veloces ad audiendum, tardi ad loquen-
dum, & ad verborum, linguæque certamina ru-
des. Ne lexemus fibulam linguæ in sermones su-
pervacaneos, quando quidem de quolibet verbo
otioso reddituri sumus rationem in die iudicii, si-
namus fatuos fatua loqui, nos ambiamus, ut de no-
bis dici possit: *Os iusti meditabitur sapientiam, &
lingua ejus loquetur iudicium*, & juxta magni illius
Pauli monitum: sermo noster sit semper sale con-
ditus in gratia, ut sciamus quomodo nos opor-
teat unicuique respondere. Nullus sermo malus
prodeat ex ore nostro, consentiat lingua cum ani-
mo. Si veritatem diligimus, absit mendacium ab
ore nostro. Si *Paulo* auscultantes, quæcunque vera
sunt, quæcunque honesta, quæcunque iusta, quæ-
cunque amabilia, quæcunque virtutis sunt, & ad
laudem disciplinæ pertinent, cogitamus, ac medi-
tatur, eadem & lingua nostra cogitationum in-
terpres proferat. Sed quod præmium *Paulo* dicat
hic forte aliquis? Audi maximum: *Et Deus*, in-
quit, *pactis erit vobiscum*: quem vobis, mihi, omni-
bus, ex animo precor. Dixi.

ORATIO XXXVII.

Habita à

JACOBO E.F. vander DUSSEN,

In laudem Eloquentia Ciceronis.

Non equidem dissimulare possum, summo cum pudore, atque aliquo prope cum tremore, me in hunc locum conscendere, quandoquidem omnia illa, & singula quæ illis qui ad dicendum prodeunt, timorem, & ruborem adferre consueverunt, mihi sese cumulatè hoc loco objiciant. Etenim ex eo nunc loco, qui & ad agendum amplissimus, & ad dicendum ornatissimus semper mihi est visus, præsentibus viris illis loquor, qui Doctrina, & rerum scientia antecellant, & inter Oratores, aliis longè eloquentiæ palmam præripiunt; de eo denique argumento, verba facio, cujus tractatio non inficior multo gravior, ac difficilior est, quàm ut vel ingenioli mei tenuitati, ætatis hujusce meæ judicio convenire videatur. Sed cum mihi jam ab ipsis studiorum meorum incunabulis, plus nimio perspecta sit vestra in audiendis iis, qui ex hoc loco ad vos declamare solent, humanitas, & benevolentia, addidit mihi stimulum humanitatis vestræ fiducia, ut & ego aliquid auribus vestris haud ingratum tentarem, ut si non à dicentis merito, ab argumenti saltem dignitate gratiam aliquam apud vos demereri possit. Fert enim animus, posthabitis omnibus quæ me ab hac dicendi provincia detererrere potuissent, in præsentiarum, in ejus me effunderelaudes, qui communi doctissimorum omnium calculo, ac suffragio parem neminem in Eloquentia, nedum superiorem habuit. Rem factor arduam aggredior: Cujus enim tantum est

in-

ingenii acumen , tanta dicendi vis , tantaque copia , ut eum pro meritis laudare queat , qui omni laude ac prædicatione major , ipſus ſe ſatis commendat , & de quo , ut verba *Saluſti* mea faciam , tacere longè præſtat , quàm pauca dicere , apertis tamen carceribus ſtillicequos emittere ſtatui ad palmam , memor illius Poëtæ ſententiæ.

Τόλμη δικαί ἔστις συλλαμβάνειν.

Nihil hæc, Auditores, de Patria *Ciceronis*, nihil de ſtirpe ejus, ac proſapia, nihil de parentibus & conſanguineis in medium proferam. Nam genus, & proaves, ut benè alibi ingenioliſſimus ille Vates, & qua non fecimus ipſi , vix ea noſtra voco , ad arcem cauſæ, & ad ea venio (quis enim aliàs finis?) quæ *Ciceroni* magno illi dicendæ Magiſtro propria , & præ aliis admiranda fuerunt, agnatam ſcilicet ejus, & longo rerum uſu ſubactam , & excukam eloquentiam. Sed & in hoc uberrimo argumenti, & materiæ campo, exclamare mihi liceat, cum principe illo Poëtarum *Homero*.

Τὸ πρῶτον πρὸς ἐπιτα πρὸς ὑδάτων καταλίξω.

Verba enim cum ſpecto , de verbis unicè ſollicitum fuiſſe judico ; cum res intueor , ita rebus additum ut plenus ſpirituum , & ſanguinis , verba neglexerit , prope ſuſpicer ; cum omnia perſpicio , bina hæc in eo ſumma reperio.

Quis enim *Ciceronis* lepores , ſoſculos, quis verneret, & elegantias ? quis ſtimulos , quis acumen in diſputando , in ſcriptis ſententias paſſim acres , penetrantes , & quod caput, ſalutares, mirari ſatis queat , quis mente aſſequi , quis cogitatione compleri ? Quis copiam & dicendi vim , quis ſimilitudines melie dulciores , figuras , ſermonis man-gonia, quis Romanæ diſtioniſ ornamenta , verborum phaleras, quis acrimoniæ ubique , & ſententiarum argutam ſnavitatem , ac eruditam elegantiam , omni auro magis auream quæ Orationibus ſuis

suis immisceat, & unus in eo genere triumphat? Quis digressiones ejus verè graves, exclamationes patheticas, interrogationes emphaticas, prosopopæas, rationum pondera, abundè satis deprædicet? Quis affectus quibus Auditorum animos movet, flectit, percellit, ferit, & blanda quadam vi trahit in veritatis, quam defendendam suscepit, assensum? quæ qui non excitatur, dignum judicio qui ad *Inferorum* tribunalia relegatur.

Non me fugit, Auditores, *Roma* quæ *Latialis* facundia domicilium fuit, elegantia sedes, & *Musarum* ac *Gratiarum* omnium sacrarium, tempore *Ciceronis* nonnullos extitisse ineptè sciolos, qui circumforanea, & verbosa è trivio petita loquacitate, clamandique robore, in frigidis verborum lenociniis, grallatis vocabulis, & jejunis dictionum pigmentis, eloquentiam, ac dicendi facultatem collocandam esse statuebant vernili famularum cinctu & vestitu, Dominam dehonestantes: Sed ut viris illi doctis, & eruditis displicuerunt, ita prodeunte in publicum *Cicerone* in contemptum venerunt omnes illi dicaculi, nedum garruli, & tantum nativæ, ac veræ eloquentiæ jubar disparuit, nebulæ instar, omnis illa verbosa, & importuna dicacitas: utpote qui melius longè, & exactius in Philosophorum, ac Oratorum Schola institutus, legum non superficialia, sed Plena, ac solida cognitione imbutus, Antiquitatis scientia instructus, in historiis versatus, in Philosophia minimè peregrinus, doctius, solidius, & eloquentius longè aliis, quæ dicenda habuit, sine fuco, in affectata simplicitate, & naturali pulchritudine, instar fluvii scaturientis, in medium proferre potuit.

Quàm enim præclare *Platonis* Academiam, *Stoicorum* *Stoam*, *Aristotelis* *Peripatetum* spirant, ac redolent, quæ ab eo divina propemodum eloquentia differuntur, cum de virtutibus Imperatoris (ut ex ungue leonem) in *Manliana*; de corporis, & fortunæ bonis in *Oratione pro Murena*; de *Amicitia*

citia pro *Plancio*; de amore Patriæ in haruspicum responsis; de veritate pro *Calio*; de Clementia Principis pro *Marco Marcello*; de Invidia in Oratione pro *Cluentio*, tam eruditè, tam graviter, tam copiosè dissertat. Ne quid hic loquar de *Monitis* ejus quæ passim scriptis suis, & Orationibus inspergit, quæ politicam scientiam in eo non vulgarem, sed summam, sed admirandam redolent, addè ut si in ea disciplina nihil à quoquam scriptum fuisset unquam, aut editum, ex solo *Cicerone* instrui, concinnari, & adornari posse. Nam quàm doctè hic noster, quàm disertè de Magistratus officio disputat in Oratione pro *Flacco*; de salute Reipublicæ, privatis rebus anteponenda, in Oratione pro *Sylla*; de vigilantia pro *Plancio*; de tyrannide fugienda, & libertate Patriæ defendenda in *Catilinariis*; de mora & procrastinatione in urgentibus Reipublicæ negotiis vitanda *Philippica* sua 3. 5. 6. quantus ubique in iis vigor & calor? quàm omnia animata, & spirantia? ut excitari vel ignava & jacentia ingenia necesse sit, & trepida aut frigida calere. Imò non scripta legere, sed verba audire, nec imaginem ejus in libris, sed ipsum *Ciceronem* oculis usurpare videamur, *Torrentem*, ut *pleni moderantem frana Theatri*. Quanti porro hic noster rerum naturalium cognitione, præ aliis eminuit? quàm doctè, quàm copiosè, quàm facundè de corporis humani structura, partibus, lineamentis differit in Oratione pro *Cluentio*? de victus ineunda ratione 2. *Agraria*, de terræ motu in haruspicum responsis, de cæli cursu, astrorum influentiis, de cometis, fulminibus, aliisque meteoris 3. *Catilinaria*? quis non inter legendum videt, fluere omnia è pleno pectore, & inexhausto illo ingenii fonte? Quid iura, & leges hinc commemorem. in quibus exercitatissimus fuit, nusquam peregrinus, hic *Themidis*, & *Astrea* sacerdos? Quid prudentiam loquar, qua Orator hic noster incomparabilis, præ aliis excelluit, nescio quid supra ætatis

tatis suæ genium spirans? quàm quoque Senatui, populoque Romano non semel probavit. Quis Iurisprudentiæ laudes, quis legum non utilitatem modo, sed & necessitatem melius, quis splendidius commendare posset, quàm in Oratione pro *Lacina* ab eo factum? Adeo ut si quis juris Papi-
niani discendi desiderio teneatur, neminem felicius, & majori cum fructu legat, evolvat, ruminet.

Adhæc quanta (ut alius adhuc in hoc laudum Tullianarum pelagus provehar) quanta, inquam, in *Cicerone* nostro fuit Antiquitatis cognitio, quanta Historiarum, quibus fidem sibi, in causis, quas defendendas suscepit, conciliat? Scatent, Auditores, scatent passim exemplis virtutum, & monitis saluberrimis Orationesejus, quibus Populum, & Rempublicam Romanam in amorem, imo & in admirationem sui pertraxit? Quis ob civium ingratitude de Republica benè mereri dubitet, cum in Oratione pro *Sextio*, *Brutorum*, *Camillorum* *Phocionum* exempla, tanto sententiarum pondere, tanta stili sublimitate, Auditoribus suis meditanda proponit, qui licet in summum apud suos contemptum venerant, Reipublicæ tamen, & Patriæ operam dare non dubitarunt? Quis non in pretio habeat, & amore literatos, cum in Oratione pro *Archia* pœta, tantis eòs extollit laudibus, & *Marii*, *Luculli*, *Bruti*, *Metelli*, doctissimorum virorum encomia, tam luculenter deprecatur?

Taceo linguæ græcæ in Oratore nostro, scientiam haud vulgarem, in qua etiam eminuit, ἐν τῷ ἐνύχων τὸν λέοντα. *Apollonius* Rhodi audita græca ejus, & extemporali oratione, stetit attonitus, indolere se *Græcorum* fortunæ dictitans, quibus una jam laus Eloquentiæ reliqua, per *Ciceronem* Romanis accederet. Quànquam enim proprietatem Romanæ linguæ simul cum lacte materno, purissimo sæculo, ex ipso Latinitatis penu hauserit, aliunde tamen, qua erat judicii sagacitate, & acrimonia, divi-

divinum illum suum sermonem , majoribus inco-
gnitum, posteris omnibus admirabilem , deprom-
psit , & alia longe quam Latina exercitatione au-
xit , & aluit. Ille enim quo inter alios excelluit
sermo , non in Italia natus , sed è *Græcorum* suba-
ctiore disciplina in *Italiam* translatus fecit ut sola
Ciceronis Oratio , præ reliquis omnibus Romanis ,
qui illo ætate aut superiores , aut supparet fuere ,
sub Regibus, Decem- viris, Principibus, non colore
solum nativo pure tincta, sed Atticarum venerum
succo plenè imbuta , & *Græcorum* eruditione cor-
roborata, tantum emineret inter summos illius
temporis Oratores ,

Quantum lenta solent inter viburna Cupressi.

Insigni omnibus qui Scholis præficiuntur , do-
cumento , ne unquam committant , aut nimia fa-
cilitate, aut incuria, ut græci illi Sapientiæ fontes,
in desuetudinem veniant, aut despectum, apud il-
los quorum maximè interest his Musis græcanicis
instrui. Nam si ipsa Latinitas florentissima sua æ-
tate , in ipso puzæ , id est Romanæ locutionis cen-
tro , *Roma* , domicilio Imperii , in ipso *Cicerone* ,
omnium suffragiis uberrimo , & inexhausto Elo-
quentiæ fonte , ad summum perfectionis apicem
sine græca lingua non assurrexit, quæ illa sodes de-
mentis est in sola Latina quærere quod *Cicero* ipse,
qui victurus quandiu ulla nominis Romani exta-
bit memoria , absque Græca non invenit ? Cur te-
merè quis speret consequi , quod ille non potuit ,
cur imprudenter contendat eam inire viam ,
quam ipse insistere noluit, cur ejus exemplum de-
trectet, quem solum , aut potissimum ea in parte ,
& arte tanquam summum ducem sequendum esse
nemo non statuit ? Nisi forsàn *Cicero* ipse iudicio
quidem pollens, aliis tamen , & inutilis consilio ,
& ineptus exemplo planè esse videatur. Quas igi-
tur *Cicero* summus ille eloquentiæ parens , linguas
sibi reipsa utiliter , aliis exemplo prudentissimè
conjunxit , & filio *Athenis* agenti in convic-
tu ac
contu-

contubernio hominum doctissimorum, conjungendas injunxit in Philosophia solum, sed & non in ipsa dicendi exercitatione, absit, ut earum studium, & amor animis nostris unquam exoleseat, aut aliquà in contemptum veniant, quæ summam apud doctos omnes, & literatos laudem merentur.

Sed ne attentione vestra, longius abuti videar, finio: nam de tanti viri laudibus plura dicere supervacaneum esse arbitror, quod *Ciceronem* nisi *Cicero* nemo dignè laudaverit. Sed ad vos me converto Studiosi, *Musarum* alumni, honorum candidati. Audivistis magni Oratoris, magna encomia, & summi dicendi Magistri laudes, quæ longè fateor infra viri hujus incomparabilis merita, & dignitatem subsidunt, sed quæ vobis, & mihi esse debent stimuli ad imitationem ejus, quo eloquentiorem nec Sol vidit unquam, nec terra tulit. Quid enim eruditio pura, & nativa Latinitate destituta, nisi infans rerum cognitio? Quid artes, & scientiæ, nisi eas eloquentia comiteretur, quæ dilucidè cogitata mentis enuntiare possit? Quid literatura, ab omni sermonis elegantia aliena, nisi mera balbuties? cum omnium aliarum facultatum studia à se ipsa relicta esse videantur, nisi eloquentiæ præsidio instructa, & munita fuerint. Imo quem admodum imperator sui est servator exercitus: ita Eloquentia sapientiæ conjuncta, humana vitæ gubernatrix est. Ideo olim arctissimo inter se vinculo jungi *Mercurium*, & *Palladem*, Antiquitas voluit, quod sine facundia, sapientia, prudentiaque illa rerum humanarum Regina, & civitatum Domina, atque Imperatrix, nulla sit. Et profecto si ii qui pacis tempore in armis tractandis se exercuerunt, usu plus, quam corporis viribus, & robore præstant, galeam alacres induunt, & sagum, hostilis exercitus aut frontem petunt, aut tergum adoriuntur, aut cornua laceffunt, collato cum eo pede præliantur, aliaque militiæ munia obeunt, quis non

non scribendi, dicendique illis exercitationem necessariam, esse judicabit, qui in hominum oculis aliquando versari, cathedram conscendere, publicè verba facere, causas agere, legationibus fungi, aut alio quopiam modo Oratorum partes tueri cupiunt? Vidit hoc princeps ille Philosophorum *Aristoteles*, qui Rhetoricam horis pomeridianis docuit in *Peripato*, & ea dicendi copia fuit, ut eum Oratorum Princeps, autò fluentem fluvium appellarit. Vidit & *Cicero* noster Romani eloquii flos, qui in colenda Oratoria totus fuit, & tantum abest, ut Philosophiam ab hac alienam esse judicaret, ut contra profiteatur, se non aspernaturum eum Philosophum, qui eloquentiam attulerit. Vidit *Theophrastus*, qui à divina loquendi facultate nomen retulit. Viderunt & ei qui Scholis unquam cum laude præfuerunt, rati rerum scientiam ita esse cum facultate ornatè, copiosèque dicendi conjunctam, ut eas qui distrahare conarentur, & vel rerum cognitionem sine ullo politicæ orationis adminiculo, consecrari se dicerent, vel verborum flosculis, & elegantiss contenti, ne aspirarent quidem ad solidioris doctrinæ gradum pessimè utrosque tum suis, tum aliorum studiis consulere, & perniciosum quasi corporis, & animi dissidium inducere. Quid restat Studiosi? Hoc unum, ut hunc Eloquentiæ patrem colatis unicè, & in pretio habeatis. Et fiet si à vobis continuè legatur, volvatur, teratur. Misum quantum ad stili ubertatem, & copiam, ad purioris Latinitatis elegantiam, quantum ad parresiam, & dicendi libertatem, vobis adferret emolumenti, quantum utilitatis, inde fessa tanti Oratoris lectio, in qua multum profecit, si cui vel in ipso limine, placere cœperit ille,

Flor ilibatus populi, Suadaque medulla.

ORATIO XXXVIII.

In luxum Vestium,

Habita à

P E T R O N . F . vander M A S T .

SI eruditorum idem quod vulgi indicium esset, & quantum in triviis, ac circulis, imperitorum clamores, tantum in Schollis, & literatorum subselliis, impudentia valeret, difficilem plane, atque odiosam provinciam suscepisse existimarem. Quam enim, obsecro vos, gratiam apud eos demereri possetis, qui ea sibi perstringenda proponit, quæ plerique prohi dolor! hoc tempore & probant, & omni studio affectant, luxum nempe vestium, & pompam? quæ usque. eò hodie processit, ut plebeji vix, & è trivio homines, à Patriciis discerni queant, externo vestium cultu, ut verè nunc mihi exclamare liceat cum Poëta nostro Venusino, *Nil medium est*. Sed cum in publica doctissimorum virorum corona, ea demum probari sciam, quæ non ad populi vitia fovenda, sed extirpanda, & hominum non corrumpendos, sed informandos mores serviunt, vestrum prodire in conspectum minimè dubitavi, impositaque mihi provincia defungi. Quæ tota in hoc cardine vertitur, ut immoderatum vestium luxum, qui nunc ad nauseam penè, bonorum omnium in omnigenæ sortis, & conditionis homines, irrepsit, hac mea Oratione proscindam, & quæ fieri potest in odium, ac contemptum adducam. Vos tantum favete, Auditores, & ista favoris vestri, & attentionis aura, conatibus nostris adspirate; qui si expectationi vestræ non planè & plenè respondent, humanitatis vestræ erit, in-
fan-

fantiam nostram , in his dicendi Tyrociniis agnoscere , & palpo benevolentia vestra

Currenti subdere calcar equo.

Nam ut bene alibi Poëta, *Audacia certe,*

Lau erit, in magnis, & voluisse satis.

Ut igitur semotis verborum ambagibus , Medicorum in curandis morbis exemplum imitati , causam , Auditores , inquiramus effraenis hujus in vestibus licentia , certè si rem recto judicii oculo æstimemus , paucos reperias , quibus Ambitio , Nobilitatis opinio , vanitatis , & in mulieribus formæ ac nitelæ studium , unica non sit corporis amictus , vestiumque luxus , causa , & argumentum. Idcirco Artifices hodie manuarii Mercatorum , Mercatores Nobilium , Nobiles Principum habitu incedunt , & ut sui ordinis homines antevertat , suam quisque auget , imo deserit vitæ conditionem. Tanta autem est hac in parte omnium intemperantia , ut vel peccetur in exquisita vestium materia , cum sericis pro panneis utuntur vestibus ; vel in limbis latissimis , auro argentoque intextis , vel in novo vestium genere inviso ante , & inaudito , adeò ut peritissimi Sartores , qui ante annos aliquot in arte sua excelluerunt , hodie Tyrones sint.

Exempli gratia , in tunicarum muliebrum formis conchyliatis , crocotulis , syrmatibus , manicis ampullatis , fenestratis , contractis , ut brachiorum candor emineat , aliisque vanitatis , & luxuriæ commentis , ne dicam ineptiis , & quisquiliis , quas enumerate omnes si vellem , ineptus ipse essem. Quorum omnium adeo ferax est mulierum ingenium , ut de cultu suo , vestiumque nitela , curis omnibus aliis posthabitis , sollicitæ tantum esse videantur , & in florenti vitæ suæ ætate , non nisi inter speculum , & pectinem versari. Quæ cortinis , aulæis , pulvinariis , lucernis , conopeis , purpurissis Soli fulgorem suum exprobrant : quæ calamistris , torquibus , gemmis , monilibus *Cleopa-*

tra sunt, & vestibus varietatis ut pavones gloriantur. Vetus hoc malum, Auditores, nec hujus solum xvi Regius enim ille vates *Esaias*, sui temporis mulieres hujus vanitatis infimulat, cum ornamenta capitis, brachiorum, manuum, pedum lunulas, torques, armillas, monilia, mitras, periscelides, inaures annulos, gemmas in fronte pendentes, palliola, linteamina, acus, specula, sindones, & vittas, aliaque pompæ inanis, & superbiz instrumenta, quæ excogitare ambitio, aut luxuria poterat, & ex quibus elegantiz latudem captant, ordine, & examulsum enumerat. Ut igitur (quia non minor hodiè, quam olim, multorum in amictu luxuria est, qui divitiarum non alium fructum putant, quàm profusionem.) ut inquam grassanti huic contagio occurratur, attendite quæso mecum, tum quæ vestimenti materia fuerit, quæ primos nostros parentes, Deus post lapsum condecoratos esse voluit, tum quæ vestimenti in iis fuerit occasio Sacram paginam replicate. Quid? nonne primæ *Adami*, & *Eve* tunicæ fuerunt pelliceæ? Ut vel ex vili, & abjecto illo amictu discerent, quam celso dignitatis gradu, perfidia sua, & turpi ad Satanam defectione, decidissent. Adhuc quæ vestimenti illius occasio? non alia, quam nuditatis infamia, & pudor cum se eximiis illis Dei dotibus, sanctitate, innocentia, & simplicitate destitutos esse animadverterent: adèd ut quoties in amictum nostrum oculos conjicimus, in memoriam nobis revocet hæc vestiendi necessitas, turpissimam hominis à Deo apostasiam, & vulneris nobis per peccatum infligti, cicatricem, identidem refricet. Iam quis furem, aut maleficum non jure rideat, si adèd perfrictæ frontis sit, aut mentis inops, ut ex laqueo suo, aut cauterio animos capere, & in iis audeat gloriari? Tales isti qui laudem, & gloriam captant ex vestium pompa. Nam cum sint vestimenta primis nostris parentibus, eorumque posteris, ob ipsorum ambitio-

tionem , qua se supra Deum efferre , aut saltem paria cum eo facere non dubitarunt , veluti quædam iniusta infamiae nota , solus vestium nostrarum aspectus , non ad superbiam , & fastum incitare nos debebat , sed ad humilitatem , & insignem animi demissionem . Certè qui gloriam in vestibus quærunt , ambitiosis illis hominibus haud absimiles sunt , qui corporibus suis , sani adhuc , & incolumes , magnifica , & superba ex marmore , & peregrino lapide exstruunt monumenta , & auro barbarico radiantia *Mausolæa* . Quemadmodum enim sepulchrum iis in memoriam redigit , corpusculi sui mox perituri , fragilitatem , & inevitabilem moriendi necessitatem , & vel invitis inculcat salutaria monita queis fastum omnem , & superbiam animis suis extundant , ex eo tamen plus nimio sese efferendi occasionem captant . Ita cum sint vestimenta , perpetuum ad nos humiliandos peccati *μνημόσυνοι* , splendoras tamen atque sumptuosas vestes quasi in Dei contumeliam circumferimus , tanquam superbiae nostrae , & luxuriae testes . Quo colore , Auditores , imò , qua fronte non video . Quicumque enim in luxu vestium , plus æquo sibi placet , aperte , & palam profitetur , quàm parum adhuc in sui ipsius cognitione profecerit , quamque domi sit peregrinus . Nam si probè intelligeret , inque eam seriò descenderet meditationem , corpus suum reverà nihil aliud esse , quam sordium sentinam , vermium escam , spoliū temporis , ludibrium fortunæ , morborum omnium sedem , miseriæ trutinam , & calamitatis tabulam , de illo tantopere adornando , non adeò esset sollicitus . Homines enim quid sumus ? & quamdiu æquor hoc vitæ navigamus , quid nisi fluctus , & interdum serenum aliquod si blanditur , decipit . & fere tempestas major succedit : quàm vivere hoc lubricum , & instabile ! quàm fragilis materia , & levi casu rumpenda ! .

Quàm nesci t eodem

Stare

*Stare diu Fortuna loco, quàm quidquid in alto est,
Labitur, ingentemque trahit fors magna ruinam!*

Quid quod stulta hæc, & immoderata curiositas vestium, manifestum indicium est, & indubitatum τεκμήριον deformitatis animi. Cato Censorius damnans daniosam hanc insaniam, dicere solebat non minus verè, quàm eleganter: *In magna corporis cura, magnam apparere anima incuriam.* Quid enim Matrona (quæ nativam formam possidet, arti nihil debet) decore, & honestè vestita præ se fert, quid spondet, quid pollicetur? vultis dicam Auditores? pudicitiam & castitatem, unicum sexus feminei ornamentum. Quid compta superbè, & fucata? impudicitiam. Quid molitur? perniciem suam & aliorum. Cypricum magnum illum virtutis Magistrum, audite in hanc rem differentem: Ad virginem quandam sui temporis verba faciens: *Si, inquit, tu te sumptuosius comas, & splendidius induta vestibus in publicum prodeas, oculos in te Iuventutis illicias, suspiria Adolescentum post te trahas, concupiscendi libidinem exites, excitatam nutrias, peccandi fomenta succendas, etsi ipsa non pereas, alios tamen perdas, & te velut dulce venenum aliis te intuentibus propines, excusari non potes, quasi mente casta sis, & pudica.* Redarguit enim te cultus improbus, & impudicus ornatus. Alibi hic idem Pater: *Si mulier se ornaverit, ut vultus hominum in se convertat, etsi inde nullum sequitur damnum patietur aeternum; quia venenum attulit si fuisset qui biberet.* Hi tamen hodie multorum mores sunt. Quid enim non cultui corporis quotidie adjiciunt mortales? Quam non novam insaniam insaniunt in pileis, barbis, calceis; palliis, togis; de singulis capillis in consilium itur, nutritur coma in fronte, luduntque jubæ per colla, per armos. Batavi sunt, & Gallum habitu mentiuntur, cothurnati incedunt, & mendacio staturam adjuvant. Celebrant apud Suetonium aureum illud *Casaris Augusti dictum, vestitus, inquit, insignis, ac mollis, superbia*

perbia vixillum est, & luxuria nidus. Ita profecto est Auditores.

Ut enim ex ungue Leonem, καὶ ἐκ τοῦ καρχη-
δὸς τὸ ὕψωμα γίνωσκεν, unicuique facile est; ita
ex vestibis hominem. Vanitas earum, ingenii hu-
mani vanitatem arguit, quæ nusquam luculentius,
nusquam magis se prodit. Viderunt hoc olim *Gen-
tiles*, solo naturæ lumine ducti, nec aliâ de causâ
luxum vestium, tantopere detestati sunt. *Octavius
Augustus* successor *Iulii Caesaris*, veræ si quisquam
nobilitatis imago, in summo Fortunæ fastigio, tan-
tæ fuit continentiae, tantæ frugalitatis, ut non sim-
plici tantum amictu uteretur, sed & licentio rem
in *Iulia* filiâ suâ reprehenderit: *Toro non nisi humi-
li, & modicè instrato cubuisse ajunt. Veste non temere
alia, quam domestica usus est, ab uxore, sorore, & fi-
lia, neptibusque confecta. Alexandrum Severum, ex-
imium illud modestiæ, & probitatis exemplar,*
nonnullis admirantibus, cur non maiorem cultus
corporis sui haberet rationem, respondisse ferunt:
*Imperatoria Majestas non in corporis ornatu, sed vir-
tutis splendore consistit. Marius Romanum Impera-
torem dixisse aliquando & bene; Munditias mulie-
ribus, viris laborem convenire.* Ita plerique illi Vete-
res leviter, & sine cura se ipsos habuerunt, non
ab apparatu, sed ab animo reges, & introrsum à
plebe differebant, extrorsum vel gregariis similes
videbantur. *Alianus* author est, *Lacedamoniorum
Ephoros*, quotidie obire solitos, per urbem ad cen-
suram morum, & inspectionem vestium, ne quid
alienum à decenti ornatu à quoquam gestaretur.
Apud *Syracusanos* lege cautum fuisse, testatur *Plu-
tarchus*, ne mulieres auro ornarentur, nec flori-
das, aut acupictas vestes gererent, nisi forte le-
vioris notæ fæmina, aut publicum esset prostibu-
lum. Hinc *Dionysius Syracusanus Junior*, cum ma-
leficos gravissimis suppliciis afficeret, eò tamen
facile adduci potuit, ut iis ignosceret qui vestium
splendidarum fures essent, quo melius à luxu *Sy-
racusa-*

racusanos dererreret. Si hæc *Gentiles*, qui verâ *Dei* cognitione destituti fuerunt, quid nobis tandem *Christianis* faciendum esse putamus? Quanto enim major nobis veritatis Evangelicæ lux affulsit, tanto majori studio, enitendum nobis, ut vitæ sanctimoniâ, & morum simplicitate profanos illos, & altis ignorantia tenebris immerfos, superemus. Et si quondam *Samius* ille senex vitæ suæ exemplo, monitisque salutaribus, quâ pollebat eloquentiâ, tantum potuit, apud *Matronas Crotonienses*, ut auratas vestes, & fulgentes in capite, & collo gemmas, cæteraque vanitatis suæ insignia, velut instrumenta luxuriæ depnerent, eaque omnia delata in Junonis Ædem, ipsi Deæ consecrarent, rata non vestium pompam, sed pudicitiam, sed castitatem, unicum *Matronarum* esse ornamentum, & sapientiæ, probitatis, modestiæ habitibus condecorari potius debere, quam gemmis, torquibus, armillis, pigmentis & lenociniis, quantâ *Christum* summum illum vitæ nostræ ductorem, & doctorem, afficimus ignominiâ, si in arcendis, & longè à nobis regelandis luxuriæ, & vanitatis irritamentis, tantum apud nos non possint Divina ejus ad humilitatem hortamenta, quantum unus apud infideles potuit *Pythagoras*? Scio Auditores, sericum aurum, gemmas, & id genus alia quæ ornandis corporibus serviunt, non frustra esse à *Deo* condita. Scio usum eorum esse licitum iis, quos cæli favor longè supra communem hominum sortem collocavit, quales sunt Principes, Nobiles, Optimates, Patricii, qui Reipublicæ gubernacula tractant, & Regni habenas moderantur, qui honorifico aliquo munere funguntur, aut qui divitiis longè supra alios abundant. Utantur & quidem liberè, his naturæ donis, his dignitatis suæ cimeliis, & ornamentis, non alio fine à *Deo* data sunt. Utantur inquam, sed ne abutantur. Sint illis argumenta gratitudinis suæ erga *Deum*, qui eos ad tantum honoris apicem evehit, non luxuriæ,

xurix , non fastus, non vanitatis, ut non tam purpurâ sua, præ aliis emineant , quàm studio virtutis , vitæ integritate , & morum modestiâ , ad hæc præclaris sago togâque in Rempublicam meritis , quæ vera & unica est Nobilitas , vera insignia Heroicarum , & illustrium animarum. Alii qui ad pompam , & luxuriam nati videntur , quid nisi sanguine tales aut Fortunâ ? quæ si tollas nudisunt , imo si ad primum hominem provoces , unde nisi à ligone , aratro, colo sunt. qui tantopere Nobilitatem crepant ? Ad hæc quid aliud luxuria vestium si abutaris, addo & conviviorum , nisi ægræ civitatis indicia ? imo morituræ. Nam hæc homines ubi familiares opes defecerunt , ad facinora incendunt , & res novas sceleribus acquirunt.

Plura dicerem Auditores , sed memor aureæ illius sententiæ Ciceronis , *Modum dicendi non esse penes dicentem , sed audientem* , ne prolixiori Oratione vos demorer , finem facio. Audivistis in quæ pericula se , & alios præcipitant , qui plus nimio huic vanitati indulgent , & quàm longè hac in parte Gentiles ipsi nos à tergo relinquant. Quare fugite , fugite quæso in vestitu pompam , in cultu luxuriam, in amictu vanitatem : nam ut benè alibi Poëta : *Forma Viros neglecta decet*. Videtis Auditores rerum humanarum vicissitudines , vitæ humanæ inconstantiam, & corporum nostrorum quæ circumferimus & *debetur*. Ad animum revo cate quàm fragiles , & incertæ spes nostræ : Quàm lubricum , quàm instabile , quàm momentaneum , quàm fluxum , & caducum vitæ nostræ spatium , in hoc corporis tngurio. Quotidie enim morimur , quotidie pars aliqua vitæ demitur , & dum crescimus , vita decrescit, Sericarum vestium ambitio quid aliud est quàm excrementa vermium ? Homo intrinsicè turpis , externis ornamentis, nihilo fit melior, quàm strigosus equus, & languens sub splendidis phaleris, & aureo freno.

Majores sumus, & ad majora nati, quàm ut corporum nostrorum sumus mancipia, quæ non aliter à nobis aspicienda, quàm vincula libertati nostræ circumdata, quàm Catastræ, Fidiculæ, Numellæ, Compedes, imo Carceres Animarum. Si quis in mutuâ, aut conductitiâ domo habitet, ex quâ de die in diem migrare in animum induxit, eam ne perinde, ac aliam in quâ ævum transigere constituit, amabit? Non arbitror. Jam quid aliud sunt corpora nostra, quàm animarum domicilia, ex quibus brevi sperant se migraturas. Cur ergo de iis ornandis tantopere solliciti sumus, nullâ aut exiguâ Animæ nostræ, quæ nobilissima nostri pars est, habitâ ratione? Illa Auditores, illa nobis præ aliis sit curæ, de ornandâ illa serio serio cogitemus. Et verè à nobis ornabitur, si sanctitati, si morum innocentiz, si probitati, si modestiæ quæatrix virtutis, & veræ famæ, sedulam navemus operam, si non tam hominibus, quàm *Deo* placere studeamus, si illibatam servemus conscientiam, si ab omni vanitate, & luxuriâ alieni, castè, temperanter, & sobriè vivamus, actionesque nostras ita instituamus, ut non tam ex publicâ, & externâ professione, quàm vitâ, & moribus appareat, nos verè Christianos esse, & *Dei* filios; ut tandem emenso vitæ nostræ curriculo, nos æternæ illius beatitudinis consortes faciat, quæ nullis verborum pigmentis, nullis coloribus, nullis humani eloquii viribus, nullis cogitationum nec temporum spatiis circumscribitur, quam vobis ex intimo animi affectu, & mihi voveo. Dixi.

O R A T I O X X X I X .

In laudem Auri , recitata à

M A I L L A R D O A D R I A N I .

SI eorum quæ Oratione tractari solent præstantia , non aliunde quàm ex ejus qui de eis disserit ingenio æstimanda sit , magnopere mihi metuendum esset , ne in hoc ornatissimo ad dicendum loco , materiæ dignitatem de quâ mihi nunc declamandum est , ingenii mei tenuitate , & orationis inopiâ detererem. Dicturus enim de Auro , quod multos sui admiratores , ne dicam adoratores habet , optarem equidem dum laudes ejus vobis deprædicandas propono , ut aureâ quadam apud vos eloquentia , provincia hac oratoria , mihi imposita defungi possem , ut tum expectationi vestræ , tum rei quam laudandam suscepi merito , satisfieri queat : Sed cum in his dicendi tyrociniiis optari quidvis facilius , quàm sperari à nobis possit , vos rogo Auditores , & quam possum animi demissione à vobis contendo , qui & ea sapientia estis , ut quanti quæque res sit , ex natura ipsius , non ex iis quæ de ea dicuntur ponderare , & ea lenitate , & mansuetudine , ut eis qui potius quàm officium deserant , ejus onere opprimi malunt , facile , ac libenter ignoscere jam pridem didicistis , ut non minori benevolentia , quàm eos qui ante ex hoc loco declamarunt , me complecti dignemini.

Vnum Auditores , ut mentem meam paucis apud vos circumscribam , Auri præstantiam , & dignitatem præ aliis mihi commendare videtur , quod eo nihil potentius sit , nihil validius. Nam inter res illas quarum vim , & potentiam reformidare solent homines , arma primum tenere locum,

cum, neminem credo vestrum esse, qui ambigar, quæ si comitata sint numerofo fortissimorum militum exercitu, copiis equestribus, horrendo tympanorum strepitu, & clangore tubarum, quas non hominum strages, urbium excidia, regionum depopulationes, vastitates, incendia, minantur ubicunque illa ingruunt? ut meritò Martem princeps ille poëtarum *Homerus* βροτόλοιγον μαιφόνον, τείχεσι πλάτην appellare non dubitaverit. Sed quid arma fodes, sine Auro? Vultis dicam? quod corpus sine nervis. Vnde eleganter Græci χρυσὸν νῦν τῷ πολέμῳ: Cui & illud poëte succinit: *Aurum bella gerit, micronibus imperat Aurum*, adeò ut nihil tam munitum sit, quod non expugnari pecunia possit. Contra mendicitas ad omnem desperationem vocat armatos, & disciplinam non servat jejunus exercitus, cui ob egestatem, assueto latrociniiis, maxima peccandi necessitudo est. Audite Oraculum, Ἀργυρέαις λέγῃσι μάχῃς, καὶ πάντα νικήσεις; Ita quondam *Philippo Macedoni* respondit *Apollo*, cum *Graciam* expugnare, & imperio suo adjicere, staret sententia. Arx aliqua munitissima vallis, manibus, propugnaculis undecunque cincta, milite præsidario fortiter occupata, vigilantissimi belliducis obsidionem ridet, copias ejus illudit? onustus auro mulus in arcem ascendat, expugnabit, ut olim gloriatus est callidus ille regnandi, vir *Macedo*: scilicet

*Aurum per medios ire satellites,
Et perumpere atq; Saxa, potentius
Istu fulmineo.*

Quid mirum Auditores? cum & animos hominum vincat, & velut catenis devinctos trahat in quam partem cumque sibi visum, corda subiciat, mentes frangat, adeò ut quos ferrum expugnare non potest, Aurum expugnet, & qui nullis rationum mementis, nullis pollicitationibus, nullis minis, nullis tormentis, commoveri possunt, Auro flectuntur, & quorum integritas, fides, constantia

stantia armis concuti non potest, Auro potest. Auro per medias acies, auro per portas, fossos, muros, mania itur, omnia castella hæc machina dejicit; sine hac quid lorica, quid moles, quid propugnacula, mortariola, ignita jacula, tormenta bellica, suggestus, forcipes, sudēs præpilatæ, reductus, viæ coopertæ, dimidiatæ lunæ, opera cornuta, accessus, corbes loricales, vineæ? nihil. Adversus Aurum subdola & astuta consilia nihil possunt, debiles sunt omnes adversus Aurum machinæ, imbecilla, & inutilis adversus Aurum multitudo. Auro duce per medios hostes sibi & suis viam ferro faciunt belli Duces. Adhæc quid rebus in hoc Mundo etiam augustissimis, qualia sunt Templâ, Regum, & Principum palatia, sceptrâ, diademata, majorem conciliat ornatum, splendorem, majestatem? Vnde inquam illa nisi ab Auro? Aperiantur antiquarum domorum familiæ: inspiciantur vetera ornamenta, prisca virtutis monumenta perlustrentur. Hic eburneos, illic aureos crateres, Dædalea arte elaboratos, hic pretiosissimum smaragdum, illic adamantem, hic aurea Imperatorum, & Principum monilia, illic jaspide fulgentes gladios reperiemus. Vnde vero pulcherrima ista dona, unde præmia? Aurum dedit. Eximiè, ac præclarè poëta:

*Templa micant Auro, radiatque altaribus Aurum,
Auro certa fides, perpetuumque decus.*

*Auro Romulei redimunt Capitolia Patres,
Parent victa Auro, sidera, terra, fretum.*

Despectui nobis essent Principum Aulæ, Atria, cœnacula, triclinia, speciosa, & spaciola, tessulata pavimenta, peristromata purpurea, nisi Auro argentoque undecunque radiarent, nisi tapetis, proavum imaginibus, armis, clypeis, hastis, vexillis, aliisque ornamentis fulgerent: vilescerent apud nos potentissimorum Regum diademata, nisi aureo suo splendore oculorum nostrorum aciem præstringerent. Omnia enim condecorat, illu-

strat, serenat. Intuemini mihi Auditores, Solem magnum illum Mundi oculum, cum radiis ab alto, terram illustrat, & appetente jam Vere, calore suo gramina, Flores, herbas, è gremio, & sinu magnæ Matris educit, latari omnia, & nobis quasi arridere videntur: Quàm grata tunc, quàm amœna Naturæ facies, quanta Cœli clementia, quàm insignis æris temperies? At vero cum vergit ad occasum, aut obscura, & densa aliqua nube interceptus occultatur, & vultus sui serenitatem nobis abscondit, terram illicò ornamentis suis spoliari, herbas exarescere, torpere flores, & omnia quodammodo exanimari videmus. Haud aliter cum Auro comparatum, quo deficiente vilescunt omnia: at ubi splendor ejus affulit, & luxuriantis fortunæ favor, vilissimis etiam decus, & pretiū conciliat, spectantium oculos in se convertit, & in tacitam sui venerationem rapit. Ut enim vel in nodulo solum aureo exultat puer sibi ut videtur pulchrè felix: ut in sertis, & redimiculis suis virgines; ut in pilei corona, aut cingulis Auro condecoratis, adultiores? ut Matronæ sibi placent, cum monili aliquo aureo ornata, in publicum prodeunt?

Ad hæc potest ne Auditores, potest ne inquam in toto hoc Vniverso utilius quidquam excogitari? Sanguinem vitæ vehiculum esse, & per animam hominem vivere, sentire, intelligere, docet experientia. Quid Poëta? Ἀργύρεον inquit (quanto magis χρυσός ἐστιν αἶμα, καὶ ψυχὴ βούτοιο, quo qui carent, mortui inter vivos degunt. Ut non abs re magnus ille *Cæsar*, quæ erat prudentia, potentiam Principis non fundorum possessione, non amicorum numero, non aura populari, non iterata Dictatura, sed Auro, militibusque parari, dicere non dubitaverit. Amicòs quis desiderat, quorum consuetudine nihil dulcius esse potest? *Sophoclem* audite: Conciliat hominibus Amicos Aurum, & quò se fortuna, eodem etiam favor hominum inclinat.

clinet. Desiderat uxorem, pulchram, nobilem, dotatam, & vel ipso dignam Apolline?

Et genus & formam Regina Pecunia donat.

Ambit & affectat honores? compendiaria ad eos via est, Aurum:

Plurimus Auro

Venit honos.

Πάντα πάντα τῷ πλεόντι.

Et quis neget eximiam gloriam Auri sæpius quam virtutis esse beneficium?

Qui enim hodie Regni habenas moderantur, & Reipublicæ gubernacula tractant, in Palatiis Principum versantur, & Aularum terunt limina, non egeni, non pauperes sunt, sed opulenti, qui in Auro & purpurâ, ætatem degunt, qui divitiis affluunt, & quorum scrinia opibus restagnant. Quid multa? Exclamare hîc mihi lubet cum *Euripide*: *O Aurum quàm rerum humanarum grande decus es, & columen, quàm ingens humani generis præsidium!* Sine te enim Pythagorice prandet, & cœnatur, culina friget, fumarum torpent, amphoræ, cadi, dolia arida sunt, & sicca, in summâ rerum angustia vivitur. Per te contra epulamur, & animo curis soluto, ad hilaritatem nos componimus, phasianii attagenes, perdices, scarorum jecinora, summen apri, conchyliæ Lucrina, murenarum lactes, nulli Massilienses, *Persarum, Arabum, Moluccarum, Japonensium, Sinenſium* dona, & quicquid exquisitissimorum ferculorum largissimo sumptu in gulæ gratiam arcessunt delicati, lautitiæ tuæ sunt, & cupediæ. Sine te tristis ubique rerum facies in foco, cellis, horreis, mensis, verbo, pro thesauro carbones. Te destituti, destituimur Amicis, te contra recepto, agminibus parasitorum stipati salutamur, colimur, amamur: Te Mercatores suspiciunt, & venerantur: Tibi laborant Opifices, tibi famulantur servi, tibi milites gregarii. Quid ajo? Summi etiam Imperatores, & belli Duces, sub te stipendia faciunt, bella gerunt, Urbes expugnant:

Q 5

Tibi

Tibi navigant, maria pervolitant Nautæ. Tu Misericordiam Judicibus instillas, Causidicorum manus inungis, Clientibus patrocinaris, captivos liberas, afflictos erigis, & conclamatis penè, vitam restituis. Mihi credite Auditores. difficillimum est laudare, quod laudari satis nequit. Nihil tamen videor adhuc dixisse, nisi simul ostendero, nihil Auri possessione jucundius reperiri. Quid? An non illa summa animos hominum voluptate perfundunt, quæ cum perierunt, non levem, sed summam nobis tristitiam afferunt, quæ ingenti luctu, & mærore nos macerant, conficiunt, torquent? Nemo fideis oculis parentum funera comitabitur, nemo nisi mæstus Amici jacturam patitur. Sed gravior longe luctus ex Auro. Nam ut non minus eximiè, quam verè Poëta:

*major edimus gemitu, majore tumultu
Plorantur nummi, quam funera.*

Contra quàm suavis homini, quàm jucunda Auri possessio? *Caligulam* vobis ob oculos ponite nudis pedibus supra Auri acervos ambulantiem, quantam ex contactu voluptatem cepit; quantam ex aspectu jucunditatem! Non se capiebat Imperator? actum prius se Cæsarem Romanum agnoscebat, cum pedibus Aurum calcaret.

Sed mitto potentiam Auditores, mitto utilitatem, jucundam Auri possessionem, quid humano generi necessarium magis dari aut reperiri potest? Cum sine eo non tantum non bene vivere, sed ne vivere, quidem possimus. Quid enim est quod artes alit, fovet, conservat? Aurum. Quid ingenium excitat, industriam acuit, mentem accendit, & inflammant ad res arduas suscipiendas, obscuras indagandas, involutas & difficiles extricandas? Aurum. Quid vires commendat, & in publico Famæ theatro collocat? Aurum. Quis liberalis, quis magnificus, sive Auro?

omnis enim res

*Virtus, fama, decus, divina, humanaque pulchris
Divitiis*

*Divitiis parent : quas qui contraxerit ille
 Clarus erit , justus , fortis , sapiens etiam , Rex
 Et quidquid volet .*

Eant nunc , & faceffant morosi , ne dicam stulti illi divitiarum contemptores , qui si vel unciolam sanæ mentis haberent , aliter longè sentiant . Contentus in dolio suo vivat *Diogenes* , cum patinâ suâ ligneâ crudis oleribus , ac simplici aqua vîctitet : asset ad focum rapas *Curius* ille Romanus : reportet *Policrati* talenta quæ accepit *Anacreon* : conjiciat in mare Aurum suum *Leberide* nudior , *Democritus* & vacuis loculis ambulet : Soli sapientes in Scholâ Philosophorum , divites audiant , longè , longè præ aliis mihi sapere videntur , qui Aurum pretio suo æstimare didicerunt , quo omnia quæ in hoc Vni-
 verso grata sunt , jucunda , utilia , necessaria , parari possunt . Morbo Periculoso laboras ? Medicum pe-
 te , accerse , voca , Auro sanaberis . Lis tibi in foro , aut pro tribunali ? Causidicorum manus argenti-
 nâ , aut numulariâ inunge , crumenam inaura , tri-
 umphabis . Doctrinæ gradum affectas in Acade-
 miâ ? Aurum pollicere , promitte , numera , Do-
 ctor creaberis in amplissimâ formâ , etiam *Asi-
 nus* . Vinum quis generosissimum , *Falernum* , *Al-
 banum* , *Malvaticum* desiderat , remotorum lito-
 rum piscem , peregrini aëris volucrem , alieni tem-
 poris florem ? æstivas nives solatia stomachi æstu-
 antis ? pavonum cerebella ? vult aromata , unguen-
 ta odorifera , gemmas , corallia , & quidquid est
 mercium Indicarum , aut quidquid *Tagus* , *Nilus* ,
Tiberis , *Danubius* , *Rhenus* , *Tamesis* , *Sequana* , divite
 producit sinu , quidquid Oceano , dissitissimis ter-
 rarum oris , insulisque omnibus natum ? Aurum
 dabit . Sed quoniam gratior est Auri possessio ,
 quam laudatio , quod Aurum vobis audientibus ,
 & faventibus , laudavi , illud vobis , dextro *Hercule*
 & favente *Mercurio* , ex animo precor , & opto .
 Dixi .

ORATIO XL.

In contemptum Auri, recitata à

JOHANN E vander DUSSEN.

MAcedonum Rex *Philippus*, magni illius Orbis Vniversi domitoris *Alexandri* parens, cum pro tribunali iudicaturus sederet: accusatori autem unam concedebat, reo alteram illibatam servabat, haud ignarus, quâ erat prudentiâ, iudicium recte à nullo unquam de re quapiam ferri posse, aut pronunciarî, nisi rationibus utrinque probè, ventilatis, & excussis, de veritate rei plene, & planè iudicanti constet. Quæ quidem consuetudo, quemadmodum omni laude, & prædicatione digna est, ita vobis Auditores probari eandem opinor, ut in hac quoque nostrâ dissertatione oratoriâ de Auro, nec aurem utramque, nec illud vestrum animum totum, ei qui me dicendo præcessit Oratori, concesseritis; verum ita partem aliquam mihi reservari volueritis, ut & ad aures vestras, & animos Orationi nostræ aditus esse possit. Quod si mihi de vestro in me affectu polliceri possum, faciam Auditores, ut quem modo phaleratâ magis, quam vera Oratione, de Auri præstantia declamantem audivistis: minori cum applausu in sententiam ejus ituri sitis, cum productis à me in contrariam partem argumentis, ipsi iudicabitis, nihil Auro turpius, aut perniciosius reperiri.

Certè non possum quin in hoc limine orationis, cum magno illo Poëta exclamem:

*Quid non mortalia pectora cogit
Auri sacra fames?*

Nullum enim est, liberè dicam, nullum omnino scœlus, aut flagitium quod Aurum non inveniat,

ten-

tentet, machinetur. Quæ alia Auditores pro tribunali injustitiæ, quæ Iudicum *δωρεάταις* causa, quod muneribus, ac donis (pace bonorum dictum sit) tam facile se flecti, aut corrumpi patiantur? Quæ alia, quoque Causidicorum quorundam perfidiæ irritamenta, qui jura hodie cauponantur, qui linguas, manus, animas venales habent, & leges ut ceram in turpis sui lucri aucupia sequacem: Qui aut favore, aut odio ad gratiam, aut ad poenam consilia flectunt, lites dolose, & captioso verborum circuitu sufflaminant, causas involvunt, leges pro arbitrio detorquent, judicia prolatant, terram mari miscent: & si alibi certè hîc histrioniam egregiè exercet *fallax Iapeti genus*, ut illi à quibus unctius referunt caput, & manus, in causa triumphant, aut saltem gratia elabantur: alii contra vel sumptibus attriti, vel moras pertæsi, damnosis conditionibus pacisci cogantur. Vultis causam Auditores? Poëtam audite;

Auro pulsa fides, Auro venalia jura,

Aurum lex sequitur, mox sine lege pudor.

Sed quid futurum tandem, si sepulta Justitia, Iudex aurum sequatur, si nulla sit æquitas in tribunali, nulla severitas in poenis, nulla fides, nulla ratio in judiciis, sine qua nec humana societas, nec ipse Mundus stare potest. Sicut enim domus cui fundamentum non subternitur, caduca est, & ruinam minatur, sic ille cui non ista. Tolle: cadaver est, ac funus, omnis hæc multitudo, & ut *Cyclops* apud *Homerum* amisso uno oculo huc illuc impingitur, & tandem ruit: Sic ista moles populi, sine lumine J U S T I T I Æ, quæ una, & sola meritorum arbitra, ultrix scelerum, nec non rectè factorum præmiatrix, imo vinculum est & ut sic dicam coagulum: solve, dissipamur, & ut feræ solitariæ vagamur. Ea remota, quid Regna sunt, quid Principatus, quid Civitates? nisi publica latrocinia, audaciæ, & impietatis asyla, & conclamata nequitia latibula; ubi licentia im-

missis

missis habenis , celsiores pudoris , & verecundiz calles supergressa impune dominatur , & furit , ut citius è corpore animam , & è Mundo solem sustuleris , quàm è Republica Iustitiæ metum.

Sed ut altius adhuc in vestros me insinuem animos, ponite quæso vobis ob oculos, duella, tumultus, bella, Vnde illa? nisi ab Auro?

Et quæ alia res , civiles furores peperit , quàm nimia felicitas? Fidenter dicam. Opes sunt atque Divitiæ , quæ seculi mores affligunt, merfamque vitiis suis , quasi sentina , Rempublicam pessumdant. Quam enim florētissimis Regnis , Provincis, Urbibus , per bella vastitatem non inducit , non infert Aurisacra fames? quos non facultatum direptiones , ararii expilationea , civitatum , ac municipiorum deprædationes , quas non inauditas , & intolerandas exactiones , quas non virorum sub gladio gementium cædes , funera ; laniænas , matronarum ac virginum constuprationes , innocentissimorum fugas , exilia , proscriptiones , amplissimorum prædiorum , ac facultatum subhastationes, sanctissimarum legum violationes : verbo , quod malorum , miseriarum & calamitatum agmen post se non trahit illa scelerum officina , è qua tanquam è *Vulcani* specu , fornacibus , incude quidquid ubique est flagitiorum, procuditur. Ad hæc si contentionum , discordiarum , & dissidiorum causam inquirere , & indagare nobis sit animus , inter parentes , & liberos , affines , & consanguineos , quæ alia fere dari aui statui potest , quàm Aurum? ut jure nobis hæc rursus exclamare liceat cum Poëta .

Tu facis ingratus patrem quod filius odit ,

Inter & agnatos jurgia sæpe moves.

Artissimum enim illud Naturæ vinculum dissolvit , filium à Patre , patrem à filio , socerum à genero, generum à focero , fratrem à fratre alienat , consanguinitatis jura violat , amorem , & affectum omnem exstinguit , amicitias dirimit , pacem

cem familiarum turbat , Odia internecina in pro-
 quinquorum etiam animis excitat , fovet , accen-
 dit. Quo quid gravius , quid tristius , quid fune-
 stius in generis humani perniciem excogitari pos-
 sit , non video.

Sed regerentem hic cum Antagonista meo , au-
 dire mihi videor , Auro honores & dignitates pa-
 rari : Venio Auditores quò me vocant isti fortu-
 næ prosperæ , & popularis auræ admiratores. Cer-
 tè si rem recto iudicii oculo æstimemus , quis Au-
 ro , ac non potius præclaris in Rempublicam me-
 ritis , & fictis heroicis dignitates parari , judica-
 bit ? Hæc , hæc sunt , quæ Virum verè nobilitant.
 Rara fateor hoc seculo virtus , in quo ampullata
 fere omnia , & ad pompam comparata , magis
 quàm ad usum. At si nullis nisi Aurum possiden-
 tibus deferendus est honos , quis sodes de virtu-
 te , & Animi fortitudine consequentiâ , quis de
 tuendâ Republicâ amplius erit sollicitus ? Quis
 tam puer est , ut pro Patriâ hostem laceßere , &
 adoriri , inire prælia , libertatem defendere , & pro
 eâ caput , fortunas , vitam periclitari , odium perdi-
 torum civium sustinere , calumniis malevolorum
 colluctari diutius velit ? Si Auro parabilis tantum
 est honos ; quæ generosis , & masculis animis ad
 res arduas suscipiendas erunt auctoramenta ? quis
 ad virtutem stimulus , quæ meritum , quæ for-
 titudinis præmia ? ludustriam jaceret , amorem Pa-
 triæ languere , alacritatem omnem exulare , virtu-
 tem sepeliri , & mundi finibus exterminari , ne-
 cesse est , si Auro deferatur , quod Virtuti debetur :
 nam haud , facile quisquam gratuito bonus est , &
quis Virtutem amplectitur ipsam , præmia si tollas ?

Quamquam dum vos intueor Auditores , scien-
 tiarum præstantiam , decus ac dignitatem silentio
 præterire non possum , quæ doctis , & literatis æ-
 ternam nominis famam conciliant : quæ supra om-
 nem inconstantiam & mutationis aleam posita ,
 nudum , naufragum , & exulem de Mundi hujus
 quæ

quæ plurimos occupare solent quisquiliis parum sollicitum, ubique terrarum comitantur, vel ad extremos Garamantas. Sed quis ad ea consequenda, animum adjunget, quis literaturam desiderabit, quis eruditionem, quis ad doctrinæ fastigium eniteretur, & animum artibus imbuet, si solo Auri pretio humana hæc omnia sint metienda? si non amplius hæderet, doctarum frontium sint præmia, nec *Apollinem* suum laurus, sed *Crasum* aliquem, aut *Midam* coronet? Et quoniam hæc turpissima esse judicatis, videor eò delatus, ut nihil Auro turpius, nihil sordidius esse demonstrem. Et jam jam in sententiam meam pedibus vos ituros confido. Quid enim aliud quæso metallum hoc, quod tantopere amant, cupiunt, affectant homines, quàm splendens lutum, quàm terra ex sulphure, & mercurio in terræ visceribus concreta, & calore solis concocta? Quid aliud si relegata *Fortuna* pompa rem ipsam intueri velimus, quàm domus *Plutonix* ejectamentum, longè, longè in Vestæ penetralibus, reconditum, ab hominum oculis; nempe quod ad majora nati sint, quàm ut eâ colant, venerentur, in pretio habeant, & prope-modum adorent, quæ Natura esse voluit ima terrarum, & quæ quotidie à nobis conculcantur. Et hæc mentem regent, rationi imperitabunt, & eorum se Homo patietur esse mancipium, quæ Homini servire, & famulari nata sunt? non ipsa *Pytho* mihi persuaserit, hoc ut credam. Quid multa Auditores? Turpius ne quid eo esse potest, quod assequi sine flagitio nemo, aut certè vix ullus potest? Vnde enim malæ fidei contractus, falsi testes, illicita fenora, versuræ, æruscandi artes, monetæ arrosiones? Audite Sapientem, & causam horum omnium Aurum esse dicetis: *Qui festinat inquit Auro ditari, non erit innocens: Audite Satyricum:*

Quis metus aut pudor est unquam properantis Avari?

Ita

Ita qui nimia Auri cupidine flagrat , pudori valedicit , iustitiæ & æquitatis obliviscitur , timorem omnem *Dei* abjicit , amicitia , & consanguinitatis jura violat , conscientiam impietatis cauterio exurit , & de salute sua parum , aut nihil sollicitus , fortuitorum constantiam sibi spondet , & felicitatem suam , ac beatitudinem in Auro collocat. Omnia illi præ Aurovilia , & abjecta : Hoc unum venatur , huic soli perpetuo inhiat , omnes eò cogitationes , curæ , sollicitudines collimant : Nihil tam immanis hospitio , horridum situ , Cælinatura intemperatum , quod non aliqua Auri spe , eum à Patriâ abducatur , sordidi quæstus , & nundinationis causa : hæc una votorum ejus est meta , hic laborum & vigiliarum finis , quo si decidat , mori mavult quàm vivere , quia in Auro tanquam in summo Bono omnem spem suam , ac fiduciam repositam habet.

Ad hæc quantum illud est , quod ob Auri jacturam , multi ex desperatione violentas sibi inferant manus , sui ipsius tortores sint , & carnifices , & humanæ vitæ stationem , in qua à summo illo Imperatore collocati sunt , turpiter deferant. Et si quis forte sit , qui eò furoris , & insanix non delabatur , sed vitam suam Auro præferat , qui plus nimio in divitiis , opibus & lenocinantis fortunæ bonis (quæ vere *δωρεα & δωρεα*) sibi placet , quid obsecro vos Auditores ab iis reportat ? Vultis dicam ? pallorem in vultu , curas in animo , vigiliis in oculis , timorem & anxietatem in membris , sitim ardentiorum in appetitu , parsimoniam , quid parsimoniam dico , sordidam tenacitatem in manibus , adeò ut sibi tantum natus esse videatur , imò durus , immisericors , & ferreus non in alios tantum , sed in se ipsum , dum aureis compedibus ambulat , genium suum defraudat , & turpiter vivere mavult , quàm de Auri sui cumulo quidquam diruere. Olim cum adhuc esset Aurum irreperitum , & sic melius situm , aurea ætas erat , quæ ut inquit poëta :

Sponte

Sponte sua sine lege fidem, rectumque docebat,

At postquam itum est in viscera terræ, & in sty-
gias umbras penetratum, ad effodiendas opes,
irritamenta malorum:

Vivitur ex rapto, non hospes ab hospite tutus:

*Non socer à genere, fratrum quoque gratia rara
est.*

Verbo dicam, & absolvam, fœrea sunt sæcula,
nec unquam vitiorum, & scelerum feraciora,
quàm cum Aurum protulerunt. Eant nunc illi qui
cum morbo confluantur, non nisi ab Auro sani-
tatem sperant. Sed heu quàm errant! & ô de-
mentiam!

— non aris acervus, & Auri

Ægroto Domini deducit corpore febres,

Non animo curas.

Eant qui sine Auro vivere se posse negant, quo-
rum palatum nisi ad pretiosos cibos non excita-
tur, qui omnes regiones pervagantur, flumina
scrutantur, maria trajiciunt, & cum famem exi-
guo possint sedare, magno irritant. Dementes!
In alia, in alia longè sententia Romanus ille Sa-
piens. *Ad superflua non sapore, sed sumptu aestimata,
sudatur, ad modum est quod sat est: sed parum est lu-
xuria, quod natura satis.* Iam si ad Naturam vives
nunquam eris pauper. Si ad opinionem nunquam di-
ves. *Quid refert quantum quis pascat, quantum scene-
ret, quantum in area, quantum in horreis recondat, si
non acquisita, sed acquirenda computat? ὁ πρὸς δαίμονος
ὁλιγοδένεις:* & cui cum paupertate benè convenit,
dives est. *Natura enim paucis contenta est, imò pa-
nem, & aquam natura desiderat, ad hæc nemo pauper
est, intra hæc qui desiderium suum claudit, cum love
ipso de felicitate contendat.* Felices ergo Curii, Fabri-
cii, Democriti, Anacreontes, & Sexcenti alii veneran-
dæ illius Antiquitatis illustres Viri, qui alieni ab
omni Auri cupidine, alieni ab Apicii aut Claudii,
aut Caligula, aut Cleopatra portentosis deliciis, &
portiuncula sua contenti, tranquillam egerunt vi-
tam,

tam , & *Lucullo* appositis perdicibus , phasianis , turdis leporinis , siluris , aut murenis , cœnatunt jucundius. Felix magnus ille dolii habitator *Diongens* : nam in gurgustii hujus angustia , quàm Augusto fuit animo , quàm generoso ? veram magnitudinem metiens , non spatiis , & latifundiis terrarum , ac regionum , sed horum omnium contemptu. *Animus enim est qui divitem facit , nec eum puto pauperem cui quantulumcunque superest , sat est.* Pauper quidem judicio vulgi , sed *Alexandri* liberalitate major , quam rejecit , nec eguit ; quia ipsa virtus satis amplum sibi pretium est , nec ullam extra se mercedem quærit ; & quia ditior est qui divitias spernit , quàm qui possidet , & verè ille magnus , quem nulla res minorem facit. Plurimum quoque ille possidet & habet , qui desiderat minimum : habet autem quantum vult , qui vult minimum , imò supra quam vult , si etiam dum habet , non habetur & *Fortunam* velut tunicam , concinnam magis probat , quàm longam.

————— *Multa potentibus*

Desunt multa , bonè est cui Deus obtulit

Parcà quod satis est manu.

Adeo ut inter angustias paupertatis humillima conditio quavis tiara major trabeatos *Romuli* nepotes & purpuratos *Satrapas* longe superemineat , veris ingenii divitiis , quæ sola bona cenferi debent.

Longius si itur , extra terminos itur , & in vastum illud INFINITUM. Solæ solæ mihi divitiæ illæ , quæ perennant , & possidentem reddunt meliorem. Et ô si præclarissimis istis heroibus , ætatis nostræ homines , similes extarent , quàm innocens , quàm beata , imò vero quàm suavis , quàm jucunda , quàm grata , Mortalium in terris esset vita , si nullum cum iis Aurum concupiscerent , nec amplius vox illa impia , ac detestabilis audiretur !

Oci-

*O cives cives quarenda pecunia primum est :
Virtus post nummos.*

Quamquam quid *Gentilibus* & paganis , Christianos homines similes exopto ? Utinam (hoc tantum dicam) utinam & Virtutem homines amarent , & dignitatem suam agnoscerent , qui ad rerum cœlestium contemplationem nati , fluxa hæc caduca , & terrena si sapiant , fastiderent , & non tam de acquirendo Auro , quam de Virtute sectandâ essent solliciti , quæ unica est ad vitæ tranquillitatem via , & tutissima ad Cælum cynosura . Quod cum ipsi ignorare non possitis , Orationem meam hoc in voto concludo . Dixi .

ORATIO XLI.

In laudem

Sapientiæ , eoque à nullis quàm à Sapientibus Respublicas feliciter administrari .

Habita à

JOHANNÉ MAURO ARABE .

Non facile dari aliquem mihi persuadeo , hoc qui non & animadvertat , & statuat in vitæ humanæ societate non solum nihil præstantius , sed etiam utilius Imperio , ac Magistratu reperiri , nisi forte domi hospes , ac peregrinus planè extiterit . Si enim ii præclare de Republicâ mereri censentur , qui publicas vias sternunt , aut reparant , vel fontes puros , & integros eos conservant è quibus multi suum in usum aquam quotidie hauriunt , quid eorûm operâ , ac industriâ utilius excogitari potest in hoc Univerſo , qui haud aliter quam columnina , & stabilimenta , urbes , respublicas , regiones , regna , imperia tota fulciunt , tuentur , ac defendunt , opem afflictis ferunt , miseris succurrunt , orphanis ,

nis, & pupillis præsto sunt, viduis patrocinantur, oppressis jus administrant, probos protegunt, malos compescunt, Subditis suis quietem, & seculo in quo vivunt pacem, & tranquillitatem præstant. Sed quanto sublimior, & eminentior est dignitas, & amplitudo eorum, qui ad urbium, provinciarum, regnorum gubernacula sedent, tanto majoribus curis, molestiis, & difficultatibus agitantur, quæ in Magistratus munere obeundo ubique se offerunt. Nota quippe, proh dolor! contumacia subditorum, nota plus nimio invidia, dissidia, odia, exilia, pericula, in quæ eos nonnunquam incidere docet experientia, qui optimè, rebus præclarè gestis de Republ. mereti sunt, nota bella, excidia, & id genus alia quæ tum Rebus publicis, tum earum præfectis (tanquam *Damocli* gladius setâ equinâ appensus) perpetuò impendent. Quæ ut nulla alia ratione certius, tutiusque superari aut declinari queunt, quam *Sapientiâ*, eorum qui Reip. Clavo admoventur; ita nunc in præsentiarum exercitii gratiâ, cathedram hanc conscendere non dubitavi, & de eâ paucis ad vos verba facere. Favete modo, & facilem pro solitâ vestrâ humanitate, audientiam de re gravi, & seriâ dissertaturo, commodare haud dedignemini.

Quæri hic solet nutante judicii trutinâ, à *Politicis*, satius ne sit opulentis, quàm tenuioris fortunæ hominibus, Remp. gubernandam committere, indigenam ne præstat, quam exterum, & peregrinum ad honores evehere, tutius ne hos juvenibus, an ætate maturis, credere: utilius ne ad summam Imperii, illiteratos & rudes, an doctos promoveri? Verum ego cum *Pittaco*, non quàm quis sit dives, quo loco natus, quâ præditus ætate, ponderandum, sed quàm sit *Sapiens*, considerandum esse existimo. Vt enim inter Metalla, Aurum longè aliis pulchritudine, & pretio palmam præripit: sic in societate humanâ, præ aliis virtutibus,

bus. *Sapientia* (quæ præterita cogitat , præsentia ordinat , futura prævidet) facile de principatu contendit. Quæ ut ornamentum Principis fastigio dignum , supra res omnes humanas assurgit ; ita qui ad eam adspirat , his caducis , & fluxis non adhærescit , quæ brevi dilabuntur , & dum placent transeunt ; sed .

Negat attemptat iter viâ ;

Catusque vulgares , & undam

Spernit humum , fugiente penna.

Quasque sordidum , & indoctum vulgus mirari solet , ac pene adorare , opum ac divitiarum offuscias , & vilem porciunculam splendentis luti , despiciatur & pro nihilo putat. Satis beatus hoc uuo *Sapientia* thesauro , qui nec ab Indiâ subvehitur , nec auro parari solet. Illa si vitæ , si rationis clavum teneat , nullum nobis unquam à naufragio periculum. Unica eminet , & vera mentis saburra est , adversus novercantis fortunæ minas , & lenocinantis Mundi illecebras ac pestilens contagium : Unica anchora , adversus affectuum , & perturbationum animi decumanos fluctus , contra *Sirenium* cantus amuletum , contra omnia *Fortuna* tela ancile tanquam cœlo delapsum. Et sicut nimbo , vel procellâ ingruente , sub tectum confugimus : sic in publicâ , aut domesticâ calamitate , ad *Sapientia* hanc arcem , quæ nullis fortunæ machinis concuti potest , nullo scævientium malorum ariete , aut ballistâ subverti. Hæc Magistratum tanquam monili aliquo pretioso , ac diademate condecoratum esse oportet , hæc populorum *Principes* , & latè terrarum *Dominos* , ut quod bonum est atque utile subditis , id omni studio , omni curâ promoveant , quod periculosum , aut noxium provideant , ac avertant , & idem in Repul. præstent , quod in fronte oculi. At quomodo bonum prospiciet , quem dementia excœcat ? Damna quo pacto , quâ ratione avertet , qui fatuus , & consilii inops ? Quod enim in ædificio norma , regula est Architecto , hoc in regimi-

ac

ne Reip. in consiliis, in deliberationibus, in comitiis, in curiis, in cancellis, in foro, in dicasteriis, in præfecturis, in omnibus denique muneribus, est *Sapientia*: quæ recte *Platone* virtutum dux est, vitæ magistra, auriga facultatum animæ, actionum humanarum arbitra directrix, & moderatrix, cujus augusta sedes fundamentum fixit in virtute *Principum*, & in amore ac reverentiâ subditorum. Sine quâ maximæ res tanquam corpus animâ spirituque defectum, sua mole collabascunt. Est enim illud omnium opinione, & consensu verissimum, rem auduam & difficultatis plenam esse, Reip. gubernare: quod nullum animal morosius est, nullum majori arte tractandum, quàm *Homo*. Natura enim contumax est animus humanus, & ipse populus bellua est multorum caput. Itaque magnis ingeniis sæpius defuit ars quâ civem regerent, quàm quâ hostem superarent. Vires enim armis constant, & sæpenumero hic plus hominis fortuna, quàm ratio valet, & rei bene gestæ laudem cum *Victore* dividit. At ea vero maxima gloria est, si mens una sapiens multorum vincat manus, & quæ naturâ impedita sunt, consilio expediat. Hoc autem sola potest rerum domina *Sapientia*: quæ profecto tanta est ut omnis Reip. dignitas, omnium hominum salus, vita commoditas, foci, lares, penates, bona fortunæ, domicilia, ab eâ pendere videantur: eoque ut Animæ, pedes, manus, oculi negotium gerunt; si hæc immensa multitudo *Sapientia* quasi spiritu regitur, nec arma, legiones, classes a quæ firma Imperii sint munimenta, quàm hæc ipsa. Quâ si careat Magistratus, non opes modo, ac fortunas subditorum in discrimen adduci, vitas civium periclitari, verum etiam leges venire in contemptum, abrogari iudicia, innocentiam opprimi, vim dominari, aliaque multa intervenire, quæ Reip. interitum prælagire videntur, docet, & comprobatur satis superque omnium temporum experientia: ut haud inscitè *Pythagoras* dixerit, perinde

perinde periculosum esse, & furioso gladium, & imprudenti Magistratum committere. Mitamur, cum improba *Caligula* facinora legimus, prodigiosam ejus nequitiam, libidines portentosas, cædes innumeras, & vix unum unquam in hominem tot tantaque cadere potuisse flagitia, arbitramur: verum fidem his omnibus facit animus ejus constitutus planè omni virtute, ac *Sapientia*, quæ sola & unica Rerumpubl. est custos, virtutum apex, omnis honestatis fons, acerrima vitiorum insectatrix, magistra pudoris, & modestiæ, honorum omnium procreatrix, & expultrix malorum. Quid ajo? Hæc una *Rerump.* est fundamentum, hæc basis *Imperiorum*, hæc fulcrum *Regnorum*, omniumque administrationum quædam quasi Athlantea columna, sine qua centuplex murus rebus servandis parum est. Per me enim inquit *Sapientia* in Scripturâ, Reges regnant, decernunt justa Iudices, imperant Principes, & malè hæc eadem, cum illo regno agi affirmat, cujus Rex puer est. Floruit si unquam regnum Israëliticum, sub *Salomone*. Quæ causa Auditores? Certè non alia quàm quod Rex nondum adolescentiæ annos egressus, non vitæ longinquitatem, non auri argentique copiam, non victorias, triumphos, trophæa, sed animum sapientiâ instructum à Deo petiit, quo populum regere, moderari, & in officio continere posset. Vt enim in *Helicon* suam, aut *Cynosuram* intuentur navium rectores, ita subditorum mentes & oculi in illos conversi quos in sublimi posuit *Superum* favor. Quàm vero tristis Reip. facies, sub ejusdem filio Roboamo, qui nec ipse sapuit nec monitis sapientum aurem præbere voluit. Suâ profecto stultitiâ ille effecit, ut maxima Regni pars ab eo defecerit. Quid *Xerxes*? potens quidem ille Rex, sed stultus, se & regnum suum perdidit. Nec aliter cum *Antiocho* illo Rege *Asia* comparatum fuit, qui ob stultitiâ *Epimanes*, non *Epiphanes* dictus olim, & per contemptum sic appellatus, dum curâ Reip.

aliis

allis conceditâ , commestationibus indulsit. *Helio-
gabalus* vero luxui & saginæ mancipatus , quan-
tam sibi , & Imperio Romano , perditissimis suis
moribus , infamiæ notam inussit? quantam ei-
dem cladem intulit *Caligula* monstrum ex omni-
bus vitiorum portentis conflatum? Stulti ambo?
ita quidem ut alter araneas omnes *Roma* colligere
juberet , quo Urbis inde magnitudinem cogno-
sceret , decem millia murium , mille mustelas in
theatro , populo publicè spectandas exhiberet :
alter cum in expeditione quadam ad Oceani lit-
tus devenisset , tormentis , ballistis , arietibus ,
catapultis ad Prælium dispositis , repente militi-
bus mandaret , ut desidiosâ occupatione . conchas
legerent , his galeas suas implerent ; appellaret
quoque hæc Oceani spolia. O deplorandum , &
calamitosum Rerumpubl. statum cum à talibus
reguntur! nam qualis poëtarum ille *Cyclops* amisso
oculo : talis *Princeps* , cui abest *Sapientia* , lumen
hoc frontis. Sed ô beatas contra , & verè fortuna-
tas Respub. si sapientes habeant gubernatores :
Qualem inter alios *Augustum* fuisse uno ore te-
stantur historiarum monumenta. Ecquid enim cau-
sæ arbitramur , quod voce *Valerii Messala* , Pater
Patriæ sit appellatus , Senatorum omnium suffra-
gio , & communi civium applausu ; quod pro ejus
salute vota Romani fecerint , diem ejus natalem ,
equites bîdui spacio celebrarint , Calendis Janua-
rii strenam in Capitolio , etiam absenti vicatim
dedicarint , nisi quod sapienter ille , moderatè ,
& clementer imperaret? Unde contrâ tot in *Ita-
liâ* seditiones , sub ejus successore *Tiberio* ortæ ,
libelli famosi editi quàm plurimi , dentatæ satyræ
sparsæ in vulgus ; morte ejus intellectâ , tanta
Romæ latititia , inter omnes cujuscunque fortunæ
homines? Quod prudentiâ cum modestiâ con-
junctam Princeps sic quidem simularet , sed inte-
rim luxuriæ fibulam laxaret , genio indulgeret ,
comestationibus , & libidinibus deditus esset ,

insatiabili habendi cupiditate laboraret, perfidus in amicos, crudelis in propinquos, iniquus in omnes esset: Atque ita multorum odium incurrit, qui multorum damno peccat. Contra qui factum, Auditores ut cum de *Germanici*, *Caligula* patris invaletudine Romæ fama percrebuisse, ad eam attonita Urbs tota fuerit, morte ejusdem haud multo post intellectâ in lacrymas, lamenta, ejulatus effusa, solatiis nullum locum reliquerit? Quia scilicet Princeps hic, adoratum populo caput, non affabilis modo, & benignus, verum etiam fortitudine, & prudentiâ singulari præditus, rebus gestis egregius, benè de omnibus merendi studio insignis extitit. O verè *Principem*! qui in tanto fastigio positus, non *magnus* magis quàm *bonus* audire voluit, ratus non regnum esse, sed officium IMPERARE. Et cum plurimis amicitiiis fortuna *Principum* indigeat, præcipuum esse *Principis* opus, amicos parare. O rem memoriz, litterisque mandandam! Virtute nempe sua Princeps optimus hoc sibi conciliaret: quæ benevolentiam populi parit, benevolentia amorem subditorum, amor subditorum securitatem producit, securitas Imperii diuturnitatem adfert, quarum omnium rerum comes immortalis esse gloria solet. Nihil enim est in supremâ fortunâ majus, quàm posse, nihil melius quàm velle prodesse quàm plurimis, & longè latèque pomæria propagare benignitatis suæ ac beneficentiæ. Quin & inde non Principum solum, sed & populorum felicitas pendet. Ut enim fiderum vis non intrâ agellum, aut prædium privati alicujus coërcetur, sed ad vastos terrarum tractus se exporrigit: Sic Principum vitia aut virtutes ad plures pertinent. Et ut integra Regna bonorum virtute foveantur, sic eadem illa magnis peccandi exemplis, ceu pestilenti quodam afflatu siderantur.

Præclarum, & memoratu dignum *Agamemnonis* votum fuit, cui cauta potius consilia cum ratione,

tione, quàm prospera ex casu placebant, cum sibi ut *Trojam* facilius expugnaret, non *Achillis*, non *Ajacis*, sed *Nestoris* decem similes obtavit, & *Darius* tot *Zopyros* quot grana insunt malo Punico. Non me hercules injuriâ. Nam magna negotia magnis adjutoribus egent: & nemo magis idoneus ad consilium exequendum, quàm ipsius author. non minus verè, quàm eleganter Poëta:

*Vix consiliis expers mole ruit sua. Quare
Non semper viribus aquum,*

Fidere, saepe acri potior prudentia dextrâ est.

Σόφον γὰρ ἐνβύλευμα τὰς πόλεις χίρας νεκρῶ.

Et virtus imperatoria non corporis robori potius quàm prudentiæ est adscribenda: neque enim viribus corporis sed animi res magnæ geruntur.

Atheniensibus ad electionem Ducis olim convocatis, cum Oratores *Charesem* quendam juvenem, & robustum, *Iphicratem* valde seni præferrent, *Timotheus* ex principibus viris unus; Talem inquit, non Ducem eligite, sed qui Duci suas stragulas portet, innuens rebus gerendis, non lumbos fortes, non validos lacertos sufficere, sed magis requiri judicium, ac experientiam: atque ideò tutius præsertim deploratissimis Reipub. temporibus Senibus, quàm aliis, earum administrationem committi, ut qui plerumque *Sapientiâ*, & prudentiâ, juniores longè superant. Quâ si careat Princeps, quomodo aliis imperabit, qui quid imperare sit, nescit? quâ ratione in ferendis sententiis, quid iniquum sit, videre poterit? in dirimendis litibus, qui legibus consentaneum, quid ab iis alienum? nisi prudentiâ, ac Sapientiâ præditus sit. Quo pacto denique belli tempore, curam rei militaris suscipiet, urbes mœnibus vallisque cinget, arces fossis, aggeribus, pluteis, loricis muniet, legiones contra hostem instruet, ordines disponet, prælia inibit, victoriam reportabit, si eorum omnium rudis sit, nec intelligat cur,

quando, ubi, quomodo, quibus copiis, quâ acie dimicandum, quâ ratione latera, terga, cornua inter telorum undique ingruentium agmina, & nimbos, tonitruum hostilium iras, inter suorum mortes & cadavera, prædiis firmanda, qui milites in fronte, qui in fine & ad alas, si periculum immineat, collocandi, levis ne armaturæ, an triarii, cum cuneus cuneum, phalanx phalangem, acies aciem premit. Ignoret loca quo duci possit exercitus, ubi commoda castrorum locatio, ubi locorum opportunitate insidiæ strui, ubi evitari prudenter queant: quando denique pro re nata, successibus insistendum, & oblata casu flectenda ad consilium. Cum inter abruptas sæpe deliberationes, & consiliorum intervalla (quoties periculum in nimia præcipitantia, aut mora) elabi certum est optimas occasiones, & ex incertis & discrepantibus plurium suffragiis, maximarum rerum momenta suspendi. Exempla vultis adducam Auditores? Ponite vobis ob oculos duos disparissimis moribus Imperatores, *Fabium maximum*, & *Terentium Varronem*, illum prudentem, & circumspectum, qui quanquam læssitus sæpius ab *Annibale*, prælium quod non minus sit *Imperatoris*, consilio superare, quàm gladio, inire cum eo noluit, nec ultimam Patriæ spem sibi concreditam, dubiâ & ancipiti *Martis* aleâ periclitari. sed quia multa bella impetu valida, per tædia ac moras evanescent, cunctando hostium vires elusit, atrivit, fregit, & res Romanas afflictissimas sapientissimè restituit: alterum imprudentem, & temerarium, qui moræ impatiens, irreparabilem pene ad *Cannas* cladem passus, se & exercitum perdidit, Patriamque ad incitas redactam, tot periculis objecit, ut diæterii illius omnium ore triti occasio fuerit, ejus temeritas non multa solum sed infelix, *Hannibal ad portas*. Quid multa? Intuemini mihi quæso duos illos Imperatores *Alexandrum Magnum*, & *Persarum regem Darium*,

Darium, illum consilio, & prudentiâ conspicuum, qui totum fere terrarum Orbem, exiguâ militum manu imperio suo adjecit, qui tot gentes domuit immanitate barbaras, numero infinitas, locis disjunctissimas, omni copiarum apparatu abundantes. Hunc vero consilio, prudentiâ, fortitudine destitutum, cum numero suo exercitu, profligatum, & in fugam datum. Quâ aliter potest? nam cum ad gubernacula Reip. temerarii, rudes atque audaces homines accedunt, maxima, ac miserrima naufragia fiunt.

Apagè ergo illos malè feriatos, qui existimant Principes à nulla re magis alienos esse debere quàm à libris, & studio Sapientiæ, perinde quasi hæc duo ex diametro inter se pugnent, *Sapere, & Principem esse*: cum ita inter se nexa sint, ut si alterum alteri adimas, nihil jam relinquant, præter inanem *Principis* titulum. In illa enim altitudine, nil nisi altus: & ut cupressus, cetera sterilis, præter speciem nihil habet. Vidit hoc fabulosa olim Antiquitas, quæ A sininis M I D Æ auribus, in aureo tribunali sedentis, sceptrum manu tenentis quid aliud adumbrare, & vivis quasi coloribus depingere voluit, quàm hebetem, & crasso ingenio Principem, indignum qui Reip. gubernacula tractet: Cenotaphiorum instar, quæ mole magnâ, non re, nomina, & stemmatum imagines ostentant, intus vacua. Quales olim fuere barbari, & indocti *Maximini*, imperiti *Valeriani*, stolidi *Gallieni*, inepti *Licinii*, totidem fere humanæ gentis onerâ, Orbis opprobria ex omni vitiorum fæce concreta, & bonorum hircines, & sanguisugæ. Verbo: *Vervicum in patriâ crassoque sub aëre nati*. At è Principe sapienti, & in Republica primo, quantus in universam Remp. manare fructus solet? quanta in Patriam salus, in populum felicitas? in cives splendor, & decus, in leges auctoritas, in omnes denique quanta tranquillitas, & pax? Unus ad clavum Gubernator navem regit,

& servat : unus Imperator exercitum : unus pastor gregem. Idem hic. Unum Reip. corpus, unius animo regendum : Unius Principis prudentia, ac virtus toti populo salutaris est, quia imago est, & exemplar *Dei* in terris, rerum moderator & arbiter, in cuius manu posita opes, dignitas, vita subditorum. Exempla nobis suppeditant luculenta, historiarum cum Græcarum, tum Romanarum, omni seculo, omni ævo, quæ si commemorare esset animus, quam latus, ac amplius se campus mihi offerret : domestica ne longius abeam, nobis sint instar omnium. Quantâ enim prudentiâ lumina, & columnina Reipublicæ, Patres Patriæ, imperii sui fines non defenderunt solum adversus hostem, terrâ marique formidabilem, sed armis suis ditionis suæ pomœria prolatarunt & pacatis domirebus, profligata tyrannide domito *Oriente*, attrito *Occidente*, quicquid Universi terminis capitur, nominis sui, & rerum gestarum famâ implerunt, hostiumque fremitus & terrores, non armorum magis, quam togarum ostentatione compescuerunt. Quàm præclara fuerunt libertatis suæ & Religionis præsidia & stabilimenta ? Quâ sapientiâ, quo consilio, quâ animi constantiâ, inter tot fluctus quibus res humanæ jactantur, clavum tenuerunt & adhuc tenent ? Quâ curâ, quâ vigilantîâ, indies prospiciunt exemplo *Aristidis* in studio iustitiæ, & *Alcibiadis* aut *Epaminondæ* in studio fortitudinis, ne quid Respubl. detrimenti capiat, dicerem Auditores, & quidem libenter nisi ejusmodi essent, ut nec meâ nec cujusquam vel eloquentissimi hominis, dignè explicari oratione possint. Quare ut orationis meæ vela contraham, Deum quod unum superest rogo, qui bella, qui pacem moderatur, qui Regibus, Principibus, atque universis Mundi populis leges, jura ponit; qui victorias, triumphos, trophæa decernit; qui clades, pericula, injurias, hostium concursus, & incursus avertit; qui ma-

gnus

gnus Auriga , & Rector Universi , habenas in hoc Mundi curru temperat , ut quemadmodum necessitas omni lege potentior , & iusta capitis , famæ ac libertatis defensio fecit auspicium belli , ea ipsa nunc calamitatum nostrarum , ac cladum finem faciat sub tutâ hac stabili , ac inviolatâ pactione pacis , quæ novum nobis victoriæ genus sit , & *Paladium* securitatis , adversus exterorum tyrannidem , ac tranquillitatis publicæ stabilimentum , quo nihil nobis & ad famam honorificentius , & ad spem tutelæ nostræ firmitus , & ad existimationem vicinorum speciosius accidere potest : ut tandem Patria è profundo miseriarum , repentinâ rerum mutatione emergens dum *Europa* tot motibus agitur , & regna in ea ardent seditionum flammâ & bellorum , omne in serenitatem tempus commutetur , ponant venti , fugiant nubes , fructus residant. Omnia inter hæc vitæ ærumnas , & *Mundi* lubricos calus , foris placida sint , domi prospera : ac post tot pugnata bella , velut aut eo quodam seculo , pietas , Religio , optimæ leges , & quidquid est honestarum artium simul efflorescat , quæ pacis & comites esse solent , & alumnæ , magnumque in parandâ virtute adjumentum , vel in paratâ ornamentum : Quin ,

*Tutus bos avidè rura perambulet ,
Ditet rura Ceres , almaque Faustitas :
Pacatum volitent per mare Navita ,
Culpari metuat fides .*

Redeat , redeat inquam villis , agrisque fertilitas , Urbibus honos , Mari commercium , animis candor , & integritas. Verbo , quidquid Remp. beare potest , & bonis omnibus cumulatam , à violentiâ impotentissimi Dominatus , & ab interitu æternùm vindicare : In quo voto P A T R I Æ si quisquam amans finio , & acquiesco. Dixi.

O R A T I O XLII.

In Choréarum vituperium,

Habita à

D O D O N E O M E R A N O.

Non minus præclarè olim, quàm vere lyi-
corum ille Princeps:

Ætas Tarentum peior avi, tulit

Nos nequiores, mox daturos

Progeniem vitiosorem.

Ita profecto est: Auream, argentea excep-
tas, argenteam ænea, æneam Ferrea, & in fer-
ream, fractis quasi omnis Honesti repagulis, &
conferro velut agmine, omnis generis flagitia in-
star torrentis cujusdam violenti, irruerunt, quæ
hodie pudorem omnem, ac modestiam proscri-
bunt, ut sapienter, & velut ex tripode Poëta
noster, *Damnosa quid non imminuit Dies?* Sed ta-
men temperandum adhuc à lachrimis, & queri-
moniis foret, si non etiam ea seculorum, atque
ætatum mutatio, mortalium mores immutaret,
missoque probitati & modestiæ repudio, ad ea
Juventus se conferret studia, quæ maximo cum
dedecore conjuncta sunt; & quæ sanguine viperi-
no cautius fugienda esse, bonorum omnium con-
sensus, docet, edicit, imperat.

Etenim ut paucis mentem meam circumscri-
bam, nec longioribus verborum ambagibus vos
demorer, quanto cum ardore, quanto animi stu-
dio, quanto conatu, juvenus hodierno die sal-
tationes molitur, & tripudia? Quam avidè, &
callidè frequentant publica ad hanc artem (si ta-
men ars) instituta gymnasia, quanto temporis
dispendio, quantâ meliorum horarum jacturâ,
in hoc studium incumbit, quantâ industriâ, & cu-
râ, his exercitiis levitatis, & lasciviæ plenis pedes,
brachia,

brachia, manus commodat, quanto denique ære illis stant hæc vanitatum certamina? Quo fit ut dum exæcati hujus vitii turpitudinem non agnoscunt, summo ea amore complectantur, quæ odio vatiniano prosequi debebant, & in iis sibi placeant, quæ displicere ipsis possent, nisi mentis aciem illis perstrinxisset *Moris Tyranni* inveterata hoc ævo licentia; Cui ut occurrere hac mea oratiunculâ in animum induxi, ita Auditores quæ possum animi demissione à vobis contendo, ut pro solitâ vestrâ humanitate, facilem mihi aurem præbere haud dedignemini.

Hominem si altius, & velut ab ipsis originis suæ primordiis contemplari nobis sit animus, tanta ejus est præstantia, Auditores, ut quotiescunque Veteres in hanc cogitationem descendunt, hominem admirari satis, nec cum pro meritis extollere potuerunt. A Sapientibus enim *Aegyptiorum*, animal admirandum appellatum fuisse memoriæ proditum est: à *Mercurio* ille trifmegisto naturæ miraculum: à *Pythagora* μέτερον πάντων: à *Platone* Principe Philosophorum, δαῦμα δαυμάτων: à *Theophrasto* proximum à Deo animal: à *Cicerone* divinum: à *Plinio* mundi Epitomen, ab omnibus μέγας μου: & compendium Universi. Quid ergo tandem decere minus, hominem potest, ad modestiam natum, & verecundam morum gravitatem, quàm saltationes & tripudia, quæ omnis licentiæ, & lasciviæ argumenta præbent, ac latam intemperantiæ, ac luxuriæ fenestram aperiunt incautæ Iuventuti. *Ciceronem* quæso audite, magnum illum non dicendi solum, sed & vivendi magistrum: nemo inquit saltat sobrius nisi forte insanit, neque in solitudine, neque in convivio moderato, ac honesto. Unde etiam *Basilius* seculi sui *Choræas* perstringens, vinum saltationum authorem esse dicere non dubitavit. Ex quo facile intelligi potest saltationis, & tripudii aut crapulam esse, aut insa-

niam. Quo spectans haud dubiè Rex *Arragonum* *Alphonfus*, nobilitatis vera imago, & in purpurâ, temperantiæ, & virtutis exemplar, nec non magnitudinis, & gravitatis summæ fortunæ, observantissimus, cum forte mulierem quandam impudentius saltantem vidisset: *Expectate* inquit, *mox Sibylla edet Oraculum*: Innuens saltationem infantiæ genus esse. *Sibylla* enim vates non edebat Oraculum, nisi furore correpta. Et *Demades* olim cum *Philippum Macedonem*, patrem magni illius *Alexandri* largius aspersum flore Liberi patris, saltantem intueretur cum purpuratis suis, in has voces magnâ sermonis, & animi libertate erupit: *Cum ô Rex fortuna tibi Agamemnonis personam imposueris, non pudet te factis agere Therpsitem*. Profecto si tripudia Regibus indecora sunt, & purpuram eorum devenustant, quorum vitia sub augusto sceptrorum mantili, speciem haud rarò induunt virtutum, quis adeò mentis, & rationis expers, qui non videat illa ipsa in aliis quoque vituperanda esse, & justam reprehensionem, ac censuram mereri? Viderunt hoc præ aliis celebrata in historiis, Spartaniæ pudicitiae exempla *Lucippe*, & *Aristippe*, quas honoris causâ nomino, & quarum nunquam apud posteros exolefceret memoria, quod virginibus, & matronis aliis saltantibus, choreas castè & verecundè declinarent, nec cur iis se commiscerent, ullis præcibus, aut rationibus adduci potuerint. Superbius, inquiet hæc forte aliquis, & arrogantius se gesserunt. Sed quis verecundiam sine quâ nihil rectum esse potest, nihil honestum, superbiam, quis arrogantiam appellabit? Nullum forte in iis oblectamenti hujus, & recreationis desiderium. Sed ætas tamen impellebat, quæ plus nimio ad has levitates propensa est. Occasio nulla se obtulit, imò vero provocabant: sed vera iis voluptas erat voluptatis contemptio. Cur igitur tam continentes? Dicam Auditores, ne dum foeminarum vitia exue-

rant,

rant, vel tantillum castimoniam, & Morum suorum illibata simplicitati detractum irent, nam inter omnia certamina, duriora sunt prælia castitatis, quibus ibi continua pugna, & rarior victoria. O si talis hodierno die apud nos virginum esset modestia, si ea morum verecundia, multorum animos occuparet; si exemplum hoc sibi imitandum proponerent, qui castitatem hodie, ac pudicitiam profitentur; sed stultitia hæc pro dolor ne dicam insania, adeò involuit, moresque multorum ita immutavit, quod vitium fuit olim, nunc virtutis nomen sibi vendicer, nec in veniam solum veniat, sed & in laudem, ita ut quisquis hæc averfatur pugnet cum seculo, & similis sit natanti adversus torrentem. At vero quid homine indignum magis esse possit, non video, nisi conditionis suæ forte immemor, sensum omnem humanitatis cum ratione exuerit, & apud eum vilia sint probitas, pudor, pudicitia, quæ luxuriantes, & quasi fruticantes cupiditates stringunt ac coërcent, & inditos nobis à natura honestatis igniculos, excitant. Non latuit hoc Imperatorem *Tiberium*, qui choragorum *Histrioniam* civitate Romanâ prohibens, vetuit ne artem suam (si tamen ars dicenda est) tanquam homine indignam usquam terrarum unquam exercerent. Non latuit *Domitianum* qui *Calium Rufum* Senatu mox vir, quod saltasse diceretur, & quod tripudia viris cordatis, & gravibus indigna judicaret: Non latuit *Clistenem Syracusanum* illum Tyrannum, qui cum *Hippoclidam Tisandri* filium in convivio, Atticos Laconicosque modos, ad tibias saltasset, cruribusque, ac brachiis modulatus esset, tamen illum inter procos dignissimum judicaret, cui filiam elocaret, nihilominus filiam illi suam brevi hoc, sed arguto sermone recusavit, inquires: *Tisandri fili desaltasti matrimonium*. Quod si Imperatores, Reges, Principes, tripudia tantopere improbarunt, si saltatores Regnorum suorum fini-

bus prohibuerunt , si eos exilio multarunt , si civitatibus suis eos tanquam degeneres incolas egerunt , & indignos , qui civium honestorum societate fruerentur , quâ fronte obsecro , Auditores , quo rationis obtentu , quo colore apud nos erunt in precio , quos sanior semper contempsit , & despexit Antiquitas ? At ne quid silentio præterire videamur , inquiramus tandem , quænam illis commoda ex saltatione proveniant , qui se ejus artis cultores profitentur. Dicam ne hinc sapientiæ laudem reportare , qui tantopere sibi in tripudiis placent ? immane quantum discrepat ! Quis adeò rerum omnium ignarus , ut id quod mentis insanientis argumentum est , id credat esse sapientiæ ? Dicam ne hinc ditiores reverti ? minime gentium. Non alia enim perdundæ pecuniæ brevior magis , & compendiarîa via est. Dicam ne hinc ad honores , & dignitates patere aditum ? nimium videar levis , si levitatem istam gradum esse statuam ad Honores. Hoc unum dicam , non irritus planè tripudiantium labor est , & aliquem laboris sui fructum reportare videntur , dum magno conatu nugas agunt : Quæritis quem Auditores ? dicam : trahunt eum pedibus , brachiis circumferunt , à fronte detergunt , toto eum denique corpore suspiriosi , & anhelantes validè , & calidè ostentant in hoc lasciviæ , & vanitatis ergastulo : Obsecro enim vos , quid aliud est saltatio , quam mimica & Histrionica gesticulatio quædam inter scenicos , & ludiones , in quâ velut signo data , longa Hominum nectitur catena , longa series , stat non ita procul , qui tibias inflat , aut cytharam pulsat , virgines , aut jam maritatæ (heu ævi dedecus !) adolescentibus , aut viris lasciviusculè junguntur , manus manum tenet , pes pedem sequitur , brachium brachio affurgit , nunc eunt , nunc redeunt , nunc in aërem se attollunt , nunc descendunt , nunc ad dextram se vertunt , nunc ad sinistram defleunt , & hæc ge-

sticu-

sticulationes omnes, gyri, rotationes, capreolæ, gressus, regressus, & alia id genus, quæ (ut catenata sunt vitia) nonnisi lasciviam redolent, quid nisi hominem mentis impotem magis, quàm compotem arguunt? Sed regerentes hîc audio, summam hinc capi voluptatem. Irâne? Sed quis obsecro vos (si rem recto iudicii oculo æstime-
mus) aded ab omni rationis sensu derelictus est, qui in lassitudine, & violentâ agitatione corporis, (ut nunc mores) voluptatem statuet? profecto si in ullo corporis exercitio collocanda sit voluptas, quis in tripudio illam quæret, ubi ad sudorem itur, flectitur, rotatur, curritur? Ubi Veneris præludia conspiciuntur, & instrumenta libidinû, ubi specie quadam urbanitatis virginum tentatur pudicitia, ubi liberæ manus, liberi oculi, liberi pedes, liberæ voces? ubi oculi impudici cordis nuntii, fenestrarum instar sunt, quibus concupiscentiæ venenum in intimos animi recessus penetrat? Ubi denique major quotidie peccandi cupiditas, minor verecundia?

Quæ omnia quid aliud sunt (si res dicenda est) quàm effæminatæ artes, & indecora sæculo studia, quàm libidinum stimuli, licentiæ irritamenta, atque impudiciæ faces, & mixtæ, pænitentia voluptates? Hinc quanta morum labes, quæ probro-
rum fomenta, quæ alimenta vitiorum? Choreæ enim est circulus, cujus centrum est diabolus, qui in medio tripudiantium ignem concupiscentiæ inflammat. Sed quid Soli longius lucem scœneror Auditores, iisque probandis prolixius incumbo, quæ vel me tacente loquuntur, & chorearum vanitatem, lasciviam, petulantiam, levitatem, ne dicam turpitudinem & hilarem insaniam, plen-
nis buccis deprædicant, aded ut castis Animis horrorem incutiant, ne hac labe se pollui parian-
tur? Certè ab iis sub meliore ævo, & vigente adhuc disciplinâ in Republicâ Romanâ, abhorruit ipsa gentilitas. Fuit *Lucius Murena* nobili genere
oriun-

oriundus, nec non ob eximia ejus in Rempubli-
cam merita, ad Consularem dignitatem evectus :
sed cum multos haberet æmulos, fuerunt qui eum
convitiis impetere, & nominis ejus famam tra-
ducere non dubitarunt, quod saltasset. *Cicero* qui
causam ejus egit, tripudia defendit ne aut excu-
sat? Nequaquam. imò vero concedit magnum esse
crimen, & muneris abdicatione dignum. Quid
ergo? Purgat *Murenam*, & hoc unum pro tribu-
nali urget, non videri virisimile, virum gra-
vem, sobrium, temperantem, virtutibus egre-
giis, præ aliis præditum, usque eo nominis sui,
& muneris oblitum esse, ut saltationibus indulse-
rit. Non alio quoque modo *Dejotarum* in *Asiâ*
Regem, defendit apud *Casarem*. Idem reverſus
ab exilio, perditissimos cum *Auli Gabinii* mores
Senatui aperiret, inter alia lenonis, mollisque,
& effœminati hominis vitia referens, eum cala-
mistratum Saltatorem vocat. Si gentiles hæc Au-
ditores, qui solo naturæ lumine ducti fuerunt,
quid nos Christiani? quibus tanta hodie lux Evan-
gelicæ veritatis affulget? Fecessant, facessant ergo
longè à nobis hæc vanitatis, & levitatis certa-
mina, turpia hæc libidinum irritamenta, invere-
cunda luxuriæ fomenta, amorum illicitorum le-
noecinia, voluptatum illecebræ, *Satana* laquei,
mundi tendiculæ, numellæ, compedes, quibus
irretita juvenus in vinum, & in venerem prona,
deliciis & luxu perditæ, non ante capi se videt,
quàm cum capta est, nec ante periisse, quàm cum
periit. Adeò ut ab armatâ manu non tantum ter-
roris, ac periculi sit adolescentibus, rectâ, & li-
berali indole præditis, ingenioso in hoc unum se-
culo, quantum à Lenonicinio voluptatum, quæ
blandâ vi, & arte Sinoniâ, quidquid in nobis est
ingenui sanguinis extinguunt, & in ipsam rationis
arcem, in animæ Sacrarium per cuniculos irre-
punt verius, quàm irrumpunt, faciuntque ut invi-
sa primò morum protervia, postremò tandem
ametur.

ametur ; & tunc demum consummata est infelicitas , ubi turpia non solum delectant , sed etiam placent : & desinit esse remedio locus , ubi qua fuerant vitia mores sunt . Et hi tales quibus Cœlum est prostibulum , Dea , meretrix ara sinus *Thaidis* , sacrificia impurus sermo , & putre osculum , exercitia , saltationes libidinosæ , & tripudia .

Ut verbo finiam Auditores , virtutum omnium custos sit Modestia , quam commendat verecundia . & morum gravitas , cujus laude , & encomio si actiones nostræ destitutæ sint , splendoris sui decus amittant necesse est . Quare ita vitam nostram , ita actiones , ita studia nostra instituamus , ut graves , ut verecundi , ut modesti simus ut quas virtuti inimicas choreas & Reip. bene constitutæ dehonesta menta , & propudia esse non ignoramus , nunquam amemus . Dixi .

O R A T I O XLIII.

IN AVARITIAM,

Habita ab

A N T O N I O D O O R N I C K .

SOcrates cum Alcibiadem aliquo die de opibus suis , villis , prædiis plus nimio gloriantem animadverteret , duxit eum in quendam locum , ubi suspensa erat tabula totius Orbis terrarum , & in hac iussit eum quærere Atticam : quâ ostensâ , monstra mihi inquit in eâ , agros tuos , & prædia , Alcibiadi respondentem nulla eorum vel minima extare vestigia , regessit Socrates sapienter , & tanquam ex tripode , cur igitur tantos capis animos , ex rebus tam exiguis quæ oculos tuos fugiunt ? Appositè me hercule , & ad rem . Quid enim illa quæ tantopere mirantur homines ?

mines? vana, vana sunt, in hoc fluxu, & refluxu rerum humanarum, & alimenta vitiorum, præsertim *Avaritia*, quæ ut perturbationem animi violentissima est omnium, ac furiosissima: ita homines in quos dominatur, transversos rapit, & perpetuis quasi tempestatibus concitat. Et ut aliquos videre est ita naturâ turbulentos, ac seditiosos, ut quâ in domo vel Republicâ pedem figunt, in eam statim dissidia, rixas, contentiones spargant: ita perniciofa hæc *Alesto*, tanquam una furiarum, ubi animo semel recepta est, non potest quin è vestigio immoderatarum cupiditatum pugnas cieat, quæ hominem avarum in ruinam, præcipitem agant. Tyranno hæud ab similis qui Reipublicæ quam per vim invasit, consilium, & ordines è medio tollit, nemine relicto, qui conatibus ejus nefariis resistere queat, quominus omnia suo arbitratu gerat. Sublato enim omni consilio non sui amplius est juris, sed mancipium ejus, cui se regendum tradidit. Nullus quippe finis est, neque modus ipsius sollicitudinis, diffidentix, timoris, invidiæ, desperationis, quæ dormientem, & sopitum identidem torquent, pungunt, lancinant, hæud aliter quàm si in densissimis vepribus, aut carduis recumberet. Illa enim suos curis, & laboribus oppressos necat: per maria, per terras, per tesqua, per solitudines, per æstus, per frigora, sine ullâ intermissione trahit, rapit, agit. Quot periculosas suscipiunt navigationes, vel ad ultimam *Thulen*, quot trajiciunt freta, superant flumina? Quot saxa inhospita, syrtes, brevia præterlabuntur? Quot procellis, & tempestatibus furente Boreâ se exponunt, quæ singulis illis mortem momentis intentare videntur, ut opes quo jure, quâ injuriâ corradant? & dum eas capiunt, novas cupiunt, & *patulu rimantur faucibus aurum*, magnoque gaudent sudare tumultu. Ita ut gurgites maris citius expleveris, & pertusa dolia *Danaïdum*, quàm insatiabiles illos boqorum belluones. Cani similes qui quicquid excipit,

cipit , protinus integrum devorat , & semper ad spem futuri hiat : aut renibus qui adipe circumvoluti , sicci semper sunt , & aridi. ô *Eucleiones* , ô *Tantalus* ! Quid enim refert quantum quis pascat , quantum fœneret , quantum in arcâ , quantum in horreis recondat , si non acquisita , sed acquirenda computat , & si opes suas , & pecunias habet ut febricitantes febrim , & compediti compedes , quas non tam habent , quam ab iis habentur ? Bona à Græcis non κτήματα solum , sed & χρήματα appellari solent : nec me hercule de nihilo.

Quo (enim) mihi divitia si non conceditur uti ?

Certè si bona cenferi debent , censeantur ab usu , non à possessione , quæ usu legitimo , & honesto destituta , possidentem destituit , & ad inediam penè redigit , dum sordidè tenax Avarus , genium suum defraudat cumini sector , & pane atro , vino mucido , larido rancido , cepis , allio , milio , & recoctâ identidem crambe , ventrem atrantem , & famelicum farcit , suaviorum quidem cupidum ferculorum , si haberet ; sed Avaritia negat , & has , non alias mancipii sui vult esse dapes , & cupedias : quod si fortè lautius aliquando prandeat , aut cœnet , foris sit. Domi splendidè esurit , culina friger , fumarum torpent , amphoræ , cadi , dolia , arida sunt , & vacua , vivit ut pauper , ut moriatur dives , custos magis pecuniæ suæ quam dominus : cui tam deest quod habet , quàm quod non habet. Sed unde hæc tam sordida tenacitas ? certè non aliunde quàm ab immoderatâ illâ habendi cupidine.

Crescentem sequitur cura pecuniam ,

Majorumque famet.

Veri *Erisichtones* ! quia ut ille epulas in epulis , sic illi opes in opibus quærunr : & restagnantibus auro , argento que scriniis , satiari tamen nequeunt , novaque identidem tollant licet omne quod usquam est , *Auri atque argenti* , fame , & siti pecuniæ laborant. Miseramur ægrum qui picâ vexatur , aut βυλμιά , deploramus hydropicos qui ventres distentos

stentos habent aquâ intercute, tanquam tympanum, quod illius fames nunquam satiari potest, & pleno queritur jejunia ventre; horum sitis restinguere nequit, sed quo plus sunt potæ, plus sitiuntur aquæ. At non minori commiseratione digni sunt avari. Quis enim modus, quis finis, quæ meta cupidinis eorum? Citius aquam *Mari* exhaurias, quam talium desideria, eoque pueris magis sunt pueri: quia jentaculo suo, & portiuicula contenti plura non concupiscunt, nihil aut parum de crastino solliciti. Avari quid? Oculos cupiditatum suarum, ventre majores habent.

Cuncta cupit Crasus, Diogenes nihilum.

Et uter igitur ditior?

Brevissima ad divitias, per contemptum divitiarum, est via.

Et maxime divitiis fruitor, qui minimè divitiis indiget.

Contra avaritia vitium tenax, sui abstinens, aliena concupiscens, suspicax, invidum, limis intuens oculis alienas opes, suas sollicitè servans, quasi omnes ei insidiarentur. Avaritiæ uncæ sunt manus, rem facit alterius damno. Vis *Mavium* ditem efficere? non est addendum ejus pecuniæ, sed detrahendum cupiditati. Nam Avarum irritat, non satiat pecunia. Quidam Patrum haud ineleganter Avarum comparat, cum sepulchro, hoc tamen discrimine, quod sepulchrum quidquid illi ingeritur, consumit, sed avarus recondens in horrea, cellas arcas quæ habet, non alio hæc habet fine, quàm ut habeat, & servet. Loculi ejus impleri possunt, non cupiditas; quia instar abyssi, fundum non habet. *Bernardus* avaritiam comparat *Fœminæ* sedenti in curru, cujus quatuor rotæ, quatuor sunt vitia. *Contemptus Dei, Inhumanitas, Mortalitatis obli-vio & Diffidentia*: duo equi, *Tenacitas, & Rapina*: Auriga habendi *Desiderium*. Verbo. *Matri* sceleratæ non ab-similis, quæ liberos parit, *Deo*, & homini inimicos.

Avarus

Avarus enim Idololatra est : quia nummis suis aras erigit , & fiduciam suam quam in uno & solo Deo collocare debet , transfert ad creaturas , quas pro Deo colit . & quidem contemptissimas. Quid enim hoc Aurum quod tantopere adorat , si relegatâ fortunæ pompâ rem ipsam intueri velimus , quid inquam aliud est quàm domûs Plutoniæ ejus-
tamentum , longè , longè in Vestæ penetralibus reconditum ab hominum oculis ? & quid sordidius quàm ea colere , vanerari , habere in pretio , quæ pedibus cottidie à nobis conculcantur , & quæ natura esse voluit ima terrarum ? Pluris tamen facit Aurum suum , quàm Deum : præ Auro Religionem contemnit , Deum obliviscitur , ut serviat Avaritiæ , in auro repositam spem habet : nihil amplum aut magnificum agitat animo , non de gloria Dei , aut utilitate publica , sed de pecunia corradenda perpetuo cogitat ; si ejus jacturam patiatur majori ægritudine afficitur , quàm si peccatis suis , & offensis Dei gratiâ excidat , avidior longè ad quæstum , quàm ad preces , & numinis divini invocationem. O miseros ! Itanè hominis immutarier ? Itanè philtero divitiarum fascinari , eoque impietatis delabi per Avaritiam ? parum memores salutaris illius moniti Servatoris nostri Jesu Christi : *Quid homini præderit si totum lucretur Mundum , & animæ suæ jacturam patiatur ?* Animæ dico , nobilissimæ sui partis , quâ servatâ , omnium mortalium fortunatissimus censeretur debet , Iro licet , aut Ibyco pauperior : contra quâ perdita , creaturarum omnium miserrimus , etiamsi Crassi divitias , Crassi opes , Alexandri aurum captivum , cui triginta vix millia mulorum ferendo erant , securus possideat. Sed ut concatenata inter se sunt vitia , non in Deum solum injurius , & contumeliosus est Avarus , sed & in proximum suum : non Idololatra tantum , sed Fur. Invisum fateor nomen , sed tamen verum , & Avaro dignum. Quas enim fraudes , dolos , malas artes non comminiscitur ,

scitur, quas non struit insidias, quæ non molitur, quem non movet lapidem, ut aut apertâ vi, aut specie recti, aliena bona surripiat æruscator sordidus? Totus in hac curâ, ut sinistrè opes opibus cumulet, candidioribus imponat, & bonis fucum faciat, per verita lucra aucupia, qualia sunt iniquum pondus, injusta ulna, inæqualis mensura, fucosa merx, fallax moneta, usura, aut alia quævis ratio rem faciendi, à Deo interdicta ut simulando, mentiendo, & eos quibuscum agit commodi sui causa subdolè circumveniendo: nempe unde habeat parum sollicitus, *sed oportet habere: virtus post nummos.* Hirudines veræ, & sanguisugæ non misuræ cutem nisi plenæ cruoris. Quid ajo? Harpyæ, quæ quidquid tenent unguibus, sive vendicant. Adjice quotidianas hominis avari sollicitudines, quæ cum sine fine discruciant. quia majore tormento pecunia possidetur, quam quæritur: & ut nihil Avaro fortuna detrahat, quicquid non acquiritur, damnum est.

Amplius. Etiam Homicida est: quia inediâ perire patitur eos qui opem ejus implorant; qui ad portam ejus, cum Lazaro prostrati optant miculis de mensâ cadentibus satiari: *Sed nullus ille movetur fletibus, aut voces ullas tractabili audit,* dentemque sibi unum facilius patitur ex ore excuri, quàm nummum ex arca. Quid? Ille ne tantum censendus homicida, qui hominem ferro, sicâ, aut veneno necat? Non. Non servare hominem, est perdere. & negare famelicis quo vivant, est vitam illis adimere, cum sine alimento, cibo, potu, vita conservari nequeat: non ille tantum lampadem extinguit, qui eam afflat, sed qui subtrahit oleo, perire eam patitur, & extinguï. Non tam Domini sumus bonorum nostrorum, quam Dispensatores: sed quâ lege? Dicam Auditores, non ut steriles nobis sint manus, & nostri solum rationem habeamus; sed & eorum, qui nos communione unius, & ejusdem naturæ proximè attingunt, & quos

quos *Deus* pauperes. miseros, afflictos esse voluit, ut aliquis apud eos beneficentiæ nostræ esset locus. Quo spectans Patrum quidam : *Esurienti*, inquit, *est panis quem tu retines, nudi est vestis, quam in arca custodis, discalceati calceus qui apud te marcescit, egentis argentum, quod tu possides. Clamat ante domum tuam nudus. & negligis, & tu sollicitus es quibus marmoribus pavimenta tua vestias: Pecuniam pauper quarit, & non habet. panem postulat, & Equus tuus aurum sub dentibus mandit. Quantum o Avarus sumis tibi iudicium, Populus esurit, & tu horrea tua claudis, populus luet, plorat, ingemiscit, & tu gemmam tuam versas, sepositasque infelix strangulat arca, Divitias. Aliter, aliter longè comparatum olim cum optimo illo Spiridione, omnibus numeris absoluto virtutis exemplo, cujus fit mentio in historiâ Ecclesiasticâ, qui omnibus venientibus domum suam pauperibus, claves horrei tradidit. ut inde quisque sumeret, quantum sibi suisque alendis sufficeret. Cimo Atheniensis fertur non clausisse agros, ut cuivis egeno fructus colligere liceret, prout ipsis opus esset. Benè me hercule, & sapienter! Nusquam enim lucrosius, nusquam tutius reponi, & collocari possunt bona, quæ *Deus* in nos contulit, quam in manu, & sinu pauperis, magno semper cum fœnore reditura. Quia *Deum* remuneratorem habent, apud quem opera hæc charitatis nunquam in oblivionem venient. Date ergo (ut verba Patris cujusdam mea faciam) quod retinere non potestis, ut recipiatis quod non poteritis amittere. Quæ stultitia est illic relinquere unde estis exituri, & illuc non pramittere quò ituri? Illic substantiam vestram collocare, ubi Patriam habetis: qui collocat *Thesaurus* in terrâ. non habet quod speret in Cælo: ut quid respiciat Cælum ubi nihil habet repositum? Quæ alibi locantur, fluxa omnia, & nutum fortunæ sequentia, in quæ tamen maxima pars hominum se immergunt, & adhæc tantum calent, & callent. Perperam, & ridiculè, Auditores. Nam infinitum est quod*

quod petunt , qui plus petunt quam quod deest.
 Quid quod & illa tot annorum cumulata felicitas
 subito turbine quassatur , & evertitur in lubrico
 fortunæ fastigio. Sicut Solem assidue vel nubes
 aliqua subducit , vel nox condit : talis omnis hic
 purpuræ , aut Pluti splendor cadit , aut evanescit :
 Imò omnia illa somnium , umbra , N I H I L si
 cum Æternitate comparentur. Dixi.

O R A T I O XLIV.

De

C O M T E M P T U M O R T I S ,

Carminè habita à

P H I L I P P O B A E L D E O.

I Mmensum repetit radiis Sol splendidus Or-
 bem ,

Et solitos lustrare locos , & inhospita saxa ,
 Incultasque plagas , atque inhabitata Colonis ,
 Arva cupit , Cursumque parat , reditumque mi-
 natur ,

Atque in se sua per vestigia volvitur annus :
 Menstrua noctivagæ redeunt nova cornua Lunæ ,
 Æquora spumiferos volvunt , ad littora fluctus ;
 Itque reditque viam toties maris unda profundì :
 Nos ubi decidimus , quò Tullus dives , & Ancus ,
 Corpora nostra cadunt , nunquam reditura : per-
 inde ut ,

Gramina quæ gelido Boreas , cum spirat ab axe ,
 Falce metit : Veluti pingui cum gaudet Aristæ ,
 Luxuriare solo , simul ac exorta procella est ,
 Sternuntur segetes , sata læta , Boumque labores ;
 Rura jacent , Calamisque nocent surgentibus im-
 bres :

Sic deus Astripotens , densis , occulta tenebris ,

Tem-

Tempora mortis habet; Quæ nunc celebrare Ca-
manâ ,

Fert animus, fixumque polo mortalibus ævum ,
Et versu rapidæ decurrere stamina vitæ.

Adsis Magne Parens, rerum cui summa potestas,
Qui vitæ fons ipse, fave tu virgine Nate,

Sis mihi Principium, tu sis mihi certa salutis,
Anchora, tu nostram tranquillo siste carinam,

Littore, tu nostris juvenilibus annue cœptis.

Adam primus homo damnavit sæcula pomo,

Et mortis substravit iter, dum sacra potentis,

Jussa Dei violans nimium mens credula dictis,

Famineis, patulas dedit infelicibus aures.

O Miseranda lues, multos dominata per annos!

O nimium funesta mali contagia! tantum

Heu potuit, peccasse semel! tantis ne parentum,

Prisca luunt pœnis feri commissâ Nepotes?

Qui magni quondam dignus fuit incolâ Mundi,

Natus homo, quantum, quantum mutatus ab illo,

Jam jacet, & miseræ post tot discrimina vitæ,

Cogitur heu tandem tristi succumbere letho!

O Rerum fatique vires! ô prodiga vitæ,

Tempora! debemur morti nos nostraque: frustra

Solvimur in lachrymas, gemitus, suspiria, fletus.

Stat sua cuiq; dies, Breve, & irreparabile tempus,

Omnibus est vitæ, nulli sua profuit ætas,

Quid loquar eventus rerum, fugitivaque sæcli

Tempora, quid Syllas, Marios, quid Martem Ca-

millos,

Conspicuos, quid sæva loquar duo fulmina Belli,

Scipiadas, totque Heroas, quos falce recisos

Abstulit atra dies, & funere mersit acerbo?

Quid Juvenem referam Pellæum, & fortia tanti,

Arma Viri? cujus nunquam moritura, perennat

Fama, per invisas gentes, ubi Rhodanus arva,

Alluit & Thamesis tumidis se fundit in æquor,

Fluctibus, Occubuit, Stygias damnatus ad umbras.

Quid Satrapas rerum Dominos? quid Bella Poten-

tum,

Ambi-

Ambitiosa loquar? regnandi quanta Cupido,
Magnanimos inflat Reges? Hinc quanta moventur,

Bella viris, hinc diluvies immensa malorum,
Et labor, & miseranda fames, & mille dolores,
Sed felix trepidæ meditari incommoda vitæ,
Qui didicit, fortique animo contemnere mortem,
Illius ut pectus subeat tranquilla volupras,
Et vitæ despectus, & alta in curia lethi.

Quis sine nec dulces fas est deducere luces,
Nec cælo oblitam terrarum, attollere mentem?
Quare age nunc animum verâ ratione docebo,
Ante obitum munire, piæ quò pergere tandem,
Festinant animæ, moestisque excedere rebus,
Ereptæ lethi imperio, & crudelibus umbris.
Quid trepidas Mortalis Homo? quæ causa latentem,

Terrorem lethi ingeminat? tantisne superstes,
Deliciis, hæc vita scatet, tantisne redundat,
Vita Bonis? Horrens duræ ut crudelia Mortis,
Pocula degustare neget, fatumque subire?
Quod magnos humilesque ferit, quod fortibus æquat,

Imbelles, populisque duces, seniumque juventæ?
At non sic Schytiæ populi, quos Thracia nutrit,
Thracia perpetuis passim damnata pruinis.
Namque ubi jam natus sub lucem vagiit infans,
Exululant cuncti pariter, suspiria miscent,
Ædibus, ærumnæ memores, memoresque malorum,

Et quibus infelix sub curis ducitur ætas;
At contra lato properantem murmure mortem
Excipiunt, Faustosque vocant, quos Fata profundit

Eripiunt tenebris, tutâque in sede reponunt.
Haud malè. Nam tantis si vitæ hæc oblitæ curis,
Si tantis comitata malis, quid vivere longum,
Fert Homini? quid crebra nimis suspiria mifces?
Udaque frigidulis singultibus ora fatigas

Im.

Impatiens? quia si vitam componere morti ,
Stulte cupes, quid vita aliud, quam Mortis imago?
Quid nisi tons, sentina nocens, ac lerna malo-
rum?

Quæ requies, quandiu miseri jactamur in alto,
Mærorum hoc pelago? velut unda truditur unda;
Aut velut in circo cum se effudere quadrigæ,
Faucibus è pictis, volat irrevocabilis axis,
Raptus equis: aut si nervo, discussa sagitta est,
Acta volat, tenuesque secans perlabitur auras:
Iaud aliter properant dubiæ fugientia vitæ,
Tempora, dum violas, dum fæta, unguenta,
puellas,

Poscimus, obrepit non intellecta senectus.
Omnia prætereunt, finisque ab origine prima;
Fit propior propiorque sibi; sic læta juvenus,
Paulatim moritur, senioque accedit inertì,
Et mœsto tandem clauduntur cuncta sepulchro.
ipsa monet mors quemque sui; Mors omnibus
æqua est,

imbellem, fortemque manet. non India quidquid
Amne suo rutilante vehit, non stagna rubeantis
Aurea Pactoli violenta repellere Mortis
Fela queunt, rabiemque Erebi frenare minan-
tem.

Orturi quidquid habet finem timet: Ibimus om-
nes

Ibimus, immensis urnam quatit Æacus umbris.
Unum omnes expectat iter. Nonne aspicias ultrò,
Ante oculos ut nulla dies sine funere, Solis,
Tingat equos pelago, tumultosque ante ora Tuo-
rum

Præbeat ipsa tibi, totidem documenta futuri.
Certa rogi? Sed quid trepidas? Mors meta labo-
rum,

Te monet aspirare alio quo maxima quemque,
Evocat, & missio petitur certamine palma:
Hæc portus, statio, rebus solamen in arctis,
Afflictis medicina animis, hæc firma salutis,

Anchora, & æterna faulrix placidiffima mentis :
 Quippe illam fedes animarum, innoxius æther,
 Excipit, & trifti defunctos corpore cingit.
 Quid mihi ſingultus, lachrimas, tormenta, dolo-
 res,

Nutantes oculos, atque ora rigentia, Mortis
 Instantis mihi ſigna refert, deformia viſu?
 Deſipis, & lethi fallax te ludit imago.
 Nec dolor eſt in morte gravis, dolor omnis ab-
 actus.

Ante obitum cum luce perit. Quæcunque time-
 mus,

Aut tulimus, dum vita manet, dum ſpiritus, Una
 Diſcedunt cum blanda ſuo de corpore vita,
 Diffluit, & tenues animus differtur in auras.
 Ergo dum ſuperest vigor ille intactus, & acer
 Dumque calent ferventque animi, dum robora
 corpus

Sufficit indomitum, venturi in tempora lethi,
 Contemptum exercete Viri, fatigue latentem,
 Expectate diem. Sic vitæ impenditur ætas,
 Virtutis ſpatio deſcripta, & laudis honore,
 Quam nec ſumma dies, nec ſors intercipit ulla.
 Dura licet patimur cuncti, Patientia vires,
 Intendit, ſenſusque docet ſubmittere Morti:
 Omnia nam ſuperat lethi contemptus, & acer,
 Inviſtusque animus: Nihil illi triſte, minaque
 Qui mente intrepida potuit ſuccumbere fato.
 Quid facias? ſtant Fata Dei, ſtat ferreus ordo, &
 Ad Stygias deſcenſus aquas eſt omnibus idem
 Serius, aut citius: Quare dum vita ſuperſtes,
 Diſce mori, ut vivas ſemper, ſic ſidera migrant,
 Heroës, magni ſic ſcandunt æthera Manes,
 Qui Chriſtum amplexi, Chriſtiſque in ſanguine
 vitam,

Et meritis poſuere fidem. Si cura ſalutis,
 Te tenet, & celi ſperas confinia Cœli,
 Hanc depoſce FIDEM, votisque ardentibus
 inſta:

Non

Non alia datur ire via , Præsentia sperne ,
Venturisque intende animum Brevis incolæ Mun-

di ,
Quin etiam vitiorum odium , & virtutis amorem
Polce frequens . Mors attonitas formidine tor-

quet ,
Exercetque animas , Furiaque in limine Fati
Flammigeræ , facibus , tædis , & tristibus Hydris ,
Supplicia intentant miseris , pœnasque minantur ,
Quas probitas , quas prisca piis à mentibus arcet ,
Simplicitas , Cælique probis inspirat amorem ;
Felices nimium quibus his se jungere solis ,
Contigit , & vitæ comites assumere tantas .
Has sequere , His assuesce lubens , his pectora
firma ,

Mitte animum longè super Æthera , mitte ruben-

tes ,
Auroræ thalamos supra , & laquearia Mundi
Ultima , si lethi tibi cura , excedere fines
Et vitam liberare prius , penitusque requiris ,
Ante suo fractæ quàm cedant corpore vires .
Et compos mens ipsa sui est , & certa facultas ,
Et ratio , tempusque sinunt , ea cura recurset .

Interea tu Magne D E U S Pater optime vitæ
Arbiter , & mortis solus mortalibus Author ,
D A nostros numerare dies , fugitivaque Vitæ
Tempora , & humani molimina vana laboris
Omnia sollicitis R E C T I traducere curis ,
Et Cœli tentare vias , pietatis amore :
Donec inoffensi tandem , saturique dierum ,
Et vitæ egressi tenebris , donemur Olympo ,
Pax ubi læta habitat nullis obnoxia curis . Dixi .

O R A T I O XLV.

Consolatoria super Obitu amicorum,

Habita ab

O T H O N E de V O O G H T.

EXimiè Patrum quidam ; *πᾶν κλίσον τέλειον*
ἴσθι. Caduca hic omnia , oriuntur , & abeunt
 nobiscum; nec stirps aut genus, aut opes sunt,
 quæ nos eximant aut nostra à mortalitatis lege,
 quæ (ut rerum omnium orbis) à principio dicta
 huic Mundo , nasci , denasci , criri , aboriri , nec
 quicquam stabile , ac firmum summus ille rerum
 Arbitr esse voluit prater ipsum. Quis enim tam re-
 rum omnium ignarus est , hæc qui non videat ,
 capiat , intelligat ? Et quid aliud testantur om-
 nium temporum monumenta ? quid Annales , &
 hodiernus adhuc dies ? quam rebus humanis in-
 esse fatalem quandam catastrophem , & rapidissi-
 mi torrentis instar , florentissimas urbes , provin-
 cias , regna , imperia , quæ in hoc Mundo , æter-
 nitatem minari videntur , paulatim propterare ad
 interitum. Nihil enim hic perpetuum , pauca diu-
 turna , & quicquid aliquando capit , desinit. Nem-
 pe ut ferro rubigo agnata est , & ligno teredo sua ,
 & caries : ita Regnis , & Rebus publicis internæ suæ
 perevndi causæ. Oriuntur , florent , crescunt ,
 stant , & hoc ipsum ut cadant. Ubi enim nunc illa
 Terrarum Domina gentiumque R O M A , Orbis
 compendium , Urbs urbium , quæ sub Principe
 Augusto magnitudine , & felicitate sua laboravit ?
 obruta , incensa , diruta. Ubi septem illa Mundi
 Miracula & si quis his multo mirabiliora sequen-
 tium annorum extruxit ambitio ? solo æquata
 sunt , nec minus mortalia fuerunt , quam ii qui
 ea fecerunt. Ubi supra fidem cumulatæ opes ? ubi
 Cœlo

Cœlo certantia opera ? non apparent. Imò omnia illa , somnium, umbra, nihil. πάντα γὰρ ὡς περ ἐν Ἑυρίπιδι, ἀνὼ καὶ κατὰ σπέφεται. Inter peritura vivitur ,

— — magnisque negatum ,
ut inquit Poëta ,

Stare diu , nimioque gravius sub pondere lapsus ?
limites enim suos habent , quò cum venerunt , fi-
stunt, retroeunt , ruunt.

Nec Regnorum tantum , & Rerumpublicarum vicissitudo , sed & hanc instabilitatem , & rerum humanarum catastrophem in ipsis hominibus videre est. *Omnes eodem cogimur , Omnium versatur Vena serius ocius sors exitura :* Et ut benè Romanus ille Sapiens : *Intervallis distinguimur , exitu aquamur.* Morimur omnes , & jam cœpimus ex quo nati : *Quidquid atatis retrò est , mors tenet ,* & omnis hora omne momentum ad metam illam ducit , adeò ut non magis mirum , aut novum sit , mori hominem , quàm nasci Sicut in aqua pisces ludunt , & in aëre ramisque arborum , aves insidiarum securæ ; at illi hamo capiuntur , istæ tendiculis aut visco. Sic fit nobis , & aliquem semper ex magno illo hominum grege, venatur, capit, tenet fatalis illa hora , quæ cum Mundo cepit , & tum desinet , cum desinent esse Homines. Dispendia me hercle tristia ac luctuosa Ferenda tamen ut omnia quæ nobis immittuntur , & parendum æternæ illi legi. Ita enim visum summo illi rerum Arbitro, ut ex crebris his mortalitatis exemplis multo ante in hac vitæ statione collocati , mori discamus , quàm moriendum est, & tam diu , Patriæ , Ecclesiæ , Deo vivamus.

Donec vocamur , parque nos jubet dies

Fatale magno reddere expensum Deo.

Una est catena quæ nos allegatos tenet , *Amor vitæ :* qui ut non est abijciendus , ita minuendus est : ut si quando res exigit , nihilo nos detineat , nec impediat , quò minus parati simus. .

Nam quid vita hæc nisi *Scena*, mundus *Theatrum*, *Actores* homines, mors *Siparium*? quæ in ipso dramate, illos citius, hos tardius spectantium oculis subducit, & ut omnium finem facit *Comediæ* finis, sic Mors nostri. Quid Vita hæc nostra (si modo vita dicenda, ac non potius vitæ umbra) quam inconstantiae imago, temporis spoliolum, calamitatis trutina, peregrinatio molesta, navigatio periculosa in qua nullus sinus, aut portus nisi Mortis? imo si res dicenda, quid hæc vita nisi iter ad vitam? Amisissos scio dolemus consanguineos, dolemus amicos. Quidni? Homines sumus, non scopuli, illusione rerum fortuitarum movemur, & habent suspiria dolentibus quoddam levamen. *Sed datur lachrymis, egeriturque dolor.* Sed quem nobis dolorem permittit ratio, etiam coercet & lenit. Non enim ut paleæ ab omni vento, sic nos rapi ab affectuum turbine debemus, sed rationis pondere stabilire hunc animum. Communis enim hæc naturæ lex est, ut qui coepit esse, aliquando desinat. Ad quam componi, non Sapientia, non ratio solum suader, sed necessitas cogit, & quam flectere velle temeritatis est, accusare dementiæ. Longè fatius est pati, quàm obniti, quod viri fortis est, muniri adversus omnem fortunam, vel aspernandam magno animo, vel tolerandam invicto. Immo optimum est pati, quod emendare non potes, & Deum, quo auctore cuncta proveniunt, sine murmure comitari. Contra pusillus, & degener est animus qui obluetur, quique emendare Deum malit, quàm se. Qui adversus tempestatem nititur, sæpe naufragium facit, at qui procellæ cedit, superat. Ridemus si quis cum tributa populariter danda sunt, lamentetur, & sortem suam accusat, quia omnes cum dant, non superbè solum, sed stultè facit qui se vult eximium, aut exsortem, & tanquam albæ quod ajunt, gallinæ filium, extra publicam ateam collocari. In hoc humani generis attributo, cur non sic affecti sumus? cur ut proprium dolo-

dolorem , aut cladem interpretamur quod omnibus, quod semper evenit, & eveniet? Quid? an non in orbem ista tempestas, & sine delectu vastat omnia? & Cui usquam terrarum contigit impunè nasci? Totum Orbem vide, notum, ignotum, multa nullia omnium momenti nasci & mori certum est, cur fatua mollitie querimus nos in ea conditione esse, in qua nemo non est? prima enim pars æquitatis, est æqualitas? cur miramur aliquid nos amittere, amissuri omnia? Hoc enim ipso quod homines nati sumus, mori nati: & si quod ultra punctum, horam, diem, annum vivitur, donum est non debitum, & in gratia, ac lucro ponendum. Quid, quod nulli potest secura vita contingere, qui de producenda nimis cogitat. Ad quid igitur Auditores, immoderatus ille luctus, ad quid lachrymæ, si quod lugemus, non posse tantum, sed debere evenire præscimus? Si & nobis quod aliis evenire potest, & debet, ab eo, cujus supremæ voluntati nostram submitti par est, & æquis animis ferre, quidquid vult, quidquid jubet; haud aliter quam Universum, & in hoc magno Universo, Sol, Luna, Sidera, Elementa non invita parent Conditori. In hoc luctu, oculos mentis ad Deum summum illum vitæ ac moris arbitrum, flectere oportet, unicum afflicta, & exulceratæ animæ per-fugium, & ab illo robur mutuari, quod dolorem nostrum, in mœroris deliquio mitiget, aut mergat. Nullum hic fata discrimen agnoscunt, nullum ordinem in Reges atque inopes, *Cræses* atque *Iros*, in senes, juvenes, in decrepitos & validos, in infantes, & pueros suum exercent jus. Æquat omnes cinis, impares nascimur, pares morimur. Aliis alia est meta, si tempus spectes; eadem si finem. Ita est, cui nasci contigit, restat mori, neminem ætas immunem facit. Alii paullo longius, alii brevius, sed omnes in eadem via cursumus, & ad eundem finem. Arte mansuescunt feræ vel immanissimæ. Est quo frangatur marmor, est quo mollesca

lescat adamas, nihil est quo mortem delinias, & nemo in crastinum sui certior.

*Poma ut in arboribus pendent : sic corpora nostra,
Aut matura cadunt, aut cito acerbâ ruunt.*

Veterem Poëtam audite : *Avelimur, inquit, de-
cimur, sponte cadimus : & magnum illum Romanæ
eloquentiæ principem : Adolescentibus vitam vi-
aripit, senibus maturitas : & hæc omnia ex fatali
illa lege. Ideo nullus non dies, tanquam ultimus
aspiciendus est, & Christiano homini sic ordinan-
dus, tanquam canat receptui, (quid enim homuli
sumus? aut quamdiu hæc vita?) ne cum illi mo-
riendum, mortis nomen reformidet, quam sibi
reddidit multa cogitatione familiarem. Nullis illa
gravis est, quàm quibus est ærepentina : facile eam
sustinet, qui semper expectat, & cujus perennis
Philosophia est, Mortis meditatio. Ut è convivio
etiam lauto abundare semel est; ita ex hoc mun-
do qui ad tempus hospitium dat, nulli ævum; ita
nati sumus, nec alia lege intratur in hunc mun-
dum, quàm ut ex eo migretur aliquando, cum vi-
tæ illud depositum reposcit ille qui vitæ Author.
Nam si eam recta veritatis amissi metiamur, quid
aliud homines sumus, quam viatores, aut athletæ,
quibus certandum assidue, sudandum, anhelan-
dum, currendum, donec attingamus optatam il-
lam metam, sedem quietis, ut nos vitæ hujus æ-
rumnosæ curriculum emensos tandem patria ex-
cipiat Cœli indigetes. Formidare mortem, est
Christum afficere injuria, quasi nobis malè pro-
spectum esset, cum eo esse. Si Martyres non re-
formidarunt mori per ignes, cur formidabimus
mori per morbos, quandoquidem eandem habe-
mus cum iis spem? Si Gentiles nonnulli ad mor-
tem properarunt cum vultu eorum qui ab ea re-
vertuntur, cur eam adiremus cum metu, meliori
spe præditi? Cur ambitio in iis plus poterit, quam
in nobis fides? Et si Miles summis se periculis ob-
jectat, primus murum conscendit, pro vili & exi-
guo*

quo stipendio, quid à nobis non oportet fieri pro Regno illo æterno ad cuius hæreditatem adspiramus? O verè sapientem, qui hic sapit! qui curis humanis altius caput exserat, & totus Deo, mortisque meditationi vacans Christum pectore, Christum ore, Christum opere spirat, animumque cælo infert, antequam animam, nec quicquam impotentius contra inevitabilem hanc necessitatem molitur. Repugnas? nihil tam exasperat fervorem vulneris, quàm ferendi impatientia. Obniteris? Frustra, imo stultum est timere, quod vitari non potest; Tales pisces haud absimiles qui hamo pendens si se moveat, magis intricatur: aut avi visco aut plagis deceptæ, quæ si se explicare tentet, magis implicatur, contra.

—— *Levis sit patientia*

Quicquid corrigere est nefas,

Necessitatis enim non aliud est effugium, quàm velle, quod ipsa vult, & ni facis trahendus nihilominus, aut impellendus; ut equi sessorem non ferunt, & ob id stimulis acrioribus concitantur. Quæ autem dementia est potius trahi quam sequi? At triste inquires illud *divelli* à parentibus, amicis, consanguineis. Triste esset, si verè tale esset. Quid? Divelli ne possumus ab iis quos votis nostris quotidie comitamur in meliorem illam sortem? quorum in dies ob oculos nobis versatur imago? quos in animo circumferimus, tanto quidem felicius, quanto tutius quos loquimur, cogitamus, spiramus? ad quos pleno gradu tendimus? Nam quid mors aliud, ad quam, tantopere trepidamus, nisi vitæ portus, quid nisi miseriarum, omniumque dolorum, & solutio, & finis: exordium felicitatis, & ad illam aditus? Illam dico æternam & beatam, ut cui uni vita hæc vivit. Et ut diutissimè vivas ita voveo, pauca lustra supersunt, fortassis anni, imò dies, & sequeris qui ante te obire: adeo nihil tutum arque exploratum est homini, ut ne in unum quidem diem de vita sua certe quid spondere au-

deat : quia bullis similis est quarum alix simul ac natae sunt protinus evanescent , alix paulò diutius durant , omnes brevissimis quibusdam intervallis alix aliis succedunt. Nihil hic diuturnum , & hodie fieri posse cogita , quod intra decennium aut lustra aliqua solet. Et hoc divelli appellabis ? Non divulsi à nobis sed prægressi , non amissi , sed præmissi sunt , non obierunt , sed abierunt ex tristibus , & turbidis ad lætiora & puriora. Quis metallum perire dixerit , cum liquefcit , & posita per ignem scoria , insignis statux materiam præbet ? Idem in iis quos tantopere luges , qui defæcati jam per mortem , in splendidam imaginem Dei transferunt ; eoque felices merito censerì debent , & verè *μαργαρίται* , qui educti : Hominem fateor lugere humanum est , Parentem pium , sed si votis nostris , si suspiriis , & lachrymis retractum imus in terram , qui jam cœlum habitant , & in felicem illam libertatē postliminio redierunt , nimio amore , nimio affectu peccamus , & crudeliter officiosi his rursus vitæ ærumnis immergi optamus , qui jam inter tot sidera , tot micantes ignes , in Dei , in Angelorum , in beatarum animarum choro , divitum pavimenta rident , & totam cum auro suo terram. Quis ubi liquit carceres , non tendit ad metam cursor ? Quis æstuoso mari decumanis ja-status fluctibus , portum recuset ? aut exul errans per nemora , & solitudines , doleat reverti in patriam ? Reversi sunt. Queri hic , aut angere mollities est , reluctari insania. Deus qui in hac vitæ statione eos collocaverat , evocavit. Si Deus : quid queres ? quid fies , quid optas ? jus suum tenet in dando , & adimendo. Satiùs est non diu felicem esse , quàm nunquam , & melius discessura nobis bona , quàm nulla contingere. Adhæc culpæ potes mali aliquid in eo , & ab eo qui bonitas totus & à quo non magis est , ut malum aliquid emanet , quàm ut malus sit ipse , qui à beneficentia optimus , à potentia maximus nominatur ? aut si quid mali , quid

quid nisi hoc unum quod indignaris, & quereris. Providentia statuit; providè statuit; Summum bonum fecit; benè fecit: & quod à Deo factum audis, cogita non temere, non fortuito, sed eo consilio, quo non modo nihil nisi quod æquum, & justum, sed nihil etiam nisi quod bonum, ac salutare nobis providet, decernit, vult. Ubi iustitia, & æquitas, quis inter tot orbitalis exempla, inter tam densa senum, ac juvenum funera, reclamare audeat? quis obniti? ubi vero cum æquitate illa, nostra quoque conjuncta est utilitas & salus, quæ illa ingratitude foret, non æquo, non moderato animo suscipere, quidquid benigno huic Patri nostro placuerit, & quem sequi & obsequi prima est sapientia, & quæ sola sit dolori omni mitigando, aut tollendo. Certè Christiani sic instituti, sic imbuti sumus. Vitam hanc sub cujus nomine mors latet, esse carcerem, lachrymarum vallem, navigationem periculi plenam, per brevina vada, syrtes, profectionem è terra in Cælum, per nemora, & tesqua hujus Mundi. Mortem contra refugium, & asylum malorum, & in his mundi fluctibus, portum quem sapiens securus sui possessor, & qui crastinum sine sollicitudine expectat, nunquam fugiat, imò (Deo vocante) totis velis in eum feratur. Quid ergo dolori nostro lenocinamur? Quid querelis prosequimur quod votis debebamus? Obiit Parens, obiit consanguineus, aut Amicus aliquis? ab exilio ad patriam ivit, è carcere ad libertatem. Abiit à terrenis ad cælestia, à fluxis his bonorum umbris, ad æternas illas opes. Pax enim animæ deest quantum restat, nec unde veniat perpendit, sed quò tendit. Quæ si cogitamus, dolori nostro quis hic locus? Aut si dolori, quis patientiæ? cujus hoc proprium, ferre quæ DEUS immittit, nec obniti. Quis amor? qui cum sua noxa, bene etiam illi vult, quem amat, nec revocari optet, aut retrahi hanc mundi scenam, quem summa beatitudine frui certò confidit, & emissum

emissum his tenebris totum jam lucem illam aspicere quam nos per angustissimas oculorum vias obscurè intuemur. Ratio si recta est, superari à dolore non debet, si firma, non potest. Placuit id Deo? placet etiam nobis: quod vult velimus, & quò ducimur. Quid enim abstulit nisi quod dedit? Quid recipit nisi quod ad tempus tantum dederat? Nusquam animo dejici Sapiens est imò & facere, & pati fortia, Christianum est: sed in his casibus quibus omnes ex æquo obnoxii sumus, immoderatus lugere, non est Sapiens, non Christiani. *Turpe est navigii rector, cur gubernacula fluctus eripit, qui fluctuantia vela deserit, permittit tempestatem: at ille vel in naufragio laudandus, quem obruit mare clavum tenentem, & obnixum. Feras non culpes, quod mutari non potest, inquit, Publ. ille Mimus: neque enim necessitatis aliud effugium est, quam velle quod ipsa cogit. Non sacræ paginæ exempla, sed gentilium hîc producam, qui licet solo naturæ lumine imbuti fuerint, nobis hæc in parte præeunt & constantiæ suæ specimina nobis reliquerunt non pœnitenda.* 2. *Marcus* ea olim animi firmitate fuit, ut ab ipso rogo filii & quidem unici, in Curiam veniret, operam Reipublicæ navaturus. Quid *Rutilia*? Matris certè affectum sic temperare potuit in ipso luctu, ut nemo lachrymas ejus, post elatum filium notavit. *Pericles* Atheniensium dux, cum intra quatrimum duobus adolescentulis orbatus esset, solito vultu, atque adeo coronatus in publicum prodiit, & in concione disseruit. *Xenophon* cum inter sacrificandum, mors filii nunciaretur, coronam modo deposuit, & eandem mox animo composito, optimo ærumnæ condimento, simul ac fortiter in acie cecidisse intellexit, reposuit. Quam nobilis illa vox fuit. *Anaxagora*, cui cum nunciatum esset filium vitam cum morte commutasse, sciebam inquit me genuisse mortalem. Quid *Paulum Æmilium* loquar qui intra septem dies duobus defun-

tis

Etis filiis, progressus in concionem, ultrò populo Romano gratulatus est, quod publicam fortunæ nvidiam, domestico luctu redemisset? Quid *Fabium Maximum*, qui cum filium consularem amisisset, consul in concionem prodit, & encomium filii recitavit? Quid *Catonem Censorium*, cui cum filius natu major obiisset, singulari ingenio, summa virtute juvenis, ad hæc prætoriam designatus, nihil tamē hoc casu commotus est, ut Reip. negotia segnius administraret. Quid denique *Pisones*, *Scævolas*, *Metellos*, *Scæuros*, *Marcellos*, aliosque magni nominis Romanos, à quibus animi magnitudine, Christianos longe superari turpe esset ac probrosum. Sed quid viros in medium produco, fœminæ nobis præeunt exemplo suo, quæ orbitatem liberorum fortitulerunt animo: *Cornelia*, cum duos filios *Tiberium* & *Cajum*, magnos illos *Gracchos* contrucidatos vidisset, ac eo nomine eam consanguinei consolarentur, miseramque dicerent, respondit: *Nunquam non felicem dicam, qua Gracchos peperit.* Haud aliter Spartana illa mulier, quæ cum intellexisset filium in prælio cecidisse. *Ideo*, inquit, *illum genui, ut esset qui pro patria mori non detrectaret.* Si hæc fœminæ, quid viri? Absit, itaque Auditores, absit dolor, qui nulli minus gratus est, quam ei cui præstari videtur:

Absint inani funere nania,

Luctusque turpes, & querimonia.

Nam supervacuum est dolere, si nihil dolendo proficias, & iniquum queri de eo quod uni accidit, & omnibus restat. Quid autem dementius, quàm cum idem tibi iter emendandum sit, flere eum qui antecessit? Intervallis destinguimur, exitu æquamur, & in tanta volutatione rerum humanarum, nil cuiquam, nisi mors, certum. Adhæc quis eo animo navigat, ut semper naviget? quis ita militat, ut nunquam militare desinat? quis ea mente laborem suscipit, ut alios ex aliis labores perpetuo excipiat? sed & qui navigat portum, & qui militat victo-

riam,

riam, & qui laborat quietem ac otium spectat, quo qui pervenere, gratulari eis amici, non dolere illorum vicem debent.

Gubernator aut *Palinurus* aliquis in navi, non frangit impetu magnos illos, & decumanos fluctus, sed vitat aut declinat: Sic in tristi illo liberorū, amicorum, parentum obitu, errat quisquis recalcitrat, aut obnititur. Patientia quæ virtutum omnium maxima est, & quæ palmæ instar ponderi assurgit, superanda sunt, & magno animo excipienda, quæ vitari non possunt. Sic ignem superavit, & vicit *Mutius*, crucem *Regulus*, venenum *Socrates*, exilium *Rutilus*, mortem *Christianus*. Et ut multo tempus damus quo despumet: sic mæsto animo ut ægritudinis faeces ejiciat, dielque paulatim leniat, & mora quod sola ratio non potest. Αὐτὸς γὰρ πῖον ἐστὶν ἰατρὸς χεῖρ. Vultis finiam Auditores? Optima hæc lugendi defunctos ratio est, non tam in mortalitate Amicorum, quam exuerunt deploranda, quàm in nostra serio meditanda occupari, ut multò ante mori discamus, quàm moriendū est, ne nos incautos opprimat fatalis illa hora, sed paratos ad iter, & succinctos quocunq; etiam die, & loco. Quæ multo antè provisæ sunt, languidius incurrunt, & necesse est magis corruant, qui quasi ex inopinato feriuntur. Nullis enim illa gravis est quæ quibus inopina est, & repentina: At contra facile eam sustinet qui altiori mentis contemplatione, & animo terrenis cogitationibus defecato eam Deo & pietate ducibus, semper expectat, qui quicquid fieri potest, quasi futurum cogitat, & corpus suum non aliter adspicit, quàm vinculum aliquod libertati suæ circumdatum, & venturum iterum qui nos in lucem reponat diem, unicam quietis hinc ancoram, unicum ad perpetuam salutem viaticum, & viam. Quare ut in Scena partes qui peregit, personam vestemque ponit, & libens domum abit: sic noster hic animus æternitatis candidatus, à temporario Theatro, in ætheream illam Sedem, Dixi

F I N I S.



AMOR
1970









